

平定準噶爾方略正編卷之六十五

乾隆二十三年十一月丁未

副都統愛隆阿疏奏靖逆將軍納穆扎爾等信
息。

愛隆阿奏言。臣隨將軍兆惠於十月初五日至
葉爾羌。初十日渡河。令臣領兵五百名。又侍衛
奎瑪岱兵三百名。防範喀什噶爾來援賊衆。併

平定準噶爾方略正編卷之六十五

一

巡查臺站。候將軍納穆扎爾恭贊大臣三泰等
到時。派兵隨至大營。納穆扎爾三泰於十三日
至臣營。臣派騎兵二百五十名。步兵二百名護
送。納穆扎爾等但帶騎兵。於申刻起程。期以黎
明趨至大營。將臣遣回。十四日五鼓時。吉林兵
津保住來告云。將軍等聞鎗礮聲。遣奎瑪岱拏
獲回人。詢知賊營在近。卽擬衝擊。臣卽領步兵

渡河策應。又據署驍騎校黑柱來告云。將軍等

於黎明時望見回人三處營盤。正遣哨探問賊
衆三千餘。布陣來攻。將軍等卽接戰。人少馬乏。
不能衝突。不知信息如何。臣正在詢問間。將軍
兆惠遣人告知被圍之信。又據隨將軍納穆扎
爾等之賽里木回人等來告云。我兵遇賊力戰。

平定準噶爾方略正編卷之六十五

二

賊衆四面合圍。侍衛奎瑪岱先殞。將軍納穆扎
爾矢盡。恭贊大臣三泰墜馬。徒步接戰。僅餘二
矢。俱中賊鎗陣亡。傳聞此次回賊係波羅泥都
爲首。霍集占守城等語。臣於十五日聞知兩處
信息。若領兵應援。恐無濟於事。惟遵兆惠令。收
集臺站向阿克蘇。與舒赫德商議。整兵再進。兆
惠處有兵三千餘。宰食馬駝。可至正月。臣自臺
站前來。與副將定柱遇賊勦殺。於二十七日至

阿克蘇將所帶綠旗兵遣往烏什防守。至臣未能應援將軍罪不可追。懇請正法示眾。奏入得旨。愛隆阿遵兆惠行文。收集臺站。勦殺賊眾。尚屬効力。已加恩交部議敘。其送信回人等著舒赫德酌量賞給。陣亡兵丁查明送部議卹。俱已降諭旨。命優卹靖逆將軍納穆扎爾等。

上諭大學士曰。據愛隆阿奏稱。靖逆將軍納穆扎爾

平定準噶爾方略正編卷之三

三

叅贊大臣三泰及巴圖魯侍衛奎瑪岱。於十月十三日。領兵二百餘名。前赴將軍兆惠大營。至次日。有隨營兵丁等告稱。十三日夜四鼓時。納穆扎爾等遇逆賊三千餘人。倉猝接戰。納穆扎爾三泰奎瑪岱俱已陣亡等語。伊等奉命前赴軍營。輕裝進發。所領兵丁僅二百餘人。設令先到大營。固可會同進剿。卽後至一二日。亦與愛隆阿一同駐守。乃

星夜趨行之時。適遇賊眾猖獗。伊等並不肯於中途退避自全。惟知直前衝擊。以致授命捐軀。忠毅之氣深可嘉憫。納穆扎爾著贈公爵。三泰著贈子爵。俱世襲罔替。其侍衛奎瑪岱著照奇徹布之例。賞給世職。應得卹典。仍著該部察例具奏。陣亡兵丁人等。並著查明。分別從優賞卹。

命叅贊大臣舒赫德等補授工部尚書等缺。

平定準噶爾方略正編卷之三

四

上諭大學士曰。工部尚書鑲紅旗滿洲都統納穆扎爾員缺。著舒赫德補授。所遺吏部侍郎員缺。著阿里袞補授。戶部侍郎三泰員缺。著明瑞補授。正紅旗漢軍副都統著鄂弼陞補。永貴尚未來京。其刑部侍郎事務。著鄂弼暫行署理。

戊申。諭大學士管陝甘總督黃廷桂酌遣屯田兵丁備勦

事宜

上諭軍機大臣曰。據黃廷桂奏。稱來年添派屯田兵丁一萬三千餘名。計陸續解送馬匹牲隻。除倒斃外。所存尚不敷用。擬於臺站車驛。及採買驢頭。各營孳生兒騾馬匹內。各派二千。解送闕展。以備承貴撥用等語。具見實心經畫。從前添派屯田。原以辦理回部。今年可告成功。此時尚需策應軍營。整

平定縣志卷之五

五

師再進。則屯田自可稍緩。朕意於此項兵丁內。選派四五千名。預備進剿。伊等雖係步兵。而追隨騎兵之後。聲威益壯。至所備馬匹牲隻。擇水草佳處牧放。或供輓運。或備乘騎。於軍務有濟。而辦理更覺裕如。且來年必有應屯田之處。即再派一二千亦可。所派兵丁。雖或先已賞給。俟明年辦完回部後。尚需屯種。亦無庸追繳。至內地採買驢驢。恐民

間不無貽累。所派兵丁。既不及原額。自可暫停採買。將此傳諭黃廷桂。定長等。會商定議辦理。一面具奏。併傳諭兆惠。富德。舒赫德等。應作何調撥。酌議奏聞。

命分別獎飭領隊侍衛等。

上諭軍機大臣曰。據清馥奏。稱領隊侍衛豐訥亨等。因前奉緩行以息馬力之諭。今又准叅贊大臣等。

平定縣志卷之五

六

催令速行。咨請指示。隨行文令其酌量馬力。以速為要等語。所見甚是。軍營情形。緩急不同。行文日期。亦有先後。何必拘泥前旨。行走處尚如此觀望。臨陣決機。安能奮勉前進。可謂不曉事體。著傳旨嚴行申飭。適據額訥慎。塔爾海烏爾圖。納遜等奏。稱遇舒赫德所遣五十保。促令趨行。雖奉旨搜捕。嗎哈沁。自以策應軍營為急。即領兵速進等語。似

此方合手機。著紀功候賞五十保行走甚好。著加

恩授為三等侍衛。

授故叅贊大臣三泰之兄祥泰為散秩大臣。

上諭軍機大臣曰。三泰遇賊陣亡。伊家現無大員。著

加恩授伊兄祥泰為散秩大臣。

已酉。

諭辦理屯田副都統職銜定長等巡查臺站。

平定準噶爾方略正編卷之五

七

上諭軍機大臣曰。前命侍衛額訥慎等巡查臺站。今

聞信速赴軍營。時屆冬寒。西北大山一帶。嗎哈沁

勢難藏匿。或潛至臺站附近。乘間盜竊馬匹。亦未

可定。今屯田兵丁農務有暇。著傳諭定長等。選派

二三百名。巡查搜捕。彼處若有馬匹。則多派騎兵

更安。豆斌在軍營。尚無要務。著即照定長所領之

數。選派兵丁。前赴魯克察克爾展庫車一帶。往來

巡緝以清臺路。

庚戌。

申諭定邊右副將軍富德等速赴軍營。

上諭軍機大臣曰。據富德奏稱。十一月初十日。遇舒

赫德所遣藍翎侍衛扎勒都。告知軍營情形。即於

現在烏魯木齊兵丁一千三百名內。選索倫兵三

百名。吉林察哈爾綠旗兵二百名。令副都統鄂博

平定準噶爾方略正編卷之五

八

什侍衛瑪瑞額爾登額老格等為前隊。又派往巴

祿處之索倫兵五百名。現距烏魯木齊兩站。即親

行帶領起程。餘兵令瑚爾起帶往伊拉里克托克

三等處。支領馬匹軍器等語。所奏甚合機宜。即瑚

爾起之兵。不能趲赴。而預備來年再舉。亦甚有益。

惟宜加意奮勉前進。仍令瑚爾起曉示兵丁。以伊

等効力年久。本欲撤回。事出倉猝。暫行留用。一切

賞給。均照初次之例。沿途酌量馬力。速赴阿克蘇。會同舒赫德。計議進剿。

辛亥。

恩賞阿克蘇回城頭目等翎頂緞疋。

上諭軍機大臣曰。舒赫德奏稱管理阿克蘇之阿璉

阿卜都噶頗爾。副總管頗拉特。巴巴克於公事各

知奮勉。阿爾雜默特率先歸順。又督辦隘口卡倫

平定回疆方略卷之三

九

事務。俱屬効力等語。伊等甫經降附。卽感激報効。

殊屬可嘉。著加恩賞給阿璉阿卜都噶頗爾副總

管頗拉特。巴巴克孔雀翎。四品帽頂。阿爾雜默特

藍翎。仍酌量賞給緞疋。

諭參贊大臣巴祿等前赴兆惠軍營。

上諭軍機大臣曰。據巴祿奏稱前聞阿巴噶斯哈丹

餘賊。藏匿齋爾等處。隨經親往搜查。並無踪跡。今

遵旨回抵烏魯木齊。帶領新派兵丁前往等語。可

傳諭巴祿此時因將軍兆惠被圍。催各隊援兵速

進。所諭帶領之索倫兵。已經停止。而富德亦奏請

就近帶往軍營。阿巴噶斯哈丹餘賊。卽入俄羅斯。

亦無關緊要。若尚在藏匿。將來自可剿除。且又非

哈薩克錫喇可比。巴祿卽由進兵道路。前赴兆惠

軍營。又

平定回疆方略卷之三

十

諭曰。前因招降安集延納木干二城回人。約來春到

伊犁投見。曾降旨留兵一百名駐候。續巴祿因格

登山立碑紀功。請照前數派兵。令主事富魁駐劄

料理。併守候回人。但駐兵必須安設臺站。殊爲勞

費。若現在立碑事竣。回人尚無信息。卽當撤回。前

赴兆惠軍營。可傳諭定長酌量辦理。

恩賞哈密貝子玉素富貝勒品級。

上諭軍機大臣曰。舒赫德奏稱。貝子玉素富調取布魯特之特穆爾。占隨侍衛布占泰往布魯特發兵。攻勦喀什噶爾。今特穆爾占。遣其族子烏魯特。特穆爾等前來。玉素富辦給馬匹。又賞緞疋茶葉。養贍家口。伊等欣感起程等語。玉素富辦事軍營。駐守烏什。俱能悉心奮勉。甚屬可嘉。著加恩給與貝勒品級。

壬子。

平定準噶爾方略正編卷之三

十一

諭定邊右副將軍富德速往策應軍營。

上諭軍機大臣曰。富德奏稱。聞兆惠被圍之信。卽領兵量力。馬步兼行。約十二月二十內外。可至阿克蘇。計兵五千有奇。惟急需馬駝軍器。已行文各處辦事大臣。務期辦馬萬餘匹。駝數千隻。方足敷用等語。富德存心忠實。甚屬可嘉。以理揆之。必蒙

上天福佑。早告功成。至豫備馬駝一事。昨阿里衮親送

馬三千匹。駝七百隻。黃廷桂又送馬三千匹。合之各隊兵丁乘騎者。不下萬餘。若再急爲解送。則路遠候寒。徒致疲弊。此時舒赫德諒已前進。可傳諭富德。惟在速往應援。內外夾攻。賊衆必潰。我師暫回阿克蘇休息。來年五月。整兵再進。計內地牧養之馬。於二月起程。四月可到。且正當麥熟。軍食有資。蕩平回部。在此一舉。富德其加意奮勉。與將軍大臣等。會商辦理。

十二月癸丑朔。

平定準噶爾方略正編卷之三

十三

諭察哈爾總管敏珠爾等巡查臺站。

上諭軍機大臣曰。據敏珠爾等奏稱。兵至托克三。奉旨查拏偷盜特伯勒古臺站馬匹之賊。已速行至哈喇沙爾。向海都河等處搜捕等語。可傳諭敏珠

爾此時軍營若行文調取。自當速往應援。如未經起程。則臺站亦屬緊要。伊所領兵二百名。仍往來巡查臺站。以清道路。

諭陝西巡撫鐘音。辦送西安駐防官兵事宜。

上諭軍機大臣曰。鐘音所奏。辦送官兵一摺。內稱於西安雇用長騾。徑送出口。較設站遞送。更為便捷等語。昨據胡寶瑤覆奏。河南現辦雇騾六千餘頭。

平定縣志卷之三

十三

由西安送至蘭州。再令陝西接換。直送出口。所辦甚屬妥協。今蘭州以東。既用河南所辦。則陝西力更寬餘。徑可先期趨赴蘭州接替。直抵哈密。彼此俱屬便捷。其一切沿途委員。加意照料之處。均遵照前旨行。

甲寅。

命封大學士管陝甘總督黃廷桂為三等伯。

上諭大學士曰。大學士兼管陝甘總督黃廷桂。忠誠

素著。老成練達。西陲用兵以來。雖未身履行陣。而

籌辦一切軍需。動協機宜。多有朕所降諭旨。尚未

到肅。而適相脗合。旋即奏到。與朕所規畫。不約而

同者。數年以來。若非黃廷桂體國奉公。不遺餘力。

安得精詳妥協若此。而毫不累民。內地若無事。此

其功為尤大。朕心實深倚毗。宜晉崇階。用彰勞績。

平定縣志卷之三

十四

黃廷桂著由騎都尉。晉封為三等伯。並加賞紅寶石帽頂。四團龍補服。以示優異。又

諭曰。黃廷桂晉封伯爵。前授騎都尉。例應註銷。但此

職現賞給伊子。著加恩仍准其本身承襲。

命吏部侍郎阿里衮。補授兵部尚書。正紅旗蒙古都

統。

乙卯。

叅贊大臣舒赫德疏奏和闐等城回衆歸誠。

舒赫德奏言。十一月初五日。據阿克蘇之阿奇木伯克等。領散秩大臣伯克鄂對處。差來伊家送信之回人投見。據稱伯克鄂對。同侍衛齊凌扎卜。噶布舒前往招撫和闐時。途間捉生詢問。隨傳檄和闐頭目云。大兵已至。我等同

天朝侍衛前來招撫。爾等須作速投誠。否則大兵一

平定準噶爾方略正編卷之五

五

到。將爾等盡行勦滅。和闐頭目等聞信。遂將霍集占所遣之四五十人。驅逐逃走。於伯克鄂對等未到三日之前。即率衆出迎。鄂對等於九月二十左右入城。於是和闐所屬之哈喇哈什玉隴哈什塔克齊爾拉克勒底雅等城。伯克等聞風俱各投誠。鄂對等駐城二十五日。其各城頭目二十餘人。及隨從人等。約於十月十七八日。

同侍衛等由和闐起程。前往葉爾羌。投見將軍

等語。臣詢問回人等云。我侍衛同伯克鄂對。各城頭目皆往見將軍。曾否派委信實之人守城。和闐至葉爾羌。約行幾日。亦有前鋒哨探。據稱城守俱有信實之人。鄂對等約行七八日。可至軍營。仍於沿途探聽大兵信息。又問爾等曾遇見由阿克蘇先差之回人三名。續差之侍衛

平定準噶爾方略正編卷之五

六

一員。兵二十名否。據稱由阿克蘇至和闐。有兩三處路徑。我等雖聞有差員經過。並未相遇等語。臣伏思伯克鄂對等招撫和闐六城。往見將軍時。雖未得大兵信息。但鄂對人頗歷練。且有二侍衛與索倫兵。在途間留心探聽。如得大兵信息。料伊等必能籌辦。鎮撫各城。再以鄂對等起程之日計算。於途間得信轉回時。正可與臣

等所差之回人相值。一有信息。即行具奏。又阿克蘇之阿璉阿卜都噶頗爾副總管頗拉特巴。巴克及伯克鄂對之妻。因駐劄兵丁。行裝俱留。闕展。情願辦送羊皮襖二百件。布三百疋。添備冬衣。以表誠悃。臣等加以撫慰。擬酌量賞給銀兩。緞疋。以示獎勵。奏入。

上諭軍機大臣曰。伯克鄂對與侍衛齊凌扎卜等招

平定縣志卷之三

七

降和闐等城。前往軍營。投見將軍兆惠。殊屬可嘉。著加恩授鄂對為內大臣。其各城伯克應授散秩大臣。及三品四品總管者。候兆惠查明。奏請補授。仍俱賞戴孔雀翎。鄂對遣來阿克蘇送信。及舒赫德所遣偵探信息之回人等。俱著酌量賞給銀兩。其阿克蘇之阿璉及總管等。願助兵丁衣服。誠悃可嘉。著賞緞各四端。伊等所助冬衣。俱計值賞給。

此時舒赫德應已領兵起程。軍前効力人等宜加鼓勵。著發孔雀翎藍翎各二十枝。豫備賞賚。所有軍營信息。作速奏聞。

宣諭和闐等城歸附及軍前情形。

上諭大學士曰。據駐劄阿克蘇城尚書舒赫德奏稱。前遣散秩大臣伯克鄂對同侍衛齊凌扎卜噶布

舒等前往和闐城。招撫回衆。今據遣人告稱和闐

平定縣志卷之三

八

回人奉到傳檄。傾心投誠。即將逆賊霍集占遣往之數十人。追逐奔竄。率衆遠迎。其所屬之哈喇哈什。玉隴哈什。塔克齊爾。拉克勒底雅等五城伯克。亦俱聞信來降。今鄂對等率領各城頭目。赴葉爾羌投見將軍等語。初將軍兆惠勒兵前進。聲威所至。如烏什阿克蘇等城。相繼迎降。而伯克霍集斯復親詣軍營。歸順願効前驅。是賊首霍集占勢已

窮蹙。惟逃竄於葉爾羌。以圖苟延旦夕。若不乘機

直入。徑搗賊巢。則以霍集占之奸詭狡詐。焉知不

又煽惑諸城回衆。今觀和闐等城奉檄傾心。遣人

投見。可知我兵爲賊所拒。不過霍集占見各城解

體。不能煽惑。因悉其老弱之衆。以爲孤注之一擲

耳。則前此將軍兆惠等乘賊不備。整兵疾馳。亦係

應機進取。勢無中止之理。特以對壘時。不深知地

平定準噶爾方略正編卷之三

九

利。兼之馬力疲乏。是以未能克捷。並非賊勢猖獗

所致也。况軍營大臣。及侍衛兵丁等聞信之下。無

不切齒憤恨。星夜兼程前進。而肅州哈密巴里坤

大臣等。亦各將鎗礮軍器馬匹糧餉。迅速轉運。朕

心深爲嘉悅。觀大臣官兵如此奮勉。同心協力。則

八心上應

天心。自然默相成功。殄滅賊衆。以彼勢窮力蹙之逆回。

我兵內外夾攻。俾將軍兆惠等回至阿克蘇。遵朕

節次指示。來年整兵進剿。自可集事。卽此次進兵。

如蒙。

上天默佑。遇可乘之機。一舉成功。亦未可定。除伯克鄂

對等。皆已加恩外。將此通行曉諭知之。

巴圖魯侍衛濟塞布。以病留巴里坤身故。

授其子爲恩騎尉。賞銀一百兩。

平定準噶爾方略正編卷之三

三

丙辰。

諭刑部侍郎永貴等。辦理糧運等事宜。

上諭軍機大臣曰。永貴奏稱。准舒赫德咨。合計官兵

一萬四千。陸續運送口糧羊隻。可至來年二月等

語。但天寒道遠。所送羊隻。必多倒斃。白不能盡符

原數。而內地運糧駝隻。計白關展至庫車。正月望

後方到。仍須休息月餘。再行轉運。又不能接濟二

月以後之糧。請將運送籽種之駝。再派出二千隻。

作為兩隊轉運。其屯田事務酌量裁減停止等語。

昨據舒赫德合計兵數。及阿克蘇烏什所購米糧。

內地解送羊隻具奏。即諭黃廷桂多為籌辦。并停

止增派屯田。以籽種農具車輛轉運行糧。永貴尚

未聞知。又如各隊新派官兵。裹帶三個月口糧。俟

滿日再為支給。則為時又屬寬裕。永貴亦未計及。

平定縣志卷之三十五

主

故稍露畏難之意。然茲事豈能停止。至所奏各隊

官兵策應兆惠後稍為休息。俟來年夏令再行進

取。朕早降諭旨。但我兵既能與兆惠會合。聲威大

振。霍集占等逃潰之餘。若能乘勢擒剿。或伊等屬

人縛獻。又豈可回駐阿克蘇而坐失機會。凡事惟

在乘時決策。不可預存意見。併傳諭舒赫德曉諭

官兵等。加意搏節口糧。毋致糜費。

戊午。

諭三等侍衛達爾黨阿等帶領派出西安駐防官兵。

上諭軍機大臣曰。昨命都賚前往西安。挑選駐防滿

洲兵。令嵩阿禮楊桑阿帶領前赴軍營。伊署理將

軍事務。今據嵩阿禮奏。都賚各款。已命劉統勳

前往查審。嵩阿禮著仍留將軍之任。所派官兵二

千名。著達爾黨阿哈達哈分領。前赴軍營。

平定縣志卷之三十五

主

已未。

恩免陝甘各營借支養馬銀兩。

上諭大學士曰。陝甘滿漢各營餒解馬匹。自去秋至

今春。各項借支官銀。據黃廷桂查奏。計五十萬九

千二百餘兩。皆應行按限扣還之項。朕軫念邊兵。

著加恩全行寬免。用昭體卹勤勞至意。該部即遵

諭行。

庚申

恩諭增給購辦喀爾喀馬駝價值

上諭軍機大臣曰將軍成衮扎布等奏稱揀選達什

達瓦之厄魯特等於四部落購辦馬駝令其送往

巴里坤等語天氣現值冬寒喀爾喀等生計亦多

貧薄若按照從前價值未免不敷可傳諭成衮扎

布等購辦馬駝加恩酌量增給價值務使伊等毫

平定準噶爾方略正編卷之五

五

無擾累仍將現在辦理情形具奏

辛酉

命原任布政使同德以道銜隨在政使清復在巴里

坤辦事

賜副都統溫布圖布巴圖魯號由屯克特爾克巴圖

魯號所給雲騎尉職銜准伊子等承襲

壬戌

叅贊大臣舒赫德疏奏軍營情形及駐兵和闐事宜

舒赫德奏言十一月十二日夜伯克鄂對等遣

回人報稱九月二十四日招服和闐等六城十

月初九日遣回人四名往軍營報知將軍據回

稱將軍領兵現與賊衆交戰不能通信二十一

日又遣人往探二十七日回稱行遇賊營在大

平定準噶爾方略正編卷之五

五

兵營外屯劄竟不能通彼此互相結寨放鎗看

來大兵似被賊圍守若臺站不斷自可督兵應

援我等或由和闐或由烏什務往軍營探信又

克勒底雅城以外有人衆馱載陸續前來不知

係何處之兵亦遣人往探等語臣問來人和闐

等城情形如何據告稱六城人衆實心歸附各

圖堅守但以無馬不能出兵等語臣伏思和闐

等城今雖歸附。恐聞大兵被圍之信。妄生疑懼。

應派兵防護。因商之總管噶岱默特。據云現在

阿克蘇烏什。因駐有兵丁。人心頗定。和闐自應

照辦。臣卽派綠旗兵五百名。令遊擊伍凌阿守

備傳能帶領。人給十日口糧。撥馬三十匹。駝三

十隻。整裝起程。行文伯克鄂對。令其妥協辦理。

又臣於十一月十三日。閱富德咨將軍文云。富

平定縣縣志卷之三

五

德於十月二十二日。抵烏魯木齊。二十四日。令

努三。永德。前往闡展。於新調四千兵內。先辦送

索倫兵一千名。挑選馬三千匹。餘兵續行進發

等語。查各隊兵丁。臣於十月十八二十等日。俱

已催督前進。恐接富德行文。或致守候遲延。復

差人行催。并知會富德。卽行前進。奏入。報

聞。

癸亥。

三等侍衛五十保。以備問軍營情節來京。

賞銀五十兩。衣一襲。

命齋賜將軍兆惠等章服。馳驛前往軍營。

甲子。

命原任道員淑寶。以道銜隨布政使清穆。在巴里坤

辦事。

平定縣縣志卷之三

三

丙寅。

諭大學士管陝甘總督黃廷桂等。轉運糧餉事宜。

上諭軍機大臣曰。黃廷桂奏稱運送來年進剿兵丁

口糧。現在闡展有駝六千隻。仍需駝四五千隻。方

足敷用。請降旨直隸山西督撫。再行購辦。趙赴甘

肅備用等語。可傳諭黃廷桂。適已諭直隸總督方

觀。承辦駝二千隻。山西巡撫塔永寧。辦駝三千隻。

今又論塔永寧量力再辦二三千隻。隨得隨解。以濟軍需矣。運糧駝隻。購辦不易。朕意自庫車至阿克蘇。若雇回人牛驢。給以腳價。遞相傳送。又於屯田收穫糧石內。量為撥運。亦可稍省轉餉之勞。但此事恐非永貴所能獨辦。可傳諭舒赫德。計此旨到時。伊已應援將軍等。回抵阿克蘇。來年不必隨同進剿。仍於阿克蘇庫車之間。同永貴往來巡查糧運。勸課屯田。至撥運口糧時。或雇回人牲隻。或貧苦回人內。有願肩糧步送者。俱酌給價值。但宜視其果否情願。不可勉強派累。致失新附之心。德舒既辦理庫車事務。併著傳諭知之。

平定準噶爾方略正編卷之五

三

獎諭副都統巴圖濟爾噶爾等。

上諭軍機大臣曰。定長等奏。巴圖濟爾噶爾瑚爾起。

於十一月二十五日。領兵至伊拉里克。因馬駝未

至。兵丁等皆背負口糧軍器。步行戈壁。隨將現到。闕展駝隻。遣送。仍將續到馬駝。速為接濟等語。伊等所領官兵。皆應撤回更換者。昨因懇請前赴軍營。已諭照初次出兵例賞給。今又不候馬駝。步行速進。奮勉可嘉。除照前旨賞給外。巴圖濟爾噶爾現任鑲黃旗蒙古副都統。著加恩授伊弟恩克阿穆爾為藍翎侍衛。賞伊家銀一百兩。瑚爾起著補授正白旗蒙古副都統。傳諭巴圖濟爾噶爾等。曉示官兵。勉效前驅。以膺恩賞。

平定準噶爾方略正編卷之五

天

丁卯。

恩授呼岱巴爾氏為內大臣。并賞給効力回人等。

上諭軍機大臣曰。舒赫德奏稱。霍集占遣阿卜都克

勒木等。潛至阿克蘇。令回人克伯克默特。送書與

烏什之穆遜阿琿。為阿克雅爾回人呢雅斯等。怒

獲據阿克蘇之阿琿伯克等告稱穆遜之兄薩拉阿琿現在葉爾羌故致書伊弟伊二子一孫俱在烏什隨行文商之呼岱巴爾氏將薩拉之子孫圈禁并曉示回人俟究問明白再行辦理與眾無涉

勿妄驚疑等語呼岱巴爾氏之父霍集斯効力軍營伊復通曉事體深用嘉悅著加恩授為內大臣賞戴孔雀翎阿克蘇之阿琿伯克及孛獲送書人

平定縣志卷之三

无

之呢雅斯等可傳諭舒赫德俱酌量賞給銀兩緞疋再所奏賽里木回人協助馬駝自應賞給價值庫車距彼頗近併傳諭德舒每馬給銀八兩每駝給銀十五兩以示體卹

戊辰

諭定邊右副將軍富德一體賞給官兵

上諭軍機大臣曰富德奏稱伊所領滿洲索倫蒙古

官兵照初次出兵之例減半賞給整裝銀兩其綠旗厄魯特等兵應請旨遵行等語綠旗厄魯特兵丁俱在軍前効力俱著照例賞給以昭一視同仁之意

諭大學士管陝甘總督黃廷桂等會商糧運事宜

上諭軍機大臣曰據富德奏稱領兵進發見沿途地多戈壁兼之山險運糧騾駝多致傷損惟牛羊尚

平定縣志卷之三

辛

可趕送且回人等頗有口糧牲隻若折給銀兩令兵丁市買較為省便等語長途轉運維艱即內地購買牛羊亦復不易從前挑選牧羣馬牛羊隻俱在關展牧放原備屯田之用今軍需孔亟或俟草青時趕送軍營作為口糧亦可至耕犁缺額即酌量籽種多寡輔以人力此亦第就目前情形權其緩急不得不然者著將富德奏摺錄寄黃廷桂臬

達善清復定長等閱看。悉心會商。妥協辦理。其市
買回人口糧牲隻。即將哈密。巴里坤。闢展三處備
貯銀兩酌量動撥。亦傳諭富德舒赫德永貴知之。
議協濟甘肅驛站事宜。

軍機大臣奏言。黃廷桂奏稱甘肅驛站馬匹不
敷。應需添補。奉

旨。令臣等酌議具奏。查甘肅現辦軍務。既需添設。而

平定準噶爾方略正編卷之三

三

內地驛站。有差務簡少者。自應隨時裒益。臣等

會同兵部酌議。除直隸山西陝西等處。現在馳

遞軍務外。其山東河南安徽江蘇浙江江西湖

南湖北驛站。不過沿塘備用。並無緊急差務。自

應查明原額。量為裁減。臣等按照各省驛馬之

多寡。通計暫行酌減者三千三百匹。仍交各督

撫酌量地之衝僻。事之繁簡。分別抽撥。其山東

河南所裁一千五百匹。即就近解交直隸聽候
撥用。安徽等五省所裁一千八百匹。俱不必解
送。但於各驛。按數即行裁扣。至軍務告竣。應否
酌補原額。臣等會同兵部再行請

旨辦理。奏入

上從之。

平定準噶爾方略正編卷之三

三

平定準噶爾方略正編卷之六十六

乾隆二十三年十二月己巳

參贊大臣扎隆阿等疏奏擒獲烏梁海逃犯恩克。

扎隆阿等奏言。准郡王車木楚克扎布咨十月十七日。同內大臣察達克等在吹河派兵。分隊

捉生詢問逃犯恩克踪跡。旋獲同逃之扎巴濟

克四戶人口。又獲其屬人鄂特赫錫等。詢知恩

克在蘇穆勒圖。十一月初九日。又獲其弟哈齊

克。行至蘇穆勒圖。拏獲恩克之姪塞下騰。及其

家口。聞恩克在伊妹塔克爾奇里克游牧。其地

大山深林。恐聞風逃匿。令察哈爾三等侍衛額

爾德尼藍翎侍衛羅卜章。著參領薩第喀爾喀

參領吹烏梁海章。京扎瑪默勒塔勒克等官兵。

平定準噶爾方略正編卷之六十六

一

黃夜步行。拏獲恩克爾奇里克及同逃人等。

將恩克之妻。給與察達克同逃之妻子。分給兵

丁。又據布延圖卡倫報稱。恩克等於十二月初

一日。解到住宿。是夜。克爾奇里克逃走等語。臣

等。即派兵行文拏緝。其疎防之員。查明議處。奏

入。

上諭軍機大臣曰。據扎隆阿奏稱。車木楚克扎布領

兵。拏獲逃犯恩克等。甚屬効力。著加恩賞緞六端。

察達克賞緞四端。所有索倫察哈爾官兵。著查明

交部議敘。察達克所領兵丁。前雖賞給口糧。今既

拏獲逃犯。著加恩同喀爾喀等官兵。俱酌量賞給

銀兩。以示鼓勵。

上諭軍機大臣曰。據黃廷桂奏稱。富德等前進官兵。

諭辦理屯田副都統職銜定長酌給策應官兵駝隻。

平定準噶爾方略正編卷之六十六

二

需用駝隻俱以預備。糧運之駝供應。其巴祿瑚爾起等陸續進發。亦在所必需。若不加以撙節。則次年糧運轉致周章。已行文定長等。所有續到闕展駝隻。俱令牧養。不得輕為派撥等語。雖為來年糧運起見。然策應兆惠更屬目前要務。不得不權其緩急。可傳諭定長等辦理。各隊官兵起程。若馬匹疲乏。仍以駝隻接濟。不可拘泥黃廷桂來文。致有遲滯。

平定準噶爾方略正編卷五

三

諭大學士陝甘總督黃廷桂查辦軍營逃病兵丁。上諭軍機大臣曰。據黃廷桂奏稱。遵旨查辦雅爾哈善等所領綠旗兵丁。脫逃案內。其中有實係抱病在途。似與無故脫逃者不同。現咨屯田大臣等。將沿途逃病兵丁。解訊確情。定奪等語。兵丁中道脫逃。自應治以軍法。若實因患病留後。則情事迥不

平定準噶爾方略正編卷五

四

相侔。豈可漫無區別。乃雅爾哈善身為將軍。馬得勝專司提督。而於士卒之是逃是病。一切付之不問。亦可謂太無紀律矣。且兵丁內有患病之人。既不合隨時稟報。又不派員照管。及給與口糧。以資調養。甚至有流落者。卽此一事觀之。雅爾哈善馬得勝二人之罪。可勝誅乎。今事後查辦。雖有除名糧冊。其中詭逃為病者。亦恐不免。何足為據。若徒紛紛質對。或承辦之員。不能妥協。未必盡無冤抑。總之罪在雅爾哈善馬得勝。著黃廷桂查明兵丁逃病情由。如患病屬實。但革去名糧。免其治罪。大學士管陝甘總督黃廷桂。疏奏親驗馬匹起程日期。黃廷桂奏言。臣前奏擬於本月初四日。親往甘肅涼州一帶。查驗馬匹。今肅州所養馬匹。臣俱

飭交甘肅道輔德寧夏道勒爾謹等。公同加意
餉秣。初四日起程。先至甘州。續至涼州。查驗督
率。務宜及時餉秣。一律騰壯。臣再回肅州。其續
到事件。臣率同涼莊道明德。洮岷道程燾。俱於
途次辦理。奏入報

聞。

諭大學士管陝甘總督黃廷桂酌議賞給送馬官兵。

平定邊將軍奏摺

五

上諭軍機大臣曰。據同福杜奏稱黃廷桂調撥營馬
二千匹。至涼州餵養。伊親行送往。并派協領瑚柱
等作九起行走等語。解送馬匹之滿洲綠旗官兵。
沿途所需行糧。有無應給官項。伊等至涼州。照看
餉秣時。應如何加恩賞給。可傳諭黃廷桂查明議
奏。再降旨賞給。以示體恤。

壬申。

恭贊大臣扎隆阿疏奏。等獲逃犯克爾奇里克。

扎隆阿奏言。臣前奏逃犯恩克親黨克爾奇里

克於解至布延圖卡倫時。復行逃脫。押送之索

倫。獎賞藍翎喇卜坦等。比卽追捕。十二月初五

日。至烘郭爾鄂隆之源。追及克爾奇里克。走入

烏梁海副都統赤倫所屬馬甲根敦扎卜處。因

協同拏獲。臣等卽嚴加鎖縛。派員看守。於初八

平定邊將軍奏摺

六

日起程解京。奏入得

旨。亦倫根敦扎卜及効力官兵俱著酌量賞給。以示

鼓勵。

癸酉。

上諭軍機大臣曰。據努三等奏稱。伊等於庫車等處。

遇新派各隊官兵。俱疾速行走。計十二月初旬。可

俱抵阿克蘇等語。此次大臣侍衛官員兵丁向心協力晝夜行走甚屬奮勉。如此方是滿洲世僕。朕心深為軫念。前諭將軍營奮勉官兵查明具奏。可再傳諭光惠此次効力之大臣侍衛官兵等俱著查明註冊。俟功成之日。定沛恩施。以酬勞績。諭辦理屯田副都統品級定長豫備哈薩克貿易事宜。

平定準噶爾方略正編卷之六

七

上諭軍機大臣曰。據定長奏哈薩克阿布賚遣伊屬人至烏魯木齊懇求貿易。并與從前將軍等遣往哈薩克之寧古塔兵丁雅呼同來。卽派原任道員成德前往經理。又將阿布賚呈將軍大臣文書進呈。哈薩克既遣人前來。自應准其貿易。覽阿布賚呈文。則後此仍有貿易之人。若果如所約。亦照此次辦理。但呈文中有雅呼等兩次帶領伊等貿易。

懇將軍大臣獎賞。以示鼓勵等語。可傳諭定長伊貿易人等。若代雅呼懇求卽示以我等所辦者。惟貿易事務。至保舉効力之人。則不敢干預。爾等俟親見將軍時稟告。若雅呼伴爲不知。卽無庸向說。若亦私自懇請。卽令其來京候旨。仍將伊等言語情形具奏。

甲戌。

平定準噶爾方略正編卷之六

八

命辦理屯田按察使納世通前往阿克蘇辦事。上諭軍機大臣曰。納世通奏稱舒赫德現在領兵前進。辦理阿克蘇事務。惟永貴一人。請前往協辦等語。著照所請。前往阿克蘇。協同永貴辦事。哈喇沙爾事務。著書山辦理。定長范時綬仍著駐劄闡展。承辦一應事務。諭定邊左副將軍成袞扎布酌辦哈薩克使臣來京。

上諭軍機大臣曰。昨據定長奏稱哈薩克阿布賚之

兄阿布勒瑪木比特遣其子俄羅斯蘇爾統等三

十餘人隨喀喇沁臺站章京納旺前來入覲買馬。

由烏里雅蘇台行走。已傳諭納旺令其帶領速行。

於上元節前到京。如馬力不及亦不必勉強。仍傳

諭成袞扎布哈薩克所貢馬匹。若隨同行走。未免

遲滯。著先令使臣馳驛起程。將貢馬暫留軍營。從

平定縣學堂編修

九

容牽送。

乙亥。

諭定邊左副將軍成袞扎布酌量賞給追賊官兵。

上諭軍機大臣曰。福祿奏稱喀爾喀協理一等台吉

鄂木布濟索倫佐領錫爾伯圖等領兵擊獲盜竊

卡倫性隻賊人滿塔克等。應請正法示眾。其家口

分賞兵丁等語。福祿得親扎卜俱著交部議敘。仍

加賞得親扎卜緞六端。多爾濟車登達什朋楚克

車都卜鄂木布濟錫爾伯圖等。及効力兵丁。俱著

分別賞給緞疋銀兩。

恩免和托輝特之烏梁海本年未完貢賦。

上諭軍機大臣曰。據成袞扎布等奏稱和托輝特之

特斯奇木扎濟錫爾克騰等四部烏梁海。共十六

鄂拓克。一千一百餘戶。內五百餘戶。尚能交納貢

平定縣學堂編修

十

賦。餘皆無力。現在收取伊等貂鼠捨獐獐狼狐等

皮張。及鵬翎麝香等物。除麝香不准充貢。餘物量

其所值。以每戶三貂計算。僅得一百七十一戶。其

未完之項。請於次年帶收等語。此等烏梁海受青

滾雜卜擾害。生計俱屬艱難。著傳諭成袞扎布將

伊等未完貢賦。加恩豁免。仍令莫尼扎卜曉示伊

等從前何等苦累。今為大皇帝臣僕。除正供外。並

無額外需索。現在未交皮張。又行寬免。嗣後爾等應納貢賦。務如數交收。不可有意希恩。仍致缺少。莫尼扎卜辦理烏梁海事務。頗屬効力。著加恩賞給緞疋。

丙子。

諭叅贊大臣舒赫德等。查補調回卡倫兵丁等事宜。

上諭軍機大臣曰。據舒赫德呈報軍機處。因送回納

平定準噶爾方略正編卷之六

十一

穆扎爾等家人之便。將効力年久之察哈爾佐領

巴雅爾暨兵丁四十四名。撤回巴里坤等語。察哈

爾兵調往軍營。多用於卡倫臺站。所關甚要。不可

懸缺。可傳諭舒赫德清覈此等撤回兵丁。有原在

卡倫臺站者。自應將新派之察哈爾兵補缺。納穆

扎爾等之行裝。奎巴里坤。清覈即給與驛馬。由西

安一路來京。又所報同行有三等侍衛章武藍翎

侍衛班泰等家人。前愛隆阿奏報納穆扎爾三泰

信息。祇有侍衛奎瑪岱未及其。餘侍衛官員。俱著

兆惠舒赫德查明奏請優卹。

諭定邊左副將軍成袞扎布等。查辦擒獲逃犯。及疎

防旋獲之官兵等。

上諭軍機大臣曰。據扎隆阿查奏。擒獲恩克等之烏

梁海章京等。或照例賞給緞疋。或送部議敘。又開

平定準噶爾方略正編卷之六

十二

列一等兵丁。應賞銀六兩。其二等官兵。與烏梁海

兵丁等。俱毋庸議等語。昨伊等奏報獲犯時。已諭

將烏梁海兵丁一體賞給。著照一等兵丁例。賞銀

六兩。其二等官兵。著賞銀四兩。至所奏烏梁海章

京等。送部議敘。伊等惟圖賞賚。何知議敘之榮。著

將例賞緞疋。茶葉烟草。加倍賞給。又侍衛喇卜坦

等。以脫克爾齊里克旋行追獲。自可功罪相抵。喇

卜坦著加恩免其革職。所有看守兵丁俱免其革去名糧。照所擬鞭責穿箭遊營以示薄懲。

丁丑。

諭定邊左副將軍成袞扎布等辦送哈薩克使臣事宜。

上諭軍機大臣曰。據成袞扎布等奏稱哈薩克使臣等行至軍營。隨示以車駕今在京師。非爾等入覲

平定縣志卷之三

三

之時。但業已前來。須候請旨到日遵行等語。近因

定長等奏哈薩克人等由烏里雅蘇台前來。已傳

諭納旺令於上元節左右趨到。如不能。即從容行

走亦可。若以非時相阻。則豈有令其空回。或令候

至次年。抑或此時特為伊等臨幸熱河之理。若謂

伊等未經出痘。則從前亨集噶爾等尚且奏請來

京。此次自當照辦。所見殊屬拘泥。著遵前旨曉示。

或竟告以業經奏請。蒙恩念爾等遠來。若不令瞻仰。未免有虛誠意。况從前使臣等亦未經出痘。尚懇請來京。今時值隆冬。更自無妨。仍計正月十九日以前。能否抵京。酌量辦理。

戊寅。

諭乾清門頭等侍衛官長保等取道解送馬匹。

上諭軍機大臣曰。據富德奏稱解送馬匹牲畜。自巴

平定縣志卷之三

丙

里坤取道額林哈畢爾噶。經過烏魯木齊阿勒輝

伊克朱爾都斯巴哈朱爾都斯海都河喀喇淖爾

庫庫努忒嶺。至阿克蘇。較之現行臺路。既無戈壁

且饒水草。但須二月水雪消化時。方可行走。查朱

爾都斯等處。係達什達瓦舊游牧。本年策布登扎

布帶回厄魯特梅楞察罕扣章京帕克巴達什諾

爾布扎卜等三人。熟識路徑等語。著傳諭官長保

現在派調達什達瓦游牧兵丁。富德尚未知悉。伊等熟識路徑者。諒不止此三人。若三人業已在內。自可毋庸置議。即令有別項事故。亦不必定派伊等。或不必過巴里坤。徑由阿濟。必濟前往。亦即詢問熟識道路之人。伊等此去。由巴里坤行走。與否。酌定取道何處。即呈報軍機處。以便行文辦理。馬匹牲隻之大臣官員。併傳諭兆惠。富德。舒赫德等

平定準噶爾方略正編卷之六

五

知之。又

諭曰。黃廷桂奏。詢問侍衛德爾森。保據稱額林哈畢爾噶一帶水草甚佳。解送阿克蘇馬匹。應由此路行走。但沿途未免有嗎哈沁。西安滿洲兵。及達什達瓦厄魯特等。若令亦由此路。分起護送。更屬妥協等語。與富德所奏相符。已傳諭官長保。及解送馬匹之副都統伊柱。富景矣。可傳諭黃廷桂。俟官

長保將應否。仍由巴里坤取道之處。酌定知會。後來年解送馬匹牲隻。即照此辦理。起程可也。

參贊大臣舒赫德。疏奏起程策應日期。

舒赫德奏言。臣前奏請將愛隆阿所領滿洲索倫蒙古兵丁五百名。馬二百餘匹。速為飼秣。應壯。并酌量賽里木回人等。助出馬匹。辦理行裝。策應大兵。所調各隊新兵。有先到者。即帶領進

平定準噶爾方略正編卷之六

六

發。今據催督官兵人等。報稱察哈爾兵。健銳營頭二起兵。十二月初二三。必到。餘於初六七。可到。差往賽里木之人。雖未轉回。據阿克蘇阿理伯克阿奇木伯克鄂對之妻等。情願助馬一百匹。城守官員等。亦捐助馬駝。及存留運米駝騾。臣又於阿克蘇挑選綠旗烏鎗兵五百名。照管噶位兵一百二十名。分給官兵一月行糧。及飼

馬大麥於本月初四日同愛隆阿巴圖魯侍衛

占頗圖伍岱瑪呼占丕納回人總管噶岱默特

等領兵自阿克蘇起程酌於巴爾楚克留兵防

護臺站其阿克蘇城守有綠旗兵一千餘名令

副將定柱等管領烏什賽里木拜有貝子玉素

富及丑達等分領官兵防守和闐等六城有伯

克鄂對侍衛齊凌扎卜等管理奏入

平定縣志卷之三

七

上諭軍機大臣曰舒赫德奏整頓阿克蘇等處兵馬

策應兆惠軍營回城阿璉伯克及玉素富丑達等

捐助馬駝於本月初四日起程等語辦理殊屬妥

協伊等以忠勇之氣激勵將士軍威遠震內外合

擊倘蒙

上天福佑或可剿賊成功佇聞捷奏阿克蘇之阿璉伯

克及玉素富等捐助馬駝急公可嘉著俱折價賞

給令永貴辦理又據奏稱聞伯克鄂對有從和闐

城派馬步兵一千名預備羊隻糧石之信伊從軍

以來諸事奮勉此次尤徵誠悃著加恩賞給公品

級兆惠舒赫德等即傳諭知之

命於鄂爾多斯等處購辦牛羊

上諭軍機大臣曰現在大兵進剿需用牛羊以資軍

食著乾清門侍衛巴爾品郎中富雅馳驛前往鄂

平定縣志卷之三

六

爾多斯阿拉善山會同該扎薩克等於伊等牧羣

內牛羊就所有酌量購辦給以官價邇來牲價稍

昂可量為增給就近於寧夏庫貯銀兩內支領所

購牛羊亦著寧夏地方官送交督臣駐劄處所轉

送軍營

庚辰

諭辦理屯田副都統職銜定長曉示哈薩克貿易人

等事宜。

上諭軍機大臣曰。據定長奏稱。哈薩克阿布賚遣布魯特昆都渾等十餘人。前來貿易。於十二月初四日。至烏魯木齊。已行文舒景阿照例辦理。又收到阿布賚寄努三之書。懇賞貿易人等口糧馬匹。遣回游牧等語。哈薩克人等貿易。特為伊等圖獲利。息。情愿前來。惟計物價值。示以公平。並無另為辦理之法。若預備歸途行糧。此端斷不可開。著傳諭定長等。伊等貿易來人。知努三已離烏魯木齊。或不言及此事。若仍以阿布賚書信為詞。舒景阿即曉示云。我辦理貿易大臣。因爾等踰期不來。久已回京。理應停止貿易。但商貨尚存。念爾等遠來。空勞往返。故酌量辦理。貿易尚屬通融。此外事體。更不敢干預。且貿易人等。非請安進貢可比。從前亦

平定準噶爾方略正編卷之六

九

無給與口糧馬匹之例。即將伊等遣回。

賜侍衛德爾森保什爾瑪海巴圖魯號。賞銀一百兩。

辛巳。

貝子品級伯克霍集斯之子漠咱吧爾入

覲。

上御乾清宮受朝。漠咱吧爾行三跪九叩首禮畢。

賜冠帶。

平定準噶爾方略正編卷之六

十

壬午。

叅贊大臣舒赫德疏奏。兆惠軍營信息。

舒赫德奏言。十二月初三日。有回人托克托默

特自葉爾羌來投。臣即行詢問。據稱大兵至葉

爾羌。波羅泥都自喀什噶爾。領馬步五千人來

援。霍集占領馬步萬人。會合迎戰。圍守大兵三

十餘日。因聞喀什噶爾所屬英噶薩爾城忽被

布魯特搶掠。二賊猝謀禦敵。是日薄暮。將軍領兵縱火。奪取賊人營壘二處。收帳房六十餘架。勦殺看守人衆過半。二賊相謂。此必將軍與布魯特有約。卽圍守。經年諒難取勝。且力亦不支。莫若議和。或可少圖休息。因遣所屬及厄魯特各一人通信。將軍拘留不遣。以矢射書傳諭云。爾兄弟果欲納款。必先入覲。

平定回疆方略卷之六

三

大皇帝御前。否則不允。後二賊亦射書。願送口糧。撤回相見。將軍不報。從此俱未交鋒。又聞軍營脫出之厄魯特。告稱大兵於營地掘得米一百六十窖。收馬千餘匹。駝千餘隻。波羅泥都。因喀什噶爾告急。撤回防禦。所留僅二百人。臣詢托克托。默特係烏什回人。從伯克霍集斯之弟。阿卜都里木。駐阿克蘇。隨霍集占至葉爾羌。阿卜都

里木被拘。以伊能相馬見釋。有家口在烏什。此魯番。是以來投等語。臣詳察回人所告屬實。尤宜亟往應援。現駐阿克蘇及新派官兵。先至者計二千二百有奇。馬一千二百有奇。帶領前進。隨行文續到各隊官兵。及富德阿里。袞等。支領糧料。遣行進發。又令總管噶岱默特及阿克蘇阿軍伯克等。將伊等投誠後。安居樂業情形。及從賊必被勦滅。惟將霍集占等擒獻。或自來投順。可保身家。繕寫回字文書。曉示沿途回衆。奏人。

平定回疆方略卷之六

三

上諭軍機大臣曰。舒赫德奏。據來投回人告稱。將軍兆惠等。攻奪賊人營壘。霍集占等喪膽求和。兆惠責令輸誠入覲。始准納款等語。舉動雄偉。甚屬可嘉。著加恩賞給御用朝珠金黃帶荷包。此帶可常

時服用額敏和卓伯克霍集斯明瑞溫布由屯各賞給大小荷包道遠不能多齎賞物特派御前侍衛安泰前往宣慰并傳諭兆惠等將効力官兵查明奏請交部議敘至回人所聞脫出厄魯特等傳說軍營掘得窖糧之語或係伊等揚言或實有其事亦遇便奏聞。

乾隆二十四年春正月甲申。

平定準噶爾方略正編卷之六

三

諭大學士管陝甘總督黃廷桂等辦送捐糧回人賞項。

上諭軍機大臣曰據舒赫德奏稱和闐等六城米糧甚多距葉爾羌亦近將來大兵會合正需接濟若由內地送銀數萬兩緞數百疋青藍等布數千疋賞給捐助糧石回人則伊等踴躍急功可省運糧駝隻之費現在阿里衮親解馬駝請將所有餘駝

留運各城糧石已咨行黃廷桂吳達善定長阿里衮等語所辦甚屬妥協可傳諭黃廷桂等酌量多為運送以備賞給。

恩免甘肅通省來年地丁錢糧及各屬積年未完借欠雜項。

上諭大學士曰甘肅本年應徵地丁錢糧及歷年積欠銀兩草束等項業經上年屢次加恩豁免但念

平定準噶爾方略正編卷之六

四

該省邊地苦寒年來承辦軍需小民急公趨事朕心深為嘉予著再加恩將甘肅通省來年應徵地丁錢糧悉予蠲免該督撫等即行出示徧為曉諭并嚴飭屬員實力奉行副朕格外優恤邊氓至意又

諭曰甘省遠處邊陲地方寒瘠比歲收成歉薄生計未免拮据雖適年辦理軍需毫無派累而一切受

僱輓運。罔不踴躍。念公民情淳樸。深堪軫念。業經

疊次加恩。將連年正供雜項。并歷年積欠帶緩銀

糧草束。概予豁免。惟昨春曾被偏災之地。尚有官

借牛具籽種。口糧。及積年應交官項。為從前恩旨

所未及者。若照例徵收。無力貧黎。仍復艱於輸納

著再加恩。將甘省上年曾被偏災。及勘不成災各

州縣所有未完籽種糧九萬六千餘石。又折給銀

至雍慶路馬參奏

三

一千餘兩。未完口糧四萬四千七百餘石。又折給

銀五千八百餘兩。又各屬被旱。及被雹處所。內有

勘不成災地畝。原借籽種糧一萬一千三百餘石。

又折給銀二千五百餘兩。口糧一百餘石。又折給

銀四千七百餘兩。又甘州涼州肅州。未完牛價銀

一萬一千五百餘兩。乾隆二十三年。各屬借給牛

本糧一萬五千九百餘石。銀八千餘兩。阜蘭縣借

製水車未完銀兩。及雍正七年起至乾隆二十二

年止。未完牙稅磨課等銀兩。普行蠲免。其乾隆元

年至二十二年止。帶徵民欠未完各官養廉公費

銀三萬九千二百餘兩。糧一十二萬三千三百餘

石。并雍正十三年未完耗羨銀糧。均屬遠年積欠。

概予豁免。俾免追呼。以安耕作。至口內之柳林湖

毛目城等處。口外之靖逆柳溝赤金瓜州小灣等

至雍慶路馬參奏

三

處屯田。并著一體加恩。將本年應分糧石。各照交

官之數。酌減一半。交收。俾得均霑渥澤。

諭大學士管陝甘總督黃廷桂。查奏陝西承辦軍需

州縣應免錢糧。

上諭大學士曰。年來甘省承辦軍需。所有通省正供

疊經寬免。其帶緩各正雜錢糧。亦已屢次加恩。蠲

豁。今思陝西與甘肅毗連。小民踴躍趨事。未沐恩

膏除上年被災各屬已加賑恤外其餘或有承辦軍需州縣應如何分別加恩著黃廷桂詳悉查明奏聞候降諭旨。

乙酉。

命革守備唐國正等職留軍營効力贖罪并察議巴里坤辦事大臣阿里衮等。

上諭軍機大臣曰前據富德奏途遇巴里坤大臣辦

平定準噶爾方略正編卷之六

三

運伊犁兵丁口糧係陝西騾夫牽送騾頭既多瘦斃而夫役衣裝單薄斷難送到朕以長途運送於夫役全無體恤諭飭行查今據清馥奏稱因巴里坤兵丁不敷差遣添給騾夫銀兩令其送往伊犁仍委守備唐國正典史王尚潤照看伊等辦理不善應行參奏等語唐國正王尚潤俱著革職留軍營効力贖罪阿里衮清馥辦理亦未妥協併著交

部察議。

諭定邊將軍兆惠等查拏厄魯特宰桑瑪里格爾巴朗。

上諭軍機大臣曰從前進剿時逃脫之厄魯特瑪里

格爾巴朗今詢問回人漠咱吧爾據稱見伊隨霍

集占行走等語著傳諭兆惠進剿回人時查拏瑪

里格爾巴朗或對陣剿殺則已若業經擒獲即派

平定準噶爾方略正編卷之六

三

員解送來京至前在伊犁居住回人及投往回部之厄魯特等反覆可惡將來平定回部即將伊等全行剿滅以示懲創。

定邊右副將軍富德遣二等侍衛畢拉爾海署

驍騎校五格送來降之厄魯特綽羅斯台吉三

濟扎卜來京。

授三濟扎卜為三等侍衛在上駟院行走賞衣一襲。

其家口留京安插。畢拉爾海等俱賞給銀兩。馳驛仍往軍營。

叅贊大臣阿桂奏請議敘之厄魯特三等侍衛

卓里克圖巴圖魯碩通至京。

命於乾清門行走。

大學士管陝甘總督黃廷桂疏奏運送軍需銀兩羊隻。

平定縣縣志卷之六

完

黃廷桂奏言欽奉

諭旨。令臣酌購牛羊。辦送軍營。查內地之牛。不習口

外水土。成羣起解。每易倒斃。且耕作屆期。未免

難於購辦。惟各屬羊隻。尚可購辦四五萬。但時

值騰貴。從前定價八錢。頗屬不敷。懇

恩。每隻准給銀一兩。則小民均沾實惠。此時口外嚴

寒。請於來年二月起程。庶足接濟軍食。又奉

諭旨。以回部各城有糧可購。哈密等處貯備銀兩。宜

寬裕解送。臣於十二月初旬。因哈密需銀甚多。

已飭甘肅道將庫貯銀內。動撥二十萬兩。送往

哈密。即移咨吳達善等酌量寬裕解送。阿克蘇

備用。奏入。得

旨。如所議行。昨據舒赫德奏籌辦糧石一摺。已有旨

諭。今覽來奏。朕為糧運一事。可以稍紓懷矣。

平定縣縣志卷之六

三

丙戌。

恩准甘省奏銷僱役價值。并免舊欠賠補馬匹。

上諭大學士曰。從前甘省安臺送兵。多僱民間馬騾。

用過腳價。及到站守候。支給草料銀兩。該部按例

察核。議不准銷。但念領價分僱。俱屬無力里民。且

事在乾隆二十年。閱今三載。若復按名查追。邊氓

力難完繳。著加恩將送兵僱價銀三萬八千六百

餘兩。支過五日料草銀一萬一千九百餘兩。一併准其報銷。其乾隆十九年各標營州縣應賠北口馬四千六百餘匹。自當照數著追。第念該省文武各官比年承辦軍需。均能踴勉効力。並著格外加恩。一體免其賠補。副朕獎恤勤勞之意。

大學士管陝甘總督黃廷桂疏奏。派調綠旗官兵出口日期。

平定準噶爾方略正編卷之五

三

黃廷桂奏言。臣遵

旨。派進勦兵丁五千名。屯田兵一千名。及永貴等奏派屯田聽差兵五百名。嗣因屯田兵改調進。勦隨飭查明補給軍裝器械。并咨明吳達善補給賞項。茲據軍需局各道會同肅州鎮呈報。所派督撫提鎮各標副將遊擊都司千把外委等一百八員。帶領兵丁六千五百名。於本年十一

月二十九日起。至十二月十八日。俱先後全數出關。訖奏入報。

戊子。

命還吐魯番公素資滿等捐輸馬匹。

上諭軍機大臣曰。據定長奏稱。吐魯番公素資滿協理伯克木薩呈請捐馬百匹。以備軍需等語。素資

平定準噶爾方略正編卷之五

三

滿等感激朕恩。捐輸馬匹。情詞懇切。甚屬可嘉。但念伊等甫經移駐。牲隻諒亦無多。仍令存留應用。不必竭蹶捐輸。至伊等誠心。朕已洞鑒。可傳諭定長將朕旨明白曉示。

諭定邊將軍兆惠等。以拉達克所聞回部信息。

上諭軍機大臣曰。據章嘉胡土克圖等奏稱。現在藏地遣往拉達克探信人等。據拉達克汗傳聞將軍

攻取葉爾羌等城。霍集占逃在西得沙堪。若果來投。必先縛獻。且聞大兵將近伊地。其情形甚為畏懼。已移文撫慰。請諭將軍兆惠加以體恤等語。拉達克距葉爾羌甚遠。我兵尚在攻城。何由即近伊地。此必我兵平定烏什阿克蘇等城。直抵葉爾羌。賊眾驚恐流傳。故拉達克亦聞信息耳。看來回眾風聞。全無固志。尚覺易於辦理。將來霍集占若果潛逃。或追至拉達克。伊等素稱恭順。惟檄令擒送。霍集占。不可絲毫擾累。著傳諭兆惠及章嘉胡土克圖知之。

己丑。

命賞給內大臣呼岱巴爾氏捐馬價值。

上諭軍機大臣曰。據玉素富奏稱。伯克霍集斯之妻。

及幼丁呼岱巴爾氏等。聞進兵策應軍營。願捐馬

平定烏什阿克蘇等城

三

四十四。以抒誠悃等語。霍集斯歸誠以來。効力軍營。伊妻子等聞進兵信息。亦願捐馬匹。協濟進剿官兵。甚屬可嘉。可傳諭玉素富。每馬一匹。賞給銀十兩。就近於闕展。阿克蘇支給。仍將朕洞鑒伊等誠悃之處。曉示知之。

命賞八觀之伯克。漢咱吧爾銀三百兩。從行之伯克

伯克墨特鄂對。色里木達爾罕。伯克額穆魯勒

銀各五十兩。隨役七人。銀各十兩。

平定烏什阿克蘇等城

三

平定準噶爾方略正編卷之六十七

乾隆二十四年春正月庚寅

恩諭加增甘省運價。辦給營驛糧料各事宜。

上諭大學士曰。甘省承辦軍需。一切糧料草束食物

等項。採購既多。價值未免增長。所有額支運脚。亦

恐不敷。前已屢經降旨。節次量為增給。而肅州安

西一帶。市集尤為稀少。料草辦理維艱。宜加渥恩。

平定準噶爾方略正編卷之六十七

一

用昭體恤。著將該省運送賑糧兵糧脚價。均照輓

運軍糧之例。一體增給。其肅州安西塘驛應差馬

匹。及中路自高臺縣至涇州等二十一州縣。北路

自中衛縣至靈州六府廳州縣。所管塘驛馬匹。俱

暫停折支料草乾銀。著照例日給本色。以資飼秣。

俟軍務告竣。仍舊支給折色。再涼莊滿營。採買糧

料草束。及寧夏滿營官員。應需粳米。並著查明。照

依時價。採買供支。該督撫其妥協經理。毋任胥吏

從中侵蝕。轉致滋擾。

癸巳。

宣諭雅爾哈善罪狀。即行正法。

王公滿漢文武大臣等奏言。臣等遵

旨審訊雅爾哈善爾受

皇上重恩。身為將軍。不能盡方勦賊。當逆賊霍集占

平定準噶爾方略正編卷之六十七

二

敗入庫車時。任其脫逃。不親身追剿。又順德訥

疎脫霍集占之處。不早據實情叅奏。逐一訊問。

據供雅爾哈善受

恩深重。當逆賊遁入庫車。不能乘機擒獲。及順德訥

夜聞賊逃。不即追捕。即應嚴叅治罪。一面領兵

親往追擒。乃更隱忍不發。及賽里木回人供出。

始行叅奏。實係糊塗。希圖掩飾。罪無可辯。臣等

復將伊在軍營種種乖謬貽誤之處逐一嚴訊。

雅爾哈善俯首無辭。惟稱實無可辯等語。查雅

爾哈善奉

命勦賊。自應奮勉從事。乃進兵之初全無紀律。以致

綠旗兵沿途脫逃及病故者無可稽查。及至庫

車。以八九千官兵圍守一城。閱三月之久。

皇上天恩未加譴責。乃雅爾哈善喪盡天良。反示意

平定縣學堂卷之六十七

三

順德訥有不論功成與否得一空城亦可報命

之語。且惟知安坐營帳。並不親行督率巡查。雖

據狡供巡查數次。而質之侍衛德爾森保則實

止一次。至聽信綠旗謬計。挖掘地道。反為賊所

覺。傷損士卒。逆賊霍集占等出入庫車。毫無知

覺。及賊首遠遁。又不領兵追捕。迨來降回人供

出。知難掩飾。始將順德訥奏。欺罔之罪。尤為

重大。又庫車頭目阿卜都克勒木潛逃。所餘老

弱。出降雅爾哈善。猶未入城。撫定領兵數月。老

師糜餉。失機債事。死不蔽辜。應請

旨將雅爾哈善即行正法。以昭炯戒。奏入。

上諭大學士曰。雅爾哈善以將軍征討回部。乃自進

兵庫車以後。種種玩悞乖張。失機債事。為從前行

師失律。諸臣所未有。是以將伊拏解來京。自軍興

平定縣學堂卷之六十七

四

以來。問夜旁午。事事皆朕親理。委曲莫不悉知。即

其罪狀昭著。亦不待再加鞫訊。始抵於法。實因伊

貽誤軍國大事。欲令大廷廣眾。服刑示儆。所以彰

國憲而昭炯戒。乃朕逐款詰問。伊雖一一俯首無

辭。而猶然覩面求活。竟自舉達爾黨阿哈達哈之

例。冀以披甲効力。豈知人世間不知羞恥之人。竟

有至於如此者。試問伊獲罪情節。與彼二人同乎。

卽彼二人之從寬亦出於朕耳。豈人臣所可視以爲例乎。則知伊之本心原出於怯懦延悞。卽使獲罪。謂有例可援。不失爲曾作大臣之人。仍然保守家業妻子耳。此其心尚可問乎。今據王公大臣等公同集訊。合詞請旨正法。使雅爾哈善之罪。尚有一綫可原。朕固不因王公大臣等有此陳奏。然後明正典刑。似此萬難寬宥之人。亦不待衆論僉同。

平定準噶爾方略正編卷之七

五

游移從事也。且雅爾哈善之老師糜餉。安坐縱賊。前後情節。俱係伊隨時自行奏報。經朕一一親覽。洞燭者。其惟怯因循。居心欺罔之處。實難枚舉。母論沿途不能約束兵丁。任意逃竄。及聽信綠旗陋說。輕挖地道。傷損弁兵。全無馭衆敵愾之道。乃至身任闔帥。遇事高居簡出。對敵則藉稱憑高瞭望。並不親身督戰。守壘之兵。戒嚴數月。亦不親往巡

視。及庫車頭目潛遁。餘衆出降。又不親往經理。阿克蘇回衆。輸誠內附。並不前往受降。迨聞兆惠將至。意慮分功。始欲進發。而卒又不果。有一於此。尚得謂之有人心者乎。然其罪之最不可逭者。一在霍集占竄入庫車。則姑付之於不知。且寬其西逸之路。不卽追捕。又明知順德訥之玩賊養奸。而不

平定準噶爾方略正編卷之七

六

卽叅奏。直至賽里木降人供出。方以一奏誘罪。一在庫車賊黨阿卜都克勒木等尚未盡去。卽不力督攻取。授意順德訥有得一空城亦可報命之語。則又屬何心乎。此而不正其罪。置國法於何地。國家軍旅重寄。凡在臣工。無不當奮勇自効。大臣中果有勤勞懋著者。朕無不加以殊恩顯秩。用示鼓勵。若如雅爾哈善之貽悞至此。實出情理之外。總因前此承常策楞。玉保三人。以道斃漏網。未經解

京明正典刑。是以雅爾哈善一無忌憚。乃至引達

爾黨阿哈達哈之例。以自處。則為簧鼓之說者。可

知朕之執法為寬乎。為嚴乎。雅爾哈善罪案已定。

即再加之刑訊。亦不過恬不知恥。苟延旦夕耳。朕

實為眾愧之。亦不忍再加刑訊矣。著阿蘭泰達青

阿會同法司。前往監視。將雅爾哈善即行正法。夫

信賞必罰。乃人主用人行政之大權。若不謹持。成

平定縣志卷之七

七

憲。何以整肅軍紀。此不得已之苦心。王公大臣等

當共體此意者。朕亦無可引咎。惟增憤懣而已。將

此宜諭知之。

命賞侍衛德爾森保。碩通銀各五十兩。達呼里。鏘喀

保岱。三保。銀各三十兩。治裝馳驛前往西路軍

營。

甲午。

定邊右副將軍富德疏奏。兵抵阿克蘇日期。

富德奏言。臣於十一月十一日。自烏魯木齊起

程。十二月十六日。至阿克蘇。舒赫德努三等於

本月初四日起程。相隔不遠。臣輕騎晝夜趨行。

不過五六日。即可追及。其解送馬駝口糧等事。

飭交副將定柱辦理。臣即於十七日起程。再臣

隨行之吉林馬甲。綽卜泰。久在軍前。招降右部

平定縣志卷之七

八

哈薩克塔什罕。回人等。頗屬効力。請委署額外

驍騎校。遇缺即補。奏入。報

聞。

丙申。

諭定邊將軍兆惠等。辦理糧餉等事宜。

上諭軍機大臣曰。據清馥奏。稱趕送軍需牛羊。較米

麩。可省駝隻。但滿洲索倫蒙古等。習於肉食。綠旗

兵則不能。至回人米糧。若多買。則價必昂。請於牛羊外。仍將米麩銀兩。減半運送等語。所奏殊不曉事。昨據舒赫德奏。現備米糧。牲隻已數萬餘人。兩月之食。其陸續贖送之項。計可支數月。又多運銀兩。緞布。向回人購辦。斷無不能至六月之理。至六月則自當竣事。即再需數日。新降各回城。種植亦已成熟。足資接濟。清馥並不詳籌熟計。徒謂糧運

平定準噶爾方略卷六十七

九

艱難。總無善策。則一事亦不可行。豈有因此撤兵之理。似此空言無實。轉致搖動衆心。有何裨益。已傳旨申飭。可傳諭兆惠等。所有軍營糧餉。仍照節

次章程。酌量辦理。並將現在情形。作速奏聞。又

諭旨。清馥奏稱北路喀爾喀蒙古等。時將牛羊。由游牧送至巴里坤貿易。請派大員。向喀爾喀及達里剛愛等處採買。送往軍營等語。軍興以來。所購蒙

古等牲隻頗多。伊等一聞官買。即非情願。往往藏匿。現在軍營口糧。儘足應用。所請可不必行。或俟伊等與商民交易。再向商民買取。則轉運獲利。來者必多。陸續解送。似尚有益。但仍不可明示商民。恐蒙古等妄生疑畏。裹足不前。可傳諭清馥妥協辦理。再所奏因運送軍需。取用商駝二十五隻。每隻折價銀二十兩等語。恐未及伊等原值。著再加銀三兩。即行支給。如已回原籍。可行文黃廷桂。務將該商查出補給。毋任胥役侵蝕。

平定準噶爾方略卷六十七

十

丁酉。

奏贊大臣舒赫德等疏。奏和闐等城固守情形。舒赫德等奏言。十二月十三日。據侍衛齊凌扎卜。噶布舒散秩大臣伯克鄂對等報稱。逆賊霍集占遣賊黨阿卜都克勒木等六百餘人。自十

一月二十六日以後。往來和闐之額里齊哈喇

哈什等處。侵犯城池。搶劫村堡。現同眾伯克等

悉力拒守。擊退賊眾。將陣亡得傷官兵職名。及

額里齊等六城大小伯克職名。戶口糧石牲畜

數目。開單呈報。臣等移咨齊凌扎卜等令其同

心固守。以待援兵。嗣後情形。即報知阿克蘇辦

事大臣永貴等具奏。謹將臣等咨文。及原文二

平定縣志卷之六十七

十一

件。繕錄進

呈。奏入。

上諭軍機大臣曰。據舒赫德等奏稱侍衛齊凌扎卜。

噶布舒散秩大臣伯克鄂對等。安撫和闐等六城。

擊敗霍集占所遣賊黨等語。齊凌扎卜等奮勉効

力。深屬可嘉。伯克鄂對近已加恩賞給公品級。著

賞銀一百兩。仍交部議叙。齊凌扎卜賜號穆爾德

木圖巴圖魯賞銀一百兩。噶布舒賞銀五十兩。俱

授為二等侍衛。陣亡之察哈爾獎賞藍翎侍衛鄂

博得傷之索倫署防禦布特木濟馬甲那蘇圖俱

著交部照例分別議叙。議卹。得傷之回兵等著交

將軍兆惠酌量賞給。以示鼓勵。又

諭曰。侍衛齊凌扎卜等據伯克阿什默特。阿卜都哈

里克等將和闐等六城大小伯克職名。戶口糧石

平定縣志卷之六十七

十二

牲畜數目。列單呈報。誠悃可嘉。著賞給伯克等大

荷包各一對。阿什默特。阿布都哈里克俱著賞給

三品職銜。戴孔雀翎。其餘伯克等有應賞品級者。

著兆惠等查明具奏。其防守丕雅勒瑪卡倫之喀

爾喀袞楚克回人伊斯邁拉和卓。偵探賊信之索

倫布特木濟領催烏巴什回人愛達爾等。亦酌量

賞給。其回人薩里克聞係霍集占妻父。今遣

人誘脅額里齊哈喇哈什等城伯克等殊屬可惡併傳諭兆惠等將薩里克務行拏獲解京勿致免脫。

命四川總督開泰協辦陝甘事務。

上諭大學士曰黃廷桂偶感風寒尚需調治現在軍需緊要著開泰馳驛前往協同辦理俟黃廷桂病體痊愈開泰即由該處仍回四川總督之任。

平定準噶爾方略正編卷六十七

十三

己亥。

恩卹故大學士伯陝甘總督黃廷桂

上諭大學士曰大學士伯管陝甘總督黃廷桂忠誠敏達幹練老成歷任封疆勤勞懋著西睡用兵以來籌辦軍需備極勞瘁一切規畫機宜動與朕心昭合數年來轉運糧馬事事精詳妥協毫不累民內地不知有軍興之費厥功甚鉅倚毗方深是用

疊加寵錫晉爵賜金以彰勞績昨據蔣炳奉伊在

涼州偶感風寒力疾視事舊恙增劇即命福隆安

同御醫馳驛前往診視以冀速痊遠聞溢逝深為

震悼覽其遺疏當彌留之際尚拳拳以西師垂竣

籌辦軍儲為念益見體國奉公赤忱罔斁不知聲

與涕俱難以自禁即著福隆安前往奠醑賞銀一

萬兩交地方官料理喪事並准入祀賢良祠其伯

平定準噶爾方略正編卷六十七

十四

爵即令伊子承襲所有應得卹典仍著該部察例

具奏又

諭曰故大學士伯總督黃廷桂現已降旨賞賜銀兩令該省地方官經紀其喪靈柩起程時所過地方文武員弁俱著出城奠醑并派員沿途加意照料護送回京

辛丑

授甘肅巡撫吳達善為陝甘總督

上諭大學士曰陝甘總督員缺著吳達善補授甘肅

巡撫員缺著明德補授吳達善未到之前總督印

務即著明德暫行護理

命陞賞護送漠咱吧爾之藍翎侍衛關達色等

上諭軍機大臣曰藍翎侍衛關達色前鋒索諾木扎

卜護送漠咱吧爾來京甚屬奮勉著授關達色為

平定縣志卷之六十七

五

三等侍衛索諾木扎卜為藍翎侍衛索諾木扎卜

仍賞銀三十兩前往右衛休息數日由彼迎候漠

咱吧爾護送回伊所部回京之日賞給官房數間

令其居住

壬寅

諭定邊將軍兆惠等通信布魯特事宜

上諭軍機大臣曰據玉素富奏稱遣往布魯特之侍

衛布占泰轉回伊於十一月十八日至布魯特邊

界之阿特巴什聞逆賊霍集占差人請兵即向車

里克齊之子策里木伯特議擒賊黨并派兵協剿

據告稱伊等游牧係明伊勒哈辦理及前往曉示

又據稱來人已經逃走游牧人少不便調發欲往

瑪木特瑚里處因嶺雪甚大難於行走等語據布

占泰所告是布魯特人等並未出兵前搶掠喀什

平定縣志卷之六十七

六

噶爾所屬之英噶薩爾城係何處之兵可傳諭兆

惠等訪察遇便奏聞再逆賊霍集占等若尚未擒

獲需布魯特協助即傳旨曉示車里克齊等以霍

集占倘逃至爾處自當縛獻或需爾等協助亦當

乘大兵威勢多所俘獲且可雪前仇車里克齊入

覲遄歸亦諭清釐定長等於巴里坤一路留心傳

旨并將伊等言語若何作速奏聞

癸卯

諭甘肅巡撫明德等解送馬匹事宜。

上諭軍機大臣曰。吳達善補授總督。用明德為甘肅

巡撫。自應感激朕恩。一切盡心辦理。現在軍需孔

亟。吳達善尚未到任。凡糧餉馬駝器械。何一不當

籌畫。昨據官長保等奏報。選派達什達瓦兵丁五

百名。於本月初十日。至拜達里克。擬由烏里雅蘇

平定準噶爾方略正編卷六十七

七

台取道。徑往烏魯木齊。前抵阿克蘇等語。現在涼

州解送馬匹。俱由巴里坤前往。官長保即由哈卜

塔克拜塔克前赴巴里坤。收領馬匹。送至阿克蘇。

此項馬匹。會派副都統富景伊杜解送。伊等亦前

往巴里坤。候官長保到日。會同商辦。即行起程。俱

著傳諭知之。

諭陝甘將軍提鎮等奮勉協辦軍需。

上諭軍機大臣曰。現在進剿葉爾羌。糧餉馬匹最關

緊要。前經黃廷桂董率綜理。不遺餘力。籌畫始有

成規。今印務交明德接管。已傳諭令其實心實力。

遵循妥辦。但各該將軍提督總兵等。向因黃廷桂

調度。諸務就緒。倘明德接管。或稍有因循推諉。及

各分畛域。不能彼此協力襄事。則伊等罪由自取。

恐難曲貸。著通行傳諭伊等。俱係大員。一切軍需。

平定準噶爾方略正編卷六十七

大

經明德督飭辦理者。仍如黃廷桂存日。共相奮勉。

以濟軍務。毋以玩悞取咎。

甲辰。

諭派出備勦綠旗官兵。駐吐魯番聽調。

上諭軍機大臣曰。吳達善奏稱現調綠旗兵五千名。

俟至吐魯番。會同定長等。酌議挑選調撥。再照例

支給賞銀等語。著傳諭定長等。此次派出兵丁五

千名。專備五月進剿之用。伊等暫駐吐魯番聽候。將軍兆惠調撥。若派令進剿。定長等即照例給賞起程。或軍前不需調用。即令其屯田。不必照進剿兵丁之例。亦傳諭兆惠知之。

諭三等侍衛達爾黨阿等搜捕藏匿賊黨

上諭軍機大臣曰。昨命官長保等帶領達什達瓦兵

丁五百名。至巴里坤。同富景伊柱護送馬匹。前往

平定回疆方略卷之六十七

九

阿克蘇。可傳諭達爾黨阿。哈達哈伊等所領西安

滿洲兵二千名。亦前往巴里坤。會同官長保等行

走。計此時阿克蘇前進之兵。已抵葉爾羌。會合將

軍等。擒獲賊首。但賊眾敗走。必分道逃匿。而從逆

之沙喇斯瑪呼斯等。或未能盡剿。偷越山嶺。仍回

舊遊收藏匿。致侵擾屯田處所。亦未可定。達爾黨

阿等當詢問熟識路徑之厄魯特。於幽僻可藏之

地。俱派兵搜捕。遇有賊黨。盡行剿除。俾地方永遠寧謐。亦傳諭兆惠知之。

丙午。

哈薩克阿布勒瑪木比特阿布賚等所遣使臣

俄羅斯蘇爾統等來朝。

上御正大光明殿。俄羅斯蘇爾統等行禮畢。

命坐。

平定回疆方略卷之六十七

二十

賜茶。是晚於山高水長。

賜觀火戲。

阿克蘇辦事侍郎永貴等疏奏和闐烏什各城

信息

永貴等奏言。十二月二十日侍衛齊凌扎卜噶

布舒納爾布散秩大臣鄂對等報稱。自葉爾羌

前來賊黨鄂斯瑞塞頗爾等領眾六百。於十一

月二十六日至哈喇哈什額里齊中間屯駐。屢

次攻城。因兩處騎兵共五十餘名。不能互相策

應。聞賊有往葉爾羌添兵之信。請調發騎兵數

百名。以壯聲援等語。臣等行文烏什之貝子玉

素富得馬二十匹。副將定柱在阿克蘇得馬四

十匹。尚不敷用。擬於哈密續送軍營馬一千餘

匹內酌量扣辦。將來黃廷桂續辦馬三千匹。至

平定準噶爾方略正編卷之六十七

三

阿克蘇時。應請扣留一千匹。以備調撥。又十二

月二十四日。阿克蘇伯克博羅特等告稱本月

二十日。阿克蘇西南之克勒費音被賊掠去四

人。內一人呼圖魯克得脫。識賊人密爾托遜。即

克勒費音之人。從賊往喀什噶爾。其母尚居原

處。擒來詰問。據供伊子隨波羅泥都圖取烏什

差來探聽等語。臣等曠示各城。以賊人未知大

兵陸續進發。妄行生事。自可計日剿除。一面遠

設卡倫瞭望。并行文玉素富預作準備。并將密

爾托遜之母。即行正法。奏入。

上諭軍機大臣曰。永貴等奏稱賊黨鄂斯滿塞頗爾

阻截額里齊哈喇哈什要路。請派馬兵數百名協

剿。又稱波羅泥都有圖取烏什之信等語。烏什距

阿克蘇頗近。駐兵亦少。賊人欲圖攻取之言。雖未

平定準噶爾方略正編卷之六十七

三

可全信。而安撫回衆。防守城池。自屬要務。內地續

送馬匹。到日。自應酌量扣留。派兵發往。至和闐前

已派兵五百名。若尚未起程。且先發往烏什。或賊

人來信。係屬虛傳。再往和闐防守可也。

叅贊大臣阿里衮疏奏自阿克蘇起程日期。

阿里衮奏言臣押送馬駝。於十二月二十五日

至阿克蘇。計馬二千匹。尚可趨行者一千八百

有奇駝七百五十隻可趨行者七百二十隻有奇餘卽於阿克蘇牧放備用。臣與副都統鄂博什等領兵六百餘名辦給行糧卽於二十六日起程奏入報

聞。

丁未。

勅諭布魯特車里克齊等協擒逃賊事宜。

平定縣縣志卷之六十七

五

皇帝勅諭布魯特車里克齊等。近據將軍大臣等奏稱差往爾等游牧之侍衛布占泰會見爾策里木伯特及明伊勒哈等。知爾等游牧人少且牧放牲畜。又值冬寒雪大不能發兵等語。朕洞悉情形已降旨傳諭爾等以極邊藩部慕義歸誠特欲共享安樂且將軍大臣此時應已成功爾等派兵與否無甚關係但逆賊波羅泥都霍集占及附和之回

人厄魯特等爲大兵攻剿有逃入爾等游牧者務將著名首惡查拏縛送卽可見感恩効力之忱朕必重加恩賞又近差往右部哈薩克之章京納旺等帶領使臣入覲途遇爾布魯特喀喇巴圖等差往哈薩克之巴爾瑚圖告云厄魯特哈薩克錫喇挈眷屬二十餘人逃入爾布魯特之薩雅克薩喇巴噶什鄂拓克等語哈薩克錫喇係負恩背叛之賊不可寬宥者今逃入爾等游牧似屬實情爾等自應曉示該鄂拓克人等將逃賊夫婦卽行拏送其屬人不妨存留爾車里克齊等奉到諭旨卽酌量該鄂拓克距爾等游牧遠近或親往查拏或令其擒送并傳示云若復如前隱匿則將軍大臣等領兵親往搜捕該鄂拓克必致驚擾惟速爲擒送軍營將軍等奏聞定邀厚賞再我大兵昨進剿逆

平定縣縣志卷之六十七

五

回傳聞喇布魯特人等會搶掠喀什噶爾之英噶薩爾城。波羅泥都轉回救應。今爾游牧並無發兵之說。則此舉又係何人。我兵正在攻取賊城。此等布魯特發兵搶掠。以分賊勢。甚屬可嘉。朕欲加恩獎勵。爾等亦查明具奏。此等布魯特皆爾同類。伊受朕恩。爾等亦與有榮施也。爾等其據實繕寫奏章。交沿途所遇駐劄大臣。卽爲轉奏。特諭。又

平定準噶爾方略正編卷六十七

三

諭軍機大臣曰。勅諭布魯特車里克齊等之旨。著傳諭清馥卽轉交車里克齊。如有回奏。卽由臺站馳遞。若伊等業自巴里坤起程。清馥處卽由臺站速行馳遞。取其回奏轉奏。

諭三等侍衛達爾黨阿等辦理續送馬匹。

上諭軍機大臣曰。據富景等奏稱涼州送馬二萬三千匹。於二月下旬。可至巴里坤。西安滿洲兵亦於

二月初旬可到等語。此項兵丁馬匹。全抵巴里坤後。計三月初旬。始行進發。及至阿克蘇。則前進官兵。早已會合成功。因傳諭兆惠酌量需用與否。如不需用。卽行文知會。將兵丁撤回。其馬匹留巴里坤牧放。可傳諭達爾黨阿等。若接到將軍撤兵之信。所有官兵。卽用原來車輛馬匹。乘載轉回。將趕送馬匹。交與清馥。令其加意牧放備用。不可沿途

平定準噶爾方略正編卷六十七

三

更換乘騎。以致疲乏。俱著傳諭知之。

叅贊大臣舒赫德等疏奏沿途詢問情形。

舒赫德等奏言。臣等進兵以來。十二月十八日。

至巴爾楚克。收回索倫兵丁科潤勒岱阿拉善

察罕察哈爾喇什扎卜博爾啟四人。據稱隨將

軍納穆扎爾等進兵。被傷藏匿。尋覓大營不得。

沿途再遇賊人十餘。同來六人內。兩察哈爾被

擒。又數次遇見步行之嗎哈沁等語。臣等恐係

賊人偵探我兵。問之總管噶岱默特。據稱霍集

占等。將沿途卡倫撤回。此等回人。皆從前埋藏

糧食。遺棄什物者。今暫來尋覓耳。查兆惠進兵

之路。水草原屬平常。又經踐踏。及賊人燒燬。臣

等沿途詢問嚮導等。於二十日渡葉爾羌河。二

十一日至額爾吉斯。距軍營約八九日程期。臣

平定縣學士編卷六十七

壬

愛隆阿曾經行走。同噶岱默特為前隊。捉生詢

問。至巴爾楚克係通葉爾羌喀什噶爾總路。歧

途錯出。此外若安設臺站。恐被賊搶奪。因於相

去九十里之亨喇克。以五十人設一臺。有軍營

要事專差馳送。不過五六日可至。俟富德前來

應否再行安設。酌量辦理。奏入。

上諭軍機大臣曰。舒赫德奏稱路遇薩納穆扎爾進

兵之索倫阿拉善等被傷兵丁。覓路轉回殊屬可

憫。著將軍大臣等酌量賞給。將來我兵會合。若擒

獲霍集占等。固稱竣事。即使渠魁逃遁。而回城盡

皆收服。亦無難追襲。惟一時不能就緒。必暫回阿

克蘇。則往返有需時日。因思和闐各城。去葉爾羌

頗近。米穀有資。且當賊人逃走之路。或就近駐劄

和闐。整頓兵馬。再圖大舉。似屬長策。可傳諭兆惠

平定縣學士編卷六十七

壬

富德舒赫德等酌量情形。會議具奏。

諭阿克蘇辦事侍郎永貴賞給兵丁衣履事宜。

上諭軍機大臣曰。據蔣炳奏稱永貴吞取藍白布各

八九千疋。及針線等物。辦送哈密。轉解庫車阿克

蘇等處。備賞兵丁等語。兵丁衣履殘敝。官為辦給

事理宜然。但軍營効力各兵。自應一體恩恤。若擇

其衣履殘敝者。始行賞給。即非均平之道。或有情

願支領於鹽菜銀內坐扣還項尚屬可行惟不可令其覓交銀兩可傳諭永貴所辦賞項是否向有成例及作何分賞之處聲明具奏

勅諭巴里坤辦事布政使清馥酌辦哈薩克使臣馬駝

上諭軍機大臣曰據清馥奏稱辦理右部哈薩克使臣起程計馱載賜物衣裝及護送官兵口糧共需

平定準噶爾方略正編卷六十七

无

駝九十隻又支給官兵使臣等每人馬二匹共需馬一百三十餘匹等語所辦又屬錯悞哈薩克布魯特人等原有騎來馬駝至巴里坤存留牧養始從臺站更換赴京歸程之時仍應換給伊等乘騎若因其初次入覲酌量添備亦應明白曉示令人伊本境後即為發回何必盡從官辦伊等係極邊藩部惟利是圖若不定以章程則自此來者日多

何以供給從前準噶爾來使回巢亦俱送至巴里

坤即更換原來牲畜並無官辦之例况此等請安之微末人等乎清馥特聞知伊等到京後朕加恩宴資即如此辦理殊屬外任習氣可傳諭清馥曉

示哈薩克人等以官辦原無成例特因爾等初次

入覲酌量辦給嗣後只於巴里坤更換原來騎馱此項官馬駝至爾等境內時即交護送官兵等帶

平定準噶爾方略正編卷六十七

三

回仍將如何添辦飭交之處具奏若此時業已辦理起程即著定長照此曉示并飭知護送之侍衛官員

庚戌

陝甘總督吳達善疏奏自哈密馳回甘肅日期吳達善奏言正月十八日據布政使蔣炳報知大學士伯總督黃廷桂於正月十一日病故伏

查現在滿兵陸續出關。所謂文武各官。在甘州

涼州等處。飼秣馬匹。正需挑驗起解。且恐沿途

供給官兵各員。或聞督臣之信。稍有懈弛。臣隨

將哈密事務。交五吉辦理。卽馳回甘肅查辦一

切。俟新督臣到時。仍往哈密辦事奏入。得

旨。汝此來甚是。汝材器聲望。實不及黃廷桂。但若用

新人。恐更不如汝熟路也。故不得已。卽用汝爲總

平定邊疆方略卷六十七

三

督。汝其勉之。但須實心實力。效黃廷桂之居心行

事。或能勝任。亦未可知。有黃廷桂在。實可慰西顧

內地之憂。一心專辦軍務。今將並繫懷甘陝于寤

寐也。汝知朕一片苦衷。感發天良。不存顧己之念。

或不負任用之意。然此際所最要者。莫如鎮靜若

無事。不然。屬員見汝底裏。稍形竭蹶。悞事不淺。勉

之勉之。

辛亥。

命喀爾喀親王桑寨多爾濟。採買馬駝。

上諭軍機大臣曰。烏里雅蘇臺軍營馬駝。近年需用

之處。雖較前頗少。但該處來往各部落人等甚多。

且軍營坐卡各差。仍需馬駝備用。著交桑寨多爾

濟於喀爾喀庫倫地方。採買馬匹駝隻。約二三千。

照依官價給銀。由內部撥解。

平定邊疆方略卷六十七

三

二月壬子朔。

諭定邊左副將軍成袞扎布等。酌量留撤北路官兵。

上諭軍機大臣曰。成袞扎布等奏稱。北路所有索倫

兵六百餘名。察哈爾兵九百餘名。請交營總舒都

勒副都統職銜柏起等。照例給予口糧。陸續遣回

游牧。所留滿洲喀爾喀綠旗兵。一千三百名。以八

百名看守烏里雅蘇臺塔米爾倉庫。以五百名駐

劄布延圖等語。北路現在無事。兵丁在外年久。索倫察哈爾兵著照所奏撤回游牧。布延圖無庸駐兵五百。著留三百看守倉庫。其看守烏里雅蘇台塔米爾倉庫之兵丁八百名。著留六百。各撤二百名。卽同索倫察哈爾兵。遣回原處。布延圖兵丁亦係暫駐。今歲回部事竣。卽行撤回。

駐劄關展副都統定長等疏奏移設臺站。

平定準噶爾方略正編卷之六十七

三

定長等奏言。去年三月內。大兵前進。自托克三取道伊拉里克博爾圖嶺。過哈喇沙爾至庫車。安設臺站。經兆惠富德等。以嶺高雪大。地多戈壁。應行移駐。咨行。又准永貴咨。與阿里衮相會時。據稱由素巴什帶領馬駝。尚不甚險。且有水草等語。臣等卽向吐魯番公素賚滿咨。取熟識路徑。回人同遊擊達色等。查勘得由托克三之

南素巴什一帶。共設臺站五處。可通特伯勒固臺站。內素巴什庫木什阿哈瑪烏什阿克坦三處。尚多水草。阿克布拉克一處。有駝隻可食之草。惟額爾吉齊一處無水。因於山中掘得一泉。可供臺站人馬之用。請將博爾圖嶺阿咱罕布拉克和斯特勒克塔塔爾察罕通曲輝等臺站。撤回改駐。謹繪圖恭呈。

平定準噶爾方略正編卷之六十七

三

御覽。再寧古塔兵丁雅呼。係前從準噶爾脫出居住安西之人。今帶領哈薩克人等貿易事竣。或遣往軍營。或令其進京。應請旨遵行。奏入。得旨。臺站自應留心查辦。雅呼著送京發回原旗。癸丑。諭陝甘總督吳達善等。辦送軍營馬匹牲隻事宜。

上諭軍機大臣曰。據明德奏稱。前任督臣黃廷桂奏

明撥解阿克蘇馬一萬六千匹。辦給西安滿洲兵。

及達什達瓦兵丁馬七千匹。送馬大臣官兵乘騎

三百五十匹。俱挑選齊全。擬交代總督印務後。卽

馳赴口外。嚴加督察。又阿拉善郡王羅卜藏多爾

濟捐輸羊五千隻。送至鎮番縣業經收領等語。又

據巴爾品等奏稱於鄂爾多斯扎薩克購得牛三

平定縣縣志卷之六十七

董

千頭。羊四萬隻。山羊八千隻。貝勒齊旺班珠爾等

捐輸牛一千餘頭。羊五千餘隻。請親身送至寧夏

等語。軍營馬匹牲隻。所關緊要。現在得馬二萬三

千匹。牛四千餘頭。羊五萬三千餘隻。從前黃廷桂

辦解軍需。悉心籌畫。以故屬員奉法。毫無貽悞。可

傳諭吳達善等循照成規。加意辦理。定長。永貴等

接辦轉解。亦宜一體勤慎。郡王羅卜藏多爾濟未

奉購辦之旨。卽願捐輸羊隻。著加恩賞給大緞六

端。大荷包一對。小荷包六個。齊旺班珠爾請將採

買捐輸牲隻。親身解送。著加恩賞戴三眼翎。仍賞

大緞四端。伊等捐輸牲隻。俱著給與價值。至所送

牲隻。合之運往口糧。及屯田收穫穀石。已足敷軍

營官兵一歲之用。毋庸另行籌辦。俱各傳諭知之。

命賞給哈薩克使人俄羅斯蘇爾統銀二百兩。多遂

平定縣縣志卷之六十七

美

巴圖魯阿克塔木伯爾氏巴圖魯銀各一百五十

兩。車里克齊等四人銀各一百兩。伊氏等十八人

及隨僕三人銀各五十兩。

陝甘總督吳達善疏奏哈密防兵懇請留班。

吳達善奏言查哈密防兵。例係二年一換。於四

八月交班。今據署總兵素昌阿呈報。該防兵等

因四月班期在邇。現在大兵進剿。及押運屯田。

需兵甚多。伊等未能効力疆場。情願告駐一班。

稍抒報効之忱。籲請懇切。自應俯順兵情。准其

留防。如蒙

俞允。請照換防之例。支給整裝俸賞。以示體恤。奏入。

報

聞。

平定準噶爾方略正編卷之六十七

羊

平定準噶爾方略正編卷之六十八

乾隆二十四年二月丙辰

議購買俄羅斯馬匹事宜。

喀爾喀親王桑寨多爾濟奏言。查內地商民於

恰克圖。購買俄羅斯皮張等物。又於布里雅特

以布疋茶葉換易馬匹牲隻。似於軍需有益。應

請

平定準噶爾方略正編卷之六十八

一

旨交與管理貿易司員。或以官銀令商民承辦。或仍

令商民置買。每年可得馬一二千匹。奏入。得

旨軍機大臣議奏。尋議收買俄羅斯馬匹牲隻。事屬

可行。但必須遴選幹員前往。查理藩院員外郎

佛祿會在恰克圖辦事。頗悉該處情形。戶部郎

中范清注習於貿易。張家口恰克圖等處。又有

伊商駁臣等酌議。派令前往。遣人詢訪俄羅斯

馬匹實價。再動支官銀購買。仍不露官辦形迹。俟交易後。派員送至張家口。將驢馬彌補收羣。欠數。驟馬兒馬。交總管等歸入收羣孳生。於軍需備用。自有裨益。奏入。

上從之。

戊午。

諭四川總督開泰等接濟甘省錢文。

平定縣路驛驛參平八

二

上諭軍機大臣曰。甘省連年承辦軍需。錢價未免昂貴。西安鼓鑄爐座無多。從前已屢次協撥。現存無幾。四川為產銅之區。添爐鼓鑄。錢文必多。若由水路運至略陽。轉送甘省。即增添運費。較之甘省現在錢價。尚當減省。著傳諭開泰查明該省存局餘錢。儘其所得。撥出數萬串。委員陸續運至略陽。交陝省委員轉運甘肅一帶。視錢文之多寡。酌定成

數。搭放兵餉。以每銀一兩。折錢八百文為率。如有贏餘。即設局減價兌換。并計其兌換銀數報部。於撥解甘省協餉時。照數扣除。收撥川省抵餉。以省往返運送之煩。并傳諭明德知之。

壬戌。

賜哈薩克阿布勒巴木比特等。

勅書。

平定縣路驛驛參平八

三

皇帝勅諭哈薩克汗阿布勒巴木比特阿布賚阿布勒比斯等。昨據將軍等具奏。爾等遣俄羅斯蘇爾統等。代請朕安。由烏里雅蘇台。伴送至京。朕嘉爾等誠悃。疊申宴賚。念爾阿布勒巴木比特等遠在外藩。若照內地扎薩克。授以爵秩。恐爾等有拘職守。前阿布賚等遣使入覲時。已傳諭及此。爾阿布勒巴木比特亦各依舊俗。安居游牧。庶無擾累。爾

等如遣使輸忱。朕亦不靳恩賞。其賜爾阿布勒巴木比特等緞疋器什茶葉若干。使臣歸日。爾等其各祇受。又賜來使等衣物銀兩若干。及使臣隨僕等緞疋銀兩。俱諭爾等知之。又昨准俄羅斯部落來文。有爾等哈薩克舊係伊屬之語。朕命所司傳諭云。前大兵進剿厄魯特。抵哈薩克邊界。伊等慕化投誠。我大國之體。自當撫納。非若汝外邦。動以威力相加。與之約誓。責其貢賦。亦未嘗禁其服屬他國也。嗣後爾等即與俄羅斯往來。亦所不校。其勉輸誠悃。永享無窮之福。特諭。

平定準噶爾方略正編卷六十八

四

諭定邊左副將軍成衮扎布等辦理哈薩克來使歸途事宜。

上諭軍機大臣曰。哈薩克請安使臣歸途。仍令納旺照管。據伊等奏。稱沿途貿易。及買蒙古人口。請旨

遵行。朕諭以貿易之事。係爾等私情。不便傳諭。至蒙古等。皆朕臣僕。與爾等一體。而喀爾喀尤服屬年久。自不肯售賣人口。或新附之都爾伯特扎哈沁等部落。有此舉動。只得聽其自便。亦不能預為期約。再伊等稟告軍機大臣。欲將留於軍營休息之人。一體賞賜。恐此次伴送。伊等又復言及。亦當明白曉示。以此等人並未入覲。例不應賞。念其久住客邸。推廣仁恩。每人賞緞一端。再此等哈薩克使人等。所攜賞物頗多。駝隻不足。必請添補。當告以向無官辦之例。或自行僱覓。我等仰體呈仁。代為傳集。尙屬可行。即以伊等賞項辦理。若再三懇求。亦止此次酌量辦給。後不為例。其駝隻仍交納旺帶回。斷不可曲順其情。致伊等習以為常。無所限制。

平定準噶爾方略正編卷六十八

五

癸亥

宣諭哈寧阿罪狀

上諭大學士曰。哈寧阿以軍行失律。解京鞠訊。據供

詞與雅爾哈善相符。且將雅爾哈善種種謬戾乖

張。失機僨事情節。指陳如繪。是雅爾哈善雖已伏

法。實不足以蔽其辜。夫雅爾哈善既為將軍。而哈

寧阿即其叅贊。以將軍罪狀如此。為叅贊者。自當

平定縣志卷之六

六

以軍國之計為重。據實叅奏。乃隱忍貽悞。又從而

附和之。滿洲世僕。豈宜出此。且哈寧阿又非他人

可比。自伊父哈達哈獲罪。經朕加恩矜宥。并予以

自効之途。伊苟有人心。念及伊父。亦將倍加感奮。

矧軍旅重寄。三軍之命繫焉。顧因循玩視。可乎。核

哈寧阿之罪。正與雅爾哈善等。應即正典刑。以肅

軍紀。第以叅贊究屬相助為理之人。前哈寧阿曾

隨將軍兆惠。山濟爾哈朗力戰而出。雖現在所犯

情罪。斷難稍貸。仍念伊前勞。暫緩正法。著監候。秋

後處決。以示寬典。朕用人行政。事無鉅細。一秉虛

公。自問信賞必罰。毫無偏倚。若事關軍務。尤期法

在必行。然使其人尚有微績可錄。亦不忍竟沒。臨

時必量予加恩。此中權衡輕重。實可下對天下臣

民。今將哈寧阿留候秋讞。著通諭中外。俾眾共知

平定縣志卷之六

七

之

甲子。

定邊右副將軍富德等疏奏大敗賊眾於呼爾

滿。

富德等奏言。臣舒赫德等於十二月初四日。從

阿克蘇領兵三千五百餘名。馬一千七百餘匹。

途次牽趕牧放。前至巴爾楚克。臣富德領兵三

百餘名。於十二月二十五日相會。一面遣人催

送馬匹。二十九日。臣等批生詢問。據供霍集占

聞知大兵來援。現在并力攻取將軍兆惠營寨

等語。臣等即將平常兵丁。及一切行李。俱酌量

存留。令進剿兵丁。乘騎駝隻前進。正月初六日。

至呼爾璜。逆賊霍集占。領騎賊五千餘。迎戰。臣

富德。臣舒赫德。將中軍兩翼馬兵六百餘名。令

平定準噶爾方略正編卷之六十八

八

努三。愛隆阿。帶領。又叅贊大臣福祿。領隊大臣

永慶。

乾清門侍衛瑪瑞瑚什。公特通額。額訥慎。訥齊訥

正黃旗額爾登額。塔爾海。正白旗額爾登額。科

普薩烏爾圖。納遜。棟保。蒙固勒伊。達木扎卜。巴

圖魯侍衛老格。占頗圖。伍岱瑪呼。占丕納。福永

承德。豐訥亨。豐安等。各按部伍。排列鎗礮。其索

倫察哈爾善射步兵。分列兩翼。從已至申。與賊

相持。合戰十餘次。賊始敗潰。提督豆斌。領中軍

鎗礮。攻奪賊人所據高岡。臣富德。努三。領左翼

兵。奪取逆賊帳房。及旗纛鎗礮等物。臣舒赫德

愛隆阿。領右翼兵。將據溝為營之賊眾。擊敗數

次。計追奔十五里。勦賊百餘人。受傷者甚眾。我

兵多係步行。所有馬匹。多因疲乏。及中鎗礮倒

平定準噶爾方略正編卷之六十八

九

斃。僅存百餘。不能馳驟。是晚。收兵覓水安營。次

晨。領兵前進。途遇戈壁。賊眾又踞高阜。迎戰。臣

等以鎗礮攻擊。賊即退避。步兵不能追及。相持

一晝夜。初八日。賊知我兵乏馬。四面進攻。官兵

奮勇迎敵。擊退數次。多有勦殺。賊恃其眾。仍合

圍拒守。臣等與各官兵。因駐兵砂磧。兩晝夜無

水。吞咽零星冰塊。人馬俱乏。惟望解送馬匹。計

日應到。臣等是夜布列方陣。覓有水之地安營。

一面遣人往迎臣阿里袞通信。行未十里。聞賊

在後。施放鎗礮。我殿後之侍衛額爾登額豐訥

亨豐安領健銳營兵接戰。賊遂敗退。及我兵起

行。賊復來挑戰。天曉。至沁達勒河。賊又奪我渡

口。卽整兵嚴守。賊不能奪。相持一晝夜。臣等計

議。逆賊知我馬力不足。敢於侵擾。若不奮勇勦

殺。無以示威。軍營尙有可用之馬五十餘匹。給

與精壯兵丁乘騎。再派健步兵丁二百名。往襲

賊營。初九日夜月落後。行至卡倫。適臣阿里袞

已遇臣等通信之人。卽挑選馬駝趨行。與襲賊

兵會合。臣阿里袞鄂博什分兩翼奮呼衝突。盡

力勦殺。初十日黎明。領兵回營。聞擊敗賊人。尙

有吹角招集逃衆者。臣努三鄂博什等領兵從

平定縣志卷之六

十

右攻擊。臣阿里袞愛隆阿。自左夾攻。臣富德居

中追勦。殺賊數百人。收獲烏鎗長槍。及疲乏馬

匹無算。詢問俘獲人口。據稱賊人被勦者千餘。

受傷者甚衆。交鋒之初。波羅泥都烏鎗傷脇。昇

入城中。旋回喀什噶爾。又所殺巴圖爾十五人。

大伯克數十人等語。計自正月初六至初十日。

五日四夜。領隊大臣侍衛官兵等。俱奮勉勦賊。

至健銳營兵丁。訓練有年。火器精利。爭先殺賊。

陣亡者二十餘名。得傷者七十餘名。滿洲吉林

索倫察哈爾綠旗兵丁。陣亡七十餘名。其大臣

官兵內得傷者。如提督豆斌。脅前總管三都卜

唇上侍衛額訥慎。腰間塔爾海肩背。占丕納手

指。俱中烏鎗傷。侍衛瑪瑞。腮頰齒牙項臂受傷。

數處。老格肩骨及左腿中槍。未損。此次奮勉官

平定縣志卷之六

十一

兵內酌量獎賞孔雀翎藍翎與陣亡得傷官兵

分別造冊送部臣等復詢知將軍兆惠等堅守

待援正欲通信適兆惠營中聞臣等鎗礮之聲

已知援兵俱集遣索倫兵二名伯克霍集斯所

屬回人二名賁文知會臣等云上年十月十三

日領兵至通古斯魯克遇馬步賊眾二萬餘人

我官兵千餘人內渡河者僅五百餘名雖有斬

平定準噶爾方略正編卷之六十八

十二

獲而馬力疲乏被賊遮圍暫行據守賊亦掘濠

立寨相持閱今三月晝夜攻戰賊人初引水灌

營我兵即掘濠宣洩又以葦帚蔽體來犯即用

火焚燒又掘溝伏身前進即乘高擊退本年正

月初八日遙聞北面有鎗礮之聲想援兵已至

即乘夜選兵千餘名製備雲梯兩路衝突燒燬

賊營陣斬千餘人生擒五十餘人獲旗纛軍器

無算即欲會同勦賊奈步賊雖敗而騎賊尙於

遠處偵伺未敢輕動因遣回人畢齊起等問道

宵行移咨將軍大臣等現在何處及勦賊情形

并作何等畫來援會勦現在軍營人等俱安好

無恙等語臣等當即定期夾攻備文付來人賁

回今臣阿里袞送到馬一千匹駝四百隻臣等

乘賊敗潰整兵往援仰賴

平定準噶爾方略正編卷之六十八

十三

聖主天威務期擒獲渠魁以告成功奏入

上諭大學士曰據富德等奏報正月初六日統領官

兵行至呼爾瑞逆會霍集占等率賊騎五千抗拒

官軍奮勇轉戰至初九日我兵因馬匹遠行力乏

不能悉行斬獲是夜月落後適叅贊阿里袞送馬

已到正遇分遣勦賊官兵即與鄂博什分爲兩翼

謹呼馳突陣戮賊眾甚夥至初十日天曉收兵回

營計五日四夜殺賊千餘。及中傷者無算。初六日交戰時。逆酋波羅泥都魯間中鳥鎗傷甚劇。賊昇之入城。旋回喀什噶爾。計陣戮賊巴圖爾十五名。大伯克數十名。至將軍兆惠在營中固守。聞鎗礮聲。知援兵已至。即遣索倫兵回人等。賫文通信等語。覽奏深為感慰。此皆

上蒼默垂眷佑。諸大臣以及官兵等。忠誠敵愾所致。富

平定縣志卷之六十八

十四

德數年來。宣力勤勞。此次奮勇督勦。厥功懋著。著加恩封為三等伯爵。舒赫德雖屢經獲罪。今知奮勉自贖。亦屬可嘉。阿里衮前雖未著成勞。今送馬濟軍。如期集事。且會同勦賊。擊殺甚多。朕心深為獎許。計此次勦賊有功。自領隊大臣以上。人人踴躍自効。提督豆斌率中軍鎗礮。鼓勇前進。奪取賊營。脅受鎗傷。著加恩一體議敘。并各賞給世職。所

有陣亡及効力之侍衛官員兵丁等。俟兆惠富德查明造冊報部到日。一併照例優加敘卹。富德等摺奏及兆惠咨文併發。又

諭曰。覽富德等捷奏。甚屬奮勉。伊從前奏請。趨行前進。及舒赫德催督各隊兵馬。陸續進發。俱甚合機宜。若不如此辦理。焉能勦殺賊衆。通信軍營。朕心深為嘉悅。但逆賊霍集占等。喪胆之餘。惟有逃遁

平定縣志卷之六十八

十五

今各城回衆皆降。自必慮其縛獻。惟大兵追勦後。北路駐兵甚少。伊曾任伊犁。熟其道路。或就彼往投俄羅斯。亦未可定。兆惠富德等宜籌堵截之策。且伊二人既會兵一處。足以辦事。而阿克蘇駐劄需人。著舒赫德即回阿克蘇辦事。明瑞亦遵前旨馳驛來京。至舒赫德駐劄阿克蘇時。有烏什回人托克托默特來投。據告稱將軍等於營中。掘得窖

粟及得馬千匹。駝千隻。波羅泥都已回喀什噶爾等語。今覽兆惠咨文。伊等並未收獲馬駝。而富德又奏稱波羅泥都臨陣負傷。昇入城中。是托克托默特所言。盡屬子虛。或係霍集占等遣來詐降。以懈我軍心。自應嚴加窮詰。著永貴。玉素富等查明托克托默特現在何處。即嚴拏送往軍營。交與兆惠審理。俱著傳諭知之。又

平定準噶爾方略正編卷之六十八

六

諭曰。此次應援軍營。雖勦賊甚多。而逆賊等巢穴尙存。自必勉強支吾。萬一負隅固守。而我馬力尙未甚足。仍須駐候。前曾諭及我兵若回阿克蘇。則多勞往返。即就近駐劄和闐方妥。惟是駐兵之後。一切糧運。自必由烏什一路行走。倘逆賊等窺我北路兵少。由間道抄截。亦未可定。故阿克蘇地方最要。已諭舒赫德速回辦事矣。至官兵亦不必俱聚

和闐。或分駐阿克蘇。則糧運易集。而聲援亦接。若業已擒獲渠魁。即無庸置議。總之伊等身在軍前。惟宜相機辦理。固不必拘泥朕旨。亦不可坐失事會也。著將辦理情形。作速奏聞。

乙丑。

諭定邊將軍兆惠等酌調布魯特兵丁事宜。

上諭軍機大臣曰。據清馥奏稱。遵旨詢問布魯特使

平定準噶爾方略正編卷之六十八

七

臣車里克齊等。以派兵協勦逆回一事。據稱行至游牧後。情願量力出兵。協助將軍大臣等語。前經舒赫德奏稱。侍衛布占泰等。見車里克齊之弟。言及派兵。伊等以游牧事務。係明伊勒哈管理。復因天寒雪盛。布占泰暫行回營。今雖據伊等懇請自効。但所言亦恐無定。惟視我之情形。我兵力精銳。則踴躍隨行。或稍覺平常。即從中觀望。此亦外藩

情勢之必然者。伊等既有此言。若果踐前約。兆惠等亦酌量獎賞調用。如可以不需。自當相機發遣。著因便傳諭知之。

恩授總管噶岱默特為頭等侍衛。

上諭軍機大臣曰。富德等奏稱同人噶岱默特經將軍兆惠派同愛隆阿駐防要隘。後同回阿克蘇。又

隨軍前進。熟習沿途情形。頗得其力等語。噶岱默

平定縣志卷之二十八

六

特著加恩投為頭等侍衛。有回城伯克缺出。即令其管理。

命巴圖魯侍衛瑪瑞等來京。

上諭軍機大臣曰。昨諭明瑞遵前旨馳驛來京。詢問

軍前情形。今思侍衛瑪瑞老格等。此次甚屬効力。

且得傷可念。自應來京休息。而新派之侍衛等似

老格得傷者。尚有幾人。著兆惠等查明令其分起

來京。

丁卯。

申諭侍衛官長保等。趨送馬匹事宜。

上諭軍機大臣曰。清馥奏稱。詢知侍衛官長保等。帶領達什達瓦兵丁。由烏里雅蘇台。哈布塔克。拜塔克。直抵烏魯木齊。因將伊等應得錢糧。送至烏魯木齊辦給。又達爾黨阿等。自巴里坤至烏魯木齊。

平定縣志卷之二十八

七

需用熟識水草之嚮導等。已於索倫察哈爾厄魯特等兵丁內。派出二百餘名等語。所辦尚是。從前

諭官長保等。由巴里坤。會同達爾黨阿等行走。原

以厄魯特等。頗悉沿途情事。今既就近前往。自無

庸議。若伊等接得前旨。仍回巴里坤。更為妥協。但

厄魯特等。雖稱熟識水草。而我兵。豈遂無歷練之

人。可傳諭達爾黨阿等。自巴里坤前往。務嚴飭新

派官兵沿途加意照看。并勦殺嗎哈沁等。或葉爾羌喀什噶爾等處。有厄魯特及回人逃來。卽行勦殺。以清臺路。庶馬匹不致被竊。而渠魁亦難漏網矣。

命選派俄羅斯送出之索倫察哈爾等來京。

上諭軍機大臣曰。據喀爾喀親王齊巴克雅喇木不勒等奏報。俄羅斯將舍楞等帶往之察哈爾佐領

平定準噶爾方略正編卷之六十八

二十

巴彥察克等十八人查出。送至恰克圖等語。可傳諭成衮扎布等。巴彥察克等十八人。被陷得脫。殊可軫念。伊等至烏里雅蘇台。卽於索倫察哈爾厄魯特內。擇其明白曉事者各一人。賞給行裝。馳驛來京。以備詢問。餘十五人。酌量賞給。令其各回游牧。其來京之人。不必派員照管。

戊辰。

諭阿克蘇辦事侍郎永貴派兵防送糧運。

上諭軍機大臣曰。永貴奏稱現在派駝二百五十隻。將回人所交米麩。及弓箭火藥鉛丸。酌分馱載。又趕送羊一千五百隻。前往軍營等語。接濟軍需。甚關緊要。此時將軍等正與逆賊相持。恐有賊黨乘間搶劫。可傳諭永貴於起運時。多派官兵沿途防護。免致疎虞。

平定準噶爾方略正編卷之六十八

三十一

諭辦理屯田副都統定長酌派聽調之綠旗兵丁。上諭軍機大臣曰。定長奏稱新派綠旗兵丁五千名。駐吐魯番聽候調遣。已會同總兵楊寧將老弱者撤回。其名糧於屯田兵丁內充補。仍飭該管官嚴加約束等語。此次派出綠旗兵。前諭聽候兆惠行文。或調令進剿。或留派屯田。今時值春耕。與其坐糜糧餉。莫若先事耕作。可傳諭定長卽將兵丁五

千名分發吐魯番附近屯田處所令其開墾庶伊等不致閒住滋事於屯務亦有裨益

已已

定邊將軍兆惠等疏奏擊敗賊衆與援兵會合

兆惠等奏言臣等自上年十月十三日被圍賊

人屢次侵犯俱爲我兵擊退賊因掘壘築臺彼

此相持此三月內賊引水灌營我兵卽決濠宜

平定縣志卷之六十八

三

洩或以葦埽蔽體及掘溝潛伏俱爲我兵焚燒

截殺狡計百出卒不得逞且於帳房附近拾得

賊人鎗礮鉛丸數萬卽以擊賊仰賴

聖主洪福惟侍衛富紹等數人陣亡其餘官兵中傷

者尙少賊見不能獲利因遣人於營外告稱從

前我等擒獻達瓦齊遣人入

覲至今未回今年

天朝因何發兵征討粹圍庫車現在大和卓木自喀

什噶爾前來並不知小和卓木抗拒大兵之事

祈將軍遣使向我等入

覲等語臣答云

天朝大兵特爲聲討霍集占負恩之罪及追擊自伊

犁逃竄之逆回厄魯特等與波羅泥都無涉

大皇帝早已洞鑒奉有

平定縣志卷之六十八

三

諭旨因不知波羅泥都所在是以未經頒給今旣到

此卽應欽遵

諭旨將伊弟霍集占及阿卜都克勒木等并自伊犁

同來助惡回人沙喇斯瑪呼斯厄魯特等一併

擒獻隨恭捧

諭旨設於案上令回人等捧去逆賊計窮並無回信

今年正月初八日遙聞北面鎗礮聲知援兵已

集臣等遂於是夜架豎雲梯挑兵千餘各分為兩翼奮力衝出奪取賊人營壘燒燬高臺勦賊千餘人生擒五十餘人收獲烏鎗長槍旗纛等軍器無算即欲往會援兵而步賊雖敗騎賊仍於遠處窺伺因遣索倫奈圖善伯圖等黃夜繞道通信臣富德等領兵進勦於十四日早離臣等所駐二十里臣等即帶兵按隊相迎現在合

平定準噶爾方略正編卷之六十八

五

兵一處除此次在事奮勉効力之大臣侍衛官兵遵

旨詳查具奏外其如何整兵再進擒獲賊首勦殺逆黨之處公同酌議續奏奏入報

聞。

定邊右副將軍富德等疏奏擊敗賊衆與將軍等會合。

富德等奏言臣等於正月初六日在呼爾瑞遇賊轉戰五月初十日得兆惠咨文即令來人轉覆十二日伊等復回據稱賊人卡倫火光甚大不能前進臣等即於十三日整兵二鼓起程五鼓至葉爾羌河岸偵探兆惠軍營相距二十里望見賊營烟火即行駐兵與領隊大臣侍衛等分定中軍兩翼排列整齊十四日黎明前進約

平定準噶爾方略正編卷之六十八

五

行六七里左翼見有賊兵直前攻擊賊並不接戰會入賊人右隊而去時我兵右翼臣阿里衮受隆阿即領侍衛伍岱營總金集噶爾等以鎗礮接戰敗賊數次餘賊仍依蘆葦放鎗臣富德舒赫德同侍衛瑚什老格領左翼兵急進賊遂渡河而逃計勦賊二三百人我兵陣亡者二人得傷者十餘人又防範城內賊人突出來攻臣

富德舒赫德福祿領中軍自右翼以次進攻。但

未知兆惠軍營附近。有無賊衆。因一面令左隊

之護軍統領努三副都統鄂博什各領馬兵堵

截賊人。尋覓將軍營盤。告知援兵已到。將軍之

兵。應於首隊排列。以示聲威。且可剿殺逸賊。旋

據努三等告稱我等直抵將軍營內。自將軍大

臣以至官兵。俱各無恙。因無馬匹。是以明瑞由

平定縣志卷之八

天

屯温布端濟布等領步兵向我首隊排列前來

等語。臣等一面追賊渡河。一面辦理官兵乘騎

馬駝。令努三等迎接將軍兆惠等官兵。現在臣

等兩路官兵會合一處。是晚起行。行三十里十

五日。行二十餘里。雖遠見賊人覘望形跡。總因

屢敗。不敢來犯。現派帶領馬兵之努三鄂博什

由屯温布等為殿。以回阿克蘇。其奮勉効力及

陣亡得傷官兵。謹列單具奏。奏入報

聞。

恩諭陞賞將軍大臣侍衛官兵等。

上諭軍機大臣曰。據軍營奏報將軍兆惠富德等聲

援既接。分領官兵奮勇剿賊。合軍一處。整頓兵馬。

再行進剿。覽奏殊為欣慰。此實

上天眷佑之恩。朕不勝欽感。至將軍大臣侍衛官兵等

平定縣志卷之八

毛

奮勉効力。允宜優敘。以示獎勵。適據兆惠奏辭封

爵。及所賜章服。從前因伊被圍固守。是以特加寵

錫。今果全師制勝。何必固辭。前因富德迅速應援。

屢敗賊衆。已封為三等伯。今又領兵力戰。與將軍

會合。厥功懋著。著加恩晉封一等成勇伯。兆惠軍

營之侍郎公明瑞副都統由屯温布總管端濟布

富德軍營之護軍統領努三副都統鄂博什默爾

根巴圖魯瑪瑞散秩大臣永慶俱交部議敘給與世職二等侍衛瑚什卓里克圖巴圖魯額訥慎訥

齊訥伯克巴圖魯老格福永俱著授為頭等侍衛

三侍衛傅靈安克丑巴圖魯諾爾本庫爾察巴

圖魯扎延保額爾克巴圖魯海蘭察鄂畢達達克

塔納瑪格莽喀察公特通額豐安豐訥亨額爾登

額承德塔爾海科普薩塔蘇爾海巴圖魯占頗圖

平定準噶爾方略正編卷三六

三

哈坦巴圖魯瑪呼克爾齊克衣巴圖魯占丕納默

爾根巴圖魯伍岱俱著授為二等侍衛正黃旗三

等侍衛額爾登額著補授二等侍衛賜號噶畢雅

圖巴圖魯仍賞銀一百兩藍翎侍衛烏爾登永泰

滿柱烏爾圖納遜蒙固棟保伊達木扎卜獎賞

孔雀翎之藍翎侍衛塔尼布侍衛上行走之護軍

校福保獎賞孔雀翎之索倫驍騎校巴勒璋俱著

授為三等侍衛獎賞孔雀翎之察哈爾護軍署叅

領茂海賽音伯勒克著授為防禦在叅領上行走

索倫協領安提木保著賞給副都統職銜副總管

阿爾哈爾沁著補授總管吉林佐領布爾哈著補

授協領署前鋒章京觀音保前鋒侍衛常保程俱

著准其實授索倫驍騎校雅卜唐阿著授為防禦

喀爾喀公朗袞扎卜著授為鎮國公賞戴雙眼翎

平定準噶爾方略正編卷三六

三

阿拉善輔國公袞楚克著授為鎮國公又

諭曰兆惠奏稱侍讀學士溫福從軍勦賊面中鳥鎗

傷手中槍傷且諸事奮勉効力等語溫福著加恩

補授內閣學士又奏稱乾清門二等侍衛富紹勦

賊陣亡富紹年來甚屬効力今又臨陣捐軀甚屬

可憫著交部照例議卹給與世職此次陣亡得傷

官兵等俱著查明送部照例敘卹又

諭曰富德等奏稱提督豆斌總管三都卜俱以負傷身故等語甚屬可憫。豆斌著加恩照旗員一品大臣例交部議卹。給與世職。三都卜著照陣亡例議卹。豆斌所遺提督員缺著閆相師補授。所遺總兵員缺著五福補授。遊擊職銜榮保隨富德立功著加恩授為總兵。

參贊大臣巴祿等疏奏領兵策應軍營。

平定縣志卷之六

三

巴祿等奏言。臣等於正月二十二日駐兵巴爾楚克。得富德擊敗賊眾之信。離兆惠軍營僅四十里。計此時應已會合一處。恐賊人窮蹙以死抗拒。必須多兵協助。臣等所領兵一千二百餘名。俱係精銳。現有送到馬匹一千有奇。分給兵丁。惟哨探攻勦始行乘騎。臣巴祿阿桂巴圖濟爾噶爾瑚爾起即於本日起程。又准永貴咨

稱和闐等城被賊侵犯。急需馬兵二三百名協助等語。臣等伏思策應軍營更關緊要。即令派往和闐。又須轉回阿克蘇。恐徒勞往返。是以未能應付。奏入報。

阿克蘇辦事侍郎永貴疏奏策應和闐情形。

永貴奏言。正月十九日。准侍衛齊凌扎卜散秩

平定縣志卷之六

三

大臣伯克鄂對等。遣回人呢雅斯呈稱逆回賊黨鄂斯滿阿卜都克勒木阿卜達哈里克遣塞頗爾等統眾六百。於十一月二十六日來犯額里齊。哈喇哈什肆行搶劫。兩城僅有馬兵五十餘名。綠旗兵五百名分守。侍衛納爾布於十一月二十一日抵哈喇哈什。即派滿洲通事哲勒順等。先往克勒底雅守禦。不意二十六日賊人

鄂斯瑞統眾前往克勒底雅。有本城回人默然

里提卜鄂斯瑞哈子二人誘守城人飲醉。黃夜

開門放入。哲勒順被害。現在兩城糧草甚乏。人

心搖動。賊人不時發書迫脅。恐生內變。請速發

精壯馬兵數百名。於正月內遣來救援等語。臣

等前因齊凌扎卜等請發兵馬。隨將阿里袞所

留乏馬。及回人處買來馬匹。派兵一百名前往。

平定準噶爾方略正編卷之六

五

今復據請兵救援。自應速為辦理。適有預備調

用馬二百餘匹到營。隨派吉林察哈爾等病痊

兵丁六十名。挑選跟役四十名。又伯克鄂對之

妻。及眾伯克等。派回人五十名。自備行糧馬匹。

一同起程。一面咨商巴祿將伊等所領兵丁內。

派出二三百名。尚未准咨覆。倘有可通融。亦陸

續發往。奏入報。

聞。

諭定邊將軍兆惠等堵截賊眾。及應援和闐事宜。

上諭軍機大臣曰。將軍兆惠等現在合兵。自應整頓

前進。今馬匹口糧。俱陸續運送。此時宜催督各城

堡。及時耕種。以資接濟。至賊人不耕則無食。如耕

則未熟之前。我兵即前往蹂躪。自必困憊就擒。惟

是霍集占等知我必整兵再進。恐被擒獲。預籌逃

平定準噶爾方略正編卷之六

五

匿之地。亦勢所必然。計葉爾羌喀什噶爾附近。皆

哈薩克布魯特人等游牧。素有覺隙。必畏其縛獻。

不敢逃往。伊等曾久住伊犁等處。或向北投入俄

羅斯。兆惠富德等應留心防範堵截。預為辦理。昨

巴祿奏稱接永貴咨調馬兵二三百名。救援和闐。

伊以策應將軍等為要。俟到軍營後再議等語。是

時伊惟聞富德與賊交戰。尚未知兩隊會合。想此

時當相機分兵耳。但示貴奏稱齊凌扎卜等呈報

賊攻甚急。自應作速往援。且和闐地廣糧多。又當

賊人向東南逃走之路。我兵會合。則人數衆多。且

葉爾羌距彼亦近。即著巴祿領兵數百。前往策應。

庶地方可保。亦可減阿克蘇之糧餉。兆惠等酌議

具奏。再富德曾有從巴勒琿嶺前取喀什噶爾之

奏。昨派出西安滿兵二千。達什達瓦兵五百。由額

平定漢軍方略編卷之六十八

三五

林哈畢爾噶趕送馬匹。富德如欲於巴勒琿嶺進

兵。即酌帶滿洲索倫兵迎回。與西安滿兵等會合。

亦屬安便。伊等相機辦理。不必拘泥朕旨。俱著傳

諭知之。又

諭曰。將軍兆惠富德等兩隊會合。整兵再進。逆賊霍

集占等。將來若計窮逃匿。想未必投往哈薩克布

魯特。或從伊犁向北往投俄羅斯。已諭兆惠等籌

備堵截。但回部通伊犁路多。著傳諭將軍成袞扎

布等將布延圖烏里雅蘇台兵丁酌派一千名。給

與口糧。以策布登扎布為副將軍。福祿車木楚克

扎布為叅贊。於青草萌生後。越阿爾台西行。巡查

額爾齊斯塔爾巴噶台巴勒喀什淖爾等處。搜捕

嗎哈沁。凡通俄羅斯路徑。俱派兵瞭望堵截。逆賊

自無所逃。策布登扎布其加意奮勉。若能擒獲渠

平定漢軍方略編卷之六十八

三五

魁。於超勇之名。更增光寵。若派兵不足。或派扎哈

沁扎木禪兵丁一二百名。照例賞給。整裝前往。亦

可。

平定準噶爾方略正編卷之六十九

乾隆二十四年二月庚午。

以將軍兆惠富德兩路大兵會合。

宣諭中外。

上諭大學士曰將軍兆惠富德等奏報正月初六等

日富德等領兵援剿轉戰五日四夜兆惠在營聞聲夾擊所向披靡斬獲無算十四日兩路大兵已

平定準噶爾方略正編卷之六十九

一

經會合請即乘勢併力進攻擣巢擒賊等語上年

兆惠統衆薄城軍行神速頗合機宜祇緣我師萬

里馳驅馬力疲乏以致一時遮困幸先事綢繆兵

馬俱已在途一經檄調皆得如期雲集是以呼爾

璜之役內外策應大兵刻日會齊軍威不振雖堅

壁已經三月而自將軍以至官兵悉皆無恙仰賴

上蒼福佑朕心不勝感慰但念一軍困守逾時而後隊

續遣之師及一切軍糈現在源源轉運理宜少為

休息俟厚集其勢可以一舉竣事已傳諭將軍等

令於附近有城之處酌量駐營俟馬匹調齊乘春

和臆力壯健以需繼進特恐選懷無知之徒聞爾

時援師克捷解圍勢同破竹輒謂可以罷兵息事

則大不然毋論逆酋前此辜恩反噬害我王臣難

這天誅即去冬官兵渡河進剿輒敢悍然抗拒稔

平定準噶爾方略正編卷之六十九

二

惡更深今雖全師整暇如故而元兇罪大惡極凡

我大清國臣民當無不人人切齒使以一戰得志

妄語洗甲韜戈不但國威軍紀難於中止且於政

體亦甚有關係佳兵之戒朕所深察而征討有罪

自古無可道之王章且當我國家全盛時兵力現

俱充裕又何不可執言聲罪之理向者兆惠所領

不過三千餘人逆酋悉其殘衆負嵎苟活而將軍

等尚可力守重圍。相拒至於三月之久。則其么靡
伎倆。並無餘力。肆行跳梁。亦即此可見。况此時兵
糧前後輻輳。計其成功。遲亦不出夏秋間耳。若徇
首鼠兩端之浮論。姑息了事。朕實恥之。斷斷不為
也。可將此通諭中外。兆惠等摺并發。

臣等謹案大軍乘勝深入。直薄回城。時以馬

力不齊。逆回因得恃其烏合。據險要襲。乃退

平定縣志卷之六

三

而築壘黑水。悉力固守。揆之主客衆寡之勢。

幾不相敵。然彼蜂屯蟻聚。且數萬衆。而我軍

以三千人當之。賊皆披靡却避。惟遙設長圍

遮禦。莫敢撓鋒。而我將士奮厲整嚴。同心敵

愾。伐木以備臨衝。則捍衛有資。引渠以洩決

水。則飲汲攸賴。賊衆計無所之。因欲持久伺

釁。相拒三閱月。我軍亦幾憊矣。乃援軍適至。

內外夾攻。賊羣顧驚愕。以為自天而降。駭竄
狂奔。蹂躪斃仆相枕藉。於是有呼爾璫之捷。
兩軍遂全旅以振聲威。是役也。雖由師武臣
宣力效忠。克襄偉績。自非

睿算周密。更番之兵馬。豫調在途。則抱水救火。遼遠

曷濟。迨一趣進而應期集事。益共仰

幾先之智。實兆豐功矣。至若二逆酋之借德反噬。蝘

平定縣志卷之六

四

斧妄干。尤神人所共憤。是以

吳蒼申鑒。

鴻既用昭。我軍由是出險而亨。轉禍為福。且掘地而窖

米斯獲。穿井而圍解。乃智。賊銃不著人而著

樹。既藉樵木為薪材。復拾鉛丸以擊賊。奇微

靈蹟。捷於影響。易曰

天之所佑者順。信乎其佑順也。

諭定邊將軍兆惠等應援和闐堵截賊眾

上諭軍機大臣曰朕因披覽地圖見和闐去葉爾羌

頗近阿克蘇則甚遠前舒赫德進兵時即聞賊人

侵犯之信且永貴又將齊凌扎卜請兵情事行文

巴祿則將軍大臣等自當會議發兵應援蓋霍集

占雖經屢敗而力尚能攻取和闐我兵雖不能即

取葉爾羌等城而往救和闐則甚易看來和闐之

平定準噶爾方略卷之九

五

得失惟視我與賊到彼之先後倘為賊所據則我

侍衛官兵及伯克鄂對等豈不可惜且各城伯克

所積資糧皆為賊用再行攻取更屬煩費昨已諭

巴祿領兵數百前往駐劄惟速行為要再觀地圖

所列喀什噶爾西北一帶皆布魯特哈薩克等游

牧烏什城亦頗堅固諒逆酋等必不自投羅網或

從間道越伯特勒庫庫里里克畢特里克英阿喇

特等嶺竄入俄羅斯若於此等可通伊犁之路俱

駐兵堵截自易成擒亦粘簽於圖寄示兆惠等其

悉心籌辦勿致兔脫

諭三等侍衛達爾黨阿等辦送兵馬事宜

上諭軍機大臣曰據官長保奏稱奉到由阿濟必濟

前赴巴里坤之旨即領達什達瓦兵丁從康濟起

程等語官長保既仍會達爾黨阿等同行於送馬

平定準噶爾方略卷之九

六

一事更屬有益達爾黨阿哈達哈傅景伊柱等俟

官長保至巴里坤清贖即給與應得錢糧會同行

走達爾黨阿哈達哈年長歷練當率先奮勉伊等

俱係舊人自應和衷集事約束兵丁照看餉秣遇

嗎哈沁即行搜剿傅景等協同効力不得以董率

有人遂生推諉再富德前有從巴勒理嶺進取喀

什噶爾之奏朕已諭伊等若由此進兵當與現在

辦送之兵馬相會。再行相機辦理。俱著傳諭知之。

陝甘總督吳達善疏奏解送軍營馬駝牲隻。

吳達善奏言。臣辦解阿克蘇馬一萬六千匹。西

安滿兵厄魯特兵馬七千匹。又押送官兵乘驢

馬三百五十四匹。共二萬三千三百五十四匹。二月

初十日。俱全數出關。并挑餘馬七百匹續送。以

備乏斃。又青海副都統濟福辦解馬二千匹。俟

平定邊疆事宜卷之卒九

七

到日續送巴里坤牧放。又甘肅各屬。截買商駝。

及西安協濟。哈密收買。共駝三千餘隻。供應官

兵尚屬有餘。至暫駐吐魯番綠旗兵五千名。需

駝一千六百五十隻。現在山西解駝七百八十

餘隻。餘亦陸續轉解。自可無悞。仍酌備車騾。送

往關展。以資接濟。至寧夏道鎮等。收解口外採

買牛四千餘隻。羊五萬三千餘隻。已飭沿途州

縣。按站每牛給料二升。草十觔。每羊料半升。草

三觔。自肅州出口至安西。地多浮土。成羣行走。

易於噴捨。且多戈壁。臣酌令分起解往。又內地

採買之羊。已獲八九千隻。續行趕送。唯口外食

物昂貴。解送牲隻官兵。路費未免不敷。仰懇

聖恩。照解馬之例。酌量加增。則員役愈為踴躍。奏入

報

平定邊疆事宜卷之卒九

八

聞。

癸酉。

巴里坤辦事布政使清馥疏奏布魯特使臣等

回奏情形。

清馥奏言。布魯特車里克齊等於二月初四日。

自巴里坤起程。臣奉到

諭旨。即派原任同知通祿等齎捧星馳。追及車里克

齊等。同護送之侍衛托倫泰達桑阿等。明白宣示。據車里克齊稟稱厄魯特哈薩克錫喇。從前並未至我等境內。今或潛來藏匿。其波羅泥都。霍集占等。若果逃來。自必拏送。至搶掠喀什噶爾屬城。布魯特人。必不敢如此。不知係何游牧。亦於歸日。查訪稟報。奏入。報

聞。

丙子。

平定準噶爾方略正編卷之九

九

飭諭阿克蘇辦事侍郎永貴速奏軍前情形。

上諭軍機大臣曰。今日得永貴奏報。朕以為軍前要事。閱之。則係將購辦回人麥石之托穆齊圖調往阿克蘇辦事。又代阿克蘇頭目阿卜都噶頗爾等謝恩。殊無甚關係。永貴乃辦事大臣。阿克蘇為各城總匯。軍營信息。及和闐等處情形。自當留心查

訪具奏。或一時未得確信。亦當聲敘。乃全未提及。殊不識事體之輕重。著傳諭令其明白回奏。

戊寅。

定邊將軍兆惠等疏奏籌議進剿事宜。

兆惠等奏言。臣等欽奉

諭旨。籌議整兵再進事宜。臣等與額敏和卓等會商。

以逆賊霍集占兄弟。分守兩城。互相救應。約計

平定準噶爾方略正編卷之九

十

騎賊五六千人。步賊數萬人。且葉爾羌本係大城。兵少則不足以攻城略地。須得馬步兵二萬人。馬兵較多更善。且從內地遠來。必須休息月餘。若能於三四月間。抵阿克蘇。五六月間。至葉爾羌。則賊人種麥未收。尚可接濟。臣等就現在情形酌議。由阿克蘇和闐兩路進兵。臣兆惠富德所領官兵。又新調之西安滿營。及達什達瓦

兵丁馬兵可得九千餘名軍營綠旗兵千餘。又新調之四千餘。及賽里木拜烏什阿克蘇駐劄之二千餘。可得七千餘名。其不敷之數。於魯克沁等屯田兵內抽調。馬兵計每人馬二匹。及官員乘騎。共馬三萬匹。又馱載二萬人兩月口糧軍器火藥共駝一萬隻。再臣等抵阿克蘇時。未便駐兵一處。除臣兆惠阿里袞巴祿阿桂領兵

平定縣志卷之六十九

十一

駐候馬駝糧餉外。分兵一半。令臣愛隆阿前往烏什駐劄。以就口糧。兼防喀什噶爾一路。又臣等於正月二十六日。兵至阿爾吉什。與巴祿阿桂會合。知逆賊鄂斯瑞等侵犯和闐。侍衛齊凌扎卜等請兵應援。此時恐賊聞我兵暫撤。愈加狂肆。應援自不可緩。但現在馬力疲乏。先揀派官兵數百名。令瑚爾起巴圖濟爾噶爾前往。沿

途捉生詢問。若和闐守禦如舊。即會同馬步夾擊。或已被賊占據。則收兵來迎富德。俟糧餉馬匹送到。臣富德福祿印領兵二三千名。前往接濟。臣兆惠俟辦足五千官兵糧馬。再行策應富德。並從和闐往取葉爾羌。兩路刻期到日。賊若仍前抗拒。臣兆惠富德即前後相機攻擊。并堵截逆賊等逃往拔達克山等處路徑。賊若固守巢穴。即掘濠困城。分兵略地。今臣舒赫德額敏和卓努三往阿克蘇催趨糧馬。先行起程。奏入

平定縣志卷之六十九

十一

報

命議敘副將軍富德所領有功官兵。

上諭軍機大臣曰。據富德奏稱呼爾瑞等處。勦賊立功官兵等。有三四品官。三等侍衛。戴孔雀翎者。有

披甲署驍騎校。戴獎賞翎者。將索倫總管巴雅爾等十一人。列單進呈等語。著加恩賞給呼倫貝爾總管巴雅爾二品頂帶打牲處協領署營總金濟噶爾副總管署營總哈坦巴圖魯薩壘叅領署營總博尼俱授為總管。三等侍衛侍衛什長多隆武三等侍衛索托隆科打牲索倫三等侍衛固勇巴圖魯伊薩穆俱授為二等侍衛。呼倫貝爾佐領署叅領奇里勒圖著實授叅領。察哈爾防禦署營總斌圖著授為佐領。察哈爾總管敏珠爾之弟車凌多爾濟授為護軍。喀爾喀圖謝圖汗部落台吉副都統職銜額林沁著補授副都統。打牲處披甲署驍騎校額勒頗爾肯著授為三等侍衛。又諭曰。富德奏敘勦賊立功之健銳營副叅領以下。前鋒以上。富虎等四十人。又効力及得傷陣亡官兵。

平定準噶爾方略正編卷之六十九

三

分別造冊送部等語。著加恩將富虎等四十人。副叅領陞為叅領。署叅領陞為副叅領。前鋒校陞為署叅領。副前鋒校陞為前鋒校。藍翎前鋒長陞為副前鋒校。前鋒陞為藍翎前鋒長。暫行換戴翎頂。俱著遇缺即補。其効力官兵。著交部議敘。行文將軍大臣等。以應陞之缺請補。其陣亡得傷官兵。俱著該部分別議敘議卹。

平定準噶爾方略正編卷之六十九

四

命議敘定邊將軍兆惠所領有功官兵。上諭軍機大臣曰。兆惠等奏稱此次効力有功人員。藍翎扎勒桑等二十二。請戴獎賞翎。其侍衛成果等十人。原已戴翎。將功次列單進呈等語。扎勒桑等即照所請。准戴獎賞孔雀翎。此內扎勒桑署營總端濟勒圖驍騎校愛新署護軍校林保等奮勇進勦。攻破賊營。扎勒桑著賜號喀喇巴圖魯。端

濟勒圖賜號什爾瑪海巴圖魯愛新賜號錫勒哈

達克巴圖魯林保賜號噶克察巴圖魯仍賞銀各

一百兩其厄魯特都噶爾哈什哈瑪勒占得卜珠

爾俄羅斯什呼策伯克固英哈什哈庫庫勒濟克回

人阿三和卓特穆爾等俱能奮勉効力著俱授為

藍翎侍衛其侍衛成果等十人俱著加一級侍衛

上行走之虛銜藍翎輝齊布思克濟庫哈斯泰倭

平定邊將軍富德奏卷之六十九

五

得勒圖應委藍翎前鋒長之前鋒福柱等効力得

傷俱授為藍翎侍衛又

諭曰員外郎伊克坦布隨兆惠等勦賊及巡查營伍

俱能奮勉効力著授為額外郎中遇缺即補至富

德處隨印辦事惟主事赫倫一人著照所請將原

任布政使托穆齊圖調往軍營其阿克蘇承辦事

務著永貴另行派委

定邊將軍兆惠奏敘綠旗遊擊塞爾凌千總海

起雲二員右副將軍富德奏敘遊擊署叅將黃

世燧等二十九員馬兵潘正學等十三名俱奮

勉効力請賞給應陞職銜遇缺補用得

旨著照所請行

定邊將軍兆惠等奏請吉林原任協領革職効

力委署防禦勦賊陣亡之扎庫齊以職銜咨部

平定邊將軍富德奏卷之六十九

六

議卹得

旨如所請行

已卯

命陞敘副將軍富德所領効力年久及帶傷効力官

兵

上諭軍機大臣曰據富德奏稱健銳營獎賞藍翎釋

迦保等十人皆年久應撤懇請効力之人又虛銜

藍翎噶達木保等三人。此次俱奮勉勤賊等語。釋迦保拜凌阿錫蘭保富桑阿武勇額著授為額外前鋒校。扎拉芬哈木保六十七太平保文德授為額外藍翎前鋒長。遇缺補用。噶達木保賽神保著授為藍翎侍衛。納延保既戴獎賞孔雀翎。著加恩授為三等侍衛。又

諭曰。富德泰自正月初六日至十四日。擊敗賊衆之

平定準噶爾方略正編卷六十九

七

侍衛官兵等。有奮勇得傷。効力出衆者。俱獎賞孔雀翎藍翎等語。已如所奏。准其戴用。仍著加恩將藍翎那木扎錫爾庫勒扎勒都侍衛。上行走護軍校額爾色衣獎賞藍翎。領催濟木保愛達漢獎賞藍翎馬甲。塞卜騰領催阿特衣前鋒巴爾塔登。耨十人。再行查明功績。如應賞巴圖魯號者。奏請賞給。又獎賞藍翎回人噶里克巴們等五人。厄魯特

巴桑等六人。俱授為藍翎侍衛。至獎賞藍翎馬甲扎哈納等十人。並未註明効力得傷事蹟。其因何得賞。列入奏單之內。著富德查明聲敘。那木扎錫爾庫勒。是否厄魯特。著一併查奏。命調新到關展綠旗兵丁。前赴軍營。

上諭軍機大臣曰。定長奏稱總兵楊寧帶領綠旗兵六千五百名。來至關展。以五千名豫備進剿。餘供

平定準噶爾方略正編卷六十九

八

糧運屯田差遣。惟進剿兵當軍營未經咨調之前。若發往額林哈畢爾噶等處耕種。則需用農具甚多。一時不能趲辦。請就近令往哈密駐候。俟來年再為調撥等語。所見殊屬拘泥。從前厄魯特等耕墾之時。何嘗運送如許農具。且前諭綠旗兵丁候調尚需時日。與其閒住。不若從事耕作。亦係通融酌辦。協助屯兵。廣開地畝之意。非卽以此定作屯

田兵額也。但此等興屯之地。於魯克察克兵丁內。抽調開墾。亦無不可。著將綠旗兵五千名。發往兆

惠軍營。

諭陝甘總督吳達善等酌量趕送軍需羊隻。

上諭軍機大臣曰。定長等奏鄂爾多斯阿拉善及甘州涼州所辦軍需羊隻。尚未送到。現在大兵會合。正資接濟。已行文陝甘督撫。速為解送等語。軍需

平定縣志卷之九

九

固宜速到。但此項羊隻。係豫備官兵口糧。前令於青草茁茂之時。沿途牧放。約五月內送到。今雖當春令。而草尚未萌。若即令趨行。必至傷損。可傳諭吳達善五吉將辦送。開展羊隻。嚴飭解送官兵。務於沿途酌量緩急。加意牧放。既無悞軍需。亦不至疲瘦不堪。虛糜經費。併傳諭定長等知之。

乾清門侍衛烏三泰以齋奉

恩賞前至軍營。願留効力。命如其所請。

軍機大臣奏請行查散秩大臣達什策凌等信
息

軍機大臣奏言。臣等遵

旨查詢軍營所奏厄魯特策伯克効力行走單內。散

秩大臣達什策凌等。帶探兵一百名。被賊截斷

平定縣志卷之九

三

之處。查去年十一月。兆惠等奏稱派巴圖魯侍衛喀喇瑪綽爾圖散秩大臣達什策凌領哨探兵二百名等語。以後伊等行走如何。並未奏報。請行文將軍兆惠等查奏。奏入。報

聞。

庚辰。

諭定邊將軍兆惠等查拏瑪里格爾巴朗。

上諭軍機大臣曰前聞瑪里格爾巴即投入回部。曾諭兆惠留意查拏。昨據納旺奏哈薩克錫喇在布魯特。已諭車里克齊拏送。伊若被逼。亦投回部。務期二賊併獲。毋致疎脫。

三月壬午。

議籌辦軍營馬駝事宜。

陝甘總督吳達善奏言。臣准將軍兆惠密咨。和

平定準噶爾方略正編卷之六十九

至

闕阿克蘇兩路派兵二萬名用馬三萬匹。駝一萬隻。自應豫為籌備。查先後送馬二萬四千五十匹。俱全數出關。今兆惠奏稿。有馬不足數。即派兵一萬名之語。是所送馬匹已足敷用。但進勅所關。更宜寬裕。現在委員將甘肅等處留牧馬內。有四五分臆者。再選二三千匹。可於三月初出關。送至巴里坤備用。至現在直晉二省及

西三盟共辦駝七千隻。今需駝一萬除已給西

安滿兵厄魯特兵一千四百餘隻外。又豫備綠

旗兵一千六百餘隻。尚應送軍營駝六千八百

餘隻。計不敷駝隻一千五百餘。查有運送阿克

蘇軍需。及前後乘騎駝隻。可以撥補。或前項辦

解之駝。不能依期支給。應將糧運臺站駝隻先

行截撥。俟續到補缺。至糧運駝隻既經移用。恐

平定準噶爾方略正編卷之六十九

至

有不敷。現有驃頭一千五百餘。可以協濟。至各處購買羊隻。及開展留牧北路馬牛羊隻。均可依次運送。於軍食亦無貽誤。奏入得旨。軍機大臣速議具奏。尋議軍營馬駝固所急需。亦期酌歸實用。不必拘泥來文。牽合虛數。今該督所准兆惠咨送奏稿。係未到阿克蘇以前。不知內地解送馬匹各數。其需用三萬匹。不過籠統

計算該督只應將現在留牧馬匹飼秣臙壯接續前起出關馬匹以備調撥若此時照來文數日便行挑解毋論易致疲乏卽星夜送至阿克蘇而大兵已經進剿亦屬緩不濟急如必俟馬匹到齊則進兵轉致遲悞該督所請再行挑選馬匹之處應毋庸議又軍需駝隻既經陸續出關自可接濟若將糧運臺站之駝先行截撥則

平定縣志卷之六十九

三

現在已有遲悞且續到之駝遠行疲乏驟令負重轉運必致倒斃於兵精臺務兩有闕礙亦毋庸如此辦理至所稱添補糧運驟頭應聽酌量協濟其各處趕送牛羊亦應申飭妥速解送以濟軍食可也奏入

上諭曰如所議行此議及吳達善奏摺著傳諭該將軍及該督知之總之將軍等原奏頗形難進之意

而該督所辦亦不過敷衍成文原無實濟若黃廷桂在必不肯如此朕實痛惜良臣益為憤懣耳諭阿克蘇辦事侍郎永貞酌辦購買回人糧石

上諭軍機大臣曰吳達善奏稱查永貞咨送奏稿所定購買回人糧石價值較去秋時尚覺短少現在內地運糧至闕展每石卽需脚價將二十兩應請諭照時價增加庶回人踴躍求售而運費所省實多等語所奏亦是軍管糧運自應照常接濟至購買回人糧石雖較運價甚為節省究係一時權宜非經久之策若盡收回人積蓄於伊等生計殊無裨益嗣後辦買糧石應酌看其實係情願始行增價購備不可勉強從事

平定縣志卷之六十九

三

命賞給青海王公等捐輸馬駝價值

上諭軍機大臣曰據濟福奏稱青海王公等因辦送

馬二千匹。蒙恩加給價值。其倒斃者亦減半給價。情願捐輸馬七百餘匹。駝三百二十餘隻等語。誠悃可嘉。著加恩照所增之價賞給。分撥涼州莊浪滿營。西寧綠旗營牧養備用。

癸未

諭定邊左副將軍成袞扎布等辦送戰箭各事宜。

上諭軍機大臣曰。據兆惠奏將烏里雅蘇台存貯戰

平定準噶爾方略卷之九

五

箭十萬枝。調送軍營。又據清馥奏。巴里坤有箭三

萬枝。哈密有箭七萬枝。即派員先送軍營。仍行文

五吉將續到之箭暫貯巴里坤。豫備等語。烏里雅

蘇台戰箭。仍須巴里坤轉送。長途既難尅期。且清

馥等業經照數發往。自不必續送。可傳諭成袞扎

布等。此時若未經解送。即行停止。或起程未遠。亦

即追回。

申諭定邊將軍兆惠等速行進剿應援。

上諭軍機大臣曰。數日來。陝甘。巴里坤等處奏事。皆

因兆惠等調發軍需。頗覺周章退縮。至兆惠富德

昨議兩路進兵。俱抵葉爾羌。其喀什噶爾並未籌

及。頃諭舒赫德。尚伯克。霍集斯。駐劄和闐。堵截逆

賊等逃竄要路。各城回兵。既可調集。則我兵不必

多留。兆惠從阿克蘇。進取葉爾羌。富德或從特穆

平定準噶爾方略卷之九

五

爾圖。淖爾或從烏什。進取喀什噶爾。似屬有濟。但

慮伊等志氣先餒。難於振作耳。適閱清馥奏。兆惠

將巴里坤等處沿途存留之滿洲索倫蒙古等兵

丁。盡行調發。其意可知。軍營現兵近二萬人。又何

須搜括及此。伊等曾以少擊衆。潰圍決勝。合兵而

旋。無敢追襲者。賊之伎倆可知。若謂賊多馬力。不

過從前掠取阿睦爾撒納之馬數千匹。既無從購

辦。且屢次傷殘。以我萬騎。取數千賊衆。何敢抗行。且所運大神等礮。實爲攻城利器。鋒鏑之銳。又不待言。我兩路分兵。兩城必顧此失彼。乘間搆虛。一舉可得。可傳諭兆惠等。其毅然決策。以奏膚功。所有商辦機宜。作速奏聞。

甲申。

叅贊大臣舒赫德等疏奏和闐各城信息。

平定回疆方略卷六十九

七

舒赫德奏言。二月初十日。據侍衛噶布舒散秩大臣鄂對等。遣回人阿舒爾和卓報稱。賊黨阿卜都克勒木鄂斯璠等。領衆分攻額里齊哈喇。哈什玉隴哈什三城。守禦已六十日。又克勒底雅齊爾拉二城之伯克。及所屬三百餘人。逃至額里齊。二城已爲賊據。祈速發兵救援等語。臣等詢問阿舒爾和卓。據稱。克勒底雅於去年爲

鄂斯璠所據。伯克阿里木沙率所屬二百人。投

額里齊。其餘三千戶皆被陷。阿里木沙之子。被

賊阿卜都哈里克縛至額里齊城下。俾見其父

而殺之。齊爾拉城鄂斯璠哈子率百餘人投哈

喇哈什。其妻子與三百餘戶。皆被陷。又聞玉隴

哈什伯克烏努斯亦率其二千七百餘戶。來額

里齊。餘三百餘戶入於賊。今哈喇哈什侍衛齊

平定回疆方略卷六十九

七

凌扎卜伯克海里雅木哈子阿瓦斯默特等。領綠旗兵回兵四千餘。額里齊自正月十五日以後。賊攻更急。現有索倫兵七十名。綠旗兵三百名。回人六千餘。糧餉火器。俱可支至二月下旬。惟玉隴哈什城虛無人。而現在所守二城。亦有竄夜逃出者。克勒底雅被掠回人。亦有同賊攻城者。惟作速發兵往援等語。臣等伏思永貴前

發兵二百五十名及兆惠所遣之瑚爾起等月內可至和闐。臣等仍於續到兵馬及各城回人馬匹儘力速辦。以備調用。奏入。

上諭軍機大臣曰。舒赫德奏據駐守和闐侍衛等呈報。賊攻頗急。若援兵遲滯。難於守禦等語。看來富德等與兆惠合兵。即當往援。不但解圍救困。且可

駐兵進取。從前舒赫德有和闐糧足駐兵之奏。何

平定準噶爾方略正編卷之六十九

无

以合兵時未見議及。著據實奏聞。至侍衛等所報各城伯克等被迫來投。并力固守。且有妻子被害者。深為軫惻。自應加恩優卹。俟事定後。著舒赫德查明具奏。若和闐各城既定。兆惠富德等分兵攻取葉爾羌喀什噶爾。舒赫德向霍集斯駐防和闐俱遵前旨辦理。又

諭曰。前兆惠等被圍。富德奮勉應援。至和闐被圍亦

急。何以未聞往救。若謂兵力不足。則兆惠一軍尚能與賊相拒。况兩隊會合。轉慮其弱耶。若謂馬力不足。則既可回抵阿克蘇。何難就近赴援和闐。因糧以守耶。富德此時。曾否領兵往援。著作速奏聞。至兆惠曾為賊困。其望援甚切可知。以身經艱阻之事。而於他人則置之度外。何以為情。然朕亦不追既往。惟促富德速援。兆惠亦酌量策應。賊如聞風潰散。即以進攻葉爾羌等城為要。如和闐已為賊據。則伊等俱不必前往。惟據實奏聞。候朕核定功罪可耳。

平定準噶爾方略正編卷之六十九

羊

申諭庫車辦事布政使德舒增給回人糧馬價值。上諭軍機大臣曰。德舒奏稱購買阿克蘇庫車回人馬匹。及回人等捐助米穀等項。賞給價銀過多。恐遂成定例。日後難於辦理。請候議定各城應交實

數。再酌量賞給等語。殊屬拘泥。現在逆酋等尚未

就擒。和闕亦需策應。若回人見我大臣等辦事瑣

屑。未必傾心降服。且伊等貪利性成。示以裁節。或

致妄生追悔。若謂將來遂以為例。則回部蕩平後。

不過酌定貢賦。並無購辦糧馬之事。何必為此過

慮。况以現在辦送馬匹糧餉較之。其勞費不啻數

倍。自當示以寬大。始合機宜。看來伊等所定價值。

平定回疆方略卷之五十九

三

尚覺其少。仍須酌量增加。應時給發。嗣後俱遵照

辦理。

諭定邊將軍兆惠等。查奏侍衛拜達爾勞績。

上諭軍機大臣曰。聞侍衛拜達爾於雅哈托和鼐之

戰。憤罵同行。身先陷陣。眾始競進。似此奮勉。將軍

大臣等。自當嘉獎錄敘。乃未見舉出陳奏。惟保列

逢迎趨避之員。何以服人心而作士氣。拜達爾現

在何處。曾否著有勞績。可傳諭兆惠等查明因便
具奏。

平定回疆方略卷之五十九

三

平定準噶爾方略正編卷之七十

乾隆二十四年三月甲申。

諭定邊將軍兆惠等摺節軍需各事宜。

上諭軍機大臣曰。兆惠富德等奏稱現在辦理進剿

官兵行裝鹽菜等項。需銀四五十萬兩。咨行定長

等以駝隻隨數運送。而定長等行查兵數。且必候

闕展駝隻臆壯。再咨行永貴等將阿克蘇應辦米

平定準噶爾方略正編卷之七十

一

石布疋各數覆到。始行辦理。恐悞軍行等語。定長

等外任習氣。辦事每多推諉。固屬見小。而兆惠等

辦理進剿。亦甚拘泥。查先後解送軍營備用銀兩。

將及三十萬。自足應用。朕於軍行之費。非有吝惜。

但以官兵所需計之。如衣裝布疋。雖在內地購買。

一時亦難得數十萬。則回城所出有限。可知。至賞

給銀兩。卽暫時存貯。候功成再行補給。亦於伊等

生計有益。此時官兵等若購買回人之物。無裨實

用者。尚應禁止。豈可任其糜費。且伊等從前所奏

捉生詢問。及拘執霍集占等所遣回人。一切情形。

何以未見奏及。又布魯特兵丁。應否調用。哈薩克

錫喇。投來回部與否。兆惠等進剿時。務宜留心辦

理。不可徒托空言。其辦送兵丁之乾清門侍衛敦

察卽著在軍營行走。

平定準噶爾方略正編卷之七十

二

命優卹隨靖逆將軍納穆扎爾等陣亡得傷官兵。

上諭軍機大臣曰。兆惠等奏稱隨納穆扎爾等進剿

陣亡之侍衛官員十人。兵一百五十餘名。又得傷

兵六十餘名。分別列單進呈。造冊送部等語。前據

愛隆阿奏報侍衛奎瑪岱陣亡。比卽加恩。照奇徹

布之例。給與世職。此次查奏之三等侍衛章武者

照奎瑪岱例。藍翎班泰照三等侍衛例。俱給與世

職吉林叅領固爾特衣喀喇沁臺站四品叅領錫

喇卜俱交部照例議卹。索倫驍騎校署叅領喀爾

瑪勒圖領催署叅領瑪提木保察哈爾驍騎校署

防尉阿穆呼朗護軍校署防尉齊旺扎卜前鋒署

護軍校納們俱著照現署職銜議卹。陣亡兵丁等

著交部照例議卹。至得傷兵丁從前舒赫德曾奏

報途遇脫出兵丁四名。此六十餘名。曾否與援兵

平定縣志卷之三

三

相遇。及得脫情形。著兆惠查明具奏。

定邊將軍兆惠疏奏被圍後節次情形。

兆惠奏言欽奉十二月三十日

諭旨。以舒赫德所奏。回人托克托默特來告。臣等被

圍情形。查明具奏。查臣等自十月十三日。結營

固守後。賊見勢難。即取亦掘溝築壘。起立高臺。

施放鎗礮。二十二日。決水衝灌我營。臣即派官

兵掘渠。引入下流。數日內。兼資飲用。賊又掘溝

潛伏。以葦埽自蔽。欲行偷劫。俱經擊退。其賊所

立高臺。四面俱有護身埽口。施放雜木巴喇特

烏鎗。臣等即立高臺相對。自二十二日。至十一

月初十日。吉林索倫察哈爾綠旗官兵等。乘懈

攻奪。賊始不敢登犯。惟看守營壘。十一日。賊遣

吐魯番回人。及我哨探得傷厄魯特。隨將軍納

平定縣志卷之三

四

穆扎爾得傷察哈爾三人前來。告稱霍集占抗

拒時。波羅泥都本不知情。今奉書請和。情願捐

助口糧。并求親信之人。同行入

覲。臣等拘留來人。將從前頒發波羅泥都令。擒送霍

集占。阿卜都克勒木之

勅諭。恭設几案。令對陣回人捧去。次日。賊人仍申前

說。臣遣額敏和卓所屬回人傳示云。爾等小醜。

何敢以和好為詞。我大兵來問霍集占叛逆之罪。尚不悔悟求生。計日兵馬雲集。髻亂不留矣。賊計窮。復施放鎗礮。臣等即行抵敵。并遣人逼近賊營。誘擒生口。賊不敢出。是月十六日。十二月初九日。兩次派兵四百名。分兩翼呼噪。焚燒賊營。生擒三人。奪取軍器牛隻。正月初八日。聞數十里外鎗礮聲。料必援兵。是夜。選兵千名。造雲梯衝出。焚燒賊壘。傷死千餘人。生擒五十五人。奪軍器無算。自此賊人退避。惟遠駐賊騎防守。此次固守軍營。仰賴

聖主威福。

上天神佑。靈蹟甚多。即如臣等安營處。喀喇烏蘇在其北。戈壁在其東南。而我兵於深林中駐劄。伐木給用。潰圍時。尚餘二百餘株。初憂乏水。以賊人

平定準噶爾方略正編卷五

五

引水灌營。獲濟。嗣後隨地掘井。泉即湧出。至正月初旬。井水忽涸。營中拾取賊人鎗礮鉛丸。萬億。每斫一木。即墜落無數。而我兵傷損甚少。官兵意氣奮發。毫無憂懼之形。至舒赫德所奏得米百六十窖。馬駝千餘隻。雖屬傳聞。但掘塹安營時。曾獲回人埋藏米穀二十餘處。每處不過一二石。奏入。報

平定準噶爾方略正編卷五

六

聞。
戊子。
叅贊大臣舒赫德等疏奏酌議回城田賦。
舒赫德等奏言。臣等前奏阿克蘇等同城歸附後。應行廣種地畝。酌定租賦。會同阿璉。伯克等公議具奏。今議得從前準噶爾苦累回人。多取貢賦。年來霍集占。惟用威力。挾制各城。以致地

方凋敝。今

聖主仁恩疊沛。伊等捐輸糧石。仍給以價值。回衆無不懽感。臣額敏和卓查回人舊制。徵收糧石。係十分取一。載在經教。至阿克蘇城。乃舊汗之公地。收穫時則係平分。又霍集占從伊犁同來回衆墾種之地。俱已閒曠。昨因駐兵需糧。回人等交米二千四百石。頗屬黽勉。若將霍集占地畝。

平定邊疆聖鑒事

七

均給貧人。除公地照舊徵收。其餘地畝。俱十分取一。伊等愈爲樂業。隨傳集阿克蘇賽里木沙雅爾辦事人等曉示。俱各情願遵行。惟庫車甚爲殘破。似應另議。烏什現有貝勒品級伯克霍集斯往辦馬匹。請行文令其酌定。將來平定葉爾羌。喀什噶爾再行定議辦理。奏入。

上從之。

諭定邊將軍兆惠等查詢伯克霍集斯事宜。

上諭軍機大臣曰。適據舒赫德奏伯克霍集斯有往烏什辦馬之舉。伊果係抒誠効力。或虛應故事。俱當察看酌量賞賚。至前諭富德由特穆爾圖淖爾進取喀什噶爾。未免太遠。若烏什有相通之路。則更便易。亦詢之霍集斯酌量辦理。一面奏聞。

平定邊疆聖鑒事

八

命齋欽差大臣關防。給阿克蘇辦事大臣行文鈐用。已丑。

申諭定邊將軍兆惠等酌停咨調馬匹銀兩。上諭軍機大臣曰。吳達善奏據定長等咨稱。兆惠調取開展等處存留索倫察哈爾兵五百名。應撥馬一千匹。於二月二十八日出口。又撥銀三十餘萬。由哈密解送軍營等語。辦理軍需。當籌實濟。不宜徒張虛數。現在阿克蘇等處會集官兵。陸續遣送。

馬駝量已足用。此時調取兵馬。已不及進剿之期。於內地徒增煩擾。且兆惠等所辦。如各取賞銀四五十萬。多未妥協。阿克蘇非內地都會可比。豈必需用如許銀兩。致官兵人等。任意糜費。向來職貢諸國。出產金銀。往來禁止越界。今即擒獲霍集占。盡平回部。亦仍係外藩。豈可以中國財貨。耗費於回地而不知惜。已諭吳達善。此次兵馬出口後。無庸再為調撥。其已撥之三十萬兩。五吉接收後。仍存貯哈密。以所辦駝隻。運送口糧。尚屬切要。俱著傳諭知之。

平定準噶爾方略正編卷九

九

庚寅。

諭闕展辦事副都統定長等。不必遷移臺站。

上諭軍機大臣曰。定長奏稱。並已祿吞送奏。稱請將

哈喇沙爾。至庫車一路臺站。移向伊拉里克朱爾

都斯。至賽里木安設。水草較好。但舊設臺站。現運口糧。亦未便遽行裁撤等語。朕經軍機處議。以舊臺行走一年。既已熟習。現在糧運絡繹。只應酌量添補馬駝。若兩地俱設。轉覺煩費。應無庸議。著傳諭定長遵行。至巴祿。昨請辦理臺站。今既不必遷移。即可前赴軍營。其巡察臺站。添補馬駝之處。交與定長辦理。

平定準噶爾方略正編卷十

十

辛卯。

諭定邊左副將軍成袞扎布等。派調堵截兵馬事宜。

上諭軍機大臣曰。成袞扎布等奏稱。遵旨派調副將

軍策布登扎布等所領官兵。除軍營滿洲喀爾喀

綠旗兵九百名。仍留備用外。酌派三十三卡倫兵

二百。扎哈沁兵二百。喀爾喀游牧兵六百。共一千

名。賞給整裝銀兩。於四月起程。其應補給馬駝。或

折給銀兩。另行具奏等語。此次出兵。特於搜捕嗎哈沁之便。堵截逆回霍集占等逃路。現在布延圖有兵三百。著即派入數內。將喀爾喀兵。減半發往。聞塔爾巴噶台博羅呼濟爾。俱可通俄羅斯。著策布登扎布等。分兵兩隊堵截。今派出副都統齊努渾。頭等侍衛烏爾登。俱授為叅贊大臣前往。著策布登扎布。福祿齊努渾為一隊。車木楚克扎布烏

平定漢書卷之五十七

十一

爾登為一隊。彼此聲息相通。互為策應。賊人自難免脫。布延圖兵。既經派出。著扎隆阿。德爾素。即為領隊大臣。分作兩隊行走。扎哈沁。公扎木禪。亦著在領隊大臣上行走。照例賞給整裝銀兩。至伊等軍營。辦給馬駝不易。適據桑寨多爾濟。奏於庫倫購得馬三千餘匹。駝三百隻。即傳諭令其送馬二千匹。駝一百隻。至烏里雅蘇台。策布登扎布等。此

行不必太速。亦不可過緩。值此青草萌生。伊等將馬駝派給官兵。沿途加意收養。應機奮勉。又

諭曰。桑寨多爾濟所購庫倫馬駝。先選臙壯之馬二千匹。駝一百隻。送至烏里雅蘇台。其餘送往索岳勒濟等牧羣內。牧養豫備。至現在馬駝價值較前稍昂。可酌量增加。已諭該部發銀五萬兩。交伊收領。給價有餘。即照所奏。於恰克圖購辦馬匹。其喀

平定漢書卷之五十七

十二

爾喀游牧。不必採買。命賞給喀喇沁臺站撤回章京。署叅領甘珠爾等十人銀兩。軍營効力之厄魯特。巴泰。巴魯。及家口等。由巴里坤來京。命於京城安插。壬辰。

諭定邊將軍兆惠等偵探賊衆情形。

上諭軍機大臣曰。兆惠富德等前奏俘獲人口頗多。而未聞詢問情形。會屢諭令其具奏。伊等合兵回轉時。沿途所有村堡。亦豈未遇一人。且休息月餘。與其閒住。不若酌遣兵丁。捉生詢問。兆惠等當於索倫兵內。選精壯者四五百名。辦給馬匹。分爲兩隊。前後行走偵探。賊人若設有卡倫。卽行拏獲詢問。

平定準噶爾方略正編卷五

三

問。若全無防守。則其力竭可知。卽以大兵陸續前進。掠其村堡。則耕作之人。必畏避入城。倘遇大隊賊人。卽或不能勦殺。而見我兵分隊行走。亦慮有後應。不敢前進。卽可捉生回營。旋行釋放。給以檄文。諭其但能俘獻霍集占。餘人皆可不問。賊衆未有不動心者。我兵撤後。賊卽再欲耕作。而驚擾之下。亦已失時。必至坐困。卽使賊人豫作準備。示弱

相誘。而我兵亦卽撤回。自不墮彼術中。朕亦不加譴責也。且索倫精兵至四五百人。賊亦斷不敢偏若派兵前往。著富德愛隆阿由屯帶領。富德如往和闐。伊二人亦可分隊前進。但覽伊等近日奏報。似不能如此辦理。或馬匹不足。亦當酌量行止。此旨著因便傳諭知之。

癸巳。

平定準噶爾方略正編卷五

古

諭三等侍衛達爾黨阿等解送馬匹事宜。上諭軍機大臣曰。兆惠等奏稱兩路進兵。以每人給馬二匹。及大臣侍衛官員乘騎計之。共需三萬。今內地辦送之馬。僅二萬三千餘匹。而西安滿兵。達什達瓦兵丁乘騎。卽在其內。其續調馬匹。臆分平常者。尚在涼州等處飼秣。查軍營兵幾及萬。馬匹全數送到。尚屬不敷。若再給西安等兵乘騎。以致

疲乏。且續送之馬稍遲。亦不能趨送。已行文駐劄哈密等處大臣。及送馬大臣等。將所送馬匹。仍由朱爾都斯一路趨行。不可欠缺。送馬官兵。應令乘騎原馬。或於兒騾馬內。酌量添補。其西安兵若已派給馬匹。仍撤出解送。令暫住關展。俟續到馬匹。辦給等語。備勦馬匹。自應多為辦送。但西安滿兵。不惟備勦。亦以押送馬匹。若留住關展。則現在二

平定遠粵聖鑒事

七

萬餘馬。非達什達瓦之數百人所能照管。著傳諭達爾黨阿。哈達哈等。西安滿兵。仍令前行。惟每人給馬一匹。并勻搭行裝。於應得馬匹內。能撤出二千匹更善。其達什達瓦兵若已給馬匹。亦照此辦理。并傳諭哈密巴里坤關展辦事大臣等知之。

又

諭曰。兆惠等所奏酌派馬匹一摺。殊覺心神恇怯。以

逆賊霍集占為大敵。試思賊勢果強。焉能兩軍會合。即從前伊等進勦回部時。已從準噶爾周行萬里。馬匹疲乏。是以被圍。朕即早為計及。辦此二萬餘馬匹。從容解送。其力太勝於前。而賊眾創殘之餘。豈敢仍行抗拒。且內地馬匹。果可寬裕購備。自必多為辦給。即以治家之道譬之。有餘。固不妨誇耀。而不足。亦未始不可通融。其能者費少而盡合

平定遠粵聖鑒事

十六

機宜。拙者費多而徒滋虛耗。惟在實心實力。善為運用耳。已傳諭送馬大臣等。將派給兵丁馬匹。量為撤出。仍令照看行走。至若應援和闐。則當如救焚拯溺。又不可以兵馬之多寡計。即著傳諭知之。命陞賞効力之侍衛占頤圖等。

上諭軍機大臣曰。兆惠等奏稱愛隆阿從葉爾羌收接臺站。遇賊人七百餘。塔蘇爾海巴圖魯三等侍

南占頗圖常在哨探行走奮勇勦賊得傷吉林虛
銜藍翎領催圖音布得傷甚多馬中鎗斃前鋒哈
木圖庫署驍騎校哈爾吉納奮身救出俱能連射
斃賊効力可嘉占頗圖已加恩授為二等侍衛著
交部議敘圖音布賜號沙拉瑪海巴圖魯哈木圖
庫賜號克德爾巴圖魯哈爾吉納賜號楚庫爾巴
圖魯俱授為藍翎侍衛賞銀一百兩仍交部議敘

平定準噶爾方略正編卷七

七

命閩浙總督楊應琚來京

上諭軍機大臣曰朕以西事尚未告竣軍需關係緊
要從前黃廷桂在日辦理一切動合機宜因念楊
應琚久任甘肅熟悉地方情形且能實心任事可
傳諭令其作速來京陛見面聆訓誨并將軍需事
宜悉心查閱以資督辦之效俟到時再降諭旨其
閩浙總督印務著楊廷璋署理浙江巡撫印務著

明山護理

甲午

諭定邊將軍兆惠等辦送馬匹及進剿事宜

上諭軍機大臣曰據達爾黨阿等奏稱通計馬匹出
口日期三月初三日全抵巴里坤擬從木壘至烏
魯木齊塔爾巴噶台朱爾都斯過庫庫努特嶺抵
阿克蘇現在送馬一萬六千匹以五百匹為一起
共三十二起以一日八起為率分派官兵管押等
語伊等辦理甚好昨兆惠等奏報行文撤出西安
滿兵馬匹令兵丁留住關展朕諭量為抽撥仍行
押送諒達爾黨阿等亦未必據咨辦理看來送馬
一萬六千以兆惠軍營所存及舒赫德等所購回
人之馬計之不下二萬匹似不為少將來進兵時
令兵丁騎步兼行以紓馬力雖暫覺勞苦正可見

平定準噶爾方略正編卷七

大

報効之誠。惟宜乘機進取。通融酌辦。至此次進剿。昨諭兆惠取葉爾羌。富德取喀什噶爾。今思和闐待援甚急。富德即宜前往。就近堵截痕都斯坦之路。兆惠自阿克蘇進攻葉爾羌時。能擒獲渠魁。固善。萬一竄至痕都斯坦等處。與富德相遇。自必成擒。或敗走至喀什噶爾。兆惠一面追襲。作速行知。富德就近夾攻。似屬長策。俱著伊等相機辦理。

丙申。

平定邊將軍兆惠等撫卹兵丁事宜

九

諭定邊將軍兆惠等撫卹兵丁事宜

上諭軍機大臣曰。近因明瑞來京。朕詢以軍營情形。知兆惠被圍三月。實為勞苦。富德速往應援。甚屬奮勉。伊等同心協力如此。深為嘉予。至合兵後。未稍為駐候。亦未速往和闐。皆意見不到處。和闐設有疎虞。朕即念前功。不加罪譴。伊等自問於心安

乎。又聞軍營綠旗兵病故者。三百餘名。圍解時。將有病者。續行護送。又多致斃。所派守護病兵之索倫等。取其烏鎗。而病兵不肯給與。致有爭奪之事。等語。兵丁有病。自宜撫卹。非可漠不相關。且此等病人。尚能爭奪烏鎗。非不可拯救者。索倫兵雖嫻於戰陣。而護視病兵。豈能體卹。惟知早取軍器交官。便可了事。將軍等於兵丁。當一體愛惜。或令病

平定邊將軍兆惠等

十

者乘騎前行。而護視者步行相送。方使衆心感服。何忍於棄置乃爾。著將此等情節。明白回奏。再我大臣等。方遇艱難。未嘗不一心黽勉。至事體既過。則頓生同異。此等習氣。最宜深戒。若能遵循朕訓。何功不成。可因便傳諭知之。

命優卹侍衛瑞綽爾圖等。

上諭軍機大臣曰。據明瑞奏稱。二等侍衛瑞綽爾圖

三等侍衛拜達爾藍翎侍衛喀喇等俱以遇賊陣亡。深可憫惻。滿綽爾圖等著加恩照富紹例議卹。給與世職。其散秩大臣達什策凌已諭兆惠等查明旗分子嗣。再行加恩議卹。

命獎賞吐魯番回人賚子翎頂緞疋。

上諭軍機大臣曰。舒赫德等奏稱阿克蘇回人托克

托默特見有嗎哈沁踪跡。告知吐魯番回人賚子

平定準噶爾方略正編卷五

三

同索倫官兵等往追。俱已收取。供係厄魯特輝特

台吉。為回人默默雅爾所獲。明知故縱。仍給以口

糧。隱匿不報。業將默默雅爾正法。示懲等語。額敏

和卓所屬回人賚子素能効力。一聞有嗎哈沁。卽

行窮追。深屬可嘉。賚子著加恩獎賞孔雀翎及頂

帶緞疋。所擒之嗎哈沁卽賞給額敏和卓可也。

命叅贊大臣愛隆阿仍以領隊大臣行走。

戊戌。

諭定邊將軍兆惠等酌派進剿官兵等事宜。

上諭軍機大臣曰。據達爾黨阿等奏稱准兆惠咨令

西安滿兵。在闕展等處暫駐。候續送馬匹。再行辦

給。但解送馬匹。必須多人照管。不便留駐。業經報

明將軍等語。所辦甚是。頃兆惠等以此具奏。朕卽

以西安滿兵。兼為解送馬匹。仍著照舊前往。今達

平定準噶爾方略正編卷五

三

爾黨阿等所奏。與朕旨適相符合。看來兆惠富德

合兵後。所辦事件。前後多自相矛盾。卽如伊等昨

將巴里坤哈密等處存留之索倫察哈爾兵。逐名

查出發往。今又將西安滿兵存留。全不計及。二萬

餘馬匹。應需兵若干解送。朕意與其將西安滿兵。

留駐闕展。不若截留軍營綠旗兵。防守阿克蘇。若

總不需用。卽發往屯田。或竟令其各歸營伍。現在

總兵楊寧已領綠旗兵五千名前往。乘其新到。或
可得力。可傳諭兆惠等即遵照辦理。適據明瑞奏
稱健銳營前鋒。不待雲梯。直薄賊寨。屢次克捷。已
獎賞翎頂等語。此等奮勉之人。仍應加恩。著兆惠
等將先登陷陣官兵。查出指名具奏。候朕酌賞。巴
圖魯號。所得和闐信息若何。作速奏聞。

命以領隊大臣公明瑞為叅贊大臣。

己亥。

平定回疆方略卷之十

三

命議敘辦送馬匹之大臣官兵等。

上諭軍機大臣曰。據明德奏稱辦送軍營馬匹二萬
四千有奇。全抵巴里坤。分隊起程等語。此次進剿
馬匹。所關緊要。今自肅州交協送至巴里坤。甚屬
可嘉。所有承辦馬匹之大臣官員。著交部議敘。其
送馬至巴里坤官兵。著吳達善明德等查明具奏。

將官員交部議敘。兵丁酌量獎賞。

命加叅贊大臣公明瑞封號。

上諭軍機大臣曰。明瑞宣力軍前。奮勉可嘉。著加恩
賜號毅勇。於伊所襲公爵。首封為承恩毅勇公。

命陞賞軍營効力侍衛瑪格等。并優卹侍衛寧古禮。
上諭軍機大臣曰。明瑞奏稱二等侍衛瑪格三等侍

衛烏勒德克索倫獎賞藍翎前鋒署叅領嘉哈圖

平定回疆方略卷之十

雷

獎賞藍翎領催羅托在軍營奮勉効力等語。瑪格

著加恩賜號哈什哈巴圖魯。烏勒德克賜號格勒

爾圖巴圖魯。嘉哈圖賜號伊德爾巴圖魯。羅托著

授為藍翎侍衛。賜號肯特克巴圖魯。照例各賞銀

一百兩。所奏陣亡之二等侍衛克丑巴圖魯。寧古

禮著交部照富紹例議卹。給與世職。

命賞乾清門三等侍衛塔瑪鼐整裝銀一百兩。隨叅

贊大臣明瑞馳驛前往軍營

庚子。

申諭定邊將軍兆惠等曉示布魯特發兵事宜。

上諭軍機大臣曰。前諭兆惠等以可否令布魯特發

兵協剿事宜議奏。今思若需用布魯特人。當遣人

往伊等游牧曉示云。大兵初攻葉爾羌時。曾令爾

等派兵協助。爾等以冬寒雪盛為詞。尚非無故。後

平定準噶爾方略正編卷五

重

大兵雖稍稽捷奏。而勦賊頗多。今復整兵大舉。逆

賊等無難計日就擒。爾等歸順天朝。蒙大皇帝厚

恩。自當派兵協助。以抒誠悃。且為將來受恩之地。

或不願發兵。甚至欲助回人。亦惟爾便。但爾等游

牧。距喀什噶爾不遠。我兵攻取葉爾羌喀什噶爾

後。再行定奪可耳。爾等若仍以力量不足為詞。亦

並不強爾協助。惟霍集占等倘被迫投入爾境內。

則自當速為縛獻。若再漠然坐視。必行根究矣。如

此曉示。看其言語情形若何。再籌畫機宜具奏。

諭定邊左副將軍成衮扎布曉示哈薩克事宜。

上諭軍機大臣曰。昨命策布登扎布領兵堵截逆回

及搜查嗎哈沁等。所過之塔爾巴噶台等處。與哈

薩克邊界甚近。伊等甫經歸順。見大兵壓境。妄生

疑懼。亦未可定。今哈薩克入覲人等。尚在歸途。著

平定準噶爾方略正編卷五

重

成衮扎布候前次起程之哈薩克使臣。及此次出

痘新愈之俄羅斯蘇爾統等。抵烏里雅蘇台時。告

以西路大兵。進勦回部。恐逆賊等窮迫。投往俄羅

斯。經由爾等游牧。因於北路派兵堵截。若賊首入

爾境內。大兵直入追捕。斷不驚擾游牧。爾等有能

擒獻者。將軍大臣。奏捷敘功。大皇帝必加恩賞。今

爾等回抵游牧。可將此情節告之。阿布勒巴木比

特阿布賚等通行宣示可傳諭知之。

三等侍衛納蘭圖等以護心哈薩克入

貢馬匹進京。

賜納蘭圖蘇朱克圖巴圖魯號賞銀一百兩隨明瑞

前往軍營其吉林前鋒珠爾薩等四人遣回游

牧。

壬寅。

平定邊疆方略卷之三

壬

命陞賞重傷官兵并酌留効力年久之侍衛等。

上諭軍機大臣曰兆惠等奏稱軍營効力之藍翎侍

衛錫勒圖訥等十七人得傷較重業經平復懇請

留營勦賊等語伊等幸獲痊愈仍憤思報効深可

軫念著加恩將藍翎侍衛錫勒圖訥授為三等侍

衛索倫署叅領喀爾庫准其實授驍騎校邁勒圖

巴爾虎俱授為防禦健銳營前鋒獎賞藍翎佛保

索倫領催獎賞藍翎雅喇木保俱授為藍翎侍衛

索倫馬甲拉爾奇魯昆濟木保高濟保錫敦車騰

固勒圖根敦俱授為領催察哈爾領催齊凌旺舒

克著授為驍騎校厄魯特獎賞藍翎都喇勒哈什

哈巴彥授為藍翎侍衛額敏和卓之護衛錫丕阿

雅斯巴圖爾霍集斯所屬獎賞藍翎阿里木巴圖

爾著將軍等酌量獎賞銀兩又

平定邊疆方略卷之三

壬

諭曰前諭令來京之副都統瑪瑞侍衛老格等據兆

惠奏稱伊等願留軍營効力等語瑪瑞等久在軍

前故准其更換昨富德進兵瑪瑞老格奮勉得傷

又令瑪瑞先同明瑞前來可傳諭兆惠等瑪瑞仍

遵前旨來京其巴圖魯侍衛老格等如行走尚能

出力即留營調遣或有名無實仍著來京其革職

効力之原任將軍錫特庫年已衰老亦著調回

議撥補駝隻事宜

參贊大臣舒赫德等奏言。准兆惠等咨稱。富德往援和闐。應需駝一千隻。查阿克蘇並無另備駝隻。惟近准陝甘總督等辦送臺站軍糧駝隻一千餘。即於此項調撥。但空缺必須撥補。隨經移咨軍營。據覆稱。現在咨取駝一萬隻。即於數內扣除。臣等伏思內地購買驢頭較駝隻為易。而氣候水土亦相宜。謹酌將所辦駝隻內用驢一千頭抵補。連鞍解送。以速糧運。奏入。得旨。軍機大臣速議具奏。尋議軍需駝隻。自應多為豫備。但務籌實濟。若費繁道遠。辦送疲乏。又已踰期。亦屬無益。今舒赫德所奏。仍拘泥兆惠等所咨一萬之數。查上年冬季。有解送阿克蘇軍需駝三千隻。又西安滿兵達什達瓦綠旗兵丁及

平定準噶爾方略正編

卷

節次糧運駝隻。請令駐劄哈密關展庫車大臣

等於所有駝騾內挑選。將軍需量為馱載。送至阿克蘇。視其臙分。先後撥用。大約可得駝數千隻。且籌運糧餉。內地既送羊十萬餘隻。關展庫車以往。俱已屯田。大兵前進。正值麥熟。亦可因糧接濟。則稍減運糧駝隻。似亦無礙。所有彌補駝隻之騾頭。應停其辦送。如蒙

平定準噶爾方略正編

辛

俞允。則現在烏魯木齊牧放騾四百頭。即交定長等輕裝遣赴阿克蘇應用。仍通行兆惠。舒赫德定長。吳達善等遵照辦理。奏入。

上從之。

阿克蘇辦事侍郎永貴疏奏。添補兵丁衣服情節。

永貴奏言。臣欽奉

諭旨將咨取兵丁衣服布疋作何賞給應否扣還之

處定議具奏查臣前與德舒酌議因進剿兵丁

衣服殘缺必需添補者移咨陝甘辦送布疋針

線俟送到時先儘阿克蘇等城駐防兵丁留用

餘俱解送軍營添補進剿兵丁仍查造名冊行

知哈密陝甘等處於應領鹽菜銀兩及本營錢

糧內坐扣還項奏入報

平定縣縣志卷之三

三

聞

丙午

命以西安滿兵撥補軍營缺額

上諭軍機大臣曰定長等奏准兆惠等咨軍營現有

綠旗兵及楊寧所領綠旗兵外再調屯田兵二三

千名辦給軍裝以合步兵萬人之數等語昨兆惠

等慮馬匹不足令西安滿兵暫駐關展今又調取

綠旗兵前後辦理不相符合且此等兵丁步行前

至軍營力已疲乏亦不可用何如即將西安滿兵

補足缺額著即遵照辦理其屯田兵丁不必另派

戊申

命獎賞賽里木阿克蘇之伯克等

上諭軍機大臣曰據舒赫德等奏稱賽里木阿克蘇

之伯克等措辦馬匹接濟口糧甚為出力等語伊

平定縣縣志卷之三

三

等感激朕恩急公輸餉深屬可嘉現在賽里木總

管阿瓜斯伯凱及弟貝格齊俱在軍營効力著加

恩賞阿瓜斯伯凱二品帽頂戴孔雀翎貝格齊四

品頂孔雀翎辦理城守事務之密爾博羅特莫滿

亦賞給四品頂孔雀翎阿克蘇副總管頗拉特巴

卜商伯克尼雅斯親行田野勸課耕作著加恩賞

頗拉特巴下二品頂孔雀翎呢雅斯四品頂孔雀

翎其益加龜勉以膺恩賚。

命護軍統領努三等回烏魯木齊辦事。

上諭軍機大臣曰。今年哈薩克貿易人等。恐來者較多。定長不習蒙古語言。仍須諳練之員辦理。現在軍營領隊人多。著傳諭努三等。永德等。即回烏魯木齊。承辦哈薩克貿易事務。多購馬匹。以給軍用。歸途之便。即可查勘屯田地畝。遇有嗎哈沁賊衆。亦

酌領綠旗兵搜剿。

平定準噶爾方略正編卷五

三

平定準噶爾方略正編卷之七十一

乾隆二十四年夏四月辛亥朔。

申諭定邊將軍兆惠等。應援和闐各事宜。

上諭軍機大臣曰。兆惠等數日來。未有奏報。想瑚爾起等領兵已抵和闐。此時和闐若無他故。則伯克鄂對及侍衛齊凌扎卜等。勞績懋著。俱應加恩。蓋伊等以綠旗兵數百。與回人雜處。尚能保守和闐。較兆惠等有滿洲索倫兵數千者。為更難。今軍營侍衛頗多。足敷調遣。除伯克鄂對。仍令駐劄和闐外。齊凌扎卜。噶布舒。著即來京休息。再去歲派出滿洲索倫察哈爾兵。原以更替。久在軍營者。俾得撤回。因兆惠等被圍。復行發往。此次平定葉爾羌後。即令各回本處。不必再行陳奏候旨。仍將朕軫念伊等勞苦之處。曉示知之。又

平定準噶爾方略正編卷五

一

諭曰。昨兆惠等請將烏里雅蘇台存貯箭枝。送往軍營。因哈密巴里坤現在運送。已降旨停止。但此項箭枝。係在京王大臣所進。甚為精好。除現送十萬枝外。餘十萬枝。前據黃廷桂奏。已分派各營。著傳諭吳達善。仍行查出。送往哈密。以備軍需。命稽察內地臺站。

上諭大學士曰。現在青草發生。正當大兵進剿之時。

平定縣志卷之三

二

各處軍臺。最關緊要。自哈密以外。已降旨令五吉定長等。悉心整頓。其哈密以內臺站。各該督撫等。辦理尚屬無悞。著再傳諭令其督率專司軍臺大員。往來照看。實力稽察。務使馬匹臚壯。遞送迅速。以收實效。

癸丑。

定邊將軍兆惠等疏奏應援和闐各事宜。

兆惠等奏言。臣等途次聞和闐被圍。已遣瑚爾起等領兵九百往援。抵阿克蘇時。馬駝不足。因應援事急。臣富德向舒赫德等挑選綠旗兵一千二百名。每人給馬一匹。令其牽馬步行。定於三月初十日起程。俟剿滅賊眾後。由痕都斯坦等路堵截逃賊。即從彼往取葉爾羌。至臣富德

平定縣志卷之三

三

原議派馬兵三千。步兵二千。今合算瑚爾起之兵。共二千一百餘名。其八百餘名。留副都統瑪瑞侍衛老格等管領。俟馬駝軍器送到。再行進發。臣兆惠催齊馬駝糧餉。亦即向葉爾羌進發。又准瑚爾起等報稱。二月二十日。至和闐之達里雅河。遇侍衛噶布舒。遣往阿克蘇之回人等。詢知額里齊哈喇哈什二城。尚未失陷。餘皆為賊所據。若此時葉爾羌無賊眾前來。尚可支持。

卽儘力速行往援等語。臣富德亦卽領兵進發
奏入。

上諭軍機大臣曰。覽兆惠等所奏瑚爾起呈報和闐
情形。看來霍集占力已窮蹙。兆惠等於正月十四
日解圍而出。至二月初二日相距已半月餘。和闐
回人尙云葉爾羌未有賊衆前來。是從前圍守軍
營。及侵犯和闐。不過烏合之衆。一經勦殺。逃散更

平定準噶爾方略正編卷五十一

四

多。兆惠等應就現在兵力。加意奮勉。以冀大功速
成。再前諭福祿不必在叅贊上行走。今著仍其舊
任。昨又命明瑞爲叅贊大臣。計伊等兩隊叅贊大
臣富德處較少。著阿桂在伊隊內行走。瑪璋老格
會諭令來京。今來奏似尙未得旨。若已隨富德前
往和闐。仍著領隊行走。又

諭曰。兆惠等奏稱自安集延前來之布魯特和碩噶

爾稟稱從前搶掠喀什噶爾之英噶薩爾城。係布
魯特呼什齊部落之納喇巴圖等語。和碩噶爾尙
事來至軍營。或係貿易到彼。或因去歲約其春間
至伊犁投見。可因便覆奏。

諭叅贊大臣舒赫德酌給臺站回人口糧。

上諭軍機大臣曰。舒赫德奏稱富德應援和闐。安設
臺站。派察哈爾兵二十名。綠旗兵五十名。辦給馬

平定準噶爾方略正編卷五十一

五

駝口糧。又回人三十名。伊等情願自備口糧。未經
另給等語。回人新附。未便令其自備口糧。可傳諭
舒赫德將所派回人。照軍糧折給價銀。以示體恤。
嗣後派出回人。卽遵照辦理。

命賞乾清門侍衛瑚什等整裝銀兩。

上諭軍機大臣曰。據兆惠等奏稱乾清門侍衛瑚什
額爾登額科普薩家固勒侍衛班領承德來軍營

時未給整裝銀兩。今派伊等進勦。請借給二年俸銀。咨明坐扣等語。瑚什等自京起程。既未領過整裝銀兩。著加恩賞給伊等二年俸銀。不必坐扣。

甲寅。

議山西撥解馬匹。

山西巡撫塔永寧奏言。山西管驛馬匹。於上年

七月內。挑送二千六百餘匹。前赴肅州。久經購

平定縣馬路驛驛參予

六

補足額。今聞陝甘馬匹。缺額未補者尚多。臣於各營馬匹內。擇其騰分充足者。二千一百匹。可否解至安西補缺。或送往肅州備用。奏入。得

旨。軍機大臣議奏。尋議西安滿營缺額馬匹。前經遵

旨。令方觀承節次代購二千五百餘匹。無須再為抵

補。惟甘省軍務未竣。自應多備馬匹。但由山西

至肅州。長途未便解送。臣等酌議。請將西安滿

營之馬。挑選二千一百匹。解赴肅州備用。其山

西馬匹。即解赴西安補缺。所有西安解肅馬匹。

或留肅飼秣。或交巴里坤大臣收放。聽候調撥。

應令吳達善酌量情形。奏明辦理。奏入。

上從之。

丙辰。

諭辦理屯田副都統定長派送糧運駝隻。

平定縣馬路驛驛參予

七

上諭軍機大臣曰。吳達善奏稱。辦送軍營駝隻七千。

尚餘駝一千二百隻。現在糧運緊要。行文五吉令

其擇出一千隻。送至闢展備用等語。適因富德等

將糧運駝隻帶往和闐。購補缺額不易。議將哈密

闢展庫車等處。現有駝騾。輕為馱載。送至阿克蘇。

原屬通融辦理。今哈密既送駝一千隻。即當送往

阿克蘇。以應急需。著傳諭定長。不必拘泥前議。止

圖節省駝隻以致糧運稽遲總之辦理軍需惟在相機行止方有實濟此項駝隻可即行解送。

丁巳。

命閩浙總督楊應琚調補陝甘總督。

上諭大學士曰前有旨諭閩浙總督楊應琚來京原以將來陝甘事務非一總督所能經理今明德現

在丁憂一時乏人吳達善著以總督管理甘肅巡

平定準噶爾方略正編卷五十一

八

撫事務陝甘總督員缺著楊應琚調補楊應琚未到任之前吳達善仍兼管總督事務

已未。

哈密辦事內閣學士五吉疏奏合計軍營糧餉

五吉奏言派出軍營新舊兵丁共二萬二千餘

名尚有一半未至阿克蘇先經舒赫德等酌計

口糧行取採買羊隻查軍糧自上年八月起由

哈密運至關展共四萬石現在陸續轉運又甘

肅購辦羊五萬餘隻合之巴爾品等所購計十

一萬餘隻縱路遠例難亦可供二萬兵丁三個

月之食其關展轉運糧石可支至本年九月接

濟無悞奏入報

閩。

庚申。

平定準噶爾方略正編卷五十一

九

議酌派駝隻事宜

辦理屯田副都統定長等奏言解往軍營駝隻

須俟將軍行知應用數目將已過關展者即解

赴軍營其餘截留補給臺站如全數俱過則托

克三哈喇沙爾庫車現有未運之糧即可酌量

派運接濟奏入得

旨軍機大臣速議具奏尋議軍需最關緊要駝力亦

宜撙節惟在酌量情形通融辦理若駝隻本多自應將進勒運糧一體應付。或一時偶乏。又當視其緩急。先後撥補。不得存畏難之見。致有拘泥。現據吳達善奏解駝隻於備送軍營外。仍有餘駝。足供糧運。自可無憂。缺乏定長等惟宜查照辦理。奏入。

上從之。

平定縣志卷之三

十

命察核屯田收穫分數定議官員功過。

辦理屯田副都統定長等奏言。上年關展等五

處屯田收穫共三萬七千三百餘石。今全數碾

出。通計上年奏過數目。喀喇和卓托克三哈喇

沙爾三處。仍與原數相同。惟烏魯木齊遊擊金

梁較原數多收三十四石。關展都司瑪呼地以

本多較他處共多出四百一十石。俱交管糧官

員等照數存貯。訖奏入。

上諭軍機大臣曰。屯田糧石。關係軍需。定長等所報碾出數目。有較上年加增者。皆承辦之員實心經理所致。著加恩將都司瑪呼等交部議敘。嗣後各處屯田。除收穫較多者。准其奏請議敘外。如較原報之數。虧缺無多。著暫行登記。准以下次盈餘抵補。倘再有虧缺。即照所缺之數。分別議處。庶承辦各員。知所勸懲。可傳諭令其遵照辦理。

辛酉。

平定縣志卷之三

十

申諭定邊將軍兆惠等。速籌進剿事宜。

上諭軍機大臣曰。前因兆惠等籌議進剿。所需兵馬

過多。因思數年來。如進剿準噶爾。哈薩克。皆係大

舉。即如初次西路進剿。僅用兵一萬六千。馬五萬。

駝七千餘。彼時從巴里坤至伊犁。沿途皆厄魯特

游牧反覆無定。今全部蕩平。惟逆回窺伏巢穴。較之準噶爾難易何如。兆惠等俱親歷行陣。豈不知此朕意有勁旅五千。即可橫行無敵。就令不足。則以萬人當之。何至尙虞力弱耶。伊等身當重任。聞朕令將派出兵數減省萬一。不能集事。必有後言。然事勢本可不需。亦何必固執成見。且自阿克蘇至葉爾羌。不過如巴里坤。至烏魯木齊千餘里之

平定準噶爾方略正編卷五十一

十一

遙而霍集占推敗數次。尙有何力量。此皆伊等所宜籌及者。可傳諭兆惠富德等。惟就現在兵力。應機速進。至舒赫德將所調駝數。行知定長。而定長又諉之。吳達善往返商辦。多屬具文。著將節次議奏事宜。錄寄兆惠等閱看。令其籌畫進剿情形具奏。

命獎賞庫車辦事伯克鄂斯瑞

上諭軍機大臣曰。據舒赫德奏稱。公品級伯克鄂對之子鄂斯瑞年雖少。而辦事敏練等語。伯克鄂對駐守和闐。甚屬奮勉。是以加恩賞給公品級。今伊子在庫車辦事。亦能盡心効力。著加恩賞鄂斯瑞三品頂。孔雀翎。舒赫德即傳旨獎諭。

癸亥。

命賞給陷賊得脫之索倫等兵丁銀兩。

平定準噶爾方略正編卷五十一

十一

上諭軍機大臣曰。成衮扎布奏稱。從唐喀祿隊內。被逆賊舍楞等誘陷之索倫兵一百三十八名。察哈爾兵三十五名。脫出後發回游牧。酌量每名借給銀六兩。令各該處照數扣還等語。此等兵丁。俱經力戰。今既撤回。應酌量賞給整裝銀兩。所借之項。著不必扣還。以示體恤。

甲子。

命獎賞購買牛羊之烏蘭察卜郡王阿喇卜坦多爾濟等。

上諭軍機大臣曰。據巴爾品奏稱盟長郡王阿喇卜

坦多爾濟副盟長貝勒拉旺多爾濟等。承辦官買

牛羊。甚為出力等語。著分別賞給緞疋。以示鼓勵。

乙丑。

議調糧運駝隻進兵事宜。

平定縣志卷之三

十四

定邊將軍兆惠等奏言。臣等先擬此次進勦。需

兵二萬。咨行屯田大臣。挑選綠旗兵二千名。以

符額數。因計內地解來駝隻。不敷馱載。將所調

兵丁咨明停止。今進兵期近。駝隻仍未到來。查

從前屯田大臣奏准運糧駝五千隻。分派開展

等處。臣等愚見。與其往來轉運。徒致疲乏。莫若

每駝運糧一石。由各該處送至軍營。即留為進

兵之用。臣等會商阿克蘇辦事大臣舒赫德。據

稱分派阿克蘇駝一千五百隻。除倒斃外。已將

一千二百隻。交富德前往和闐。又續到駝一千

一百餘隻。除倒斃外。存九百餘隻。已照原議。交

卸後發回庫車等語。竊思此次進兵。必於五月

內由阿克蘇起程。乘回地麥熟之前。抵葉爾羌

方安。倘駝隻不足。恐悞軍行。請將開展等處現

平定縣志卷之三

十五

駝三千餘隻。俱令運糧前來。留備進勦。俟內地

續解駝隻到日。補給糧運。奏入。得

旨軍機大臣議奏。尋議適因舒赫德等將富德帶往

和闐駝隻。請於兆惠等奏辦駝一萬隻內撥補。

臣等議將去年往阿克蘇運送軍需。及辦給西

安滿兵。厄魯特綠旗兵。及陸續運糧駝隻驛頭。

輕裝馱載。送至阿克蘇。以備進勦。今兆惠請將

開展等處駝隻。每駝運糧一石。留備軍行。與臣等所議相同。應再行知各該處大臣等。查照原議。及兆惠等所奏辦理。奏入。

上從之。

諭定邊右副將軍富德。應援堵截各事宜。

上諭軍機大臣曰。富德奏稱從前自伊犁過巴勒瓏嶺。進取喀什噶爾之奏。因爾時未至回地。今既應

平定準噶爾方略正編卷五十一

六

援和闐。當於事定後。探兆惠進兵信息。夾攻賊眾。仍堵截痕都斯坦等要路等語。皆朕屢諭及之者。可傳諭富德。卽悉心奮勉前往。所奏請加大神威。遠等礮位號。俟兆惠處查奏到日。一體酌擬加給。其得傷侍衛老格。喀勒扎布。西爾庫勒那木查爾。乾清門二等侍衛塔爾海等。懇留軍營効力。深屬可嘉。併傳諭知之。

訓諭副都統愛隆阿。

上諭軍機大臣曰。據愛隆阿以奉到議敘恩旨。給與世職。奏謝前來。愛隆阿乃駐劄烏什大員。現在本地情形。及回人生計若何。自應詳悉陳奏。乃僅以己身蒙恩之處。奏謝無一語。及於地方著傳諭詢問。令其明白回奏。

平定準噶爾方略正編卷五十一

七

定邊將軍兆惠等。疏奏優卹陣亡回人。及審訊降回情節。

兆惠等奏言。據阿克蘇回人阿卜都什呈稱。本城伯克等。前遣我兄圖里克默特迎降。歸途遇賊中鎗斃。後五日往尋尙活。調養平復。又爲請逆將軍等嚮導。至葉爾羌陣亡等語。經額敏和卓查核屬實。伊子尙幼。請將阿卜都什。用爲管事小頭目。又烏什降回。托克托默特。因妄報

軍營多得糧食馬駝等事奉

旨拏解審訊。臣等訊得托克托默特因母兄妻室在吐魯番烏什竊馬來投。所告大兵掘糧。雖未至一百六十窖之多。然尙有其事。其餘亦屬有因。又臣等擒獲回人。供稱波羅泥都因牧羣被竊。會將該管之人殺戮。似非逆賊所遣間諜。應請同伊母兄妻室等交吐魯番公素賚瑞安插管束。奏入。得旨。圖里克默特陣亡可憫。著酌量賞卹銀兩緞疋。餘照所請行。

平定縣志卷之五

十一

丁卯。

諭定邊將軍兆惠等偵探賊人信息。酌定進兵日期。上諭軍機大臣曰。兆惠等此時尙未進兵。先宜偵探葉爾羌等處賊衆情形。以定謀略。雖現在官兵馬

匹未必能捉生詢問。亦當多方措置。看來阿克蘇

烏什等城回人。必有與霍集占等賊黨熟識者。兆惠卽與額敏和卓玉素富等計議。於伊等所知回人。擇其可信者。遣往葉爾羌喀什噶爾。將彼處作何預備情形。詢訪明白。自屬有益。若慮所遣之人。或爲賊所得。轉使知我備細。不知逆賊狡詐。我卽不遣人偵探。亦斷無坐待我兵。全無知覺之理。兆惠等止。應將不深悉軍前情事之人遣往。并勿洩進兵之期。庶爲妥協。再從前伊等擬於麥熟時進兵。適據達爾黨阿等奏稱解往軍營馬匹。約五月二十以外。可抵阿克蘇等語。此項馬匹送到後。尙須飼秣一二旬。恐致逾期。又難因糧於敵。朕意若不能速至。竟將馬匹加意牧養。尤可得力。但不知彼處麥熟究在何時。收穫後。再種雜糧否。亦宜相

平定縣志卷之五

十一

機辦理不必拘泥此旨。

庚午。

議進勦糧餉事宜。

叅贊大臣舒赫德等奏言。大兵進勦。糧餉最要。

今阿克蘇所餘無幾。臣等咨行定長吳達善等

將關展所牧羊一萬五千隻。牛一千五百隻。兒

騾馬五千餘匹。儘五月內送到。可作二十餘日

平定準噶爾方略正編卷五十一

十

行糧。候肅州購送羊五萬隻接濟。共敷行糧四

十五日。今據定長咨覆前項牲隻。除倒斃外。餘

多瘦癯。俟三月間青草發生。挑選趨送等語。恐

不能如數。刻期。此時肅州及阿拉善部落所辦

牛羊。應已出口。又哈喇沙爾存糧千餘石。即咨

催該管大臣等。調撥駐臺駝隻運送。臣等亦以

銀布等物。換易回人糧石。奏入得。

旨。軍機大臣議奏。尋議兆惠等昨請以關展等處駝

五千隻。每駝運米一石。業經准行。又定長奏關

展挑送羊七千隻。巴里坤送羊一千五百隻。五

月內可到。益資接濟。且適奉

諭旨。如已過麥熟之期。即加意牧養馬匹。俟回人種

植成熟。再行進勦。為期更寬。將來糧運。可以陸

續全到。自屬充裕。至現在官兵口糧。自有各城

平定準噶爾方略正編卷五十一

十一

所收麥石支用。應仍照原議辦理。奏入。

上從之。

授頭等侍衛伯克噶岱。特為拜城伯克。

辛未。

命陞賞索倫驍騎校庫爾布德等。

上諭軍機大臣曰。兆惠等奏稱遵旨。陞敘侍衛。成果

等十人。內獎賞孔雀翎。索倫驍騎校庫爾布德。察

哈爾護軍校索諾木獎賞藍翎索倫領催泰保察
哈爾領催敦多克等。本旗並無應陞之缺。又獎賞
孔雀翎索倫馬甲綽爾布爾數次効力出衆等語。
庫爾布德索諾木俱著授為三等侍衛。索諾木仍
在叅領上行走。泰保敦多克授為藍翎侍衛。綽爾
布爾著授為驍騎校。賜號肯特克巴圖魯。賞銀一
百兩。

平定縣志卷之三

三

叅贊大臣舒赫德等疏奏酌議烏什回城賦稅。
舒赫德等奏言。臣等昨請定歸順各回城田賦。
其烏什城。俟貝勒品級霍集斯到日定議。續據
報稱霍集占更改舊例。於徵收地畝外。增羊隻
四十取一之條。波羅泥都惟於地畝十分取一。
不徵羊隻。今供給大兵。應視現在物力如何。似
難定為成例等語。又據伊子呼岱巴爾氏報稱

烏什馬匹。除派出外。所餘無幾。其糧價現在較
前昂貴。應請酌定等語。臣等加以撫慰。令其照
前辦理。至霍集斯已前往富德軍營。臣舒赫德
領富德所留兵八百名。候馬駝軍器齊備。亦即
前往。其阿克蘇辦事。僅永貴納世通二人。應否
俟巴祿到來。令其協辦。請

平定縣志卷之三

三

旨遵行。又遊擊伍凌阿曾於庫車力戰得傷。現在和
闐同齊凌扎卜等堅守。查伍凌阿因遺失礮位
革職。可否暫行留任。出自
特恩奏入。
上諭軍機大臣曰。據舒赫德奏請遵旨前往和闐。但
富德已與霍集斯同往。阿克蘇亦屬緊要。著仍留
辦事。其富德所留之兵。著巴祿帶領行走。所奏伍
凌阿既派往防守和闐。著仍留原任。

定邊將軍兆惠等疏奏籌辦進剿回部。

兆惠等奏言臣等前奏需兵二萬名馬三萬匹。

駝一萬隻。因未知內地辦送實數。是以約略具

奏。及至阿克蘇卽檄止所謂屯田綠旗兵。並撤

出西安滿兵馬匹。俾進剿官兵得有實濟。計逆

回所恃。只有二城。且賊騎不過五千。臣等就現

在馬駝口糧。派兵前進。務期蕩平回部。上慰

平定準噶爾方略卷五十一

五十四

聖心。奏入。報

聞。

壬申。

諭參贊大臣明瑞等體察霍集斯情形。

上諭軍機大臣曰。昨據舒赫德奏霍集斯酌議賦稅

等事。看來殊不可信。卽如所稱霍集占例外徵羊

以致傷損部落。波羅泥都並不如此辦理等語。其

與波羅泥都相契。已屬顯然。但以現在事勢。不獲

霍集占不止。而既獲之後。伊可與波羅泥都留於

彼處。則甚爲得計。或欲俾波羅泥都擒送霍集占

以自贖。亦未可知。故明降諭旨。令兆惠與伊同辦

此事。若果能招降波羅泥都。將霍集占擒獻。則大

局已定。伊等亦易於辦理。不過令其入覲。陸續前

來。再將伊妻子送京。最爲妥協。此事大有關係。可

平定準噶爾方略卷五十一

五十五

傳諭明瑞。惟與兆惠富德額敏和卓等體察情形。

加意慎密辦理。

命散秩大臣達什策凌之弟延扎卜來京。

上諭軍機大臣曰。據兆惠等查奏陣亡之厄魯特散

秩大臣達什策凌並無子嗣。惟一弟延扎卜。年尙

幼穉等語。延扎卜著加恩授爲藍翎侍衛。令其來

京居住。

諭叅贊大臣舒赫德豫籌伊犁屯田事宜。

上諭軍機大臣曰。現在內地解送馬駝。將抵軍營。兆惠等帶領前進。攻城獲醜。軍務不久告竣。兆惠富德。明瑞年來多著勞績。應行回京。舒赫德前經獲罪。朕加恩復用。自當暫留効力。將來回部。即仍其舊制。而伊犁則必須官兵駐守。其兵糧卽於回人所出租賦內支給。不勞內地轉餉。方為妥協。其回人租賦。足養兵若干。亦當查詢預備。至各城回人。向於準噶爾時。派往伊犁耕種。將來仍行辦理。但厄魯特等調遣回人。未必如內地屯戍兵丁。辦給行裝糧餉。繁費如許。可傳諭舒赫德留心詢問。得實。酌議具奏。

定邊右副將軍富德等疏奏應援和闐收復哈喇哈什等城。

平定回疆方略卷五十一

三十一

富德等奏言。臣等領兵於三月二十五日至葉爾羌河之克木阿克齊。據副都統瑚爾起等報。

稱初四日至蘇爾統岩里克。遇侍衛齊凌扎卜。自哈喇哈什來告。初二日夜。賊將哈喇哈什攻取等語。我等卽急往策應。初六日。至和闐額里齊時。賊望風卽逃。尾追二十里。俘獲二人。詢知三日。前賊人將行裝送回葉爾羌。留騎賊在此。今俱逃走。續有守城之伯克鄂對侍衛噶布舒。納爾布等相會。我等卽同齊凌扎卜等。於初九日黎明。至哈喇哈什。忽大霧瀰漫。人不相見。捉生詢問。知有騎賊六百人。步賊百餘人。在博羅齊駐營。因乘霧繞出賊後。午刻。行抵賊營。賊始知覺。接戰。官兵奮擊。賊眾奔潰。追過阜窪勒河。計勦賊百餘人。收取馬駝牲畜軍器。次日分途。

平定回疆方略卷五十一

三十一

搜獲賊十餘人。供係從葉爾羌隨阿卜都克勒木前來。昨大兵猝至。射死頭目阿卜都哈里克霍集雅斯。其鄂斯瑞中箭。蓬腋逃回等語。初十日。回至哈喇哈什。齊凌扎卜等將賊營所掠及逃散回人千餘。俱行安插。十一日。至額里齊。將附近之玉隴哈什城內回人。俱行收復。令於各邨庄居住。又遣前鋒五十八。索倫兵鄂提雅往齊爾拉城。同伯克密喇等收獲逃散回人四千餘尸。其克勒底雅塔克二城。亦馳書前往招撫。令其頭目來見等語。臣等初遣瑚爾起時。未敢望成功如此之速。皆賴我

聖主威福。

上天垂佑之所致也。又據噶布舒等呈稱額里齊城。先係索倫署驍騎校烏爾圖保等固守。是時克勒

平定準噶爾方略正編卷五十一

天

底雅齊爾拉伯克阿里木沙鋤魯卜及玉隴哈什之伯克等俱突圍入城。遊擊伍凌阿領綠旗步兵五百名。至哈喇哈什。亦入城協助。并通信塔克之伯克等。不可從賊。其克勒底雅齊爾拉所餘回眾降賊。將阿里木沙等妻子。執狗城下。人心動搖。陷在朝夕。幸得救援。賊始奔潰等語。又齊凌扎卜呈稱賊黨前至哈喇哈什。攻圍數日。又分遣賊眾攻額里齊。噶布舒等前往守禦。我與守備富能領兵守哈喇哈什。因城內乏水。於城外掘二井。派兵防守。三月初三日。賊將井填塞。人心益搖。爭先逃走。因突圍而出。適與瑚爾起相遇等語。并據齊凌扎卜。噶布舒等查出効力及陣亡得傷官兵三十九員名。瑚爾起遣送文書之回人鄂碩爾多爾瓦曾隨伯克鄂對

平定準噶爾方略正編卷五十一

五

等安撫回衆。嚮導回人喇木圖拉俱伯克霍集斯所屬。又瑚爾起隊內伯克鄂對之姪阿卜都爾滿噶布舒隊內嚮導回人默們俱奮勉効力。霍集斯所屬回人阿什默特領兵力戰造箭給軍查獲賊藏糧石。妻室子弟俱爲賊害。應請旨交部議敘議卹及酌量獎賞。奏入。

上諭軍機大臣曰富德泰據瑚爾起等領兵前至和

平定縣邊防編參五

三

闕。賊衆聞風潰散。恢復各城。深爲嘉悅。前所加兆惠富德等爵賞不必奏辭。瑚爾起巴圖濟爾噶爾俱交部議敘。給與世職。齊凌扎卜噶布舒著授爲散秩大臣。交部議敘。給與世職。藍翎侍衛納爾布陞授三等侍衛。散秩大臣伯克鄂對係公品級。著加恩封爲公。遊擊伍凌阿係革職留任之員。著准其開復。索倫驍騎校扎卜敦察勦賊二名。將得傷

之馬甲錫圖庫爾救出。甚屬奮勉。著授爲防禦。賜號達爾漢巴圖魯。賞銀一百兩。其餘効力之呼倫貝爾佐領署營總塔濟爾圖著陞授叅領。健銳營署前鋒章京富勒璉。授爲副前鋒章京。索倫三等侍衛多爾濟勒圖達薩木保俱陞授二等侍衛。獎賞孔雀翎索倫驍騎校巴岱驍騎校愛新保俱授爲防禦。健銳營副護軍校永格藍翎前鋒長傅僧

平定縣邊防編參五

三

額前鋒興任。訥衣圖厄魯特護軍布顏圖俱陞補護軍校。獎賞藍翎索倫領催博尼塔克薩勒圖庫巴喀畢薩勒圖俱陞補驍騎校。吉林馬甲法林保索倫馬甲巴爾都等俱陞補爲領催。綠旗都司常清陞補遊擊。馬兵韓文拔補把總。厄魯特碩爾海授爲藍翎侍衛。貝克授爲護軍。其陣亡官兵俱交部照例議卹。又

論曰瑚爾起噶布舒等所報之前鋒五十八回人阿

卜都爾滿默們著有勞績著加恩俱授為二等侍

衛阿什默特著授為三品總管賞戴孔雀翎有小

城伯克缺出即行酌量補授其回人鄂碩爾多爾

瓦等除獎賞翎頂外仍酌賞緞疋銀兩

臣等謹案和闐六城為回部扼要地當我師

深入傳檄受降不費一矢蓋諸城久苦逆酋

之迫脅翕然思欲歸附

天朝以安居樂業真不啻望若雲霓矣迨大軍黑水

被遮賊黨因得乘間妄肆侵軼其時勢難兼

顧而額里齊乘陴堅守者經三月餘將軍等

既解圍克捷即掄勁旅疾行戈壁中奮勇進

援蟻賊懾我先聲各鳥獸散我兵遂收復額

里齊而哈喇哈什亦即還定玉隴哈什齊爾

平定準噶爾方略正編卷五十一

三

拉並以次安輯且博羅齊之役因大霧瀰漫

得以潛襲賊營殲渠魁而成克捷

天佑所彰尤稱神異而克勒底雅塔克二城亦皆生縛

賊酋踞迎道左軍威所播逆賊霍集占等遊

魂驚悸惟謀捆載遁逃不敢復作嬰城之想

夫六城甫定旋為賊眾所窺援兵未集之前

即身在行間者亦未敢逆料成功之迅速如

此乃眾志鞏固不搖遠人嚮慕罔貳諸城或

危而復安失而復得

天心助順適叶

聖謨揚

景錄而肇鴻庸即此足徵者定之先機矣

諭定邊將軍兆惠等撫賞堵剿各事宜

上諭軍機大臣曰富德等奏敘官兵功次乃據瑚爾

平定準噶爾方略正編卷五十一

三

起呈報者著傳諭富德於兵抵和闐時將從前守

城効力回人詳加查詢其各城伯克等果有隨同

齊凌扎卜等始終一節之人卽酌量補授總管令

其辦事其餘回人應獎賞者惟問之齊凌扎卜噶

布舒鄂對等諒必深悉至從前奏報夤夜踰城出

降之回首及醉我城守官兵迎降鄂斯瑞者著富

德亦查出正法示衆其脅從餘黨酌量寬免仍行

平定回疆方略卷之三十一

三

安插前兆惠富德合兵後朕亟於應援和闐因其

地當要隘且糧食豐足料霍集占等必以死爭今

既未增兵且望風奔潰則其心寒力竭可知併傳

諭兆惠等於逆賊逃竄之路嚴行堵截若賊仍據

城堅守則攻擊仍需礮位計內地所送鑄礮匠役

已抵阿克蘇此時應已成造又有健銳營前鋒等

登城乃其長技其速行進剿以奏膚功

賜拉達克汗

勅書

皇帝敕諭拉達克汗爾遠處邊方感戴恩澤凡所得

回人信息俱報明駐藏之章嘉胡土克圖及大臣

等轉奏朕鑒爾悃忱深爲嘉悅至大兵進剿逆酋

克城甚多俱駐兵防守今進取葉爾羌喀什噶爾

等處波羅泥都霍集占兄弟力窮勢蹙斷不能支

平定回疆方略卷之三十一

三

惟有棄城遠遁朕亦不以出兵協剿之事委之於

爾倘逆賊等投入爾境內當擒獲看守送至藏地

朕必厚加恩賚若不卽縛送日後朕必知之於爾

無益今以頒降勅書賜爾上用緞十端爾其祇領

特諭又

諭軍機大臣曰章嘉胡土克圖等奏稱拉達克汗遵

旨遣伊屬人扎什丕勒託故至葉爾羌將所有見

問詳悉具報等語。暨所報情形。與軍營事體。不其
差謬。故降勅獎諭。其所遣之扎什丕勒。雖駐藏大
臣業經賞給銀牌。緞疋茶葉。仍酌量加賞。以示優
獎。

甲戌。

中諭定邊右副將軍富德等續查和闐戰守勞績。

上諭軍機大臣曰。昨富德等奏敘固守和闐各城。及

平定準噶爾方略正編卷之三十一

三

應接勅賊功次。朕命將節次奏報詳查。前經永貴
等奏據齊凌扎卜等報稱。會遣滿洲哲勒順防守
克勒底雅城。有回人默默里提卜哈子鄂斯瑞等
與鄂斯瑞相應。致哲勒順被害等語。富德抵和闐
時。宜將殉難之人。詳查情節。擒獲兇黨。卽行正法。
至所奏戴獎賞翎烏爾圖保喀爾喀章京達什回
人多羅特默特等。會守額里齊。自必著有勞績。且

回人鄂碩爾多爾天告稱。伊隨鄂對等前往和闐。

聲言援兵將至。阿卜都克勒木等敗走出城等語。

賊若已入城。則烏爾圖保等豈能免害。此三人現

在何處。及鄂碩爾多爾天所言虛實。著再行查明

具奏。又賊人在哈喇哈什奪井時。回人密喇卜阿

卜都哈里克瑚岱訥則爾等俱得傷。瑚爾起等勦

賊時。馬甲永保巴雅爾曾勦殺賊人。俱應加恩議

平定準噶爾方略正編卷之三十一

三

敘。何以未入奏內。至瑚爾起等所領兵丁。亦屬効
力。著查明會否酌賞銀兩。因便奏聞。

平定準噶爾方略正編卷之七十二

乾隆二十四年夏四月乙亥

訓諭八旗大臣官員

上諭軍機大臣曰朕今日恭閱

皇祖實錄議政大臣等奉

上諭

太祖

平定準噶爾方略正編卷之七十二

一

太宗時滿洲兵凡遇征戰馬匹口糧自備行走所向立功並無遲悞今官兵行走處馬匹口糧器械等俱給帑置辦且以為不足而怨咨生焉此皆由該管官不行嚴飭之故也朕辦理軍務閱歷甚多向時征討岳州雲南皆決於進取乃得成功後征噶爾丹中路進兵大臣官員會議以為不可惟朕與費揚古夙意進兵噶爾丹聞風驚懼鼠竄而去朕將中路初次運到

平定準噶爾方略正編卷之七十二

二

之米遣明珠送費揚古軍前二次米亦令續送三次米內朕但留十八日口糧餘皆送往西路是以兵丁未至饑餒彼時若輕信大臣等之議中道撤兵則兩路兵丁安得立功奏凱耶今觀領兵大臣官員等祇為保身之計不以國事為重內存私意彼此爭論不和又向兵丁等沽名市恩多取口糧及不能馱載至於拋棄全無珍惜之意如此居心行事可乎朕之滿洲兵俱極精練全在領兵者將國家之事專心辦理不圖安逸賞罰嚴明則斷無錯悞進兵西藏時塞楞不候眾人獨自前往額倫特亦隨後追至為國家奮不顧身雖致失機豈可論伊等進兵太速乎今策狂諾爾布係差往策應之兵而遲延不前雖伊所統兵丁善全而歸伊屬下之兵固然感念與國事有何裨益朕年少時每於講武練兵等事違命者必懲以

法。內外大小悉知儆惕。由此觀之。訓練之事不可疎忽也。茲衆喀爾喀及青海人等。俱服朕德化而策妄阿喇卜坦之人。霸占藏地。毀其寺廟。散其番僧。朕思伊兵步行一年有餘。忍饑受餒。尚能到藏。我兵顧不能至乎。今滿漢大臣咸謂不必進兵。朕思此時不進兵。安藏賊寇無所忌憚。或煽惑沿邊諸番部。將作何處置耶。故特諭爾等。安藏大兵。決宜前進。欽此。蓋彼時臣工內。卽有囿於己私。惟圖安逸之習氣。故

平定準噶爾方略正編卷五十一

三

皇祖神謨獨斷。毅然辦理。是以每遇用兵。罔不克捷。朕御極以來。曾屢降諭旨。力除此習。卽如數年來。辦理軍務。大臣中不願者居多。亦因朕指示催督。始能勦殺賊衆。所向無前。閱時未久。卽平定準噶爾。且回部葉爾羌喀什噶爾諸城。早晚亦可奏績。惟從前永常策楞等。以馬匹口糧爲詞。一意退縮。以

致大功不成。各罹罪譴。雅爾哈善以大兵全力圍賊一城。並不急攻。且坐視逃竄。國憲難宥。故卽行正法。此皆徇私心而忘國事之炯戒也。至行兵口糧。固屬緊要。亦當計其便於裹帶。若但拘成例。支給過多。以沽名譽。及至不能轉運。徒然拋棄。於兵丁有何裨益。軍行糧隨。乃前代漢人陋習。曾經諭及凡將軍大臣等領兵。應支口糧。惟量足裹帶。途中再爲通融撙節。何至不能接濟。况官兵應支口糧。歸途有補給之例。若論事屬已往。雖不給亦可。而仍如此定例者。乃朕軫念兵丁之至意。俾行走時。既覺便利。又得補給之項。以贍身家耳。數年來。將軍大臣內。兆惠富德在軍前行。尚好。亦因遵朕訓諭。率先勇往。鼓勵官兵。雖間有不合機宜。然究未貽誤公事。至從來滿洲官兵。皆係勁旅。遇有

平定準噶爾方略正編卷五十一

四

攻戰。惟知前進。毫無退縮。該管大臣官員等。平時

並不勤加訓練。臨事又不能率先鼓勵。可惜朕之

精兵。皆為此等大臣官員所誤。若果盡心於教訓

倡率。則何功不成。昨據富德等具奏。此次進剿之

健銳營滿洲兵。於攻戰之時。放鎗迅利。奮勇直前

等語。健銳營係朕新設。勅大臣等勤為操演。又時

親簡閱。始能技藝嫻熟。破賊立功。八旗大臣官員。

平定縣志卷之三

五

皆有練兵之責。果能盡心教訓。則兵丁技藝。自皆

一律健銳。又何須另立營名乎。欽惟

皇祖以講武練兵。不可疎忽。

聖訓昭垂。實萬萬年永當遵守者。著傳諭八旗大臣官

員等。嗣後各除便已求安之私意。惟知訓練兵丁。

務使技藝嫻熟。不失滿洲舊習。庶兵丁皆成勁旅。

而風俗日以還淳於國家之事。大有裨益矣。此旨

著通諭八旗。仍於各旗演習騎射處所刊刻。永遠
奉行毋怠。

丙子。

諭定邊將軍兆惠等酌計糧餉進兵。

上諭軍機大臣曰。定長等奏稱准兆惠等咨內地所

送駝隻。至哈密關展時。酌量每駝運糧一石。抵阿

克蘇。隨以此項駝隻。俱行走數千里。不能多運。惟

平定縣志卷之三

六

擇其臙壯者。輕裝馱載等語。昨以達爾黨阿等奏

報所送馬匹。五月間可至阿克蘇。朕即謂已過麥

熟之期。或候回地續種田糧。再行進剿。此特恐馬

力既未齊全。糧餉又不能接濟。不得已而稍待之

意。今思阿克蘇等處。亦未必有二萬餘馬牧場。且

天暑易致疲乏。而定長復不能多運糧餉。若再停

留不進。則官兵又虛糜兩月之餉矣。莫若仍於五

月進兵。雖麥熟過期。必有尚未收割者。可資接濟。庶功以速成。不必拘泥前旨。著傳諭兆惠富德舒赫德等。會議具奏。定長等亦令其酌量辦理。

定邊將軍兆惠等疏奏。查詢侍衛拜達爾勞績。兆惠等奏言。臣等欽奉

諭旨。查得三等侍衛拜達爾。原在雅爾哈善軍營。去

秋。隨臣等至葉爾羌。以英額奇盤山之戰。同殲

平定準噶爾方略正編卷五十二

七

綽爾圖等為前鋒。遇賊陣亡。業經具奏。去年六

月間。雅哈托和胤之戰。拜達爾領巴圖魯兵二

十名衝陣。侍衛噶布舒等。欲候大隊同進。拜達

爾激罵同行。不許退後。亦經保列頭等功次。奏

入得

旨。拜達爾已加恩優卹。給與世職矣。

辦理屯田副都統定長等疏奏。遣發存留滿洲

索倫等官兵。

定長奏言。臣等准兆惠咨。將各處存留之滿洲

索倫蒙古兵丁。速令起程。於四月內抵阿克蘇。

茲于三月二十等日。吳達善送馬一千匹前來。

臣等除酌留臺站兵丁外。計送往軍營各官兵

三百八十五人。辦給行糧馬匹。陸續起程。奏入

報

平定準噶爾方略正編卷五十二

八

聞。

丁丑。

定邊將軍兆惠等疏奏。酌籌進剿事宜。

兆惠等奏言。臣等從前擬將和闐阿克蘇分為

兩路。特因和闐被圍。且有通喀喇土伯特。痕都

斯坦之路。俟應援事竣。進攻葉爾羌。而阿克蘇

之兵。兩面夾攻。兼堵截賊人逃往拔達克山等

要隘。若兵多則分攻喀什噶爾。互相牽制。今二
數不多。恐逆賊拒守。華爾羌。必須兩路合兵。攻
圍侯克城後。再分兵略地。及堵截來援賊衆。今
接奉分兵。

諭旨。謹錄送富德。令其定議具奏外。臣舒赫德。卽將
阿克蘇所有馬駝內。選其堪用者。前往和闐。安
撫回衆。其酌調布魯特屬人。及查拏哈薩克錫
喇。臣等於三月初八日。卽遣侍衛成果。布延泰
等。傳檄布魯特。候回報定奪。奏入。

平定回疆方略卷三十一

九

上諭軍機大臣曰。富德至特穆爾圖。淖爾。攻喀什噶
爾。舒赫德前往和闐。皆從前酌定者。今富德已定
和闐。自當由彼進發。兆惠雖令富德定議。恐往返
需時。可傳諭富德。令其徑從和闐進兵。攻取葉爾
羌。一面堵截逆賊等逃竄之路。昨據舒赫德請前

赴和闐。令巴祿在阿克蘇辦事。已降旨停止。卽此
時業已起程。亦仍回阿克蘇。此旨著速行馳遞。
戊寅。

諭定邊將軍兆惠等酌籌送馬事宜。

上諭軍機大臣曰。據富德奏稱。前往和闐。一路地多
戈壁。詢之守備傅能。亦以前途牧場既稀。而水泉
亦少。現將所領兵馬。分爲五起。牽馬步行等語。是
解送馬匹。甚關緊要。達爾黨阿。哈達哈所送之馬。
二萬餘疋。係分給兆惠富德兩軍者。抵阿克蘇時。
將送交富德之馬。作何分起解送。不致疲乏。可傳
諭兆惠富德。詳加酌議具奏。一面卽行辦理。

平定回疆方略卷三十一

十

命以陞賞侍衛齊凌扎卜等情節。宣示官兵。
上諭軍機大臣曰。富德奏稱。途遇守備傅能等。領綠
旗兵五十餘名。從哈喇喀什脫出。告知伊與齊凌

扎卜等固守情節。仍願隨同進兵。因其困憊。令往
兆惠軍營休息。以備詢問等語。齊凌扎卜傳能有
守城之責。城既失陷。自當治罪。但哈喇哈什係回
城初降。衆心未定。非內地城守可比。且兵餉不足
尚能勉支三月餘。迨勢孤援絕。內外變亂。始行脫
出。旋又隨大兵恢復。苟非齊凌扎卜堅守之功。則
援兵雖至。亦已無及。是以加恩優敘。今傳能係隨

平定準噶爾方略正編卷五十二

十一

同齊凌扎卜守城。不必一體陞賞。但亦屬勞苦。著
加恩遇有都司遊擊缺出。卽行補用。隨同脫出之
兵丁。殊堪軫念。著兆惠等查明酌賞銀兩。恐軍營
官兵等。以齊凌扎卜傳能既已失城。功不抵罪。何
故加恩。妄生揣度。亦未可定。可通行曉示知之。
命酌定有功人員。賞給巴圖魯號。

上諭軍機大臣曰。富德將交查之藍翎侍衛那木查

爾等十八功次查奏。又稱此次保舉人員內。索倫
藍翎伊登古幾賞藍翎科丕塔俱應賞巴圖魯號
等語。昨諭查奏軍營應賞巴圖魯號人員。原欲拔
其殊尤。加以寵錫。今所奏尚未明晰。豈伊等多人
均應賜號耶。著傳諭富德將此中實屬奮勉超羣
立功異衆者。查出四五人具奏。又兆惠奉諭。惟查
奏綽爾布鼐一人。朕已加恩賜號。看來伊隊內効
力人多。所舉尚覺其少。亦傳諭兆惠再照前例。查
出一二人。奏聞請旨。

平定準噶爾方略正編卷五十二

十一

命革副將高宗瑾職。押赴烏魯木齊効力。
上諭軍機大臣曰。吳達善奏副將高宗瑾委令總
理解送軍營羊隻。托病推卸。規避不職。請革職。發
往烏魯木齊屯田効力。所奏甚是。高宗瑾身為大
員。遇事推諉。若僅予革職。實不足蔽辜。但甘省距

烏魯木齊頗遠。此等無恥懶惰之人。若令其自行領咨前往。中途不免捏病逗遛。著傳諭吳達善委員押赴烏魯木齊。交與屯田大臣收管。令其當差効力。以為官員規避者戒。

五月庚辰朔。

命欽天監監正明安圖等往繪回部地圖。

上諭軍機大臣曰。回部將次竣事。應照平定伊犁之

平定伊犁方略卷五十二

圭

例。繪畫輿圖。明安圖傳作霖者。賞銀二百兩。西洋

人高慎思。願請同行。亦賞銀二百兩。二等侍衛什

長烏林泰。乾清門行走。藍翎侍衛德保。賞銀各一

百兩。德保仍授為三等侍衛。整裝馳驛前往。

辛巳。

恩免陝西承辦軍需各屬地丁錢糧。

上諭大學士曰。前因陝西與甘肅毗連之各廳州縣。

年來亦有承辦軍需差務。小民踴躍急公。深堪軫

念。特降旨該督。令其查明奏聞。今據吳達善將辦

差各屬。分晰查奏前來。所有出力最多之潼關華

陰。華州。渭南。臨潼。咸寧。長安。咸陽。醴泉。興平。乾州。

永壽。邠州。長武。府谷。神木。葭州。懷遠。榆林。定邊。靖

邊等二十一廳州縣。本年額徵地丁銀糧。著加恩

普免十分之三。其同官高陵。涇陽。三原。富平。盩厔。

平定伊犁方略卷五十二

古

鄂縣。藍田。耀州。大荔。蒲城。澄城。韓城。白水。邠陽。朝

邑。鳳翔。岐山。寶雞。扶風。隴州。汧陽。麟遊。郿縣。三水。

淳化。武功等二十七州縣。本年額徵地丁銀糧。加

恩普免十分之二。南鄭。褒城。寧羌。沔縣。城固。洋縣。

西鄉。略陽。鳳縣。商州。商南。雒南。鎮安。山陽。鄜州。洛

川。中部等十七州縣。本年額徵地丁銀糧。加恩普

免十分之一。以示一體優恤。加惠黎元至意。該部

遵諭速行。

諭叅贊大臣巴祿隨富德由和闐進兵。

上諭軍機大臣曰。巴祿奉到阿克蘇辦事之旨。奏請

願赴軍營。同將軍等進剿等語。昨已諭巴祿領富

德存留之兵。前往和闐辦事。今伊既願同將軍進

剿。著即同富德由和闐領兵前進。但和闐仍須大

員駐劄。著福祿即留辦事務。亦諭兆惠等知之。

平定準噶爾方略正編卷五十二

五

總督管甘肅巡撫吳達善疏奏臺站兵糧就近

撥運事宜。

吳達善奏言。查口外軍營。安設臺站。從巴里坤

北至烏魯木齊南至阿克蘇。俱需駝隻轉運合

計一月用駝二百餘。倒斃者十之七八。購辦不

易。臣查巴里坤一路臺站。自今春改設山南以

來兩路俱會哈密迤西。而哈密關展兩處。均有

運貯糧石。其由關展至托克三哈喇沙爾庫車

阿克蘇等處。俱安設糧臺。兼有收穫屯糧。請自

五月以後。不必由巴里坤辦運。徑從哈密關展

等處撥運。其關展至阿克蘇。各就近分臺撥運。

更按各地情形。在百里以內者。即令各臺兵。按

月自赴糧臺。或屯所。隨便支取。其自托克三及

烏魯木齊以東。地尚平坦。酌僱商車分送。自哈

平定準噶爾方略正編卷五十二

六

喇沙爾至阿克蘇合計所需糧數。每月不過數

十石。應請即於各種臺現有駝隻內。每月量撥

二三十隻。即可運送一次。沿途分給。需駝無多。

自可通融辦理。奏入報

聞。

壬午。

叅贊大臣舒赫德等疏奏購買回人數石情形。

舒赫德奏言查各城回人等感戴

皇仁臣等定議糧馬價值均因其所願並無迫脅本

年二月以來青黃不接臣等同伯克等照每石

二兩五錢之官價加至兩倍至回人等最需內

地布疋每疋以二兩至二兩五錢折兌布三疋

即可得穀一石其烏什阿克蘇等處穀價每石

自三兩至五兩不等今市價較昂臣等公議每

平定縣縣志卷之二

七

石酌量增加回眾無不踴躍出糶並行文烏什

庫車等處一體辦理臣現在購買回人馬一百

匹又選駝九十隻派官兵百名運送鎗礮軍器

於四月十一日自阿克蘇起程前往和闐至和

闐甫經安集應及時耕作臣與永貴等會商攜

帶銀兩緞布以備獎賞奏入

上諭軍機大臣曰前諭舒赫德同霍集斯前往和闐

特為堵截逆賊霍集占等逃逸今富德已從和闐

進兵阿克蘇亦屬要地仍令駐劄辦事曾屢降諭

旨今業經前往接得此旨即將官兵等及運往軍

需交與富德辦理仍輕騎轉回阿克蘇亦傳諭兆

惠等知之

癸未

諭定邊將軍兆惠等體察伯克霍集斯情形

平定縣縣志卷之二

大

上諭軍機大臣曰兆惠等奏稱從前詢問霍集斯據

告云烏什有通喀什噶爾之路雖覺稍近而地險

多石水泉不足往葉爾羌渡河亦難今伊已抵富

德軍營應行文令其就近詢問等語烏什一路行

走既難富德仍即自和闐進兵防禦喀喇土伯特

等要隘朕詳察霍集斯情形似以擒獲霍集占等

後回首無出其右者意在總統回部會密諭兆惠

等留心防範。但霍集斯雖不可信。而從前曾擒獻達瓦齊。此次納降。又隨將軍等在葉爾羌効力。若驟行究治。同人未免驚疑。著再密諭兆惠等。霍集斯此時如情形叵測。斷不可留。則亦不得姑息。從事。或不過恃功率意。即暫示包容。俟事竣後。與伊同行來京。照達瓦齊之例安置。亦屬妥協。兆惠等宜加意慎密。以合機宜。

甲申

諭定邊將軍兆惠等通融支給火器。

上諭軍機大臣曰。五吉奏稱提督閩相師咨取火藥鉛丸等件。查從前因內地解送關展駝隻。已經搭運。而楊寧等所領綠旗兵。所攜亦多。今駝隻已全過哈密。續解尚需時日等語。軍營進剿兵丁。均屬効力。所有需用器械。宜量其有無緩急。通融支給。

不可彼此岐視。閩相師隊內火藥鉛丸。即有不足。自當於楊寧隊內取用。必欲按營分領。殊屬拘泥。嗣後內地所送軍需。兆惠等須酌量派撥。勿分彼此。但軍前火器最要。不妨寬裕貯備。五吉等既稱陸續送至關展。定長等亦當於糧運之便。轉解阿克蘇。俱著傳諭知之。

乙酉

定邊石副將軍富德等疏奏收復塔克克勒底

雅二城。

富德等奏言。臣等近將瑚爾起等復取哈喇哈什。招撫塔克克勒底雅等城。具奏。四月初四日。據瑚爾起等報稱。三月二十一日。遣往克勒底雅之索倫領催庫卜堪厄魯特錫爾魯克同人。熱密特等領克里雅城頭目十餘人前來。告稱

我等將近克勒底雅時。有四德和卓等將賊人

阿卜都克勒木等所用頭目布庫塔斯擒執出

城來迎。隨飭令嚴加看守。卽抵其城。沿途村堡

回人俱甚欣喜。又據遣往塔克之索倫隨營委

官徹克德赫爾厄魯特得木齊巴蘇泰等告稱

行至塔克。詢問回人知伊等頭目默里善等避

賊入山。結寨自守。因尋至其地。默里善出迎。將

平定縣志卷之三十一

三

賊所用頭目諾們伯克等。及所遣之摩羅岳科

卜等。俱各擒獻。今將默里善領來。又據四德和

卓等告稱。從前侍衛噶布舒伯克鄂對等遣人

前來。我阿里木沙領兵助守額里齊城。餘人因

無管領。是以爲賊所迫。默里善告稱我等結壘

深山。賊人據城。曾屢次迫脅。並未往見。再畜集

占牧羊大小約四百隻。阿卜都克勒木給回字

文書六件。一併獻出。謹先呈報。其擒獲之布庫

塔斯諾們伯克等。俟解至軍營。審訊另報等語。

臣等伏觀和闐等城。危而復安。失而復得。不勞

攻取。悉合機宜。皆賴

上天默佑。

聖主威福。如此顯著。逆酋計日可擒。臣等前留侍衛

章京承德在阿克蘇等侯馬匹軍器。現在咨明

平定縣志卷之三十一

三

兆惠將所到軍需。先行辦給。不必同巴爾楚克

之兵。一路起程。以致紆道貽悞。奏入。

上諭軍機大臣曰。克勒底雅塔克回人等。聞官兵將

至。擒獲賊人所用頭目。爭先迎降。甚屬可嘉。著富

德至和闐。將伊等功次查奏。候朕加恩。至從前

克勒底雅回人墨墨里提卜哈子鄂斯璊爲賊內

應。以致城陷。此二賊當查拏正法。若已隨阿卜都

克勒木逃去。則進剿時亦當留心查辦。不可致令漏網。又

諭曰富德等現從和闐進兵。若阿克蘇辦給馬匹。從巴爾楚克路與兆惠同行。必致遲悞。業已咨行兆惠。自必先為辦給。至解送馬匹。務使不致疲乏。以歸實用。朕亦已降旨。但內地馬匹。送至阿克蘇。分給兩路。而富德一路。則仍須遠送和闐。且伊又不

平定準噶爾方略正編卷五十二

三

及親身查驗。以公義權之。縱不擇其廕壯者解送。亦當均勻分撥。然官兵等惟圖便已。亦情勢所必有。兆惠統轄全軍。自當秉公查辦。作何先令起程。加意照看。著一面辦理。一面具奏。併傳諭富德知之。又瑪瑞來京。據奏云。巴爾楚克頗有水草。牧馬二萬匹。可供一月等語。兆惠與富德相約會兵。若自阿克蘇直抵葉爾羌。恐長途馬匹疲乏。或在巴

爾楚克稍為駐牧。候富德信息。亦甚有益。但恐賊人知覺。豫備。然我自阿克蘇進兵。賊亦未有不知者。其悉心計議辦理。再瑪瑞奏云。從前濟爾噶朗潰圍時。有索倫英格圖。遇賊負傷。力戰甚勇。現在兆惠軍營等語。英格圖行走若何。有無勞績。亦著查明。遇便奏聞。

丙戌。

平定準噶爾方略正編卷五十二

四

諭定邊將軍兆惠等。辦送兩路馬匹官兵。分隊前往軍營。上諭軍機大臣曰。昨諭兆惠等將辦送富德馬匹。秉公挑選。先行起程。但此次所辦馬匹。若交與承德等送往。則人數無多。不敷照管。且承德已諭令隨努三回烏魯木齊。辦理哈薩克貿易事務。此時業經前來。亦未可定內地辦解馬匹。係達爾黨阿哈

達哈等護送。應將伊等分為兩隊。往和闐者。著達爾黨阿。傅景等帶領。即在富德軍營行走。增添兵丁。更於進剿有益。兆惠如亦須增兵。則先派西安滿洲兵五百名。達什達及厄魯特兵丁二百名。前往和闐。其餘官兵。著哈達哈伊柱官長保等帶領。在兆惠軍營行走。俱著傳諭知之。

庚寅。

恩賞糧運兵丁衣履。免扣錢糧。

上諭大學士曰。據定長等奏稱現在關展存貯衣履等件。請分給由哈密運糧送駝之西安等處滿洲綠旗兵丁。其不足者。支取布疋製給。所用銀兩。在各兵錢糧內。照數扣還等語。此次兵丁輓運軍需。往返行走。甚屬勞苦。著加恩將所給衣履等件。動用銀兩。不必扣伊等錢糧。即行賞給。以示優恤。

平定縣縣志卷之二

五

壬辰。

諭定邊將軍兆惠等。加意撙節糧餉。

上諭軍機大臣曰。永貴等奏稱內地購辦牛羊。通計十二萬隻有奇。可供二萬官兵三月口食。又舒赫德等向回人換易及內地運送糧餉。除支給官兵外。尚餘可給進兵後半月之餉等語。所辦頗屬妥協。現在麥秋將屆。回人既有應交糧石。加以布疋換易。軍食自可裕如。且進剿之兵。既有半月裹帶。兼爾羌時。賊人亦已收穫。可以搜取。加之羊隻接濟。自無匱乏之虞。兆惠等宜加意撙節為要。

平定縣縣志卷之二

美

其運送各色布疋五千疋。已傳諭吳達善。令其酌量採買。或一時難得。即奏請由京辦理解送。

癸巳。

恩卹軍營病故綠旗兵丁。

上諭大學士曰。兆惠等遵旨。將進攻葉爾羌。及歸途病故之綠旗兵丁。查明具奏。從前明瑞到京。朕詢以軍前情形。據奏綠旗兵丁。內有患病身故者。朕心深為軫念。今據奏病故兵丁。皆係雅爾哈善自庫車帶往。因採食杏實等物過多。腹泄病故等語。似此情節。皆雅爾哈善毫無紀律所致。伊等雖非身冒矢石。効命行陣者可比。究係奉調出征。在途身故。亦屬可憫。著將軍兆惠等。查明伊等標營姓名。造冊咨送楊應琚。吳達善等。查出伊等子弟。卽或年幼。亦著充補名糧。徐為教育。仍酌量賞給銀兩。以昭朕加恩優卹之意。

平定準噶爾方略正編卷五十二

七

定邊將軍兆惠等疏奏豫籌進剿情形。

兆惠等奏言。臣等查回人所種之麥。因今年有閏月。六月始能收割。須於賊未收穫之時。大兵

前進。方有裨益。現在內地辦送馬匹。計五月望日前後。可以到來。除應送富德軍營者。先行辦理起程外。臣等定於五月內。務行進發。至派出回人等。偵探聲息。捉生詢問等事。曾與額敏和卓相商。有烏什所屬之布魯特四十戶。可以酌量差遣。已將伊等挑選十人。豫備。臣等惟有勉力前進。相機辦理。以期迅奏成功。奏入。報

平定準噶爾方略正編卷五十二

三六

聞。

乙未。

諭喀爾喀副將軍策布登扎布。查奏沿途堵剿情形。上諭軍機大臣曰。近據策布登扎布奏稱。四月十五日。領兵起程。前往塔爾巴噶台等處。防堵逸賊等語。著傳諭策布登扎布。伊起程已經一月。此時現至何處。何時可抵塔爾巴噶台。沿途曾遇一二嗎

哈沁否。再塔爾巴噶台。至特穆爾圖淖爾。相去有幾日之程。自彼回至烏里雅蘇台。中間路徑。孰近孰遠。其詳悉查詢具奏。

丙申。

諭定邊左副將軍成袞扎布等籌辦折給官兵糧餉。上諭軍機大臣曰。前據成袞扎布等奏稱策布登扎布領兵前往塔爾巴噶台。每兵支給六月錢糧。其

平定縣學正編卷五十二

五

應得六月餉米。酌量折給銀兩羊隻等語。此次折給銀兩羊隻。或仍辦給官羊。或總令伊等自辦。若不敷食用。作何運送接濟。亦曾籌備否。可傳諭成袞扎布令其即行具奏。

諭熱河副都統富黨阿等。安插達什達瓦屬人事宜。上諭軍機大臣曰。富黨阿等奏稱達什達瓦屬人等。已到熱河。一切辦理。尚需時日。先按人口每月給

米二斗。銀三錢。暫行接濟。俟查明戶口若干。以定

官兵額數。給與錢糧養贍。另行具奏等語。富黨阿此奏。稍覺稽遲。已差三和前往。辦理賞給。所奏支領米石。即准其散給。至賞給銀兩。三和現在辦理。或已經分賞。亦不必追繳。其將伊等作為官兵酌給俸餉之處。著詳議具奏。伊等未經出痘。應授官職人等。不必送京。候朕駐蹕熱河時。再行帶領引

平定縣學正編卷五十二

五

見

己亥。

諭定邊將軍兆惠等覆奏和闐脫出回人所告情形。上諭軍機大臣曰。兆惠等奏稱詢問伯克鄂對。遣來阿克蘇之回人瑪瑪特。則爾據言稱賊黨阿卜都克勒木見大兵將到。遣人請霍集占增添賊眾。霍集占派騎賊一千五百人。以喇木呼里帶領。自

葉爾羌行走二站。駐於羅克。賊黨鄂斯瑞從和闐
 敗逃行走五站。駐於固瑞等語。著傳諭富德。此時
 應已抵和闐。鄂斯瑞等若仍在固瑞。相去甚近。自
 必擒勦。或已逃回葉爾羌。卽行奏聞。又瑪瑪特訥
 則爾告稱。在和闐時。會聞痕都斯坦路管賊卡倫
 之賽特巴沙爾。聞大兵至。卽降。因往取妻子。為賊
 人所殺。伊一孫不知其名。自固瑞脫出。報知增添
 賊衆。信息等語。著富德查明。奏請酌量加恩。賽里
 木伯克呢雅斯。守哈喇哈什時。得傷身故。亦屬可
 憫。伊有無子孫。亦併查奏。瑪瑪特訥。則爾及同來
 之鄂對妻兄阿瑞伯克沙雅爾。回人薩爾巴三等。
 俱曾効力行走。兆惠現在行文富德。詢問鄂對。俟
 咨覆得實。卽酌賞銀兩。又

諭曰。據瑪瑪特訥。則爾告稱。霍集占於葉爾羌附近

平定準噶爾方略正編卷之二

三

耕種等語。是逆賊等尚無遠遁之意。蓋伊等以我
 兵到彼。不過攻圍數月。未能持久。俟撤兵。卽可無
 事。著傳諭兆惠等。進兵時。須加意備辦攻城器具。
 現在吳達善於肅州。造送攔牌。又有鑄造大礮。及
 雲梯等件。足以突陣衝堅。至賊人逃竄之路。亦宜
 嚴為堵截。再披閱地圖。痕都斯坦一路。似與克勒
 底雅相通。克勒底雅為和闐六城之一。富德等宜
 詳加詢問。派兵防範。現在駐劄何處。著卽奏聞。
 命賜吉林署協領布爾哈等。巴圖魯號。
 上諭軍機大臣曰。前據明瑞奏。健銳營前鋒林保不
 待雲梯。直薄賊寨。朕已賞給噶克察巴圖魯號。仍
 諭兆惠。將似此奮勇擊賊之人。查出請旨。今據將
 吉林署協領布爾哈等十四人。列單具奏。著加恩
 將布爾哈。賜號布彥圖。巴圖魯。索倫署叅領巴勒

平定準噶爾方略正編卷之二

三

理賜號鳴畢雅圖巴圖魯哲野勒圖賜號齊爾瑪

海巴圖魯烏密勒圖賜號固濟爾巴圖魯委署防

尉固勒克訥衣賜號肯特克巴圖魯吉林署驍騎

校薩爾泰賜號鄂莫克圖巴圖魯馬甲英賚賜號

巴爾巴圖魯索倫領催隆恰賜號超圖巴圖魯烏

延察賜號阿勒達爾泰巴圖魯額默勒肯賜號賽

沙勒圖巴圖魯和吧勒圖賜號衛魯克森巴圖魯

平定縣志卷之三十一

三

穆庫楚賜號額德格勒圖巴圖魯錫扎布賜號噶

魯克三巴圖魯察哈爾驍騎校巴圖孟克賜號巴

圖巴圖魯照例賞銀各一百兩以示鼓勵

命賞隨將軍納穆扎爾力戰負傷脫出兵丁

上諭軍機大臣曰據兆惠等將納穆扎爾隊內脫出

兵丁等查明力戰得傷情節造冊送部等語前據

舒赫德於巴爾楚克遇脫出之科科勒岱等四人

業經加恩賞銀各十兩此次查送之兵丁等除交

部議敘外俱著照例賞給銀兩以示優恤

于寅

諭辦理屯田副都統定長等查拏藏匿嗎哈沁各事

宜

上諭軍機大臣曰據定長奏主事富魁於伊犁等處

立碑告竣領兵丁匠役等回至闢展并於博羅通

平定縣志卷之三十一

三

古拏獲嗎哈沁烏勒木濟據供有綽羅斯台吉烏

勒木濟等三十戶七十餘人在瑪納斯山內藏匿

等語著傳諭定長此等潛踪來往之嗎哈沁必期

盡剿方便地方寧謐達爾黨阿等送馬會從此經

過否定長等派兵五六十名可否即能辦理至所

請將烏勒木濟賞給肅州官兵為奴但據伊供詞

曾殺傷二人自應抵償已傳副楊應琚等俟解到

時卽行正法。

諭直隸總督方觀承酌量分撥馬匹。

上諭軍機大臣曰。提督吳進義奏。上年督臣購備馬

四千匹。現在軍務將竣。似無急需。陝甘營馬抽調

以來。應有缺額未補。請以二千匹由邊路解赴榆

林。二千匹由內地解送西安等語。所奏甚是。此項

馬匹。與其額外分營收槽餉秣。孰若酌量分撥陝

平定準噶爾方略正編卷之三十一

五

甘以補缺額。或有需用。亦可就近調遣。二省原有

馬乾。可以支給。何必留於直隸。致糜草豆。現在甘

霖未溥。糧價尚昂。以此節省之屯豆。減價平糶。亦

可兼資民食。著傳諭方觀承通融籌畫。妥協辦理。

平定準噶爾方略正編卷之七十三

乾隆二十四年五月甲辰。

定邊右副將軍富德等疏奏撫定和闐情形。

富德等奏言。臣等於四月十六日。兵至和闐之

哈塔里。副都統瑚爾起等。遣侍衛達三保納爾

布。公品級伯克鄂對之姪阿卜達里木庫車伯

克阿賚呼里額里齊伯克固爾班和卓密喇卜

平定準噶爾方略正編卷之三十一

一

屬人伊斯邁勒玉隴哈什伯克默努斯哈濟屬

人圖柳默什哈喇哈什伯克默默什密喇卜屬

人喇默特塔拉和卓來迎。據稱克復和闐後。從

賊中脫出回人等。有傳聞賊衆復來者。今並未

見一人。現於各要隘設卡倫防守埋伏等語。并

呈送葡萄爲贊。臣等加以撫慰。詢問各城生計。

及耕種事宜。據伊斯邁勒等告稱。各城雖爲賊

久困。但各處尚有埋藏米穀。自大兵到時。即傳

令耕種。額里齊。哈喇哈什。玉隴。哈什。本年雖未

及種麥。尚可種秋糧。克勒底雅塔克齊爾拉。此

三城已經種麥等語。臣等此次進兵口糧似可

接濟。其一應馳遞事件。自阿克蘇之扎木至和

闕。前奏安設臺站五處。今沿途察看。戈壁甚多。

酌展為六臺。派健銳營前鋒達蘭泰等六人。以

平定縣學路編卷之三

三

委署筆帖式管理。所有兵丁口糧。各於阿克蘇

和闐就近支領。俟會兵葉爾羌後。或留或撤。另

奏辦理。奏入。

上諭軍機大臣曰。富德等兵近和闐。詢據回人等傳

聞賊眾復來。迄今未見。現已耕種安生等語。逆賊

等計窮力蹙。豈肯復來。不過據守葉爾羌。大兵一

至。或且驚惶逃遁。將來惟堵截最要。兆惠。昌德合

兵進勦。斷不至如庫車城之難克。必奮勇攻擊。嚴

密防範。務使渠魁就縛。於今歲成功。方為妥協。其

悉心計議具奏。

乙巳。

命總督管甘肅巡撫吳達善回蘭州辦事。

上諭軍機大臣曰。楊應琚將至肅州。哈密糧餉軍務。

辦理亦已就緒。吳達善不必同駐肅州。即回至蘭

平定縣學路編卷之三

三

州。將甘省一切地方事務。同藩臬等悉心查辦。有

應行知會楊應琚者。彼此咨商。亦屬近便。

丙午。

諭定邊左副將軍成袞扎布等查拏逸賊。

上諭軍機大臣曰。據扎隆阿奏稱策布登扎布等於

五月十六日。自布延圖起程。伊將卡倫外多木達

都沙扎海等處安設臺站等事。嚴飭該管辦理。於

十九日。遵旨回烏里雅蘇台等語。前派扎隆阿隨策布登扎布進兵。續據成衮扎布奏留辦事。著傳諭成衮扎布仍派扎隆阿。或莽古資。領兵巡查臺站。搜捕嗎哈沁。并傳諭策布登扎布。近據定長奏主事富奎報稱。瑪納斯山有藏匿之緯羅斯台吉烏勒木濟。著一體查辦。以靖地方。

戊申。

平定準噶爾方略正編卷之三

四

諭定邊將軍兆惠等酌量辦送羊隻。

上諭軍機大臣曰。據吳達善等奏稱阿拉善等處購買羊隻。共十四萬有奇。前後送往巴里坤。由額林哈畢爾噶轉送軍營等語。此項羊隻。係軍營口糧。此時始陸續出口。至巴里坤。自巴里坤至額林哈畢爾噶。卽屆秋末。天寒雪盛。解送維艱。若急行趨送。則沿途傷損疲瘦。究屬有名無實。昨據富德奏

稱伊等自和闐進兵。彼處可得口糧。卽兆惠進兵。正值收穫之期。又有糧運接濟。朕意將此項羊隻。先送者卽於阿克蘇交收。後至者或於烏魯木齊等處收放。俟官兵凱旋時。以供牲餼。及留備將來之用。甚有裨益。因未悉軍前情形。著吳達善五吉清釁定長德舒永貴舒赫德等咨商定議辦理。一面具奏。亦傳諭兆惠等知之。

平定準噶爾方略正編卷之三

五

諭喀爾喀副將軍策布登扎布搜捕哈丹阿巴噶斯餘賊。

上諭軍機大臣曰。從前圖倫楚等追剿哈丹阿巴噶斯餘賊。致令脫逃。後巴祿前往。究未追及。而西路之兵。亦未聞相遇。伊等或由塔爾巴噶台。逃往俄羅斯。亦未可定。著傳諭策布登扎布加意搜查。倘遇此等逸賊。務行勦絕。不可致令免脫。

諭參贊大臣額敏和卓獎賞回人各事宜。

上諭軍機大臣曰。據額敏和卓奏稱回城大小伯克等辦理事務甚屬輸誠効力。已酌量賞給緞布等物以示鼓勵。但伊等以賞戴翎頂為榮。較他物更甚等語。回人等急公効力。理應加恩獎賞。但伊等小頭目若賞以孔雀翎。未免過優。著賞送五品六品七品帽頂各五個。藍翎十枝。可酌量賞給。至額

平定縣志卷之三

六

敏和卓本係舊人。前因兆惠舒赫德兩處奏摺均未列名。是以降旨詢問。今據奏在阿克蘇辦事。但進兵尤為緊要。伊係參贊大臣。著仍在兆惠等軍營行走。

諭總督管甘肅巡撫吳達善撥解軍需緞布事宜。上諭軍機大臣曰。吳達善奏甘肅應辦軍需布疋。現於甘涼二府採買。尙堪敷用。不過市價稍昂等語。

所見殊未妥協。甘涼一帶。承辦軍需。且間有被災

之處。民食未免拮据。朕疊次加恩。尤深軫念。布疋市價既昂。若又官為購辦。則民間愈加騰貴。殊非體恤灾黎之意。除已經解送外。餘著停止採買。現在部庫存貯布疋甚多。著戶部查明酌撥數千疋。派司官一員。接站解往肅州。交該督等轉運。以贖軍儲。以便民用。又據永貴奏移咨吳達善等。運送

平定縣志卷之三

七

緞疋。若該督等所貯緞疋足用。則已。其或不敷。卽將需用數目定價具奏。亦由內部辦理。命布政使永寧以原銜前往哈密。協辦糧餉事務。

已酉

議安插達什達瓦屬人事宜。熱河副都統富黨阿等奏言。臣等查移來熱河安插之達什達瓦屬人。統計兩次遷移。及前往

軍營人等。男婦大小共二千一百三十六口。內

丁壯七百三名。臣等酌擬每丁壯七十名。編一

佐領。每佐領下。領催四名。馬甲六十六名。前蒙

恩旨。分爲三旗。每旗設散秩大臣總管各一員。副管

旗章。京副總管各二員。佐領各三員。換給關防

圖記。其俸餉每年按三季支放。照所得職銜降

一等減半支給。其散秩大臣總管鑲黃旗大臣

平定準噶爾方略正編卷三

人

布林管正黃旗鄂齊爾管正白旗托禮。曾賞給

三品全俸。今既給與甲米。請亦減半支給。至伊

等居住房屋。散秩大臣總管各七間。副管旗章

京等五間。佐領等四間。驍騎校等三間。兵丁二

間。共需房一千三百十二間。現在蒙

恩添造。俟工竣分派。其鰥寡孤獨人等。各附親屬養

贍。又喇嘛十七名。照例歸入普寧寺。按月各支

銀一兩米二斗奏入。得

旨。軍機大臣議奏。尋議達什達瓦屬人。自鄂爾昆移

來熱河。臣等曾經奏請。令富黨阿海保酌量定

議。今據將現在軍營。并前年移來人等。通查分

設佐領。補放總管以下各官。各按職銜支給俸

餉。換給關防圖記。派住房間。收養窮苦人等。支

給喇嘛銀米。均係酌照舊例。應如該副都統等

平定準噶爾方略正編卷三

九

所奏辦理。奏入。得

旨。布林鄂齊爾俱久經歸順之人。著加恩仍給與全

俸。餘依議。

六月辛亥。

授厄魯特車林丹巴等爲藍翎侍衛。

上諭軍機大臣曰。厄魯特車林丹巴克特沁哈勒噶

什等。曾經効力軍營。著加恩俱授爲藍翎侍衛。

總督管甘肅巡撫吳達善疏奏預籌馬匹草束事宜。

吳達善奏言。大兵進剿。需用馬匹。陝甘各營。節次報解。通計三萬一千二百匹有奇。至凱旋時。亦應預備馬匹。請飭令各營。另行朋餒健馬五千匹。以供調取。其各營摘缺。亦俱分差官弁。前赴松潘青海歸化城張家口等處。採買補額。惟

平定縣志卷之三

十

是餒馬必需草束。今准理藩院咨行將西林郭勒哲里木等處所交馬一萬一千八百六十餘匹。西三盟辦駝一千隻。俱解交寧夏地方官收餒。以備軍營咨取。又西安省城各營。解馬二千一百匹。及陝甘二省朋餒馬五千匹。青海鄂爾多斯阿拉善等處。交駝六百六十餘隻。通計馬駝一萬九千一百餘。臣與軍需局司道商酌。自

口外抵巴里坤。計二十二站。每站應貯備十觔重草三萬束。共草六十六萬束。加以臺站及差遣往來馬匹。共草九十餘萬束。通計一百六十六萬束。乘此夏月草茂。派令赤金靖逆柳溝安西哈密巴里坤經管各員。僱夫收割。所需價值。於各該處軍需銀內支用。奏入。報

聞。

平定縣志卷之三

十一

癸丑。

定邊右副將軍富德等疏奏安撫和闐。及進兵道路情形。

富德等奏言。臣等於四月二十二日。抵和闐之額里齊城。六城阿輝伯克回衆數千人。攜壺漿跪迎。歡忭之餘。繼以涕泣。備陳受賊擾害。今始得安生業。臣等加以撫慰。令其各歸城守。於安

營駐劄後。將瑚爾起等所獲賊人布庫塔斯諾們伯克等提出。詳加審訊。與原詞無異。仍暫行看守。其各城頭目等。有被迫從賊者。自應查明辦理。但念地方新附。且正當衆心驚疑之時。似可不必深求。以安反側。至臣等此次進剿。全恃馬力。因向霍集斯等商議。據繪圖呈稱。額里齊哈喇哈什水草尚好。他城所不及。至由額里齊至葉爾羌之呼爾璦。地多戈壁。取水不易。又不雅勒瑪等四五站。至固璦地方。雖有水草。而塞爾勒克楚魯克等處。以及舊日固守之通古斯魯克等五六站。亦多戈壁。且值天暑。馬匹必乏。又與痕都斯坦要路相遠。應請從不雅勒瑪至固璦迤南山路行走。尚有水草。雖稍遠四五日。而休息馬匹。以裕攻戰之用。似有裨益。奏入。

平定準噶爾方略正編卷五十三

十三

上諭軍機大臣曰。據富德等奏稱。大兵已至和闐。安撫回人。并詢問霍集斯等進剿道路。及堵截逆賊要隘等語。覽霍集斯所繪圖內。英額奇盤山。在葉爾羌之西。霍集斯占移其牲隻。及烏沙克人等。結營於此。特以我兵若抵葉爾羌。則此處賊人突出來攻。互為犄角之意。無足深慮。但逆賊若不於城中藏匿。而固守此地。攜其妻子。潛度伯克呼爾璦嶺。前無堵截之兵。自後追擒。殊為費力。即如從前博爾奔察明瑞攻克勒特。賊人據險防守。而游牧久已逃去。此即無兵堵截之驗也。朕意伊等進兵十日前。或二十日以前。富德隊內派精兵四五百名。以伯克鄂對帶領。似額爾登額之侍衛等。派出一員。先於伯克呼爾璦嶺堵截。賊若由此逃遁。自可成擒。未知和闐通伯克呼爾璦嶺路。全無阻隔。

平定準噶爾方略正編卷五十三

十三

否。可傳諭兆惠富德等查詢辦理。我兵若已取葉爾羌。霍集占尚在遁逃。著富德、明瑞領兵追襲。兆惠即在葉爾羌駐劄辦事。不可爭執前往。

命賞原任同知通祿主事銜留巴里坤。隨清馥等辦事。

乙卯。

諭定邊將軍兆惠等酌議進剿情形

平定回疆方略卷之三

十四

上諭軍機大臣曰。據兆惠等奏稱遣往布魯特之侍衛成果布占泰等。帶領布魯特之明伊勒哈及喀什噶爾之舊阿奇木伯克和什克伯克等前來。據稱霍集占兄弟與霍罕城之額爾德尼伯克友好。將來或在相投。喀什噶爾之西岐路有三。大兵欲擒賊。必先取喀什噶爾。據此三岐要隘。自無所逃。因傳檄額爾德尼伯克。曉以利害。其先取喀什噶

爾。再於葉爾羌會兵之處。共同詳議續奏等語。進

剿逆賊。堵截逃路。甚宜籌畫。但舍葉爾羌而攻喀

什噶爾。未必計出萬全。若分兵以致力弱。更覺難

收實效。看來自烏什往喀什噶爾。尚屬直捷。兆惠

富德等皆熟悉道路。自應詳悉查詢。昨覽富德所

進地圖。葉爾羌之西。有自英額奇盤山過伯克呼

爾瑞嶺。通拔達克山之路。朕即諭以駐兵堵截。為

平定回疆方略卷之三

十五

要。今兆惠奏內。未曾敘及此地。亦須留心商榷。總

之進兵形勢。固須詢問回人。要貴中有定見。若向

伊等責成取必。不但見識短淺。且慮其心生疑懼。

轉多支詞飾說。可傳諭兆惠富德等。此次進兵。其

應先攻何地。及於何處堵截。即會同酌議具奏。地

方遙遠。不必候朕指示。一面應機辦理。

定邊將軍兆惠等疏奏厄魯特達什勞績。

兆惠等奏言去歲在葉爾羌効力官兵及厄魯特等俱蒙

恩賞卹臣等續查得厄魯特得木齊達什隨愛隆阿自葉爾羌歸途遇賊被創墜馬猶能奮搏抽刀刺殺一賊值救得脫又呼爾瑞之戰達什胷肋俱得鎗傷自從軍以來俱在前隊哨探行走奏入得

平定準噶爾方略正編卷之三

六

旨達什著授為二等侍衛賜固勇巴圖魯號賞銀一百兩。

戊午。

諭護軍統領努三等辦理哈薩克貿易事宜。

上諭軍機大臣曰據努三永德等奏稱今年哈薩克阿布賚若遣人貿易自應遵照成規辦理但阿布賚等前遣入覲之俄羅斯蘇爾統有無陳奏情詞

恭請訓示以備將來應答等語哈薩克人性多鄙瑣惟利是圖除照常貿易外似無他說或懇賞塔爾巴噶台以廣游牧亦未可定若以此為言努三

等即答云我等所辦者貿易事務其他則不敢干與且此地若果應賞給則俄羅斯蘇爾統入覲時應早經陳奏想來必不可行我等又何敢代奏似此明白曉示彼自無詞此旨可發交定長送往烏魯木齊傳諭努三等知之。

平定準噶爾方略正編卷之三

七

庚申。

申諭定邊將軍兆惠等分兵進勦情形。

上諭軍機大臣曰兆惠等以進勦情形覆詢和什克伯克等定議兆惠領兵先取喀什噶爾富德領兵攻取葉爾羌巴祿領兵由巴爾楚克路與富德會合互相策應其喀什噶爾西去之鄂坡勒爾可通

霍罕敏珠爾嶺玉斯屯阿喇圖什嶺俱通安集延。

沿途之額德格訥伊什克里克等部落皆傳檄曉

以利害並將地方形勢繪圖具奏。昨覽富德所奏

地圖。有由英額奇盤山通拔達克山之路。是以諭

令派兵堵截。今兆惠等悉心籌畫。自合機宜。著照

所奏分路進兵。聲息相通。務期獲醜。朕意我兵既

入。霍集占等若仍分守兩城。即各行奮力攻取。一

平定回疆方略卷之三

六

城先下。即合兵協力。如霍集占走投喀什噶爾。則

前後攻擊。自必成擒。或波羅泥都知要隘已塞。棄

城逃來葉爾羌。必兄弟會合。往投痕都斯坦。拔達

克山。哈喇圖伯特。覽伊等所奏地圖。富德圖內。則

有英額奇盤山。伯克呼爾璜嶺。通拔達克山。兆惠

圖內。則有通拔達克山之玉魯克嶺。通巴勒提之

裕勒阿里克。及通哈喇土伯特之薩納珠等路。駐

兵堵截。甚屬緊要。今將兩圖重繪。於應行駐兵之
地。貼簽指出。寄伊等閱看辦理。

諭定邊右副將軍富德等查辦和闐事宜。

上諭軍機大臣曰。富德奏擒獲之回人布庫塔斯懇

請發往葉爾羌。招撫鄂斯瑞。及喀喇沁之厄魯特

等。又將効力之阿什默特。暫管和闐六城事務。其

各城辦事伯克等。給與翎頂。以肅觀瞻等語。布庫

平定回疆方略卷之三

十九

塔斯。尚非要犯。姑從寬釋。令其招撫回人。自屬可

行。至各城効力回人。既經分別獎賞翎頂。著加恩

仍賞緞各一端。其家屬被害之額里齊伯克阿什

默特。哈喇哈什伯克。默舍。協辦額里齊事務之

固爾班和卓。玉隴哈什伯克。摩羅穆努斯克勒底

雅伯克。阿里瑪沙。哈喇哈什之阿里木沙。與告知

大兵來信。以堅衆志之阿里雅爾。俱著加賞緞一

端。至陣亡及被賊戕害之回人等。將逃叛家產查出賞卹得傷回人等。各賞銀十兩。俱照所請行。其守城回人千餘。亦屬効力。俱著酌賞銀兩。再効力之索倫領催署章京布特木濟等。既戴獎賞翎。著加恩將戴孔雀翎者。投為二等侍衛。戴藍翎者。投為藍翎侍衛。又

諭曰。藍翎侍衛哲勒順。自阿克蘇遣往和闐。招撫克

平定準噶爾方略正編卷之三

三

勒底雅人等。正值鄂斯璜攻城之際。為賊所害。據富德查奏。伊原係寧古塔馬甲。其父扎勒虎原任吉林鑲白旗驍騎校。弟哲森保現任正白旗佐領等語。著傳諭吉林將軍薩喇善等。將哲勒順有無子嗣查奏。若有子。即加恩給與世職。無子。則酌量賞給伊父銀兩。以示優卹。

辛酉

授貝勒品級霍集斯等為阿奇木伯克等職。

上諭軍機大臣曰。副將軍富德奏請補授和闐等城伯克。霍集斯鄂對皆甚屬効力。和闐係霍集斯舊屬。著授為管和闐六城之阿奇木伯克。鄂對前已授為阿克蘇之阿奇木伯克。著仍其舊任。額里齊伯克阿什默特。授為散秩大臣。其各城伯克。照阿克蘇烏什例。賞三品帽頂。孔雀翎。協辦事務之伯克。賞四品帽頂。孔雀翎。霍集斯現在軍營。其和闐六城事務。即交阿什默特署理。又

平定準噶爾方略正編卷之三

三

諭曰。據富德奏稱。霍集斯鄂對因舊事頗不相合。今已和解。伊等又請將阿什默特授為管和闐六城伯克等語。霍集斯人不可信。未便留於故地。已密諭兆惠等。今富德如此辦理。特以安慰眾心。以理勢揆之。霍集占等尚未就擒。其補授總理諸城伯

克之處。卽不遽辦亦可。但富德等業經具奏。未便
停止。富德進兵時。著與霍集斯鄂對同往。兆惠等
功成奏凱。將霍集斯鄂對和什克伯克皆同來陞
見。霍集斯若安心來京。俟至日再行酌定。若稍有
推托延緩情形。兆惠等亦當相機辦理。此時加意
慎密為要。

諭陝甘總督楊應琚等緩運補缺糧石。

平定縣志卷之三

三

上諭軍機大臣曰。楊應琚奏籌補哈密糧石一摺。現
在軍營需用糧石。陸續轉運。約計已足。兼有牛羊
可資口食。緞布可供易換。且和闐等處。多經耕種。
軍行所至。因糧之處。當復不少。且諭令樽節支用。
斷不至於缺乏。無庸汲汲籌畫。著傳諭該督等。自
哈密起運之糧。聽其運赴闕展。至內地補缺糧石。
竟可緩緩籌辦。甘省現值歉收。軍儲與民食。正當

並重。惟應多留餘糧。以給平糶賑濟之用。雖所撥
不過一二萬石。然亦恐多拮据。不可不熟籌也。併
傳諭兆惠等知之。

授藍翎侍衛烏爾圖保為三等侍衛。

上諭軍機大臣曰。據富德奏稱獎賞藍翎烏爾圖保
守額里齊城。晝夜拒賊。以勵回人等語。烏爾圖保
奮勉可嘉。著加恩授為三等侍衛。

丁卯。

平定縣志卷之三

三

諭喀爾喀副將軍策布登扎布協勦霍集占等事宜。
上諭軍機大臣曰。據策布登扎布等奏稱伊等領兵
千名。於六月初三日。至察罕郭勒。計聞六月初間。
可至塔爾巴噶台。若緩行五十餘日。亦可至特穆
爾圖淖爾等語。是伊等於七月二十左右。可抵特
穆爾圖淖爾。正當兆惠等進兵勦賊之際。與其間

駐於塔爾巴噶台。何如協力擒賊以壯軍威。可傳諭策布登扎布等務宜酌量馬力。不致疲乏。且與兆惠聲息相通。若有需用。即候其行文。或奮力協助。或加意堵截。并傳諭兆惠等酌量調遣。

已已。

諭喀爾喀副將軍策布。扎布等搜捕逸賊。

上諭軍機大臣曰。定長等奏據舒景阿報稱烏魯木

齊所牧馬驛。於夜間被賊驅入博克達山。隨派官

兵尋踪。追至木壘之源。賊棄其什物。直向薩爾海

逃去等語。從前主事富奎擒獲嗎哈沁。供內有綽

羅斯台吉烏勒木濟帶三十七戶。在瑪納斯山藏

匿。經定長等奏至。朕即諭策布登扎布。沿途留心

搜捕。此次竊馬賊人。或即藏匿瑪納斯山者。亦未

可定。且我兵平定伊犁時。厄魯特等多有投入哈

薩克者。今值我兵撤回。伊等乘虛盜取哈薩克馬匹。復回故地。藏於幽僻。正自不少。可傳諭策布登扎布等。自塔爾巴噶台。往特穆爾圖淖爾。將瑪納斯山藏匿薩爾海敗逃。及哈薩克轉回之嗎哈沁等。必須嚴行搜捕。隨遇勦殺。不可疎脫。又

諭曰。定長等奏舒景阿聞馬驛被竊。即同遊擊金梁

往追。定長等亦派官兵協擊。又令主事富奎前往

等語。舒景阿管轄屯田兵丁。不能搜勦嗎哈沁。致

令馬匹牲畜被竊。則現在送往軍營之牛羊。皆由

額林哈畢爾噶行走。若致盜竊驚失。所關匪細。努

三永德現往烏魯木齊辦哈薩克貿易事務。著交

與伊等查拏。此等嗎哈沁。仍傳諭舒景阿馬匹牲

隻被竊。伊即有應得之罪。乃並不具奏。但呈報定

長等。竟若職不當奏事者然。顯係推卸。著明白回

平定準噶爾方略正編卷之三
三十四

平定準噶爾方略正編卷之三
三十五

奏。今哈薩克貿易。尚需時日。努三等皆身經戰陣之人。烏魯木齊兵力。即不能盡勦。逸賊而護送軍需牛羊。不致疎失。方為無忝職守。其加意勉之。命賞藍翎侍衛那木查爾等巴圖魯號。

上諭軍機大臣曰。昨諭富德將應援兆惠時。伊隊內之應賞巴圖魯號者。查奏四五人。今思所奏之藍翎侍衛那木查爾十人。俱奮勇勦賊。負傷効力。且人數亦不甚多。那木查爾著加恩賜號丹巴巴圖魯。西爾庫爾賜號舒都喇呼巴圖魯。伊登古賜號固濟爾巴圖魯。侍衛上行走之護軍校額爾舉賜號特古斯巴圖魯。領催署防禦科丕塔賜號伊德爾巴圖魯。獎賞藍翎領催音寶賜號尼斯庫巴圖魯。阿達罕賜號庫爾察巴圖魯。領催恩特賜號卓克托巴圖魯。前鋒巴爾塔賜號布圖庫巴圖魯。登

平定縣志卷之三

美

擢賜號圖魯巴圖魯。仍照例各賞銀一百兩。額爾塞因差來京。已授為三等侍衛。著加賞銀三十兩。馳驛前赴軍營。

庚午

議撤青海防兵事宜。

陝甘總督楊應琚奏言。西寧青海之得卜特爾

伊克柴達木等處。安設卡倫。原以防範準夷。今

平定縣志卷之三

七

伊犁已入版圖。口外各處駐兵。從前所設卡倫。

人跡不到。應請自本年八月防兵回汛之時。即

行停止。其青海蒙古。仍各於駐牧邊界防守。奏

入得

旨。軍機大臣議奏。尋議前督臣黃廷桂以伊犁平定。

請將巴顏布拉克派駐官兵。撤回西安本營。今

所有噶斯口至青海安設卡倫。派蒙古及西寧

鎮官兵防守事屬空設。應請一例裁撤。其蒙古官兵二百四員名。即於各邊界防守。聽總理青海事務大臣查察。西寧鎮標官兵一百四員名。莊浪滿營官兵二十四員名。均行撤回本營差操。以節浮費而收實效。奏入。

上從之。

壬申。

平定準噶爾方略正編卷五十二

三六

投薩喇爾為散秩大臣。

上諭軍機大臣曰。薩喇爾在軍前僨事。曾經拏問治罪。究屬糊塗蒙古。怯懦貽誤。念其前從準噶爾率屬來投。頗能抒誠効力。著加恩授為散秩大臣。在乾清門行走。仍補授鑲白旗蒙古副都統。

癸酉。

諭定邊將軍兆惠等偵探賊人信息。

上諭軍機大臣曰。富德等奏稱和闐與葉爾羌之間。並無城郭。不過零星村堡。霍集占已將葉爾羌附近居人收入城內。今續到馬匹。若能趨赴更善。或不能。即就現在馬匹千餘。整頓起程。緩行以待。且

平定準噶爾方略正編卷五十三

三九

葉爾羌通痕都斯坦。哈喇土伯特之薩納珠奇里。洋裕勒阿里克等要隘。距和闐甚遠。亦必由此經過。方得水草。且可分道偵探賊人或守城或逃走。信息。賊若向痕都斯坦等路逃走。正與我兵相遇。更易成擒。擬於六月初。酌辦口糧起程。沿途相機勦撫等語。所辦尚合機宜。昨兆惠等奏詢問和什克伯克所言喀什噶爾以西三路。須先為據守。防賊竄逸。又續奏伊領兵攻喀什噶爾。富德攻葉爾羌等語。俱經諭令互相商酌。并於地圖貼簽指示。此時應已奉到。其悉心籌畫。以奏膚功。又富德奏

稱伊與伯克霍集斯同行。其伯克鄂對已遣往阿
克蘇等語。并傳諭兆惠等鄂對効力軍前。已將二
載。自當稍為休息。聞伊行裝為賊所掠。甚可軫念。
著賞銀二百兩。令其在阿克蘇辦事。伊若情願出
兵。求請誠切。兆惠即同伊前往。亦可仍著加意體
恤。

恩免侍衛烏三泰等應扣整裝銀兩。

平定伊犁方略卷之三

三

上諭軍機大臣曰。富德等奏稱侍衛烏三泰員外郎
留保住會借給二年俸銀。整裝前抵軍營。應於京
俸內坐扣還項。可否照瑚什等之例。免其坐扣等
語。烏三泰等皆派往軍營。所借整裝銀兩。即照瑚
什之例賞給。再侍衛敦察與留保住同行。富德等
未經奏及。豈以伊在兆惠軍營故耶。殊屬拘泥。敦
察著加恩亦照烏三泰等例。一體賞給。不必坐扣。

甲戌

諭定邊將軍兆惠等曉示投入回部之厄魯特。

上諭軍機大臣曰。從前兆惠等會奏稱投往回部之
沙喇斯瑪呼斯等厄魯特。皆惑於霍集占之言。謂
歸降亦不免死。因助逆賊為惡等語。此次進兵。非
平定伊犁可比。特欲擒獲霍集占等。以輯寧回部。
至厄魯特等。尚應招撫寬宥。革其從逆之心。而分
賊黨之力。伊等兩路軍營。有効力之厄魯特等。
應令明白曉示。從前所勦厄魯特等。皆負恩反覆
之徒。若誠心歸附。即未嘗妄殺。其盡戮伊等之言。
係訛傳捏造。且隨營立功。加恩授職者甚多。此次
進兵。不但歸誠之回人加恩安養。即沙喇斯瑪呼
斯等厄魯特。果能悔罪來降。亦一體撫恤。兆惠等
即徧行傳諭。相機辦理。

平定伊犁方略卷之三

三

恩賞病故遊擊伍凌阿恩騎尉准襲一次。

上諭軍機大臣曰。富德奏遊擊伍凌阿在軍前病故。

伍凌阿前以遺失礮位。部議革職。續因守禦和闐。

頗屬効力。准其開復。今聞病故。殊可憫惻。著加恩。

賞給恩騎尉。准襲一次。仍賞銀五十兩。

乙亥。

諭陝甘總督楊應琚等移調駐防大員事。

平定準噶爾方略正編卷三

三

上諭軍機大臣曰。據楊應琚等奏請將巴里坤糧務。

道移駐哈密。督辦一切事務。其巴里坤酌留同知。

一員。佐雜二員。辦理支放月餉等事。尙有知府一。

員。同知一員。佐雜二員。應請裁歸本任等語。已諭。

軍機大臣議奏。細思楊應琚所奏。不過就現在情。

形酌量移駐。原可暫准施行。若論經久之道。則巴。

里坤究爲邊陲要地。正須加意籌度。今年因軍臺。

改設山南。凡供應差使。轉運軍需。皆取給於哈密。

自不得不專派大員經理。若軍務告竣。屯口伊犁。

則又當以巴里坤爲總滙之地。非今日情形可比。

卽如安西向爲重鎮。今準噶爾全部蕩平。伊犁皆。

爲內屬。則安西又無須文武大員駐防彈壓。看來。

以安西道員移駐哈密。以安西提督移駐巴里坤。

於節制控馭之道。方爲妥協。著傳諭楊應琚等悉。

平定準噶爾方略正編卷三

三

心籌畫。於應行改駐之時。卽行奏請定議。至請將。

安西道文綬調回本任。文綬既在哈密。本任事務。

原可就近辦理。亦不必卽回。

陝甘總督楊應琚疏奏籌補摘缺馬匹。

楊應琚奏言。陝甘各營馬匹。最爲充足。軍興以。

來。時有調取。而旋撥旋補。未能足額。臣抵任後。

通行查核。除調往軍營之綠旗兵。俟凱旋查核。

其滿漢各營。共應補馬三萬八千餘匹。經前督臣黃廷桂奏請先行買補三分之二。迄今尙未足數。現在奉撥直隸馬二千二百餘匹。補給西安滿營。其餘各營。又奉撥鄂爾多斯青海等馬三千餘匹。近又撥解西林郭勒等盟預備馬一萬一千有奇。以補三分之二。有餘而全數則不足。若令一時購買足數。固屬不易。然少可以成多。分辦庶能集事。應請飭查各營未經購買及撥補未足者。俱令照每疋加增十兩之例。赴司請領。陸續買補足額。庶營伍充足。并可備調撥之用。奏入報

聞。

丙子。

命革副都統舒景阿職効力贖罪。

平定縣志卷之三

三

上諭軍機大臣曰。副都統舒景阿在烏魯木齊辦事。有嗎哈沁驚散牧羣。即當一面奏聞。一面領兵追捕。乃伊但報知定長轉奏。而自從博克達山至積木薩尋踪十餘日。迷路而返。不過苟且塞責。殊屬可惡。舒景阿著革去副都統。仍留本處効力贖罪。豐訥亨此次應援進剿。甚屬効力。著即補授副都統。

平定縣志卷之三

三

平定準噶爾方略正編卷之七十四

乾隆二十四年六月丁丑。

諭定邊將軍兆惠等不必搜查回人牲隻。

上諭軍機大臣曰。昨兆惠等因和闐遣來阿克蘇之回人默們訥則爾等。傳說克勒底雅有牛羊數千。及賊人所留羊千餘隻。未知虛實。行文富德就近詢問。今據查奏。伯克鄂對侍衛齊凌扎卜及克勒

平定準噶爾方略正編卷之七十四

一

底雅之阿璉伯克等俱稱除現在交官外。餘多被賊搶掠。亦間有藏匿等語。覽所譯回人呈文。頗覺疑懼。伊等甫經歸順。即被圍三月之久。雖有藏匿情事。亦當佯為不知。以安衆心。若復逐一搜查。徒滋紛擾。已於富德奏摺。以尚覺搜求太過。批諭總之成大事者。不可煩苛瑣細。可傳諭兆惠富德等。稽查此項牲隻。即著停止。至默們訥則爾不過新

來歸附之小人。所言未可全信。不必將回人情事。向伊究問。

諭定邊將軍兆惠等豫籌撙節糧餉。

上諭軍機大臣曰。據五吉奏稱奉到續送羊隻過期。即存留收放之旨。計前後共送羊五萬隻。至阿克蘇。其八月內外送到者。或在哈密。或在巴里坤。牧放等語。從前因後到羊隻。若仍送軍營。則中途風

平定準噶爾方略正編卷之七十四

二

雪。必多倒斃疲瘦。有名無實。是以諭五吉。清馥定長等議奏。今清馥五吉俱已奏覆。又楊應琚請撥哈密存貯米二萬石。運往闡展。再於肅州運米補額。朕諭以各處屯田。既有收穫。又回人等交納糧石。及收取賊人所種。諒已足食。甘省歲歉。應暫停撥補。可傳諭兆惠等。俾知前後。辦理情形。加意撙節糧餉。並收取賊人積蓄。以資軍食。惟宜默為籌

畫。不可使兵丁知而傳說。致有漏洩。

諭陝甘總督楊應琚等豫籌屯田事宜。

上諭軍機大臣曰。努三奏稱。查勘自木壘至烏魯木

齊。若盡開屯田。則所用兵丁太多。而間隔遙遠。亦

煩運費。惟特納格爾。昌吉。羅克倫。距烏魯木齊。頗

近。地畝亦廣。將來回部全定。伊犁駐防。應以必需

防兵若干。與屯兵糧餉。合算。量籽種以定兵數。就

收穫以給軍食。既可省內地輓運之煩。亦不患多

兵冗食等語。昨楊應琚來京奏對。會請前往伊犁。

及屯田等處查勘。而伊犁駐防議定。兆惠富德回

京。舒赫德駐劄辦事。亦已降諭旨。計楊應琚起程

前往。必與兆惠等凱旋相遇。而舒赫德又承辦此

事。楊應琚宜與兆惠等酌定伊犁應駐兵幾千名。

其努三所奏。烏魯木齊等處屯田事務。作何辦理。

平定回疆方略卷之四

三

及不悞春耕。與舒赫德等悉心會商具奏。一面即

行辦理。著將努三奏摺。錄寄楊應琚閱看。併傳諭

兆惠等知之。

戊寅。

諭定邊將軍兆惠等辦理布魯特來降回人事宜。

上諭軍機大臣曰。兆惠等奏在布魯特居住之回人

鄂托蘭珠和卓瑪木特與布魯特之瑪木特呼里。

納喇巴圖等。所遣屬人。同來投見。據稱伊等皆霍

集占等一族。從前大兵平定伊犁。原欲歸附。因逆

賊復叛。遂潛匿於布魯特游牧。去年聞大兵抵葉

爾羌。伊叔額爾克和卓額色尹。伊弟圖爾都和卓

會領兵搶掠喀什噶爾之四處村堡。今仍在布魯

特納喇巴圖處。候進兵信息。情願効力等語。可傳

諭兆惠等鄂托蘭珠和卓瑪木特與在彼之額爾

平定回疆方略卷之四

四

克和卓額色尹等及瑪木特呼里屬人。應否頒給勅諭。或止應賞給緞疋。著查明具奏。其布魯特。若有似瑪木特呼里効力之人。及額爾德尼伯克。若有歸誠信息。或降旨慰諭。著一併查奏。但布魯特回人等。既係逆賊一族。又曾在伊犁居住。此次投見。或乘我平定回城後。窺伺倣倖。亦未可深信。我兵蕩平回部。不可仍令藏匿。卽酌量送京安插。亦

平定準噶爾方略正編卷五十四

五

宜豫籌辦理。

閏六月己卯朔。

諭定邊右副將軍富德等相機進剿。

上諭軍機大臣曰。據富德等奏稱。有回人哈里瑪自葉爾羌逃出。將所詢供詞。知會將軍兆惠。定於六月初二日。自和闐起程。沿途息養馬力。俟得兆惠進兵信息。相機辦理。又和闐六城伯克等。願派兵

六百五十名。從軍効力。甚屬誠懇。請將各城爲首伯克等。留辦事務。其小伯克等。酌量派出。令伯克霍集斯。統領進發等語。觀回人所告情詞。是逆賊霍集占。已無計可施。大兵一至。成功應速。富德卽行前進。深合機宜。朕佇聞捷奏。其和闐從軍回人。若加恩每名賞銀二兩。領兵之大伯克。賞緞二端。小伯克。賞緞一端。仍將恩旨傳諭。至駐劄和闐之

平定準噶爾方略正編卷五十四

六

遊擊丑達與協同辦事之察哈爾。委署章京固穆。扎卜。俱著賞戴孔雀翎。吉林署驍騎校黑住。亦賞戴藍翎。

諭欽天監監正明安圖等。詳繪回部地圖。

上諭軍機大臣曰。昨兆惠富德等。將葉爾羌喀什噶爾等處地圖。繪畫呈覽。著發給明安圖。德保。至回部時。按圖閱看。再將該處地形高下。日月出入度

數測量。則易於定稿。又所至之地。其山河城邑村堡。若與此圖有不相符合者。即閱看更正。

癸未。

陝甘總督楊應琚疏奏辦解軍需羊隻。

楊應琚奏言。欽奉

諭旨。將解送軍需羊隻十四萬有奇。計其可抵軍營者。先送阿克蘇。續送羊隻酌量牧放備用。臣會

平羅縣總辦馬參平

七

同撫臣吳達善查得先從內地辦解羊五萬隻。

應請送至阿克蘇。以備軍營口糧。其續送之鄂

爾多斯羊五萬餘隻。及阿拉善羊五千隻。俱接

次前來。驗其肥瘦。分別留牧。應以到巴里

坤之月日為斷。截至閏六月止。俱解送阿克蘇。

其七月以後。即就近留於哈密牧放。又烏蘭察

卜羊三萬隻。據署寧夏道知府王應瑜節次稟

報。併採買牛一千五百隻。於六月十二日。全數驗收。其牛隻。欽奉

諭旨。每隻作價五兩。賞借寧夏寧朔平羅三屬農民。

無不歡感。至羊隻因長途多致疲瘦。請於寧夏

先行牧放。俟解至肅州。再行送往哈密。奏入。報

聞。

總督管甘肅巡撫吳達善疏奏收割驛站馬匹

平羅縣總辦馬參平

八

草束。

吳達善奏言。欽奉

諭旨。於衝途驛站馬匹。暫停折支乾銀。日給本色料

草。以資飼秣。臣自肅州回抵蘭州。沿途查驗馬

匹。每多疲瘦。詢知料草不敷支給。適因旱歉。草

價昂貴。每束十斤。需銀七八分。且有加倍者。臣

思口外馬匹。不必盡食穀草。而雜項草束。為價

頗輕。若僱夫收割。自必更省。酌以每束四分爲率。不獨有益軍需。且無業貧民。兼資餬口。於錢

糧亦有節省。奏入。得

旨。此亦通融調劑之法。可權時行之。

丙戌。

諭定邊將軍兆惠等查詢進剿情形。及馬駝分數。

上諭軍機大臣曰。據兆惠等奏稱。准富德等。咨送葉

平定準噶爾方略正編卷五十四

九

爾羌逃回人哈里瑪供詞。復詢問霍什克伯克

仍照前定議。先攻喀什噶爾。俟富德信息。堵截賊

人逃竄之路等語。昨據富德奏報。朕諭以賊勢不

過如此。我兵即可成功。今兆惠等亦定於六月十

一日起程。深合機宜。佇聞捷奏。但兆惠聞富德所

送回人供詞。又質之霍什克伯克。似專向伊等責

成詢問。恐新附之人。未免驚疑。不以實告。嗣後當

於無意中慰諭。咨訪庶少支詞。勦說。又所奏內地

馬匹。於六月初八日全到。駝隻亦陸續前來等語。

計此時應先送馬數千匹於富德軍營矣。至所送

馬駝。或傷損尚少。是以未經聲說。但數目臆分若

何。亦應奏及。併著傳諭知之。

戊子。

諭定邊左副將軍成袞扎布搜捕嗎哈沁。

平定準噶爾方略正編卷五十四

十

上諭軍機大臣曰。據成袞扎布奏稱。薩拉布拉克卡

倫馬匹。被賊盜取。此等賊人。或在拜塔克等處藏

匿。叅贊大臣扎隆阿已領兵前往搜捕。仍應派員

協助。請令臣子額爾克沙喇。率侍衛一二員。前往

策應等語。扎隆阿未必經練事情。熟習道路。額爾

克沙喇則朕所深知。與其同行。不如獨往。庶無掣

肘之虞。可傳諭成袞扎布。即著額爾克沙喇前赴

扎隆阿軍營代領其兵搜捕嗎哈沁若兵力尚弱
即於喀爾喀兵內酌量挑選將從前盜取烏魯木
齊牧放馬匹此次盜馬賊人及沿途藏匿嗎哈沁
務期擒獲勦除事竣後在博克達山等處堵截逃
竄賊衆若糧餉不繼彼處與定長所駐頗近即行
文支給扎隆阿仍回烏里雅蘇台辦事現在辦理
薩拉布拉克賊人情形併著奏聞

已丑

平定邊將軍兆惠等酌調巴祿領兵事宜

十一

諭定邊將軍兆惠等酌調巴祿領兵事宜

上諭軍機大臣曰富德奏稱准兆惠咨令巴祿領兵
渡葉爾羌河會合夾攻但巴祿之兵必由聽咱阿
下呼爾璊前進距葉爾羌甚近賊人見其勢弱必
相抗拒且堅守河口即大兵亦不能徑渡於事無
益請令巴祿由巴爾楚克前進於葉爾羌喀什噶

爾之中據其要隘可以堵截賊人俾兩路聲息相
通等語近因兆惠奏定議令兆惠先取喀什噶爾
富德取葉爾羌巴祿策應富德今據富德奏巴祿
不足為伊聲援無需進發所見甚是巴祿即相機
據守要隘仍聽兆惠調遣若二城賊衆彼此潛通
信息即行堵截搜捕與兩路會合俱著傳諭知之
諭定邊左副將軍成袞扎布酌議搜勦嗎哈沁

平定邊將軍兆惠等酌調巴祿領兵事宜

十三

上諭軍機大臣曰昨諭成袞扎布專遣伊子額爾克
沙喇搜捕盜馬賊人今據策布登扎布奏稱伊等
過阿爾台沿途搜捕並無嗎哈沁等語是盜馬賊
人原非大隊可知且額爾克沙喇此行已後策布
登扎布兩月餘恐歸途天寒雪盛不便行走或暫
時停止前往俟回部平定再將此等嗎哈沁徹底
搜捕亦可額爾克沙喇熟悉地方情形如必須一

往即遵前旨起程。或趨赴策布登扎布軍中。若不
能相及。即可勿行。著伊父子詳悉酌定辦理。一面
具奏。至馬匹被竊。既非大隊賊人。則卡倫人等疎
懈之咎難辭。著嚴行申飭。令其加意防範。

命阿克蘇辦事侍郎永貴回京。

上諭軍機大臣曰。舒赫德奏奉到著回阿克蘇辦事
之旨。將交辦事件。與富德議定。於六月初十日起

平定準噶爾方略正編卷五十四

十三

程等語。前以永貴久在軍營。令其回京。續因舒赫
德領兵策應。阿克蘇辦事乏人。故命永貴前往。今
舒赫德已遵旨回阿克蘇。接辦事務後。永貴即著
回京。

諭陝甘總督楊應琚。以糶穀情形。曉示商民。

上諭軍機大臣曰。楊應琚奏請添撥司庫銀二十萬
兩。採買寧夏府蜀麥豆米穀備用。此舉若因甘省

歉收籌備賑卹。自屬應行。如謂阿克蘇等處仍須
籌備軍糧。則正可不必。蓋大兵現在起程進剿。可
以計日成功。又據永貴等奏軍營糧餉。已由開展
輓運。加以屯田收穫。回人輪助。自可源源接濟。著
傳諭該督。所糶糧石。應酌量賑務需用情形辦理。
並曉示商民。俾知採買穀石。原以供本地之用。非
為籌備軍糧起見。庶庸愚無識之人。不至張皇傳
說。永貴摺並著錄寄閱看。

平定準噶爾方略正編卷五十四

十四

辛卯。

諭定邊將軍兆惠等。招撫波羅泥都各事宜。

上諭軍機大臣曰。富德奏稱。伯克霍集斯請遣伊親
信之伯克巴喇特。以回字文書。招撫波羅泥都。並
據稱此策有效。當受恩榮。但慮不能成事。為懼等
語。伯克霍集斯既感激朕恩。招降以離賊黨。深可

嘉悅著加恩賞給緞疋。至伊翰誠設策。果如所算。自必加恩。萬一波羅泥都執迷不悟。罪有所歸。與霍集斯行與。若波羅泥都悔過歸誠。即令其從征。葉爾羌事竣。再來京入覲。若但遣人乞降。當以從前諭旨。及此次招降。皆因波羅泥都人頗誠實。不似霍集占之狂悖。如欲免罪安生。非親身前來。不可。著傳諭兆惠富德等遵照辦理。又

平定縣志卷之四

五

諭曰。富德奏稱黑龍江署叅領巴岱。在瑚爾起等隊內奮勉出眾等語。巴岱著賜號額爾克巴圖魯。賞銀一百兩。又回人摩里斯拉木奎和闐額里齊。以大兵前來。曉示賊眾。致被戕害。甚屬可憫。雖經賞伊家屬房產。仍賞銀五十兩。著富德傳諭回眾知之。

諭定邊將軍兆惠等豫籌移駐回人各事宜。

上諭軍機大臣曰。據舒赫德等奏稱酌議平定回部後。將各城回眾。稍令休息。於十分內派出一分。遷往伊犁屯田。餘人令其協助資糧。其從前曾在伊犁者。仍行派出等語。雖有所見。尚未深悉情形。此等烏沙克回人。與厄魯特雜居年久。未免漸染惡習。反覆無定。恐駐防兵丁數千人。難於彈壓。此次進兵。尚應大加懲創。其餘脅從之眾。亦不便居其

平定縣志卷之四

六

故地。或移往吐魯番安插。距內地既近。而額敏和卓亦能約束。朕此意是否。可詢問額敏和卓。令其議奏。至各城回眾。數年來甚覺窮困。驟行遷徙。勢必不能。或一二年後。再選老成謹慎之人。前往伊犁安插。至伊犁駐防糧餉。於回人應交貢賦內酌量折收米石。運往支給。似亦可行。雖非現在急務。自此次第辦理。亦甚妥協。併著兆惠等定議具奏。

千辰。

申諭定邊將軍兆惠等。招撫波羅泥都事宜。

上諭軍機大臣曰。兆惠奏稱現在進取喀什噶爾。伯

克霍集斯所遣招降波羅泥都之人。若即行遣往。

轉使賊人知我聲息。擬將伯克巴喇特帶領行走。

相機差遣等語。霍集斯招降波羅泥都之議。係遵

朕諭旨。昨富德具奏。又已降旨獎賞。若慮賊人知

平定準噶爾方略正編卷之四

七

我聲息。則我兵自阿克蘇起程。賊豈全不知覺。且

富德奏請差遣之人。兆惠又復留待。轉使霍集斯

生疑。至若臨時招撫波羅泥都。必謂先期未見遣

人。此特懈我衆心。必致徒增疑懼。著傳諭兆惠等

仍遵前旨。將伯克巴喇特即行遣往。

諭叅贊大臣舒赫德等。調回西安兵丁。

上諭軍機大臣曰。據兆惠等奏稱。派出西安兵五百

名。聽候臺站調遣。餘兵一千五百名。交駐劄大臣

於阿克蘇烏什等處分防等語。兆惠正當需用兵

丁之時。轉將西安兵存留者。蓋因伊等不習勞苦

耳。但即留駐阿克蘇。亦恐無裨實用。徒糜糧餉。不

若遣回本營。可傳諭舒赫德將此項兵丁約計從

阿克蘇至巴里坤程期。給以口糧。令其步行回巴

里坤。仍將伊等未習勞苦。不能從征。自後宜加奮

平定準噶爾方略正編卷之四

大

勉。務為有用之人。明白曉示。至巴里坤日。著清馥

照例辦給車輛。遣回西安。

諭巴里坤辦事內閣學士清馥等。派兵搜捕嗎哈沁。

上諭軍機大臣曰。定長等奏稱。主事富奎等領兵七

十名。搜捕盜取烏魯木齊牧羣之嗎哈沁等。至博

克達山。遇賊百餘。殺賊四人。奪馬六匹。仍前往追

勦等語。所奏殊未明晰。富奎所報百餘人。或通計

家口。則我兵自可盡行俘獲。但伊等帶領者。係綠旗兵。以致疎脫耳。著傳諭清馥等。巴里坤有存留索倫官兵。卽選派百餘名。於內地現送馬匹內。撥給二百餘匹。令其追及努三。前往搜剿。若現無存留索倫。而努三處。亦係屯田兵丁。卽停其追剿。俟來年大兵凱旋時。再行辦理。俱著傳諭知之。

革驍騎校額爾登保職効力贖罪。

平定縣驍騎馬參至四

九

上諭軍機大臣曰。成袞扎布等奏稱薩拉克卡倫驍騎校額爾登保往追盜馬賊人。遇雨迷踪。已飭令前赴扎隆阿軍前効力自贖等語。額爾登保係卡倫侍衛。馬匹被竊。卽有應得之罪。及追捕賊人。又復中途轉回。成袞扎布等不行奏請治罪。未免姑息。今既經復往。著傳諭扎隆阿。將額爾登保革退驍騎校。自備資斧効力。倘仍前疎懈。定行從

重治罪。

命獎賞烏梁海內大臣察達克等官兵。

上諭軍機大臣曰。成袞扎布奏烏梁海內大臣察達克聞知歸併伊等管轄之庫庫勒濟等逃走。卽領兵前往追獲等語。察達克著加恩賞緞四端。其所領官兵。照近日車木楚克扎布出兵之例賞給。定邊將軍兆惠等疏奏進剿事宜。

平定縣驍騎馬參至四

二十

兆惠等奏言。臣等前奏派馬步兵各五千名。進取喀什噶爾。其和闐一路。已派兵五千。仍酌派三四千名。令巴祿帶領。由巴爾楚克路。與富德會合。嗣於六月初八日。內地送馬全到。臣等領兵九千名。又巴祿領兵三千三百名。於十一日起程。十九日。准富德咨送奏稿。以巴祿所領兵少。不能刻期會合。宜令據守葉爾羌喀什噶爾

兩城要隘。聽臣兆惠調遣。仍候臣等消息。臣等

查葉爾羌在南。喀什噶爾在北。相隔二百里。如

專攻葉爾羌。則喀什噶爾據我之右。且逃往霍

罕拔達克山各路。俱不能堵截。又慮富德隊內

兵少。是以令巴祿協助。今據谷仍令隨臣等行

走。亦不暇往來商議。即率同往取喀什噶爾。若

霍集占自葉爾羌來援。富德即可乘虛取城。或

平定準噶爾方略正編卷五十四

王

喀什噶爾先得。可與富德并力。攻取葉爾羌。又

據富德谷。由和闐行走二十日。可抵葉爾羌。臣

等亦約計六月二十一二日。可抵喀什噶爾。奏

入報

聞。

辦理屯田副都統定長等疏奏烏魯木齊增墾

畝數。

定長等奏言。臣等查屯田舊墾。共三萬二千五

百四十五畝。今年增墾一萬零四百七十四畝。

因有閏月。又督課官兵。於烏魯木齊等處。增墾

八千七百七十二畝。播種粟米。計新舊地。共種

過五萬二千七百九十一畝。奏入報

聞。

乙未。

平定準噶爾方略正編卷五十四

王

陝甘總督楊應琚疏奏豫籌屯田事宜。

楊應琚奏言。臣欽奉

諭旨。豫籌駐兵屯田事宜。俟大兵捷音一奏。臣即過

行。與將軍等會商駐兵事宜。至辦理屯田。必須

先事籌畫。方可無悞春耕。查特納格爾昌吉羅

克倫等處。地氣和暖。且與烏魯木齊相近。可徑

行運送伊犁。增兵屯田。實為善策。查烏魯木齊

現有屯兵一千名。臣擬於凱旋綠旗官兵內。截

留五千名。以四千分墾地畝。以一千豫備差遣。

明年收穫。即可供伊犁糧餉。俟伊犁屯田。又可

接續。其巴里坤有屯兵八百名。應將安西提督。

移往駐劄。其移駐及增兵事宜。臣再行會商定

議。此時農具籽種。最為緊要。查前督臣黃廷桂

曾於上年冬月。辦過籽種二萬八千石。運到闢

展一萬一千餘石。農具一萬三千副。現貯哈密

農具六千餘副。今於肅州僱得商駝四百餘隻。

請將應送烏魯木齊等處農具。籽種。口糧。按程

給值。源源轉運。至耕田牲畜。亦屬要需。查甘省

各提鎮。原有孳生兒騾馬匹。擬於此內挑選一

二千匹。七八月間。即令送往巴里坤牧放。以備

調撥。奏入。得

平定回部方略卷之四

三

旨。所見已得大要矣。一切悉心為之。

丁酉。

諭定邊將軍兆惠等豫籌駐兵事宜。

上諭軍機大臣曰。舒赫德奏稱庫車以內。吐魯番以

外。庫爾勒玉古爾等處。俱有舊城。且距內地不遠。

可以形勢連絡。應擇要地。築城駐兵。照安西之例。

酌設提督總兵一員。多派綠旗兵屯田。以供糧餉。

既可約束各城回人。而伊犁駐防。亦不患單弱等

語。平定回部後。築城駐兵。自應豫為籌畫。著傳諭

兆惠富德等。俟應行辦理時。酌量定擬具奏。朕意

葉爾羌喀什噶爾全定。霍集占兄弟俱獲。仍著舒

赫德於阿克蘇駐劄。督辦一切事宜。若逆賊等有

逃遁者。則仍應於葉爾羌駐兵堵截查拏。始可彈

壓諸城。俱著兆惠等。就地方情形辦理。務期永遠

平定回部方略卷之四

三

寧謐

諭護軍統領努三咨策應兵剿賊。

上諭軍機大臣曰。努三奏稱因烏魯木齊牧羣被竊。

領兵三十餘名。前往博克達山一帶搜捕等語。努

三領兵甚少。奮勉可嘉。已諭清馥等將巴里坤存

留索倫兵選派百餘名。前往策應。以壯軍威。

諭辦理屯田副都統定長等查辦倒斃牲畜。

平定準噶爾方略正編卷五十四

五

上諭軍機大臣曰。努三奏稱查核烏魯木齊屯田牲

隻。倒斃分數過多。頗屬明晰。著傳諭定長等詳行

查辦。將交收收放官員。按其倒斃分數。察勤惰以

定功過。併傳諭努三知之。

命選派司員筆帖式等委辦阿克蘇等城事務。

上諭軍機大臣曰。舒赫德奏稱阿克蘇等城。交收回

人貢賦。查核戶口數目。需員承辦。請揀發通曉蒙

古語言文字。練習事務之司官筆帖式等。以備差

委等語。著於部院內揀選司官二員。筆帖式四員。

前往阿克蘇隨舒赫德辦事。

癸卯。

定邊將軍兆惠等疏奏波羅泥都逃竄。喀什噶

爾回衆迎降。

兆惠等奏言。臣等進兵喀什噶爾。閏六月初三

平定準噶爾方略正編卷五十四

五

日。至伊克斯哈喇。據前隊叅贊大臣明瑞所派

之游騎巴圖魯侍衛伍岱等。夜間行走聲息。即

行圍截。見回人六騎。稱係喀什噶爾投誠之人。

因波羅泥都將伊等搶掠。潛行逃遁。伊等來迎

大兵等語。臣等逐一詢問。稱係阿璉和濟默爾

伯克和沙勒沙咱木沙扎巴爾呢雅斯俱喀什

噶爾人。又烏什回人額敏。係霍集斯之族弟。告

稱去年被霍集占迫脅。久欲歸誠。今波羅泥都同霍集占逃去。我等同喀什噶爾舊伯克奉書來迎。臣等譯看呈詞云。喀什噶爾大小人等謹呈阿克蘇等處駐劄將軍大人。伯克霍集斯。今波羅泥都將喀什噶爾男婦。驅逐出城。至哈喇刻爾。我等仰慕

大皇帝仁化。復回城中看守。波羅泥都向其親信人

平定縣志卷之四

七

等。至提斯袞暫住。我等馬匹牲隻。皆為所掠。無力追奪。且河水難渡。懇大兵速來救援。庶波羅泥都不致遠颺。布魯特不來搶掠等語。臣等詳加詰問。據稱波羅泥都去年在葉爾羌。被鎗矢傷。因重甲未透。曾遣人與霍集占計議投降。霍集占不允。遂分途通使。拔達克山。霍罕額爾德尼等處。拔達克山已有回音。不知何語。後阿卜

都克勒木兩次與波羅泥都議事。聞霍集占於

四月內。即將家口行裝。俱移往葉爾羌迤西羌呼勒之赫色勒塔克。若大兵復來。則逃往拔達克山。波羅泥都諸事俱與親信之烏沙克塔喇沁伯德爾格瑪呼斯之厄魯特密議。不令我等知之。惟索取糧馬。所得之物。六月初十以前。陸續運至塔勒巴楚克河。僅與親信人等。在城居

平定縣志卷之四

天

住。六月十五日。據卡倫人報稱。有布魯特百餘人在城西北之阿喇古搶掠。波羅泥都令鄂斯璊伯克優駑斯伯克等。拒之於濟德朗塔拉。大為所敗。鄂斯璊等俱得傷。自此每日作為出兵之狀。向我等湊集賞裝。二十七日。突將我等兵器奪去。將男婦帶至提斯袞復奪其衣服而去。臣等復詢和濟默爾等。波羅泥都兄弟。究竟逃

往何處。爾等何不擒獻。顯係誘我大兵。輕裝前進。據稱伊等遣使霍罕。未有回音。且慮布魯特搶掠。必不敢前往。惟霍集占於四月間。即已遷移家口輜重。而拔達克山使人已回。又曾餽送拔達克山之克卜察克等部落禮物。或係逃往其地。我等實無力擒拏。並無別情。臣等詢問葉爾羌喀什噶爾從賊逃去者。係何等人戶。現餘

平定準噶爾方略正編卷之十四

五

戶口若干。其喀什噶爾村莊種植若何。據稱不知。葉爾羌逃去人數。其喀什噶爾之人。波羅泥都帶去一百五十戶。又親信之烏沙克等男丁千餘口。家口亦多。我等百餘戶內。有帶去者。此時亦多逃回。計本城所屬。共一萬六千餘戶。人五萬餘口。其汗額里吉衣。雅普爾古烏什哈喇城之人。俱各自保守。牌租阿巴特有千餘戶。亦

不肯從賊。彼此相拒。此時不知勝負。至所種地畝。大麥已熟。小麥尚未收割。本城之阿奇木伯克墨墨氏敏伯克阿卜都爾瑪俱被賊帶去。城內街市俱焚。城門亦燬。有伯克托喀等現在修理等語。臣等察看伊等投誠情形屬實。但波羅泥都早已遠颺。臣等議先攻喀什噶爾。原欲斷其逃竄之地。今約計遣送和闐馬匹。閏六月初

平定準噶爾方略正編卷之十四

三

十間可到。阿里袞巴祿之兵。亦可抵巴爾楚克。葉爾羌喀什噶爾既差人分途迎降。想富德等自必聞知。速往追襲。現在來投人等。雖無可疑。而受降如受敵。自應倍加謹慎。不必輕騎先進。即領現在馬兵三千名。前往安撫。一面偵賊踪跡。若果赴拔達克山。即直入其境。宣示軍威。曉以利害。相機索取擒拏。又和濟默爾等告稱沙

喇斯瑪呼斯厄魯特已經離心。恐竊取霍集占
牲隻逃走。亦行文策布登扎布令其隨路留心
截殺。奏入得

旨下部知之。

定邊右副將軍富德疏奏脫出回人等信息。及
進兵日期。

富德奏言。六月十八日。卡倫送到葉爾羌脫出

平定回疆方略卷五十四

三

額里齊回人郭爾拜默特等。詢據供稱。去年被
阿卜都克勒木擄往葉爾羌。聞知霍集占兄弟
不協。有伯克阿卜都瓜卜係伯克霍集斯之兄。
波羅泥都令其逃走等語。十九日。卡倫又送到
從葉爾羌所屬薩納珠脫出賽里木回人海達
瑪特等。據供。去年霍集占在庫車敗逃。將賽里
木伯克阿卜勒阿三擄去。後聞大兵進剿。復行

戕殺。我因逃至薩納珠。聞大兵到和闐之信。葉

爾羌人等驚動。霍集占將家口輜重。移往哈子

勒塔克。又聞波羅泥都與伯克阿卜都瓜卜有

恩。帶往喀什噶爾後。又令其逃往烏什。必來尋

霍集斯等語。臣詢之霍集斯。據告云。我兄似難

於逃出。但波羅泥都果與霍集占不協。伊與我

兄相得。或通信歸誠。亦未可定。若我兄果來。願

以家口保其必無虛詐等語。臣伏思葉爾羌脫

出回人至營。須行走二十日。若喀什噶爾至烏

什。不過六七日程期。應早至兆惠軍營。臣自得

兆惠派送臣營馬匹信後。不知於何日進兵。除

將前項信息咨行外。未便守候回音。臣於閏六

月初旬。卽領現在馬兵一千二百餘名。綠旗步

兵一千二百餘名。空趕馬匹徑行戈壁。向固瑞

平定回疆方略卷五十四

三

薩納珠前進。沿途探聽兆惠進兵日期。又候馬兵丁八百餘名。俟叅贊大臣阿桂送馬到時。與所帶牧馬兵丁七百餘名。仍牽馬行走。於攻城擒賊。庶可得力。奏入。報

聞。

叅贊大臣舒赫德等疏奏。派撥臺站馬匹。及牌租阿巴特回人信息。

平定準噶爾方略正編卷五十四

五

舒赫德等奏言。臣等前奏。和闐一路。所設臺站。相去頗遠。馬駝疲瘦。亟宜添補。又進兵葉爾羌。更需增設。今向內地取馬三百匹。以購自回人。及留牧阿克蘇馬匹。叅雜派撥。兆惠起程之際。將阿克蘇至烏什臺站。交臣等辦理。自烏什以外。派西安兵一百五十名。察哈爾兵五十名。吐魯番回人三十名。令二等待衛納林承辦。喀喇

沁臺站章京桑圖。旺舒克巡查。臣等隨撥馬一百二十匹。駝一百隻。交納林等帶往。其烏什以內。於中途撥馬二十四匹。駝十隻。綠旗兵十二名。回人八名。安設一臺。與兆惠等臺站相接。至阿克蘇。距和闐一千二百餘里。所設六臺。不敷馳遞。臣等酌於每站之中。各添一臺。每臺派綠旗兵六名。回人四名。駝十隻。派員帶領前往分駐。并折給糧價銀兩。仍令二等待衛伊凌阿管轄。又臣等於閏六月初五日。准貝勒玉素富報稱。克勒品卡倫送來喀什噶爾所屬牌租阿巴特回人額里訥則爾等。據稱波羅泥都。於六月二十七日。將喀什噶爾大小人等。欲移往援達克山。回衆不願同行。逃來牌租阿巴特者甚多。我等千餘戶回人。俱願歸順。今向將軍處具呈。因

平定準噶爾方略正編卷五十四

五

聞。

馬乏暫住等語。隨經換給馬匹。派員送往軍營。臣等查玉素富所報歸誠人等。既經送往兆惠軍營。自必酌量辦理。但富德軍營亦應知會。臣等已於本日具文。由臺站馳遞。奏入報

定邊右副將軍富德等疏奏續查獎賞効力回人。

平定縣縣志卷之十四

五

富德等奏言。臣等前奏兵抵和闐之日。將効力回人等陸續查明酌量獎賞。今查得現在隨營之伯克薩里。於去年進剿葉爾羌。奮勉効力。從前擒達瓦齊時。薩里先攀馬鏡。達瓦齊引弓欲射。薩里刀斷云弦。達瓦齊之子羅卜扎。刀斫其膊者三。因著棉甲未透。今來和闐。凡傳喚開導回人事體。俱明白勤慎。是以遵

旨擬賞戴五品頂孔雀翎。又管採金之二百戶承辦

金器之伯克特穆爾於侍衛齊凌扎卜等招撫和闐時。將霍集占金四十兩獻出。前往兆惠軍營未達。復同阿里木沙從克勒底雅領兵。至額里齊。固守三月。現在查出賊人馬駝羊隻甚多。臣等擬賞六品頂藍翎。又哈喇哈什回人阿賚默特塔拉和卓因兄默默勒克沙在葉爾羌。欲圖歸順。為霍集占所覺。伊兄與家口同被害。伊身逃出。阿卜都克勒木攻額里齊時。伊兄阿比勒和卓又被賊殺。伊復効力守城。為瑚爾起嚮導。殺賊一人。奪駝四隻。亦擬賞六品頂藍翎。奏人報

平定縣縣志卷之十四

五

聞。

平定準噶爾方略正編卷之七十五

乾隆二十四年閏六月甲辰

諭定邊將軍兆惠等相機追剿賊衆。

上諭軍機大臣曰。據兆惠等詢問來降回人。知波羅

泥都將喀什噶爾人衆驅出。肆行搶掠。霍集占於

四月間。遷移家口輜重。於葉爾羌之西。恐同謀逃

往拔達克山。富德亦詢知霍集占遷移家產領衆

平定準噶爾方略正編卷之七十五

一

於城外結營等語。是喀什噶爾甚屬驚擾。若從前

霍集斯等早遣人招撫。或可即獲渠魁。今業經逃

遁。兆惠仍宜撫定喀什噶爾。俾無失所。但聞喀什

噶爾城踞山巔。險要難克。波羅泥都斷無棄此而

逃往葉爾羌之理。則霍集占此時亦必逃遁。葉爾

羌可不攻而下。若霍集占果與伊兄同逃。兆惠即

留阿里衮駐於喀什噶爾。而前往撫定葉爾羌。富

德額敏和卓明瑞等速領兵偵霍集占逃竄之路。

窮追務獲。其兵丁須選兩隊之健銳者。每兵給馬

三匹。并多備口糧。或天寒難進。即暫於葉爾羌度

歲。次年辦理亦可。總以擒獲逆賊兄弟。始可告成

功。若僅取二城。則事仍未竣。至二城既克。而渠魁

未獲。所有回人中阿奇木伯克等。不必即令入覲。

致生疑懼。又富德所奏波羅泥都遣霍集斯之兄

平定準噶爾方略正編卷之七十五

二

阿卜都瓜卜來兆惠軍營等語。兆惠未經奏及。或

係傳聞。若果前來。即善為撫慰。相機辦理。再霍集

斯鄂對俱熟悉回部情形。追擒霍集占等時。須酌

令一人隨往。且將來兩軍合隊。毋論賊為誰獲。皆

同功一體。務宜和衷集事。不可稍分彼此。俱著傳

諭知之。

臣

等謹案葉爾羌城垣戶口。甲於回部。喀什

噶爾地尤險要。方我兵分道竄入。直搗賊巢。

尚疑霍集占兄弟。敗歸之餘。或且嬰城固拒。

以延殘喘。縱掃穴易。若摧枯。未必能竟不煩。

一矢。乃先聲所至。逆酋早膽落心。怕倉皇駭。

走。兵未血刃。而二城已相率迎降。蓋兩城之。

衆苦逆酋荼毒。望解倒懸。素仰

天朝德化。亟思拯水火而登衽席。時雨所至。蟻伏迓

平定縣志卷之五十五

三

師歌舞載途。固其宜矣。而我

皇上坐照幾先。不特於波羅泥都。驅衆肆掠時。知將

跳身遠遁。卽霍集占之必相附而逃。葉爾羌

之可不攻而下。悉皆

預度不爽。且爲策其去路。計拔達克山。懾我兵威。斷

不敢收匿。遁逃。自貽伊戚。羽書星發。

密示軍營。我將軍等虔奉

廟謨。問道馳追。每戰必捷。二酋遊魂驚逝。鉅險無依。

未幾而異域獻誠。輸誠膚功克奏。若揀券焉。

在昔漢通西域。唐開四鎮。聊示羈縻。旋得旋

失。且不過師武臣之闢外定謀。尚且艷稱史

冊。孰有若

宵旰運籌。動符

勝算。建非常之偉績。廓未有之版圖。盛於

平定縣志卷之五十五

四

今日者哉。

命議叙領隊大臣愛隆阿等及陞賞得功官員。

上諭軍機大臣曰。兆惠奏稱愛隆阿福祿在軍營頗

屬効力。前議叙明瑞時。遺漏未及等語。愛隆阿福

祿著交部照例補行議敘。給與世職。又據奏公鄂

對與各回城官兵。懇求隨征効力。又烏什回人托

克三伯克沙資雅東等似內地叅領職任。達魯罕

伯克阿卜都濟帕爾等似佐領職任。請賞給頂帶。回人摩羅和卓去年隨霍集斯在葉爾羌。已獎賞藍翎等語。公鄂對及各城回人等。誠懇可嘉。著加倍賞給整裝銀兩。沙資雅東等六人。著賞給四品頂帶。阿卜都濟帕爾等六人。著賞給五品頂帶。此內摩羅和卓仍戴獎賞藍翎。又

諭曰。富德奏稱。索倫領催英額勒圖。甚屬奮勉。効力

平定準噶爾方略正編卷五十五

五

等語。英額勒圖著加恩賜號額爾克巴圖魯。賞銀一百兩。又查奏招降克勒底雅塔克之索倫署驍騎校科卜堪。領催車克德赫爾厄魯特薩爾魯克。巴蘇泰等功次。科卜堪等俱著准其實授。薩爾魯克等俱授為藍翎侍衛。又將伊隊內防禦一缺。驍騎校四缺。查明功次。擬定正陪請補。防禦員缺。著擬正之。驍騎校瓜里補授。驍騎校員缺。著擬正之。

領催薩爾泰赫達扎齊蘭邁松阿補授。

命酌派烏什駐劄官兵。及議敘阿克蘇効力官員。上諭軍機大臣曰。據舒赫德奏稱。烏什為大兵要路。請派西安兵五百名。交納世通帶往。協同玉素富辦事等語。玉素富係回部舊人。駐劄烏什。儘足辦理事務。亦不必多駐兵丁。酌增西安兵二百名足矣。餘兵仍於阿克蘇駐劄。或可不需。即遵前旨撤

平定準噶爾方略正編卷五十五

六

回。前因阿克蘇辦事有人。會諭永貴回京。納世通仍在阿克蘇駐劄。其隨同辦事之三等侍衛齊克慎。都司陳聖謨。陳堯典。協同玉素富辦事之遊擊王萬邦。既實心奮勉。著以應陞之缺補用。隨印之署筆帖式。西安前鋒固林泰。馬甲栢秀。船廠馬甲雅庫。俱甚屬効力。固林泰。雅庫。著賞八品筆帖式職銜。栢秀。既係開戶。著賞給縣丞虛銜。

諭叅贊人臣阿桂速送軍營馬匹。

上諭軍機大臣曰。富德奏據葉爾羌脫出回人等。告

知霍集占潛逃信息。領兵從固爾薩納珠前進。與

兆惠約期會剿。其無馬兵丁八百名。留待阿桂所

領送馬兵丁七百餘名。作速趨赴等語。適兆惠已

得喀什噶爾乞降信息。領兵迅往。不久應與富德

會合。而富德隊內所候馬匹。急需接濟。可傳諭阿

平定羅漢等馬驛參至五

七

桂將所送馬匹。籌畫速行。不可遲滯。

申諭喀爾喀副將軍策布登扎布堵剿逸賊。

上諭軍機大臣曰。據兆惠奏喀什噶爾來降回人信

息。知波羅泥都兄弟。俱已逃遁。沙喇斯瑪呼斯厄

魯特等。或乘亂掠取回人牲畜逃走。亦未可定等

語。前據定長奏烏魯木齊牧羣被賊盜竊。尋踪追

至察拉垓。俱各散走。朕卽諭策布登扎布加意搜

捕。今回部賊酋。既經逃遁。則黨眾散走者必多。可

傳諭策布登扎布。或於特穆爾圖淖爾等處。或於

伊犁附近。擇水草之地。派出官兵。於賊人逃往哈

薩克俄羅斯等要路。安設卡倫堵截。仍徧搜山林

幽僻之地。倘逆賊等。卽在其中。豈非一好機會。策

布登扎布。其悉心籌酌辦理。

命通飭軍臺官員。稽察遲悞。

平定羅漢等馬驛參至五

八

上諭軍機大臣曰。近見數次軍營奏報。常有二三處

所發。一時齊到者。設如兆惠之奏報。經過阿克蘇

而阿克蘇大臣等。將所奏事件。附之馳遞。尚屬可

行。乃富德等。由別路馳遞。而亦與兆惠之奏齊。至

是必臺站人等。積習。接受事件。不卽飛遞。留待後

到者。一同賫送之所致耳。今當進剿之時。軍機事

件。刻不容緩。豈可任意偷安。以致遲悞。著將此交

與兵部。按照軍臺。通行曉示。仍令管理臺站官員等。不時稽查。仍有似此玩延貽悞者。務宜嚴叅治罪。

乙巳。

申諭定邊將軍兆惠等協擒霍集占。

上諭軍機大臣曰。昨得波羅泥都逃遁之奏。朕卽謂

霍集占若尚在逗遛。大兵可并力擒獲。前諭兆惠

平定準噶爾方略正編卷五十五

九

等領兵先取喀什噶爾者。原以斷霍集占逃竄之

路也。今波羅泥都既遁。喀什噶爾乞降。料霍集占

自不敢由此逃遁。若兆惠抵喀什噶爾時。霍集占

尚據葉爾羌。卽令阿里衮額敏和卓撫定回衆。伊

速領本隊之兵。急與富德并力攻葉爾羌。擒獲霍

集占。波羅泥都卽在逃。亦可謂之竣事。若霍集占

聞伊兄既逃。早已遁去。兆惠仍遵前旨。撫定葉爾

羌回衆。富德額敏和卓。明瑞作速領兵追襲。務期擒獲。俱著傳諭知之。

諭叅贊大臣巴祿酌往兩路軍營。

上諭軍機大臣曰。近據富德等奏。巴祿兵少。不便徑

往葉爾羌。朕卽諭令據守要隘。以斷兩城賊衆聲

援。仍聽兆惠調遣。今波羅泥都在逃。喀什噶爾乞

降。葉爾羌亦必有變動。著傳諭巴祿。不必據兩城

平定準噶爾方略正編卷五十五

十

要隘。惟探聽兆惠富德兩軍信息。就伊兵力可至

何處。隨何人行走有益。卽會同進發。

諭陝甘總督楊應琚籌辦軍需事宜。

上諭軍機大臣曰。楊應琚奏庫車等處咨調緞布等

項。換易回人糧石。已飭辦送等語。看來布疋允回

人所需。當此收穫之時。用以換易糧石。裕軍需而

省餽餉。莫便於此。前已諭戶部。酌撥庫貯布疋二

萬解送肅州備用。今復諭該部於出產省分酌量辦解。總因甘省比年歉收。當以民食為急。其糧餉草束布疋。既均無採買。則本地價值自必平減。為有司者。正當專力撫綏賑卹。副朕嘉惠邊氓至意。此時回中已有因糧之便。軍務亦計日可竣。該督等籌畫儲胥。務使內地靜若無事。斯為經理得宜耳。可傳諭知之。

丙午

以奏賀平定回城

訓諭辦理屯田副都統定長

上諭軍機大臣曰。定長聞喀什噶爾回人歸誠。具摺奏賀。甚屬非是。此次將軍大臣進兵。務將逆酋兄弟全行擒獲。以奏膚功。今波羅泥都逃遁。所餘伯克數人。獻城歸附。大兵所至。應以未獲渠魁為恨。

尚何喜之有。且卽波羅泥都悔罪歸誠。亦不足道。惟生得霍集占。明正其罪。方可竣事。定長如此陳奏。特平日視此甚難耳。可謂不知事體。著傳諭知之。

丁未

諭定邊左副將軍成衮扎布等。搜捕嗎哈沁事宜。

上諭軍機大臣曰。據成衮扎布議奏。時當秋令。若額爾克沙喇前赴策布登扎布處。則馬力未免疲乏。

平定回疆方略卷五十五

十三

且薩拉布拉克卡倫被盜踪跡。正在東南。亦應速為搜捕。額爾克沙喇業已起程。請令其自烏魯木齊前往察拉核等處沿途牧養馬匹。詳悉搜捕。既不遠行。應將公策登薩木丕勒停其前往派台吉烏木布濟帶兵百名接濟等語。卽如所議行。策登薩木丕勒已經起程。與烏木布濟俱著賞緞二端。

并傳諭努三若額爾克沙喇與伊程途相近卽約會夾攻或甚遠則仍遵旨往博克達山搜捕盜竊烏魯木齊牧羣之賊俱著酌量辦理。

秋七月己酉朔。

定邊將軍兆惠等疏奏續聞波羅泥都霍集占逃竄信息。

兆惠等奏言臣等聞喀什噶爾回人信息卽領

平定準噶爾方略正編

三

兵前進一面知會富德又遣人由巴爾楚克知會阿里袞巴祿作速前來又因喀什噶爾麥熟未收派臣額敏和卓之子木薩等先行馳往安撫城堡查明逃賊地畝及應交糧石接濟軍食如布魯特兵來令其協同追賊閏六月初五日喀什噶爾所屬牌租阿巴特城伯克呢雅斯遣回人呈稱六月十二日霍集占遣阿卜都克勒

木告知波羅泥都將葉爾羌喀什噶爾人等遷

移焚城掘樹波羅泥都與伯克等公議未決二

十日阿卜都克勒木文來傳信將各城回人移

往拔達克山約二十四日在提斯袞齊集我卽

於十二日閉城拒守聞提斯袞人等俱於二十

九日至英噶薩爾閏六月初七日起程霍集占

兄弟約於色勒古勒之齊里袞巴蘇相會若大

平定準噶爾方略正編

十四

兵速來卽可擒獲等語臣等復將來呈與先降之阿璉和濟默爾等詳加詰問察其情形逆賊逃竄屬實其未焚毀各城產業意尚觀望復回若但行尾追不邀截脫逃之路恐難弋獲臣等一面檄知布魯特納喇巴圖等截賊人前往色勒古勒投霍罕額爾德尼伯克之路一面儘力尾追於閏六月二十三等日卽抵喀什噶爾

辦理安撫事宜。聲言大兵即撤。以緩賊急逃之勢。再確探所逃何地。速追務獲。奏入。報

聞。

叅贊大臣阿里袞等疏奏多倫降回報賊逃信。

阿里袞等奏言。臣與巴祿等於六月二十八日。

兵至陽阿里克。距巴爾楚克頗近。派副都統由

屯侍衛查拉豐阿。公特通額等領兵五百。捉生

平定縣志卷之五十五

五

詢問。閏六月初六日。抵巴爾楚克。由屯等報稱

革職効力之圖倫楚達禮善等。拏獲多倫回人

搜默特等三十餘口。據供因聞大兵前來。從喀

什噶爾脫出。今霍集占將巴爾楚克卡倫。俱行

撤回。伊兄弟在兩城聚集賊眾。又聞布魯特等。

搶其村堡。霍集占兄弟商議云。若逃往喀喇圖

伯特。恐和闐大兵邀截。遣人往投霍罕額爾德

尼伯克。又未允從。欲從拔達克山路。往痕都斯

坦去等語。臣等見搜默特等皆窮苦回人。所言

未足為實據。已交解糧之員。送往阿克蘇。并行

知兩路軍營。奏入。報

聞。

叅贊大臣舒赫德等疏奏赫色勒降回報賊逃

信。

平定縣志卷之五十五

六

舒赫德等奏言。閏六月十一日。運送巴爾楚克

糧餉回人。於愛庫勒。遇喀什噶爾脫出回人阿

卜達喇木。帶至阿克蘇。據告稱本月初二日。波

羅泥都領喀什噶爾回人。及瑪呼斯阿巴噶斯

厄魯特。伊犁種地回人。共千餘戶。欲逃往拔達

克山。從巴克塔克拉行走三日。山路甚狹。我係

離喀什噶爾百里。赫色勒城之人。因從英噶薩

爾逃回本處。我兄素丕爾格和卓係赫色勒頭

目。遣我來迎大兵等語。又據告稱霍集斯之兄

阿卜都瓜卜等家屬。俱被波羅泥都帶去。又詢

同來回人邁瑪雅爾等。據告稱我等係阿克蘇

所屬克勒品回人。去年霍集占掠往喀什噶爾

之牌租阿巴特城。我兄密雜呼爾班領屬人三

百戶。與伯克呢雅斯守城。來迎大兵等語。又詢

平定準噶爾方略正編卷五十五

七

得喀什噶爾大伯克阿卜都喇伊木密里木哈

子墨墨氏敏等。皆與波羅泥都同逃。中途棄其

婦子逃歸。伊等謀擒獻波羅泥都。事洩後不知

如何。至波羅泥都之逃。因霍集占先離葉爾羌。

是以同行。現在二麥俱未收割。城內馬匹雖盡

去。其村莊尚有存留等語。并出回字呈文一紙。

臣等即將所得情形馳送兩路軍營。奏入。報

聞。

諭定邊將軍兆惠等追剿賊眾事宜。

上諭軍機大臣曰。據兆惠阿里衮等奏報霍集占兄

弟商議同逃。看來從從拔達克山。往痕都斯坦較為

確實。我兵未抵城下。賊已竄逸。非將軍等之咎。但

二城卽定。而逆賊兄弟未擒。難云竣事。兆惠富德

等自應窮追務獲。且賊人伎倆已無所施。若見我

平定準噶爾方略正編卷五十五

八

聲勢可畏。必自相擒獻。或稍存猶豫。則亦必觀望

苟延。現在馬力有餘。加以二城村堡所有。俱可接

濟。計奉到此旨。不過八月初旬。正可長驅深入。或

天氣漸寒。卽撤回葉爾羌。來年再行追襲。亦可至

回人等雖應撫恤。而馬匹必當拘收。庶不假伊等

以足力。俱著傳諭知之。又

諭曰。額敏和卓之子木薩奉委馳往喀什噶爾安撫

回衆查勘地畝。甚屬効力。著加恩賞給公品級。

庚戌。

申諭定邊將軍兆惠等奮勉追勦逃賊。

上諭軍機大臣曰。昨據兆惠等奏稱霍集占兄弟。但

經逃竄。追襲最爲緊要。以我馬力有餘。而逆賊等

所攜萬衆。難以婦女童稚行走。既不能使利。多人

亦易生變亂。我兵當恩威並用。或招撫。或離間。中

平定邊將軍兆惠奏

九

途必自潰散。或有擒獻者。至堵截雖亦一策。但急

追不能紆道。或致徒疲馬力。若果逃往拔達克山。

量伊地僅一小部落。斷不能收養。如許邁逃。且豈

肯自招罪累。兆惠富德等惟宜悉心奮勉。以奏膚

功。守城拒賊之伯克呢雅斯。兆惠等卽量加獎賞。

其二城來降伯克等。應如何酌予加恩。俱著查明

定議具奏。

諭定邊左副將軍成袞扎布等防範逃賊事宜。

上諭軍機大臣曰。成袞扎布以籌畫策布登扎布行

糧具奏。今體察回部情形。策布登扎布不須往特

穆爾圖淖爾。但於伊犁附近。擇水草之地駐牧。防

範霍集占等。逃入俄羅斯哈薩克之路。併搜捕嗎

哈沁。其官兵糧餉。行文定長等支給。

乙卯。

平定邊將軍兆惠奏

十

諭定邊將軍兆惠等霍集占逃竄情形。

上諭軍機大臣曰。據玉素富奏稱從葉爾羌脫出之

烏什回人阿奇木和卓等。告知霍集占聞大兵將

至。向西逃竄。波羅泥都通使安集延往復之間。霍

集占謂其難信。留來人不遣。以賊衆千人。付阿卜

都克勒木賽里克伯克守城等語。霍集占聞風逃

竄。自屬確實。至以千人留葉爾羌。則斷不能守此

必逆賊等恐有追襲。俾親信之人斷後。揚言固守。以作疑兵。冀我師或不窮。追久駐。仍可復回抗拒耳。兆惠所領兵馬尚無不足。惟富德馬力稍弱。頗為慮念。但阿桂續進之兵。亦可接濟。其悉心奮勉行走。至阿卜都克勒木從前固守庫車。戕害托克托等。實為逆黨渠魁。此時果留葉爾羌。務宜擒獲正法。以抒眾憤。俱著傳諭知之。

平定準噶爾方略正編卷五十五

三

丁巳。

定邊將軍兆惠等疏奏撫定喀什噶爾。

兆惠等奏言。臣等領兵前往喀什噶爾。在城大

小伯克。并從前逆酋霍集占。自阿克蘇庫車多

倫克勒品等處移來。回眾於百里外來迎。臣等

經過村莊。回人皆獻牛酒果餌。情詞恭順。又被

脅從賊。乘間脫出之回人等。俱稱霍集占搶掠

葉爾羌回眾馬匹牲隻及勒索回人摩羅等奏

銀四千兩。於閏六月初二日起程。由伯克和羅

木渡口向羌呼勒逃去。波羅泥都於六月二十

七日搶掠喀什噶爾回眾。由玉魯克嶺潛逃。兄

弟會齊同行。同黨止四千餘人。且訛言兵至自

相掠奪等語。臣等於閏六月十四日抵喀什噶

爾。回眾復獻牛羊果餌歌舞慶幸。臣等加以撫

平定準噶爾方略正編卷五十五

三

慰。詢問逆賊所逃之路。據回人多羅特巴凱告

稱波羅泥都兄弟相會之後。同向色勒古勒逃

走。雖均係拔達克山必由之路。但道甚險遠。伊

等或往拔達克山附近之博洛爾。或仍往安集

延瑪爾噶朗。霍罕納瑪噶等處。今欲堵截擒拏。

則色勒古勒附近之帕密爾。西通博洛爾。拔達

克山。北通安集延等處。地雖多石。馬蹄釘鐵可

以行走。不過十數日程。途等語。臣等已知會阿

里衮。巴祿之兵。約於本月十六七日可至。臣明

瑞愛隆阿溫布等。即領兵二千名。每人給馬二

匹。於閏六月十五日起程。晝夜追襲。阿里衮等

續到。亦即前往。其餘兵馬。暫為休息。臣兆惠一

面將撫定喀什噶爾葉爾羌。查核戶口田賦。委

員派兵防守各事宜。辦理稍有端緒。即領兵策

平定回疆方略卷五十五

聖

應。務期擒獲賊首。上副

聖心。其富德軍營信息。已遣侍衛納克布及回人總

管職銜色梯巴勒氏侍衛瑚圖禮等。前往探聽

協助。奏入。得

旨。下部知之。

定邊右副將軍富德等疏奏撫定葉爾羌。

富德奏言。臣等於閏六月初一日起程。山固瑞

薩納珠前進。派瑚爾起老格豐安。烏三泰等哨

探。十一日夜。據索倫總管薩曼等。捉獲回人伊

巴里葉木等四人。告稱霍集占於初二日。棄葉

爾羌。逃往英噶薩爾。大小伯克等情願迎降。賞

有鈴記呈文二紙。臣等伏思降人雖未可遽信。

而我兵總宜進發。隨派兵五百名。令鄂博什等

持檄往諭為首之喀瑪勒和卓等。於十二日起

平定回疆方略卷五十五

聖

程。臣等隨即前進。十三日。阿桂達爾黨阿傅景

送馬亦到。沿途村莊回人。俱扶老攜幼。道左跪

迎。臣等宣布

皇恩。令其各安生業。行至聽雜阿卜河岸。據鄂博什

等報於十四日到城。并將檄傳之喀瑪勒和卓

等。送來軍營。據稱我等早欲歸順。奈為霍集占

所脅。今伊聞信潛逃。始得如願。自將軍檄到。合

城老幼無不踴躍。鳴金擊鼓三晝夜。共相慶賀。

等語。十八日黎明。我兵整飭旗纛。按隊渡河。自

南門入。城中觀者塞道。爭獻果餌。備述前受霍

集占擾害。從此永安生業。臣等加以撫慰。回衆

同聲歡呼叩首。復周行城垣十餘里。皆以土築

房屋。較各城為密。村莊亦多。查詢從前戶口二

萬三千有奇。現存仍二萬戶。復詢霍集占逃走

平定準噶爾方略正編卷五十五

五

所向。據稱欲往拔達克山。又聞欲往安集延。不

知確實等語。臣等務期窮追速獲。獻俘

闕下。一面探聽兆惠等收服喀什噶爾信息。謹此馳

奏。奏入。得

旨。下部知之。

命議敘撫定回城之將軍大臣官兵等。

上諭軍機大臣曰。據將軍兆惠富德等奏稱。逆賊霍

集占兄弟。聞大兵前進。率其親黨逃竄。葉爾羌喀

什噶爾回衆。俱輸忱歸順。現在一面安撫兩城。一

面派出追剿等語。覽奏深為欣慰。逆賊兄弟雖畏

罪先逃。而兩大城實回部著名之地。既歡迎恐後。

則二賊亦可計日就擒。此皆將軍大臣官兵等奮

勉所致。甚屬可嘉。俱著交部議敘。

申諭定邊將軍兆惠等。迅速追擒賊首事宜。

平定準噶爾方略正編卷五十五

五

上諭軍機大臣曰。兆惠富德等具奏。撫定回城。業經

加恩議敘。仍著傳諭伊等。激勵官兵。益加奮勉。務

使渠魁早獲。以期承受寵榮。從前曾降諭旨。兆惠

辦理兩城事務。富德明瑞等領兵速往追賊。即當

作速起程。沿途宣布朕諭。以霍集占等罪由自取。

與脅從之衆無涉。有能擒獻者。必沛殊恩。雖附和

為惡。如沙喇斯瑪呼斯人等。倘能幡然悔悟。去逆

效順亦從寬免罪。俱著遵照辦理。

戊午。

命議敘馳遞奏臺站官兵。

上諭軍機大臣曰。富德等奏撫定葉爾羌等城回衆。紅旗馳報。甚為迅速。所有臺站人等。自應加恩。著將巴里坤以內臺站。交地方官查明。其巴里坤以外交清。釐定長。舒赫德等查明。造冊送部議敘。

平定縣志卷之五

五

諭定邊將軍兆惠等籌畫接應糧馬各事宜。

上諭軍機大臣曰。昨據兆惠奏派明瑞領兵二千。追剿逆賊等語。若明瑞等能速追。即獲。固屬甚善。萬一賊衆遠颺。則接濟官兵糧餉。甚屬緊要。但官兵所至。多布魯特等部落。伊等業已歸誠。又令協擒賊首。自未便責其供應。著兆惠環為籌畫。且亦當酌量馬力。計節次辦送之馬。將二萬匹。自春迄夏。

始能全到。伊等自應加意牧養。有傷損者。或向回

人及布魯特等。換易添補。縱不可得。但以足敷萬人之馬。派給勁旅五千。自有餘裕。若今歲不能竣事。即暫回葉爾羌等處。休息亦可。至富德奏。霍集占所居。應否拆毀等語。著即為辦事大臣公署。擒獲逆賊後。或選授阿奇木伯克等。亦可居住。俱著傳諭知之。

平定縣志卷之五

五

已未。

諭叅贊大臣舒赫德等酌議回城官制。

上諭軍機大臣曰。舒赫德等奏稱阿克蘇係回部大城。村莊甚多。舊係伯克密喇卜等管理。今雖不必準以內地官制。而品級職掌宜為釐定。庶足以辨等威。而昭信守等語。所奏甚是。著照所請。以阿奇木伯克為三品。伊沙噶伯克為四品。噶雜納齊伯

克爲五品。將應陞人員。奏請補授。其小伯克密喇卜等。爲六七品。俟缺出。揀選補授。其餘各城。俱一體辦理。但回部諸城。皆大兵進剿所定。非哈密吐魯番之向化歸誠可比。從前玉素富額敏和卓之屬人等。本其世僕。故所設官員。俱不支俸。此等回人。雖承辦公事。有官職大小之殊。皆係朕之臣僕。將來如阿奇木等。大伯克。或令其輪班入覲。酌給

平定準噶爾方略正編卷五十五

无

官俸。其小伯克等。或於所定租賦內。通融支給。亦可。著傳諭舒赫德。查核定議具奏。俟回部全定後。舉行。此時不妨以籌辦大概。曉示回人。俾共知感激奮勉。

癸亥

叅贊大臣舒赫德等疏奏查獲賊黨密爾圖遜

正法。

舒赫德奏言。上年十二月。有克勒品回人密爾圖遜。被霍集占移往喀什噶爾。爲賊嚮導。捉生。旋經發覺。已將伊母正法。今見霍集占逃竄。又同克勒品回人等。投回阿克蘇。微幸免死。臣與本城伯克等。查出嚴審服罪。隨傳集伯克及回人等。將密爾圖遜。卽行正法。奏入。報

聞。

平定準噶爾方略正編卷五十五

羊

甲子。

諭護軍統領勞三等。哈薩克貿易事宜。

上諭軍機大臣曰。據策布登扎布奏稱。領兵至波羅呼濟爾。遇哈薩克之哈喇巴喇克等。言及貿易一事。據稱。上年哈巴木拜之子額得格等。至烏魯木齊交易。回抵游牧云。馬一匹。僅得緞一端。衆人聞知。俱不願前往。今將軍等。旣准貿易。須致書與阿

布資相商。仍懇量為增給等語。哈薩克乃微小部落。貪利無厭。若如所請。增給貨物。日後輾轉千求。何所底止。此則斷不可行。况上年貿易馬匹。原為進勒逆回。今諸城盡附。逆賊計日可擒。何必多購馬匹。置之無用。著傳諭努三等。若哈薩克人等。仍來貿易。或嫌工料糝薄。妄求增給。即行曉示云。糶疋皆商人貨物。民間通用。難以內庫賞資之物相衡。爾等如不願交易。亦聽其便。豈能曲從所請。轉致累我商民。現在伊等曾否前來。及作何辦理。即著奏聞。

平定縣志卷之三十五

三

諭喀爾喀親王策布登扎布等撤回堵截官兵。上諭軍機大臣曰。策布登扎布奏稱奉旨堵截逆回逃走要路。詢之嚮導人等。俱云。特穆爾圖淖爾天氣甚寒。七月後即有大雪。請先探兆惠信息。聽候

調遣等語。前諭策布登扎布等堵截逆賊。蓋防其由哈薩克投入俄羅斯也。今兆惠等既撫定葉爾羌等城。霍集占兄弟向西逃走。則特穆爾圖淖爾及伊犁等處。俱無庸防範。著即領兵由阿爾台回喀爾喀游牧。併傳諭沿途駐劄大臣等知之。

庚午

定邊將軍兆惠等疏奏辦理喀什噶爾等城事宜。

平定縣志卷之三十五

三

兆惠等奏言。臣等撫定喀什噶爾等二城。宣布皇恩。凡棄賊來投者。俱行免罪。又查出各城遷來回眾二千五百餘戶。一萬二千二百餘人。俱送往阿克蘇。以備屯田。現在喀什噶爾大小十城七村莊回眾。各安生業。謹將各城及村莊繪圖呈覽。并將設官定職徵糧鑄錢及駐兵分防事宜。列款

具奏。一喀什噶爾地居西北。距肅州嘉峪關六

千餘里。其城周圍十餘里。城內回人二千五百

餘戶。東界烏什。阿克蘇。有牌租阿巴特赫色勒

布伊。阿克阿喇圖什三城。伯什克勒木阿爾巴

特二大村。共六千餘戶。西界安集延布魯特。內

有巴哈阿喇圖什鄂坡勒塔什巴里克三城。塞

爾們托克庫爾薩克二大村。共二千二百餘戶。

平定準噶爾方略正編卷五十五

五

南界葉爾羌。內有英噶薩爾汗阿里克二城。提

斯袞哈喇刻爾二大村。共四千四百餘戶。北界

布魯特。內有阿喇古城霍爾干村。共八百餘戶。

總計一萬六千餘戶。數十萬餘口。具載圖冊。一。

各城村辦事。應設官職。查回部頭目。曰阿奇木。

總理一城。曰伊沙噶。協辦阿奇木事。曰商伯克。

管理租賦。曰哈子。管理刑名。曰密喇卜。管理水

利。曰訥克布。管理匠役。曰帕察沙布。查拏賊盜。

曰茂特色布。承辦經教。曰木特達里。管理田宅。

曰都管。管理館驛。曰巴濟格爾。管理稅課。曰阿

爾巴布。派差催課。曰市瑯。協辦都管事。曰巴克

邁塔爾。專管園林。曰明伯克。其職如千總。今喀

什噶爾阿奇木一缺。請暫委吐魯番副台吉木

薩署理。其餘各職。臣等查隨營効力之著姓回

平定準噶爾方略正編卷五十五

五

人。及並未從逆之回人子孫等三十四人。揀選

補授。謹列名具奏。一。每年貢賦數目。查回人一

帕特瑪。準官石四石五斗。一噶爾布爾。準五斗。

一察喇克。準官秤十觔。一騰格。準制錢五十文。

值銀一兩。初噶爾丹博碩克圖收降回眾。定額

每年納錢二萬六千騰格。此內有種地之鄂爾

托什人等。納糧四萬八百九十八帕特瑪。棉花

一千四百六十三察喇克。紅花三百六十五察

喇克。一帕特瑪。折錢四騰格。一察喇克棉花折

錢四十八文。紅花折錢三十二文。共錢二萬一

千餘騰格。又克色克。綽克巴什人等。納錢二萬

六千騰格。商賈牧養人等。納錢二萬騰格。俱以

本色折納。又供給瓊屬。喇嘛衣帽。商人金銅稅。

園戶果稅。邊界貿易回人。徵稅十分之一。外來

平定縣邊界貿易回人

三五

貿易之人。徵二十分之一。俱未能如數全完。波

羅泥都居住後。較前更少。臣等推廣

皇仁。請將瓊屬。及零星雜稅。盡行蠲免。歲徵糧四千

帕特瑪。棉花一千四百六十三察喇克。紅花三

百六十五察喇克。錢六千騰格。俟將來駐兵與

否。酌交糧石銀兩。金十兩。葡萄一千觔。解交

內府。其貿易稅課。照舊辦理。一。大兵進剿。應籌糧

餉。除歸降回人。照常納賦外。其隨同逆回。逃竄

之人。所種田禾。均應入官充餉。臣等查各城鄉

現種麥。秋綠豆。共籽種一千七百九十九石五

斗。有奇。豐年可獲七八倍。荒年可二三倍。但驚

擾之餘。應行酌減。隨傳伯克等公議。今歲各城

鄉。共交糧二千帕特瑪。準內地九千石。其入官

之地。三倍交納。共一千二百帕特瑪。準內地五

平定縣邊界貿易回人

三五

千四百石。七月起至歲底。交錢一萬三千餘騰

格。俱折收糧石。舊果園七所。歲徵葡萄。俟藏貯

成。乾交納。波羅泥都新果園十五所。除給還強

奪回人二所外。其十三園所獲無多。請充官兵

賞資之用。一。同部錢文。應行改鑄。查回城錢文。

俱紅銅鼓鑄。計重二錢。一。而鑄準噶爾台吉之

名。一面鑄回字。因所產銅少。每鑄新錢一萬餘

格以新錢一文易舊錢二文銷毀更鑄。又行換
易。今雖未便全收收鑄。現有鑄破銅七千餘筋。
請先鑄錢五十餘萬文。換回舊錢另鑄。一二年
間。可以盡改。或照內地制錢。每一文重一錢二
分。或即照回錢體質。一面鑄乾隆通寶漢字。一
面鑄葉爾羌清文。及回字。謹呈樣請。

旨。現在分路進兵。追擒逆賊。其喀什噶爾應酌量

平定準噶爾方略正編卷五十五

七

駐防擬派西安滿兵二百名。阿拉善兵五十餘
名。委散秩大臣伯永慶。阿拉善公衮楚克管理。
仍留綠旗兵一千五百餘名。委提督門相師酌
量城鄉邊界駐防。臣一面前往葉爾羌查辦。於
閏六月二十五日起程。其和闐阿克蘇等處情
形。頗有不同。已行文舒赫德辦理。奏入。得

旨下。部知之。

諭定邊將軍兆惠等辦理回城及進剿事宜。

上諭軍機大臣曰。兆惠等撫定喀什噶爾城。以辦理
事宜具奏。俱著照所請行。其新授伯克等三十四
人。著賞給頂帶。仍將軍營緞疋酌量賞給。如有奮
勉出衆者。准戴獎賞翎。所呈錢文。已交錢局鑄造
二百文。發往為式。即用該處工役鼓鑄。至從前逆

賊等遷移之回人。著發往伊犁屯田。令其自備資

平定準噶爾方略正編卷五十五

天

斧。不必官為辦理。現在安插阿克蘇。舒赫德宜留
心約束。原任喀什噶爾阿奇木伯克之霍什克伯
克等。今若授為阿克蘇之伯克。恐日久終生覬覦。
應送京安置為安。葉爾羌喀什噶爾二城。乃回人
根本。補授阿奇木伯克。甚為緊要。朕意欲以額敏
和卓管葉爾羌。玉素富管喀什噶爾。仍向伊等舊
游牧。往來行走。如成衮扎布之游牧。在塔米爾。而

駐劄烏里雅蘇台。有此等舊人在彼。始堪倚任。此

時且不必洩漏。恐霍集斯失其希冀之心。遂生懈

怠。俟大功告成。再為辦理。與額敏和卓等。則不妨

密商。另摺所奏之回人阿卜都喇伊木等。因迎我

大兵。賊人將伊子弟之足折傷。甚屬可憫。應加恩

賞卹。又查出從前霍集占遣來偵探之回人。既於

軍營正法。其烏什所送之阿奇木伯克托克托默

平定縣志卷之三十五

羌

特會害降回十七人。亦如所奏送至哈密正法。家

口俱解京備賞。又

諭曰。兆惠等奏稱從霍集占處脫出之喀什噶爾回

人云。霍集占兄弟在塔該默暫住。或往拔達克山。

或往安集延。俱未可定。塔該默在塞勒古勒以內。

此時阿里衮巴祿之兵。應尾追將及。富德阿桂等。

相繼策應。明瑞又已在前堵截。可望擒獲。即令逃

入色勒古勒城。則三路合圍。或逃在外部落。持檄

往諭。亦必擒獻。等語。覽奏殊為欣慰。逆賊等既能

分城拒守。又不速行逃竄。觀望逗遛。必為我追及。

若慮其據險結營。則我鎗礮之威。斷難支持。蓋伊

等孽由自作。惡貫滿盈。故

天奪其魄。俾早正刑。誅耳至布魯特人等。攻英噶薩爾

村莊。聞侍衛等撤止。即撤兵入山。恭順可嘉。著傳

平定縣志卷之三十五

甲

旨慰諭。仍酌賞緞疋。

命優卹侍衛瑞綽爾圖等。并誅降賊之察哈爾丹巴

林沁家屬。

上諭大學士曰。兆惠等奏據藍翎侍衛莫寧察家人

瑪穆特脫出。告稱前隨莫寧察及固濟爾巴圖魯

侍衛瑞綽爾圖與達什策凌等領兵百名。前途偵

探。遇賊千餘人。猝被遮斷。時莫寧察瑞綽爾圖各

據空屋固守有察哈爾丹巴林沁開門投賊我兵
 矢盡力竭莫寧察遇害。瑞綽爾圖與索倫六品官
 岱屯被執。罵賊不屈。逆酋霍集占手斷其頸。岱屯
 亦剝腹遇害等語。達什策凌等前已加恩諭部優
 卹。今瑞綽爾圖被執罵賊。始終不屈。慘烈捐軀。忠
 義之氣凜然。覽奏深為嘉憫。瑞綽爾圖有無子嗣。
 并前此作何加恩。該部即查明具奏。候朕加恩優
 卹。以勵忠貞。岱屯著一併查奏。瑪穆特被擒得脫。
 情亦可矜。著加恩作為另戶。披甲。至丹巴林沁。開
 門投賊。情甚可惡。獲日。應照叛逆律治罪。著派乾
 清門侍衛舒常馳驛前往察哈爾。會同該總管。將
 丹巴林沁子孫查出。鎖押插箭。於八旗地方巡行
 示衆。後即行正法。其親兄弟妻女。一併拏解來京。
 賞給王大臣為奴。

平定準噶爾方略正編卷五十五

聖

定邊將軍兆惠疏奏遷移回人各事宜。
 兆惠奏言。前因布魯特居住之額爾克和卓額
 色尹之姪。鄂托蘭珠和卓瑪穆特等投見。詢其
 情詞。與阿琿和濟默爾相同。因令隨營。寄書伊
 叔。領兵協助。臣等行近喀什噶爾。額色尹等來
 告云。六月十八日。遇波羅泥都所屬百餘人。奪
 轟一桿。勦殺多人等語。臣等加以撫慰。令其遣
 人往取家屬。俟入覲後。遵
 旨安插。臣等竊思伊等係霍集占同族。又與布魯特
 相契。恐回人等又以伊等為和卓。妄行敬信。應
 於到京後請
 旨。將伊等或留京城。或安插安西哈密等處。又多倫
 伯克阿爾租等。領回人千戶來投云。被霍集占
 迫脅。今願歸降等語。臣等查多倫回人。向在巴

平定準噶爾方略正編卷五十五

聖

爾楚克以內居住。上年霍集占從庫車敗逃時。

遣阿卜都哈里克傳喚伊等即時遷移。與實被

迫脅者不同。因加以斥責。復宣布

皇恩寬宥。伊等甚屬畏懼。聽候安插。因將原任散秩

大臣伯克托克托之弟阿卜都賚委為阿奇木

令其照管。暫移阿克蘇等處度歲。俟來春酌於

屯田處所安插。行文舒赫德辦理。伊等獻羊九

平定準噶爾方略正編卷之七十六

聖

百餘隻。即給與官兵。奏入報

聞。

平定準噶爾方略正編卷之七十六

乾隆二十四年秋七月辛未。

諭泰贊大臣舒赫德等安插多倫回人事宜。

上諭軍機大臣曰。舒赫德等奏稱准兆惠咨來投之

多倫回人等。暫令於阿克蘇賽里木庫車等處過

冬。來春或在庫爾勒拜哈喇沙爾居住。或遷往伊

犁。交臣等籌辦。但此等回人以遷徙為常。性習與

平定準噶爾方略正編卷之七十六

一

各城有異。若與阿克蘇等回人雜處。恐滋生事端。

請乘勢即移往哈喇沙爾等空曠之地。課以耕種。

交書山就近辦理等語。所奏自屬可行。然未免稍

存推諉之見。朕命舒赫德在阿克蘇辦事。特以擒

獲逆酋官兵奏凱後。留伊撫輯回部數年。俟屯田

駐防諸事就緒。再行更替。自巴里坤以外。一切事

件。孰非其所當經理。即有轉行派委者。仍宜總統

察核若謂承辦有人。遂與已無涉。則斷不可。此等
回人既發往哈喇沙爾等處。書山應就近辦理。仍
與奇赫德會同商酌。俱著傳諭知之。

命優卹厄魯特親王達瓦齊。

上諭大學士曰。親王達瓦齊曾為厄魯特台吉。被獲
獻俘。朕念係外藩。宥罪錫爵。伊自受恩以來。隨侍

禁近。一意扞忱奮勉。為人尚屬樸誠。今聞溘逝。深

平定準噶爾方略正編卷五十六

二

為軫惻。著賞給治喪銀一千兩。伊子羅卜扎仍准
其襲封郡王。

甲戌。

諭叅贊大臣阿里衮等堵截逃賊。

上諭軍機大臣曰。昨據阿里衮奏稱領兵追襲霍集

占等。詢問逃來之回人克伯克等。告稱霍集占現

在往追搶掠沙喇斯游牧之布魯特等。波羅泥都

在沙爾呼勒休息馬匹等語。阿里衮與逆賊相距

五六站。兆惠前已派明瑞速往堵截。宜即行知會。

以便夾攻。再明瑞經過之地。多屬外夷。伊等曾否

助賊。或有陸續歸附者。俱著詳查具奏。

乙亥。

諭定邊將軍兆惠等辦理撫賞各事宜。

上諭軍機大臣曰。兆惠奏稱前因撫定葉爾羌。奏請

平定準噶爾方略正編卷五十六

三

起程。而追賊更關緊要。且布魯特人等陸續投見

者甚多。請暫留英噶薩爾。令額敏和卓先往葉爾

羌等語。辦理甚合機宜。此時富德阿里衮巴祿明

瑞等。應已追及逆賊。其接濟口糧。招徠降眾。仍須

兆惠督率辦理。投見之布魯特等。有應加鼓勵者。

即傳旨賞賚。或須通使。即酌派侍衛等前往。如願

入覲。亦照從前哈薩克布魯特之例。伴送來京。庶

拔達克山安集延等處。聞風向化。又所奏安集延人等願協力擒賊。更為可喜。一得各路捷音。即速奏聞。又

諭曰。富德等奏稱辦理賞給葉爾羌阿卜都里野木。克理雅喇克等翎頂。緞疋荷包。及擢授阿奇木。伊沙噶等伯克。酌定貢賦。咨明兆惠查辦等語。富德所請撫賞諸事。俱合機宜。可傳諭兆惠將擢授阿奇木等伯克。照喀什噶爾例辦理。其酌定貢賦之處。伊既令額敏和卓前往葉爾羌。即著詳悉查辦。定議具奏。

平定縣志卷之六

四

諭恭贊大臣舒赫德等辦理應留應撤臺站。

上諭軍機大臣曰。現在葉爾羌喀什噶爾業經平定。富德等奏報事件。由葉爾羌直抵阿克蘇。甚為便捷。其葉爾羌至和闐臺站。著即行裁撤。惟和闐至

阿克蘇一路。尚應酌留。著傳諭舒赫德福祿等遵照辦理。

諭定邊將軍兆惠等旌表陣亡官兵。

上諭軍機大臣曰。據富德等奏稱前至葉爾羌。經過兆惠納穆扎爾等領兵勦賊之處。陣亡官兵。骸骨暴露。隨委達爾黨阿那博什等。瘞埋祭奠等語。富德所辦甚是。官兵等為國捐軀。深可憫剛。親製詩章。以示軫念。可繕寫清漢蒙古回部字。發與兆惠令其勒石冢前。永昭表忠崇節之至意。并傳諭富德知之。

平定縣志卷之六

五

丙子。

諭恭贊大臣舒赫德以議處副總管噶雜納齊等。曉示回衆。

上諭軍機大臣曰。據舒赫德奏稱阿克蘇伊沙噶伯

克頗拉特商伯克呢雅斯揭報。副總管噶雜納齊伯克巴巴克專擅委用。又徵收糧石將交官之項。侵蝕入已。且伊等陰結黨援。互相唆調。恐致滋事等語。噶雜納齊伯克巴巴克新經歸附。朕加恩授為副總管。自應感激奮勉。乃肆意妄行如此。本當從重治罪。姑念伊等向化之初。尚未深悉中國法度。且上年駐劄大兵。伊等亦曾効力。著革去職銜。免其治罪。同妻子押解進京。所遺員缺。俟阿奇木伯克鄂對回任。與舒赫德會商揀選補授。并著騰示回衆知之。

八月己卯。

叅贊大臣明瑞疏奏。追敗賊衆於霍斯庫魯克。明瑞奏言。臣同兆惠於閏六月十四日。至喀什噶爾。十五日往追逆賊霍集占等。因思逆賊等

平定準噶爾方略正編卷三十六

六

脫逃已十八日。如不在色勒固勒住歇。計此時將過帕米勒。當即緣山行走。繞過高峯數處。且日渡溪河。四日未得水草。馬匹多損。察看前途情形。覺經過之路。似屬紆道。因詢之嚮導等。另覓捷徑。有隨後到營之布魯特呼都伯克告稱。此即前往帕米勒之路。但有向拔達克山。及博羅爾二道。若往安集延。由色勒固勒向北。經過哈喇庫勒。其地係布魯特之哈卜齊克等部落游牧等語。臣即遣人招降布魯特。一面晝夜趕行。本月二十五日。行近哈喇庫勒。據哨探人等回報。布魯特已遷移游牧。但一路有賊行踪跡。又登高瞭望。見五六十里外。有飛塵起處。臣等即選兵一千三百餘名。行至次夜五鼓。覓得賊踪。隨放馬匹。捉生詢問。二十八日黎明。據偵

平定準噶爾方略正編卷三十六

七

探兵誇普勒圖等擒獲一人。名呢雅斯默特詢

知霍集占兄弟欲往拔達克山。眾伯克不從。遂

由此路往安集延。五日前。聞大兵來信。棄其輜

重。令家口先行。沿途凡遇無草處。俱以大麥飼

馬。計有騎賊七八千人。臣等悉力速追。於巳刻

至霍斯庫魯克嶺。追及賊眾約六千餘人。於嶺

上排列。我兵先至者九百人。整兵誘戰。賊不肯

平定縣志卷之六

八

下山。恐相持稍久。賊必夜竄。當即領兵爭據高

阜。大聲傳諭。若擒獻賊首。必加恩賞。賊眾向下

施放鎗礮。且犯我左翼前隊。我兵以鎗矢迎擊。

衝至嶺下。向山爭進。鏖戰三時。賊眾敗遁。我兵

乘勢追射。因馬力不及。賊漸遠去。旋復聚集。恃

其人眾。分隊合圍。我兵直前衝擊。且戰且行。賊

眾尾追。臣等一面誘戰。一面令步兵據山埋伏。

賊近。即從山上放鎗。臣等回兵。衝入賊隊。至晚

賊兵大敗。越山遁走。臣等見賊眾馬力有餘。易

至竄逸。擬擇水草之地。暫息馬力。夜行晝伏。伺

其無備。方可擒獲。隨探看賊踪。由拔達克山一

路逃走。一面追襲。仍遣人通信富德阿里袞。併

報明兆惠。查此次我兵力戰竟日。勦賊五百餘

人。受傷者無算。生擒男婦三十餘人。收獲馬駝

平定縣志卷之六

九

牲隻百數。我兵陣亡者。亦有百餘人。容詳查具

奏。臣明瑞雖經勦殺賊眾。而未能擒獲渠魁。且

官兵亦有損傷。請

旨將臣明瑞從重治罪。奏入。

上諭軍機大臣曰。據叅贊大臣毅勇公明瑞奏稱。追

勦逆回於霍斯庫魯克嶺。賊眾六千餘。負隅固守。

時我兵先至者九百人。整陣鏖戰。經歷三時。賊眾

大敗復恃其馬力前來抗拒。我兵直前擊勦。賊始越嶺逃竄。此次進勦。我兵陣斬逆賊五百餘人。俘獲男婦三十餘人。駝馬牲畜百數。受傷者無算等語。我師以寡敵衆。力戰敗賊。實屬奮勇効力。朕心深爲嘉悅。明瑞著交部從優議敘。所有本隊得功之大臣侍衛官兵及陣亡人等。並著查明造冊送部議敘議卹。

平定準噶爾方略正編卷三十六

十

諭定邊右副將軍富德等會兵奮勉勦賊。

上諭軍機大臣曰。富德奏與阿里察明瑞三隊官兵業經會合。揀選四千人往追逆回。其存留之兵。交楊寧管束。招降沙爾呼勒回人。以候調遣等語。此奏未至之前。朕因明瑞官兵較少。賊勢尚衆。頗慮於懷。今既三隊會合。兵力倍增。如此應機赴節。乃上天垂佑。必獲渠魁之兆。佇聞伊等捷音。至嚮導等所

云。拔達克山交界。有隘口數十里。僅容一騎。又隔大河。止一渡口等語。萬一賊人逃脫。得入拔達克山。必不得已。卽遵前旨。撤兵回葉爾羌。喀什噶爾休息。次年再行進勦亦可。然終以此時獲賊爲上。其各加意奮勉。

諭定邊將軍兆惠等辦理安集延追賊事宜。

平定準噶爾方略正編卷三十六

十一

上諭軍機大臣曰。兆惠奏詢問嚮導等云。拔達克山路遠地狹。隨逆賊之伯德爾格等。俱係安集延布哈爾之人。必前往安集延。若果如此。則領兵由鄂坡勒穆什一路。前往索取等語。所見甚是。賊若果入安集延。兆惠旣領兵索取。而富德等復行追襲。非爲我兵所擒。卽爲安集延之人縛獻矣。又北路擒獲噶勒雜特。得木齊博勒顯。據供。哈薩克錫喇在安集延。布魯特亦未可定。併著留心訪查。適明

瑞捉生詢問。有喀什噶爾回人。往報逆賊等以大兵信息。此等回人。尚有藏於喀什噶爾者。則葉爾羌亦難保其必無。著兆惠留心盤獲。卽嚴行治罪。諭烏魯木齊辦事副都統滿泰辦理哈薩克貿易。

上諭軍機大臣曰。據滿泰奏稱策布登扎布派嚮導等領哈薩克貿易之人。陸續至烏魯木齊。其頭目

哈斯伯克等稟云。此次貿易。必須倍得利息。若如

平定縣志卷之六

三

上年則不可。而哈薩克之烏穆爾等。又云。伊等係

阿布賚所遣。不比哈斯伯克。但上年所得緞疋。甚

為紕薄。此次請給以精好者等語。從前策布登扎

布途遇哈薩克人等。卽云緞疋不佳。求另定價值。

朕已訓示努三等矣。今覽所奏伊等情詞。足見其

貪得無厭。若從所請。何所底止。且換易馬匹。特以

備征戰之用。今回部計日蕩平。亦何必多此糜費。

著傳諭滿泰等。若貿易人等。仍執前說。卽諭云。大

皇帝恩賞爾等緞疋。皆出自內府。與商民常用者

不同。况以外藩所無之物。許爾等貿易。已屬特恩。

爾等馬匹。卽不行貿易。仍可帶回。若商人貨物。則

有往返運送之勞。倘利息有虧。亦難強其再至。此

次交易與否。聽爾所願。以此明白曉示。看其情形

若何。一面辦理。卽行奏聞。努三此時尚未轉回。范

平定縣志卷之六

三

時綬現在前往。若會同辦理。

辛巳。

命以叛賊丹巴林沁之兄齊旺多爾濟賞伯克鄂對

為奴。

上諭軍機大臣曰。舒常奏稱查得叛賊察哈爾丹巴

林沁並無妻子。惟親兄護軍齊旺多爾濟現在軍

營等語。著傳諭兆惠卽將齊旺多爾濟賞給伯克

鄂對為奴。令其嚴加管束。稍有滋事。即聽鄂對辦理。其丹巴林沁若尚在霍集占處。著留心查拏。送京治罪。

諭甘肅總督楊應琚等查送貿易緞疋。

上諭軍機大臣曰。昨據滿泰奏。哈薩克貿易人等。有所得緞疋。純薄之語。在伊等貪得無厭。欲以交易官緞。與前歲賞給阿布賚等緞疋相較。固屬妄生

平定準噶爾方略正編卷三十六

十四

冀倖。自當示以節制。但從前議將陝甘緞疋式樣。轉發江浙織造。趨辦。或承辦之員。因節省工料。以致成色太減。亦所不免。即如各省辦解內府緞疋。尚不能一律精好。况於應付邊地之用。此亦當留心察核。以杜賸削之弊。且不使過於純薄。致有累遠人。著傳諭楊應琚等。即查明貿易緞疋。約有幾種。各取一端。送京核驗。

壬午。

命參贊大臣舒赫德往葉爾羌辦事。

上諭軍機大臣曰。富德等現在追捕逆賊霍集占兄弟。自當計日功成。萬一不能即獲。則來年所需馬匹糧餉。須就近在葉爾羌辦理。今阿克蘇現無要務。可傳諭舒赫德奉到此旨。即赴葉爾羌辦事。阿克蘇僅納世通一人。著德舒前往辦事。奏事時列名於前。其庫車事務。著德文辦理。併傳諭兆惠等知之。

平定準噶爾方略正編卷三十六

十五

諭辦理屯田副都統定長等。換易哈薩克馬匹。即送軍營。

上諭軍機大臣曰。近據定長范時綬等奏報。哈薩克貿易人等。有馬數千匹。來烏魯木齊貿易等語。現在富德等三隊合兵。窮追逆賊。倘未即就擒。則接

濟馬匹最關緊要。著傳諭定長范時綬將所易哈薩克馬匹。隨其所得若干。卽送往軍營。

甲申。

命護軍統領努三等敘卹追剿嗎哈沁官兵。

上諭軍機大臣曰。努三等奏稱遣獲扎哈沁之嗎哈沁塔爾巴等十九人。供出偷竊烏魯木齊牧羣之訥克衣等。因用爲嚮導。窮追入山。賊人棄其馬匹。

平定縣志卷之六

六

婦子。以繩自繫。越過高峯。官兵等衣履穿透。未能追及。仍遣人各路堵截等語。數年來侵擾臺站者。卽此等嗎哈沁。自知罪重。負固深藏。努三等尋踪堵截。殊屬奮勉。著傳諭定長清稷令其分道夾攻。務期弋獲。此次追賊。中鎗陣亡之吉林馬甲鄂勒布善。渡河溺斃之千總曹正宗。隨守備胡海。追奪羊隻中鎗陣亡之把總李升貴。兵丁韓齊貴。俱照

例賞卹。得傷兵三名。亦照例賞給。用爲嚮導之都楞。以招降被害。克什蒙克津。負傷脫出。俱可軫念。著酌量賞給銀兩。又

諭曰。遊擊唐朝起護送第三隊軍需羊隻。全行交收。又請隨行追賊。奮勇効力。殊屬可嘉。著記名以參將用。遇缺卽補。

平定縣志卷之六

七

宜。

上諭軍機大臣曰。成袞扎布奏稱副都統莫尼扎卜等。招降察罕喀巴等處之卓特巴博碩昆等五十七戶。伊等俱鄂爾楚克部落。原在阿爾台游牧。以皮爲賦。應附入烏梁海大臣管轄等語。卓特巴授爲章京。巴彥授爲驍騎校。所屬二十九戶。歸內大臣察達克管轄。博碩昆授爲章京。雅爾里克授爲

驍騎校所屬二十八戶歸散秩大臣圖布慎管轄。餘俱如所議行。伊等皆新附之人。務宜留心管束。不可滋生事端。又

諭曰。成袞扎布等奏據莫尼扎卜呈稱察達克等七旗之人。每遇公事差遣。頗知奮勉効力。此次搜捕嗎哈沁。雖未全獲。而剿殺十餘戶。招降五十餘戶。應行鼓勵。著加恩賞察達克圖布慎等級各四端。

平定準噶爾方略正編卷之六

大

莫尼扎卜自備口糧効力。著賞銀一百兩。所報得功官兵二十一員名。著成袞扎布等查明酌賞。陣亡得傷人等。亦照例賞卹。

丙戌。

諭烏魯木齊辦事副都統滿泰等查奏貿易情形。

上諭軍機大臣曰。滿泰奏稱哈薩克之哈斯伯克等四隊貿易人等。所到馬匹。擇其善者。每匹作價四

兩四錢。共得一千匹。其次者減價六錢。共得一百五十四匹。交易既竣。照例派兵送至羅克倫。遣回游牧等語。所辦尚屬妥協。但伊等從前以緞疋平常。爭論價值。今豈竟無一語。著將交易時情詞。因便奏聞。又

諭曰。滿泰奏隨哈薩克貿易前來之厄魯特喀爾查海巴桑藏卜班珠爾三人。稱係三年前被擄。今情

平定準噶爾方略正編卷之六

九

願投歸等語。伊等俱係三年前被擄。並未抗拒大兵。尚應收留。但哈薩克亦皆向化。嗣後若從前被擄人等。私自投回。伊等即時追取。應仍行查給。或無人問及。卽不妨留養。亦不必安插闡展等處。可押送至京。現在喀爾查海等卽遵照辦理。

諭定邊左副將軍成袞扎布等。酌賞剿殺嗎哈沁官兵。

上諭軍機大臣曰。成袞扎布等奏稱扎隆阿額爾克

沙喇。追剿盜竊薩拉卜拉克卡倫馬匹賊人。至博

爾濟河。追及。計剿殺二十一人。死於寨內者甚多。

所得馬駝鳥鎗等物。分賞効力之人。仍向額爾齊

斯搜捕嗎哈沁等語。此次雖未能生擒賊人。以訊

其盜竊踪跡。而盡行剿殺。已屬奮勉。剿捕此等賊

人。係扎隆阿專責。今因特遣額爾克沙喇。伊始藉

平定縣志卷之六

辛

以成功。著加恩賞額爾克沙喇緞四端。扎隆阿不

必加賞。其隨行官兵。仍著查明獎賞。効力贖罪之

台吉瑪克蘇爾等。應予開復。著查明革職原案。候

朕酌量加恩。近已諭扎隆阿額爾克沙喇不必往

博克達山。即遵前旨。轉回游牧。

戊子。

駐劄烏什辦事按察使職銜納世通等疏奏布

魯特貿易情形。

納世通等奏言。七月初八日。據庫庫爾里克卡

倫。送到布魯特貿易之克勒第。告稱係薩雅克

部落。居住一千戶之總管。去年將軍等招服布

魯特時。曾給印文。令往招安集延部落。來伊犁

投見。本年正月。往伊犁尋覓將軍。未遇。近聞霍

什克伯克等。曾見將軍大臣。隨帶馬牛羊隻於

平定縣志卷之六

三

閏六月初一日起程。聞將軍進兵。烏什有駐劄

大臣。懇准貿易等語。臣等查克勒第所帶牲隻

無多。毋庸官買。且時價甚昂。因曉示云。我內地

所送牲隻甚多。不須貿易。但既有將軍印文。我

等照看。令向烏什回人交易。隨派員照管。馬牛

自三十兩至四十兩。羊隻概以十三兩定價。買

易六日。全行售盡。克勒第等甚為感悅。臣等賞

給緞布等物。於十八日送赴卡倫。令回游牧。奏入報。

聞。

壬辰。

定邊右副將軍富德等疏奏追敗逆賊霍集占於阿爾楚爾。

富德等奏言。臣等於喀喇烏蘇合兵追賊。捉生

平定準噶爾方略正編卷之六

圭

詢問霍集占兄弟逃走所向。七月初七日。探知賊踪相隔一百餘里。有大戈壁。初八日。領兵牽馬。星夜急行。初九日辰時。至阿爾楚爾。追及賊尾。賊覺。以馱載先行。預伏賊衆於兩山間。列陣谷口。以誘我兵。臣等分兵三隊。左翼巴圖濟爾噶爾鄂齊爾等。以鎗礮攻奪左山。右翼由屯伊柱攻奪右山。中軍亦發大神礮。自辰至午。賊皆

敗走。我兵在山上者奮勇下擊。臣富德令噶畢

雅圖巴圖魯額爾登額協助左翼。塔蘇爾海巴

圖魯占頗圖協助右翼。仍由中軍呼噪衝突。臣

阿里衮明瑞巴祿阿桂率領隊大臣侍衛等。兩

翼衝擊。賊遂大潰。臣等追射三十餘里。賊衆據

一高山。臣富德等整兵對戰。臣明瑞阿桂攻奪

山峯。瑚爾起巴圖魯侍衛額爾登額。老格侍衛

平定準噶爾方略正編卷之六

圭

額爾登額塔爾海烏三泰科普薩自山麓橫衝。賊以死拒守。臣富德等佯為奪賊馱載。徑往追襲。賊懼。皆越山敗走。臣阿里衮巴祿追保護馱載之賊。賊衆又據一山。因與達爾黨阿溫布由屯伊柱豐安等接戰。臣富德阿桂傳景領侍衛官兵策應。臣明瑞鄂博什繞出賊後。賊又復潰。逃。臣等領兵急追。賊且戰且走。至夜收兵。擄有

水草處。暫息馬力。計追賊四千餘人。勦殺者千餘人。生擒五十餘人。奪纛六桿。礮五位。鳥鎗長鎗以千計。疲乏中傷牛馬亦多。并訊知惡黨阿卜都克勒木等數大。伯克俱被我兵陣斬。我兵陣亡者一名。得傷者不過十名。餘奮勇出眾官兵。照例令戴獎賞翎。仍俟查明造冊。奏請議敘。議卹臣等因賊踪與拔達克山邊界相近。次日又速行追襲。奏入。

平定縣志卷之六

十四

上諭軍機大臣曰。富德等奏稱追及逆會霍集占於阿爾楚爾。我兵奪山衝擊。陣斬賊眾千餘人。生擒五十餘人。獲礮纛器械牲隻無算。賊眾大敗窮竄。現在乘勝悉力追擒等語。大臣官兵等爭先奮勇。力勦逆回。覽奏深為嘉慰。仰賴

上蒼福佑。逆會計日就擒。可立待伊等捷音也。其自將

軍至領隊大臣。俱交部從優議敘。侍衛官兵及陣亡得傷人等。俱著查明造冊。送部議敘。議卹。又諭曰。富德等奮勉勦賊。已交部從優議敘。以道遠不能多齎賜物。惟將軍泰贊領隊大臣等。各賞荷包。鼻煙壺。卽行發往。至奏內逆黨阿卜都克勒木等。大伯克數人。俱已勦殺等語。其餘大伯克之名。及如何勦殺。係何人立功之處。仍著附便奏聞。

平定縣志卷之六

十五

癸巳。

命議敘拏獲厄魯特僕役盜馬潛逃之官兵等。上諭軍機大臣曰。清馥等奏稱詳訊被嗎哈心擒去放回之厄魯特僕役畢里克圖等。究出伊等勾通盜馬。欲投俄羅斯情由。將首謀之巴特瑪等七人。俱行拏獲。正法等語。此等在巴里坤留看行裝之官兵僕役等。竟敢造意潛逃。清馥卽派兵全行拏

獲辦理甚妥。著交部議敘。其効力官兵等。俱應加
恩賞。疎防人等。分別議處。責懲。俱著照所請行。

丙申。

諭定邊左副將軍成袞扎布。遷移烏梁海等游牧事。

宜。

上諭軍機大臣曰。成袞扎布奏。據莫尼扎卜告稱。察
達克等。因現在科卜多等處。貂鼠無多。請移往阿

平定準噶爾方略正編卷三十六

五

爾台。在額爾齊斯之源游牧等語。察達克所屬烏

梁海。年來効力行走。且額爾齊斯現亦空曠。即從

伊所請亦可。但該處原係都爾伯特游牧。今策凌

烏巴什等。在烏蘭古木居住。前曾降旨。伊等若願

歸舊地。亦聽其便。可傳諭成袞扎布。曉示策凌烏

巴什等云。察達克等請往額爾齊斯等處游牧。奏

奉諭旨。以額爾齊斯原係爾等舊地。今察達克所

指之處。若與游牧無礙。即從其所請。或爾等願歸

舊地。現在哈薩克俱降。伊犁賊衆盡滅。全無足懼。

即可遷移。爾等現在游牧之地。亦可賞給察達克

等。但哈薩克新附。不比爾等歸誠日久。須嚴飭所

部。安靜無事。若騷擾哈薩克邊界。則伊等具奏時。

朕難於訓諭。至爾等既遵約束。而哈薩克反來擾

害。則拏獲即行正法。亦為理直。言順。爾等或安土

平定準噶爾方略正編卷三十六

五

重遷。即無庸置議。此額爾齊斯之地。與其為哈薩

克俄羅斯竊據。不若使烏梁海人等遷移。亦將此

旨宣示察達克等。令其各安生業。毋得滋事。所有

辦理情形。仍著妥議具奏。

平定準噶爾方略正編卷之七十七

乾隆二十四年八月辛丑

定邊右副將軍富德等疏奏大敗逆賊霍集占等於伊西洱庫爾淖爾

富德等奏言臣等敗賊於阿勒楚爾乘勢追逐日行百餘里至七月初十日薄暮追至布隆庫勒稍息馬匹據巴圖濟爾噶爾報稱見一大淖

平定準噶爾方略正編卷之七十七

一

爾沿岸有賊踪跡臣等遂詢之布魯特嚮導據稱此名伊西洱庫爾淖爾係拔達克山界山高石險雖山足有路僅容單騎過一大嶺與拔達克山之村莊相近其北大山內亦有一路可通拔達克山安集延等語臣等公議既經追及逆賊應乘其未入別部落先行堵截俾首尾受敵賊必自亂臣阿里衮達爾黨阿由屯官長保瑚

什等領兵五百在淖爾以西通拔達克山要隘

堵截伊柱鄂博什温布色圖濟爾噶爾鄂齊爾等領兵八百在山後堵截臣富德巴祿明瑞阿桂領隊大臣傅景瑚爾起等領馬步兵千有餘名尾隨賊踪至伊西洱庫爾淖爾望見賊人先據山麓於淖爾路口施放鎗礮其輜重家口有由山後攀援而上者有擁擠於淖爾沿岸者我

平定準噶爾方略正編卷之七十七

二

兵欲向上衝擊緣賊據山峰石多而險臣等整隊齊進連發大神威遠等礮自已至未賊以死拒臣等於健銳營吉林索倫厄魯特等各營內挑選烏鎗精利者四十餘人派前鋒叅領喀木齊布厄魯特侍衛齊里克齊獎賞藍翎錫勒甲善領步兵自山北而上令巴圖魯侍衛額爾登額老格領兵策應攻擊一面令霍集斯鄂對阿

什默特等。豎立回纥。高呼諭降。至酉刻。回衆數千人。率其家口馱載。同聲願降。從山奔下。逆賊霍集占。猶在山頭攔阻。殺死多人。而降者益多。直至日暮。我兵防賊逃竄。臣明瑞哈達哈瑞濟布。愛隆阿領兵二百餘名。堵截北山。令伊柱等策應。臣富德巴祿阿桂傳景瑚爾起額爾登額老格各領兵一百名。在東山一帶。分地設伏。令侍衛烏三泰蒙固勒特通額傳靈安等。往來巡查。臣阿里袞復領兵由淖爾之南堵截。因未抵嶺前時。賊已據淖爾北山。豎立回纥。南面無徑可通。不可令賊人竊據。一面攻奪山峰。一面勦殺沿岸賊人。取其家口輜重。十二日黎明。嶺上賊人俱逃。其北面。被我兵放鎗。截住回人二千餘。懇乞投誠。臣阿里袞將爲首伯克喚至訊問。

平定準噶爾方略正編卷之十七

三

僉稱霍集占兄弟既敗。無分晝夜逃至此地。恐被大兵追及。波羅泥都先期領兵二百來據此嶺。霍集占據守伊西洱庫爾淖爾迤東山險。以拒大兵。旋因回衆投降。不能攔阻。奪取馬匹。逃至淖爾之岸。夜繞山峰過嶺尋兄。我等早欲投誠。因被迫無奈。今懇祈活命。臣等共計收獲賊衆一萬二千餘人。軍器二千餘件。駝騾牛羊萬餘。臣阿里袞選兵二百餘名。於十二日過嶺。尋踪追勦。臣傳德詢據俘獲人口所供。逆賊餘黨。不過四五百人。酌留公鄂對散秩大臣阿什默特員外郎留保住。閑散効力。挖穆齊圖併侍衛兵丁等。管束降回。臣傳德巴祿阿桂傳景瑚爾起卽領馬步兵四百餘名。亦於十二日起程。策應阿里袞。臣等至拔達克山境內。查勘踪跡。先

平定準噶爾方略正編卷之十七

四

行曉諭該部落人等。令其將逆賊兄弟。速行縛獻。奏入。得旨。下部知之。

臣等謹案霍集占兄弟。棄窟攜孥。跳而遠遁。誠為善我先聲。望風自潰。而狡謀所蓄。未嘗不姑以二城為餌。冀我兵或懈窮追。則金底游魂。尚圖復返。我

平定縣志卷之五

五

皇上握機決勝。謂二酋一日不獲。則軍務一日不竣。於是師武臣稟承

睿算。間道躡蹤。雖駝走已及兩旬。而騰馳不淹俄頃。叅贊大臣明瑞。一蹙之於霍斯庫魯克。以九百人潰賊數千騎。副將軍富德再襲之於阿勒楚爾。復勦賊千餘。殲其黨阿卜都克勒木等。當是時。二酋益詭譎。噫膽鋌走弗擇矣。迨

至伊西洱庫爾。淖爾賊勢危在呼吸。遂據險以延殘喘。將軍等決計禽獮。以阻欽限。淖單騎僅通之地。而衝突無前。電掣霆轟。迅如摧朽。已而樹燾受降。鋪崖厲至。逆酋持刃遏之。眾輒倒戈相向。僅以四百餘人。竄入拔達克山。殆如窮猿之繫焚林。枯魚之依涸澤。不待都丸獻馘。而早有以制其命矣。昔周之逐獫狁也。其詩以為一月三捷。而箋疏家卒不能舉其人其地以實之。豈若

平定縣志卷之五

六

今日稜威遠播。震蕩絕域。應機赴節。三戰定勲。而天筆勒銘。大書深刻。炳耀於雪山蔥嶺以西。又豈采薇篇什。揚厲虛詞者。所能秀髯萬一哉。

定邊將軍兆惠等疏。奏辦理葉爾羌等城事宜。兆惠等奏言。臣等前以辦理喀什噶爾等城事

宜條議具奏。今臣等行抵葉爾羌。查所屬二十
七城村。計三萬戶。十萬餘口。謹繪圖呈

覽其葉爾羌貢賦。從前噶爾丹策零時。每年交納

十萬騰格。內計白米二百六十一帕特瑪。有奇。

米五千八百三十九帕特瑪。棉花一千七百十

五察喇克。紅花四百二十八察喇克。共折錢二

萬七千二百八十騰格。有奇。各項匠役。納錢五

平定準噶爾方略正編卷五十七

七

萬四千七百八十騰格。有奇。城邨酒肆。園林碾

磨。金銀稅。共一萬七千九百騰格。有奇。此外有

金稅。貿易緞布。牲隻等稅。喇嘛瓊屬。果園葡萄。

雖按則徵收。而全完者少。霍集占入城。雖止徵

二萬四千騰格。雜糧二千一百九十帕特瑪。及

折徵牛羊稅九百騰格。而額外科歛衣服牲隻。

不時擾累。供應稍遲。即行抄沒。以致回人日困。

臣等查辦之際。有大小回人等跪呈。亥年間。霍

集占圍城三月餘。及此次逃竄。又行搶掠。生計

甚屬艱難等語。臣等察看葉爾羌城村情形。與

喀什噶爾不同。現在本年七月起。交雜糧一千

四百帕特瑪。各項謀生人等。交一萬二千騰格。

嗣後勉力耕作。次年加增一倍。外交黃金四十

兩。葡萄一千觔。至辛巳年再行定議。餘照喀什

平定準噶爾方略正編卷五十七

八

噶爾之例。其隨賊逃竄人等地畝。計籽種五百

二十七帕特瑪。除踐踏之處。計已種者一百九

十帕特瑪。請與房屋園林。一併交收入官。至葉

爾羌之大伯克等。多為霍集占所殺。或挾之同

竄。現在人等。惟授為密喇卜之托克托和卓。人

尚奮勉。餘俱平常。霍什克伯克舊為葉爾羌等

城阿奇木。伊叔素資璫。亦久為商伯克。臣兆惠

臣額敏和卓公議將霍什克伯克署理葉爾羌之阿奇木事務。素賚瑞辦理商伯克事務。可否

委用。請

旨遵行。奏入。得

旨。如所請行。

命定邊將軍兆惠來京。

上諭軍機大臣曰。富德等追賊至拔達克山界。收其

平定縣志卷之五

九

游牧。逆賊霍集占以數百人遁走。已遣使往拔達

克山索取。若拔達克山縛獻賊首則已。或有遲疑。

則來年進兵。仍令富德、明瑞等前往。此時兆惠在

葉爾羌辦理已竣。即著來京。其回部大伯克等。俟

擒獲霍集占時。再率同入覲。俱著傳諭知之。

諭駐劄關展副都統定長等解送軍營馬匹。

上諭軍機大臣曰。富德等追賊抵拔達克山。遣使諭

令縛獻萬一未能即獲。則來年進兵。馬匹最為緊

要。昨諭將烏魯木齊所易哈薩克馬千餘匹。送往

軍營。著再行傳諭。將此項馬匹。即由庫車送赴富

德軍營。

諭駐劄庫車布政使德舒等辦理庫車事宜。

上諭軍機大臣曰。德舒奏稱庫車沙雅爾兩處回衆。

從前被厄魯特搶掠。霍集占擾害。所餘戶口無多。

平定縣志卷之五

十

除糧石外。絕無什物。但地土頗肥。回人等不善耕

種。若以兵丁叅雜。可望豐收。將來接濟伊犁。較內

地實為省便等語。甚屬留心辦理。昨諭德舒往阿

克蘇辦事。德文接辦庫車事務。德舒與德文交代

時。務將辦理情形詳悉告知。庶有裨益。所奏署筆

帖式前鋒德福馬甲。永保効力有年。俱著加恩賞

給驍騎校職銜。俟凱旋後。遇缺即補。

定邊右副將軍富德等疏奏勦撫沙喇斯瑪呼斯餘賊。

富德等奏言。臣明瑞與哈達哈端濟布愛隆阿

領兵二百名。截賊人向北逃路。派副都統伊柱

鄂博什溫布鄂齊爾巴圖濟爾噶爾齊凌扎卜。

豐安等策應。七月十二日。薄暮。伊柱等來告云。

有賊衝突。我等截住。賊上山結寨等語。詢之降

平定準噶爾方略正編卷五十七

十一

回等云。此卽厄魯特沙喇斯瑪呼斯。因令厄魯

特等高呼。俾其擒霍集占以贖罪。賊衆不應。臣

富德前行追襲。臣明瑞等駐守竟夜。見賊結寨

峰頭。排列鳥鎗。端濟布卽越嶺阻截。臣等領兵

步行上山。鎗矢競發。勦賊二百餘人。尚存賊四

百餘。勢不能支。有宰桑雅瑞得木齊丹巴來投。

遂俱納降。端濟布亦勦賊十餘人。收降十餘人。

獲駝礮八位及上年所失威遠礮二位。查沙喇

斯瑪呼斯。怙惡難追。請暫爲撫納。俟追賊事竣。

再行查明正法。奏入。報

聞。

壬寅。

諭定邊右副將軍富德等辦理逸賊及降人事宜。

上諭軍機大臣曰。昨富德等以霍集占等逃入拔達

平定準噶爾方略正編卷五十七

十一

克山。業經遣使索取具奏。但賊踪已近。不行速追。

殊與機宜未合。伊等招降賊衆萬餘。卽馬匹甚乏。

揀選數百。斷無不得之理。而賊衆止三四百人。經

過甫二日。窮追自必成擒。或以拔達克山爲外藩。

不便驚擾。但果秋毫無犯。伊等亦何辭以拒。從前

阿睦爾撒納投入哈薩克。策楞等初尚不敢遣使。

而後來長驅直入。阿布賚卽畏懼乞降。皆富德所

深悉者。乃勞瘁多時。而稍一遲疑。渠魁即失。殊為

可惜。至所奏收獲回人厄魯特萬餘口。亦須辦理

妥協。此等賊黨。與葉爾羌喀什噶爾回人。俱有讐

怨。將安插於何地。即令在他處安插。不過徒糜養

贍。况渠魁未獲。兆惠又即來京。富德若不加意防

範。萬一與霍集占等相通。更滋事端。今思烏沙克

等八衆。隨逆賊世居伊犁。必相依戀。斷不可信。且

平定縣志卷之七

三

沙喇斯瑪呼斯人等。又係暫留。日後辦理時。伊等

必生疑懼。此外實係從阿克蘇沙雅爾庫車等處。

迫脅同行者。自可遣回本處安插。可傳諭富德詳

加查詢。委霍集斯等先將伊等家口。安插舊地。計

烏沙克等。男丁應亦無多。看其情形。稍有變動。即

相機辦理。非不欲加以仁愛。乃事機所迫。不得已

也。若二賊業已就擒。即不必如此辦理。

癸卯

申諭定邊右副將軍富德等賊衆逃匿情形。

上諭軍機大臣曰。富德奏據拔達克山部落人等告

稱霍集占搶掠伊等牲隻。欲逃他處。其言更不可

信。賊人逃入伊等境內。必且哀乞容留。何敢加以

騷擾。看來伊等早與賊通。不過令其潛匿耳。至賊

人去已二日。前路有大戈壁等語。特欲懈我疾追

平定縣志卷之七

四

之心。否則賊人挈其家口行李。應較追兵遲滯。何

以迅速若此。又求我兵稍為遠駐。俱屬欺飾之詞。

即如從前阿睦爾撒納入俄羅斯森博羅特圖喇。

既已送交伊頭目。尚以滿斃為詞。與此等情節相

似。再所得降人萬餘。若盡收其馬匹。不但益我軍

資。亦可消其妄動之念。或拔達克山稍有推諉。又

可整兵進取。總之先難後獲。事理之常。此時殊為

厪念。現在辦理情形若何。作速奏聞。

諭甘肅總督楊應琚籌辦馬匹事宜。

上諭軍機大臣曰。副將軍富德等。追勦逆賊霍集占。

兄弟。收其大隊賊衆。僅餘數百。逃入拔達克山。現

在傳示令其縛獻。萬一稍稽時日。尚需進兵索取。

計軍營糧餉。已有回人儲積。可以取資。惟馬匹最

關緊要。自應先期辦理接濟。近經軍機處議覆。吳

平定準噶爾方略正編卷七十七

五

達善將莊浪滿營馬三千二百餘匹。送往巴里坤

備用。此外各標營。或尚有馬匹。堪以挑選者。俱可

酌量調撥。但甘省因旱。間成偏災。恐芻豆購辦不

易。則飼秣不能妥協。雖前督臣黃廷桂著有章程。

而天時非去歲可比。朕深為厪念。著傳諭楊應琚

約計該省可得馬匹若干。將本地芻豆。足數若干

匹出關之用。先行定數具奏。以便降旨。照阿里衮

解送馬匹之例。派員前往。至此次所辦馬匹。特因

索取逋逃。非又事軍興徵發。楊應琚務通行曉示

官民。不得稍涉張皇。總以有濟軍行。而不累民生

為要。至各營摘缺馬匹。此時且不必亟籌補額。既

暫省內地芻糧。而將來凱旋在即。亦無難徐議歸

補。該督其悉心籌畫辦理具奏。

申辰。

平定準噶爾方略正編卷七十七

六

命御前侍衛署副都統安泰查審副都統滿泰等叅

案。

上諭軍機大臣曰。定長等叅奏滿泰貪婪敗檢。范時

綬役兵漁利各款。伊等俱特派前往辦事之人。竟

敢肆意妄行若此。深為可駭。自應查審明確。重治

其罪。著派安泰馳驛前往。會同定長等審訊滿泰

范時綬如係實情。即將伊二人在彼正法。或事屬

子虛。及獲罪有因。安泰亦即據實查奏。

乙巳。

諭內閣學士清馥回巴里坤辦解馬匹。

上諭軍機大臣曰。據努三奏稱。八月初四日。厄魯特

響導蒙克津等在雪山松林內。尋獲嗎哈沁訥克

衣踪跡。盡俘其家口。惟訥克衣隻身逃出等語。現

在偷竊牧羣之賊。已有努三追襲。清馥可不必前

平定縣縣志卷之七

七

往。即回巴里坤。昨已諭楊應琚辦解馬匹。除派出

侍衛外。仍令清馥監看。此時即於巴里坤官兵內。

選熟悉道路。留心牧養之人。在哈密豫備。照上年

阿里袞送馬之路行走。但從前係急需應援。此次

特為來年進兵之用。祇宜加意牧養。緩行。不可致

令疲乏。

諭甘肅總督楊應琚揀送軍營馬匹。

上諭軍機大臣曰。昨諭楊應琚辦解車營馬匹。今扎

拉豐阿阿蘭泰解送甘肅之馬。有一萬一千餘匹。

因思此項馬匹。合之各標營所有。為數愈多。內地

芻豆。更為糜費。莫若及時挑選。送至葉爾羌等處。

以濟軍行。則祇須沿途飼秣。似此通融調劑。災民

既不致拮据。而軍營亦資實用。但解甘馬匹。恐長

途疲乏。應先將在甘牧養之馬。辦送為宜。其自哈

平定縣縣志卷之七

大

密至軍營。已派清馥及乾清門侍衛等照管。著再

行傳諭知之。

丙午。

恩准送馬滿兵納清泰等歸旗。

上諭大學士曰。據楊應琚奏。准將軍兆惠咨稱。前次

派解馬匹之納清泰等三十四人。行走俱屬黽勉。

等語。伊等前從準噶爾脫出。暫補綠旗名糧。今既

効力行走。著加恩各歸本旗。令其照舊當差。以示鼓勵。

丁未

命議敘追剿賊衆之大臣官兵等。

上諭軍機大臣曰。富德奏追剿逆賊霍集占奮勉効力之大臣官員等功次。俱著加恩交部議敘。此內

達爾黨阿哈達哈等。又効力出衆。達爾黨阿哈達

平定準噶爾方略正編卷七十七

九

哈著俱授爲二等侍衛。巴圖濟爾噶爾鄂齊爾喀

爾喀台吉額林沁阿拉善台吉達瓦。各賞銀一百

兩。若未經賞翎。卽著賞給。扎拉豐阿賜號錫朗阿

巴圖魯。塔瑪璽賜號哈朗圭。巴圖魯。其巴圖魯侍

衛德爾森保額爾登額俱授爲頭等侍衛。額爾登

額賜號鄂爾楚克。巴圖魯伊達木扎卜。賜號西爾

古齊巴圖魯。額通授爲二等侍衛。巴圖魯侍衛老

格賞銀五十兩。仍將伊等交部議敘。其新賞巴圖魯號者。照例賞銀一百兩。又

諭曰。據富德奏稱伯克霍集斯之兄弟諸子。多爲霍

集占戕害。深可憫惻。伊此次亦屬奮勉自効。著加

恩晉封貝勒。仍賞緞十端。富德等卽傳諭撫慰。

命革乾清門頭等侍衛官長保職。留軍營効力贖罪。

上諭軍機大臣曰。覽富德奏此次進兵。官長保未曾

平定準噶爾方略正編卷七十七

三

奮勉効力。深負朕恩。若革職留軍營効力贖罪。

諭定邊將軍兆惠等酌辦來京及駐劄事宜。

上諭軍機大臣曰。富德等奏稱伊西洱庫爾所收回

衆萬餘。軍前不及察核。派兵五百名。委齊凌扎卜

等逆回英噶薩爾。交將軍兆惠查辦等語。此等回

人內。如烏沙克伯德爾格等衆。俱久住伊犁。爲霍

集占所親信。兆惠等當留心防範。稍有可疑。卽相

機辦理其阿克蘇沙雅爾庫車等回衆仍行安插

舊地前已屢降諭旨兆惠等遵照辦理後卽遵旨

來京兩將軍之印仍留該處著舒赫德等以叅贊

大臣護理駐葉爾羌辦事其奏摺列名以舒赫德

爲首前屢諭來年進兵應先將軍營現有馬匹加

意牧養今又諭楊應琚酌量內地可得馬匹若干

解送軍營兆惠富德舒赫德等勿因內地又辦馬

平定縣志卷之七

三

匹遂不加籌畫所有軍營牧養馬匹及向布魯特

回人等換易購買事宜仍盡心辦理將軍等起程

卽交舒赫德接辦富德等奉到此旨可將現在情

形及如何辦理之處作速奏聞又

諭曰圖倫楚達禮善久在軍營留保住係部院司員

亦不甚有承辦之事敦察年齒已老傳靈安在軍

營亦近三年著俱隨兆惠等來京

九月戊申朔

諭定邊將軍兆惠等查辦逆黨及裁汰冗兵

上諭軍機大臣曰據富德奏查出波羅泥都已出妻

室供稱英噶薩爾等處尚有波羅泥都出妻二人

隨行文兆惠查辦等語從前明瑞奏稱捉生詢問

喀什噶爾有人爲逆賊通信是否卽此兩婦抑係

伊等親族著兆惠詳加查訊若情罪確實卽重懲

平定縣志卷之七

三

示衆倘非若輩亦不必有意附會又

諭曰擒獲逆賊一事歲內若未能就緒軍營所有滿

洲索倫蒙古兵內如有老邁患病及負傷無用之

人卽查明裁汰發回綠旗兵亦甚多當酌量留用

其餘遣赴庫車屯田兆惠富德卽商辦奏聞

申諭內閣學士清履辦解馬匹事宜

上諭軍機大臣曰昨命楊應琚將所辦馬匹解至哈

密交清馥轉解軍營。此次營解馬匹與春季達爾黨阿等情形不同。伊等既經由上年阿里衮送馬之路。一切俱查照辦理。阿里衮係由巴里坤前往。帶有索倫兵丁。清馥亦揀選該處現有兵丁及跟役等帶往。倘不敷用。卽於玉素富所屬回人內酌量揀選。賞給口糧。遵前旨緩行解送。仍將現辦情形奏聞。

平定準噶爾方略正編卷七十七

軍

諭甘肅總督楊應琚辦解軍營駝隻。

上諭軍機大臣曰。前令山西辦駝四千五百餘隻。解赴肅州轉解軍營。未知已全解否。倘尚有留肅餵養者。卽乘解馬之便。酌量搭解。不必留存備用。將來大兵凱旋時。一切俱可易辦。不若此時之有裨實用也。倘現無可解。亦不必勉強從事。

已酉

諭定邊將軍兆惠等務期擒獲逆回。及查拏厄魯特逆黨。

上諭軍機大臣曰。兆惠等以得旨議敘奏謝。并及霍集占等窮蹙遁逃。拔達克山部落。素稱馴謹。自必不敢容留。但慮逆賊改裝乞食。逃赴痕都斯坦等處。或途次爲人殺害。事跡難明等語。所奏殊有息事之心。兆惠不宜出此。昨富德追賊。未曾深入。朕

平定準噶爾方略正編卷七十七

軍

會降旨訓示。蓋逆賊等負恩抗拒。情罪難追。若聽其竄伏苟活。則回衆仍懷觀望。必滋事端。現在糧餉馬匹。俱已籌辦。拔達克山若仍未縛獻逆賊。來年必領兵進剿。再富德等招降沙喇斯瑪呼斯人衆。有無誘害滿福之敦多克哈什哈等在內。若一經查獲。卽嚴行押解送京。

定邊將軍兆惠等疏奏移駐臺站事宜。

兆惠等奏言。本年六月。臣等從阿克蘇進兵。烏

什一路。安設臺站。將來冬寒雪盛。於牲隻無益。

今既在葉爾羌辦事。應仍將臺站移於巴爾楚

克至葉爾羌。共十臺。每臺察哈爾兵八名。綠旗

兵四名。回兵三名。派侍衛福保等前往安設。自

巴爾楚克至阿克蘇。應設臺站若干。行文舒赫

德等辦理。至巴爾楚克一路。葦草甚多。如每臺

平定縣志卷之七

重

添驟數頭。可省馬力。其臺站人等糧餉麥豆。或

造船由葉爾羌河運送。或以車輛裝載。再為酌

辦。所有烏什一路臺站。即行撤回。至喀什噶爾

葉爾羌中間臺站。仍留以遞送事件。奏入。報

聞。

辛亥。

命陞賞進勦得功之大臣官員等爵秩有差。

上諭軍機大臣曰。富德等奏。員勒品級伯克霍集斯

公品級鄂對散秩大臣阿什默特。頭等侍衛噶岱

默特。於阿勒楚爾。伊西洱庫爾等處。奮勇勦賊。布

魯特。比阿奇木。嚮導大軍。亦屬効力。員外郎赫倫

留保住。筆帖式金保。屢經戰陣。且盡心辦事。又藍

翎侍衛賽神保。伊什收降布魯特。厄魯特。佐領阿

薩克。擒獲埋伏回人。俱獎賞孔雀翎。署筆帖式五

平定縣志卷之七

美

十五人。從兆惠立功。此次亦屬奮勉。因係另記檔

案之人。聲明請旨等語。大臣官員等勦賊奮勉。殊

屬可嘉。除伯克霍集斯已封貝勒外。著加恩封鄂

對為貝子。阿什默特。噶岱。默特。俱封為公。比阿奇

木。授為散秩大臣。赫倫。金保。以應陞之缺。即用。留

保住。著交部議敘。賽神保。伊什。俱授為三等侍衛。

阿薩克。賜號塔蘇爾海。巴圖魯。賞銀一百兩。五十

五著加恩作為另戶准其實授筆帖式

命革職効力之圖倫楚等復爵授職有差

上諭軍機大臣曰富德奏革職効力之圖倫楚等追

勦賊衆頗著勞績等語圖倫楚等自知罪愆効力

行走著加恩授圖倫楚為頭等侍衛達禮善為二

等侍衛敏珠爾多爾濟給還公爵托穆齊圖授為

主事留軍營辦事俟戶部主事缺出令其坐補

平定準噶爾方略正編卷七十七

五

恩賞勦賊官兵等銀兩緞疋

上諭軍機大臣曰富德等奏向勒楚爾等處擊敗賊

衆奪取轟礮之恭領喀爾庫等官四員兵十四名

著加恩分別賞給銀兩緞疋仍於應陞處記名陞

用以示鼓勵

定邊右副將軍富德等疏奏招撫沙爾呼勒等

回家

富德等奏言臣等會兵喀喇烏蘇時將沿途馬

匹及選剩綠旗兵丁交總兵楊寧管轄令其招

撫沙爾呼勒等回人今據送到回人阿布勒海

森布魯特阿勒達什告稱我等沙爾呼勒原有

五百戶交納葉爾羌金五十兩今僅存一百十

餘戶四百餘人頭目穆喇特伯克已查明戶口

田土數目特來求見等語又布魯特阿勒達什

平定準噶爾方略正編卷七十七

五

等告稱我等哈喇薩達克哈喇雅克布魯特

共七十戶雖舊屬葉爾羌而無貢賦惟承辦博

洛爾拔達克山痕都斯坦各路往來差使聞沙

爾呼勒歸降特來求見願為

大皇帝臣僕等語臣等加以撫慰令候葉爾羌等城

賦役定議之日一併辦理阿市勒海森等俱歡

欣叩首辭去奏入報

聞

壬子

申諭定邊將軍兆惠等拔達克山支飾情形。

上諭軍機大臣曰富德等奏稱拔達克山袞都村伯

克沙莽蘇爾等遣人告稱霍集占兄弟所領約三

四百人搶掠經過伊等會集四五十人尾追霍集

占等且戰且走高呼云我係回部之汗前往默克

平定縣志卷之七

无

禮佛。並不會擾累爾等為何追掠等語。此言果實。

則富德等前此愈宜窮追。即如賊眾三四百人家

口在其內。拔達克山人等即已追及。我兵豈獨不

能。至謂不曾擾累。則伊等前所云賊人入境搶掠

牲隻。因登山避匿。與此次所告不符。亦當詳加詰

問。且逆賊等高呼前往默克。亦係支吾之語。默克

地方在布哈爾。果欲前往。亦何必預為宣播。細核

情詞。顯係伊部落容留賊眾。飾詞欺誑。意圖斷息

事端。富德等當必不為所惑。總以來年進兵為要。

俟將軍等回程時。再降諭旨。此諭即作速覆奏。

命賞敘軍營揀選之効力侍衛官兵等。

上諭軍機大臣曰富德等將軍營効力人員。分別揀

選。共九十人。此內成果等十一人。尤為奮勉。應加

恩賜巴圖魯號。二等侍衛成果著賜號布林巴圖

平定縣志卷之七

手

魯。三等侍衛英德訥賜號特穆爾巴圖魯。達什達

瓦厄魯特三等侍衛齊里克齊賜號布哈巴圖魯。

藍翎侍衛愛普薩賜號波羅特巴圖魯。厄魯特藍

翎侍衛克什克圖賜號多克慎巴圖魯。藍翎署前

鋒長沙爾呼善賜號多什欣巴圖魯。委署筆帖式

前鋒海祿賜號噶卜什海巴圖魯。齊齊哈爾委署

叅領鄂勒多喀賜號哈爾察海巴圖魯。呼倫貝爾

領催玉勒古內賜號伊克巴圖魯。打牲記名領催部委防禦都倫賜號阿穆爾巴圖魯。俱照例賞銀一百兩。仍賞戴孔雀翎。達什達瓦厄魯特副管旗章京密舍里申喇巴圖。賞戴孔雀翎。領催額齊克森賞戴藍翎。俱著記名。以該旗應陞之缺補用。杜爾巴集賽厄魯特托博彥和托木巴克等俱授為護軍。賞給錢糧。仍賞戴藍翎。其餘七十四人內侍衛藍翎侍衛。俱加一級。官兵人等。俱以應陞之缺補用。仍交部議敘。又

平定準噶爾方略正編卷七十七

聖

諭曰。軍營効力之侍衛官兵等。已降旨分別加恩。尚有救援圖倫楚之兵丁喀爾喀救援英德訥之克車德衣。諾科。敦察等四人。可酌量賞賜。以示鼓勵。命議敘護軍統領努三等。

上諭軍機大臣曰。努三等奏搜捕瑪哈沁訥克衣等

蓋行拏獲。即將賊首和通哈喇阿岳正法。訥克衣和通策凌喇嘛椿丕勒扎木蘇送至烏魯木齊。嚴加看守。俟餘黨盡剿。將訥克衣正法。餘犯解京等語。努三此次辦理。甚合機宜。著加恩交部議敘。隨行官兵人等俱著查明送部議敘。努三從前專辦哈薩克貿易事務。其烏魯木齊屯田。即著兼管。前諭擒獲訥克衣解京。今照所請。即在彼正法。其喇嘛椿丕勒扎木蘇。仍行解送。

平定準噶爾方略正編卷七十七

聖

平定準噶爾方略正編卷之七十八

乾隆二十四年九月癸丑

諭定博克達山祀典

上諭軍機大臣曰。努三奏稱博克達山在烏魯木齊

之東。為西陲重鎮。前年將軍兆惠於察罕郭勒曾

經致祭。嗣後未見舉行。請頒祭文香帛。令駐劄大

臣。每年春季。於烏魯木齊之巴爾哈達致祭等語。

平定準噶爾方略正編卷之七十八

一

所奏甚是。著照所請行。除祭文香帛。由內頒發。交

該處駐劄大臣。敬謹致祭外。其所用犧牲品物。均

於該處虔辦。著為例。

申諭內閣學士清馥。回巴里坤解送馬匹。

上諭軍機大臣曰。清馥奏搜捕嗎哈沁行至格根。與

努三相遇。知訥克衣等已獲。伊即向哈卜塔克拜

塔克前往等語。昨已諭清馥回巴里坤管解軍營。

馬匹。若歸途之便。遇有嗎哈沁。即行就便辦理。不

必遠行搜捕。

定邊右副將軍富德等。疏奏獎賞効力回人。

富德等奏言。臣等前從和闐進兵。奉有獎賞効

力回人銀兩緞疋之

旨。查所帶六城伯克及回人六百名。原以備攻城掘

濠之用。因逆賊等聞風先遁。已經遣回。無庸賞

平定準噶爾方略正編卷之七十八

二

給。此次隨臣等追賊之貝勒品級霍集斯等俱

奏請議敘外。伊等帶領侍衛藍翎侍衛三人。兵

丁五十四名。頗屬効力。酌將奮勉出衆之額穆

爾等七人。分別賞戴孔雀翎藍翎。此內陣亡之

藍翎侍衛阿里木伯克乃霍集斯所屬於伊西

洱庫爾之戰。帶我瑪尼蘇。招撫山上賊衆。被烏

鎗傷身故。酌賞阿里木伯克家屬銀五十兩。其

侍衛等賞緞二端。銀三十兩。戴獎賞翎者。賞銀十五兩。兵丁緞一端。銀十五兩。奏入。報

聞。

甲寅。

命賞軍營効力官員等孔雀翎藍翎。

上諭軍機大臣曰。富德等揀選効力之侍衛官兵九

十八。除加恩賜以巴圖魯號。及原戴獎賞孔雀翎

平定準噶爾方略正編卷七十六

三

藍翎之三十五人外。其原未賞翎者。五十五人。著

頒發孔雀翎十五枝。藍翎十枝。交富德酌量揀選

分別獎賞。以示鼓勵。

乙卯。

諭護軍統領努三。搜捕庫車等處嗎哈沁。

上諭軍機大臣曰。據德舒奏稱。由阿克蘇送來回人

等。行至賽里木。遇嗎哈沁二十餘人。把總徐天成

及兵丁二人被害。掠去回婦一人。馬十四匹。駝四

隻。外委把總一員得傷。又兵丁一名。回人一名。不

知踪跡。今選派庫車綠旗回人兵丁前往追捕等

語。此等嗎哈沁賊人。肆行搶掠。殊可痛恨。伊等或

藏匿穆素爾嶺等處。亦未可定。必須搜剿淨盡。德

舒既未諳戎行。而綠旗回部兵衆。亦復何濟。著傳

諭努三。選派兵丁百名。給以哈薩克馬二百匹。前

平定準噶爾方略正編卷七十六

四

往庫車搜捕。倘德舒尚未獲賊。即宜趨行。昨努三

請將收服之嗎哈沁等。安插烏魯木齊等處屯田。

俾招其黨衆之藏匿者。朕已命侍衛巴朗前往辦

理。看來此等賊人。不可豢養。努三即將奮勉嚮導

人等。酌給錢糧。如著有勞績。或編入京師旗分。亦

可。其餘人衆。努三既許以不死。俱著解赴京城備

賞。現在可用之人。暫行帶往招撫。事竣後再行酌

量辦理。

丙辰。

命添派哈喇沙爾等處辦事大員。

上諭軍機大臣曰。哈喇沙爾地居闢展阿克蘇之中。

既有查辦糧運屯田事務。近又安插多倫回衆。書

山一人。未能兼顧。著派和其衷前往協同辦理。努

三已回烏魯木齊。著永瑞前往闢展協同定長辦

平定邊疆方略編卷五十六

五

事

丁巳。

定邊右副將軍富德等疏奏拔達克山所屬遣

使情形。

富德等奏言。臣等因拔達克山所屬袞都村之

沙莽蘇爾差人來見。即行曉示遣回。八月初七

日。臣等所差厄魯特阿達什等領沙莽蘇爾及

住居拔達克山交界之伯克阿里木差人密爾

茲穆爾昆等同來。臣等會集大臣侍衛官員等。

令其入見。據沙莽蘇爾告稱。我父自噶爾丹策

零時。管轄此地。今聞葉爾羌等城。皆為

大皇帝臣僕。霍集占敗竄。我等即遵令。追其後隊。賊

人逃入伯克沙穆爾游牧。我因此面求歸附。又

據密爾茲穆爾昆告稱。我伯克阿里木管轄五

平定邊疆方略編卷五十六

六

百戶。昨奉將軍等令。擒霍集占。我伯克即行追

賊。各有傷損。所遣來使。曾經親見。情願歸附。以

安生計等語。臣等恐係飾詞窺探。因曉示云。我

前此差往之人。至今未回。顯係爾汗素勒坦沙。

故縱逆賊。或暗行容隱。我等亦不便久候。惟進

兵擒擊霍集占耳。因給以印文。勒限十二日回

報。初九日。臣等差往沙爾呼勒之回人沙瑪木

特。與伯克沙穆爾差人賽特多羅特及綽椿村

伯克聶則爾差人三金同來。據賽特多羅特等

告稱我伯克在拔達克山之錫克南村。管轄二

千戶。前霍集占猝然來到。以禮拜為詞。伯克沙

穆爾適往拔達克山汗處。我等不知。遂聽其經

過。後得將軍等印文賞物。即送交沙穆爾呈拔

達克山汗閱看。當即親身領兵邀截霍集占。又

平定準噶爾方略正編卷之六

七

將沙穆爾遣回游牧。換給沙穆坦。伯克素勒坦

馬匹。隨後遣往汗處。此時應已到矣。今伯克特

遣我等賚書告知。至我等起程時。拔達克山汗

又調沙穆爾協勦霍集占。聞來人云。素勒坦沙

汗。在阿爾渾楚哈嶺。遇霍集占交戰。霍集占退

回嶺下。暫住齊納爾小河。又交戰二次。彼此俱

有損傷。但霍集占所駐之地。通布哈爾薩瑪爾

罕鄂漢等三處。此時未知擒獲否。又詢問三金

等俱稱情願歸附等語。臣等察看來人等情形

雖屬恭順。言詞尚覺游移。因面加曉示。以霍集

占為大兵所敗。窮蹙已極。爾等又屢經追戰。自

難逃脫。所言賊人住處。有三路可通。明係有心

縱放。豫留地步。今我派哨探兵。先與爾等同行。

大兵亦即分路進發。再遣侍衛賽音圖克什克

平定準噶爾方略正編卷之六

八

圖阿奇木等同往。若已經擒獲。即遣人同來報

知可也。隨酌量加賞。於初十日遣令起程。一面

派副都統伊柱。巴圖濟爾噶爾領兵一百五十

名。於原設卡倫駐劄。其卡倫舊有兵一百五十

名。向前移駐。以張形勢。奏入。

上諭軍機大臣曰。覽富德奏。沙穆爾來人所告。拔達

克山素勒坦沙。追襲霍集占情形。設當日派兵窮

追賊已早獲。此時拔達克山若尚未將逆賊擒獻。富德等既徹兵轉回。來年再行進兵。亦仍是伊等前往。總之道路遙遠。朕雖多方指示。亦已後時。伊等惟當應機速辦耳。又

諭曰。沙喇斯瑪呼斯餘衆內。有達什達瓦之人二十。九口。或伊等不知從前遷移人等。現蒙恩養。或因無力遷移。為逆賊所迫脅。今軍前効力之總管鄂齊爾等。既懇請查交管束。著一體賞給口糧。歸入伊隊。若有妄行滋事者。即嚴拏正法。

平定縣志卷之七

九

命議敘勦賊立功之總管布尼等。

上諭軍機大臣曰。富德等奏稱布魯特之奇卜察克。哈卜察克等部落。承辦博羅爾拔達克山往來。人使及外來盜竊事件。伊等見小貪得。每盜取馬駝。侵擾臺站。宜示以懲創。因派兵二百名。令總管布

尼等訪緝賊踪。於八月初二日。分三隊圍守七村莊。將頭目阿卜巴斯等擒來訊問。據供兩次偷盜馬匹駝隻屬實。隨將阿卜巴斯岳勒多錫等三十餘人正法。收其牲隻軍器。其餘部落。皆知警畏。再議安插等語。所辦甚合機宜。著加恩將總管布尼交部議敘。呼倫貝爾之獎賞藍翎克車德。隻身遇賊力戰。右肘為烏鎗所傷。著加恩授為藍翎侍衛。在事官兵等。俱酌量給賞。

平定縣志卷之七

十

定邊右副將軍富德等疏奏查辦降回事宜。

富德等奏言。臣等收降回衆。查有安集延之喇木呼里等二十九人。以貿易來葉爾羌。為霍集占迫脅同行。臣等即加以撫慰。令其自回游牧。如霍集占逃入伊地。即宜擒獻。又嚴查有無厄魯特逆黨。逃入回部者。據歸附之伯克等言云。

上年瑪里格爾巴朗來投霍集占未加優待。伊於隨同逃出時。有厄魯特告伊欲逃。即為霍集占所殺。此外並無有名之厄魯特等。奏入報聞。

己未。

議撥解軍需馬匹。

甘肅總督楊應琚奏言。臣奉到先期籌備馬匹。

接濟軍營

平定準噶爾方略正編卷之六

十一

諭旨。謹查前督臣吳達善奏明於陝甘二省分派朋餒馬五千匹。閱今數月。臆分已壯。又撥解巴里坤備用之馬。尚有六千匹。擇取五千匹備用。可得萬匹。其陝省馬匹。先期調至甘肅。以便就近轉解。至沿途草豆。俱已籌辦。一面分檄調解。并知會巴里坤辦事道員等。奏入得。

旨。軍機大臣速議具奏。尋議臣等前令該督查明各標營馬匹。嗣因扎拉豐阿等奏。解甘馬一萬一千餘匹。則為數愈多。應先儘久餒之馬。挑解軍營。又經遵

旨傳諭。今該督查明。夏季草肥之時。已分派收割堆貯。料豆亦截留採買。俱可供支。應如所奏。即將各處馬匹。調至近地。作速解往哈密。現在奉

平定準噶爾方略正編卷之六

十二

旨。派清馥及侍衛等管解。應先行解送五千匹。隨後續挑五六千匹。其如何分起行走。及沿途照看。令該督會同清馥等。商酌辦理。奏入。上從之。命以革職按察使圖桑阿。道員固世銜。發往葉爾羌。効力贖罪。庚申。

定邊將軍兆惠等疏奏安集延部長阿濟比等歸誠

兆惠等奏言前因堵截逆賊等逃路遣二等侍

衛達克塔納等傳檄霍罕額爾德尼伯克瑪爾

噶朗安集延那木干等城并布魯特之額德格

訥伊什奇里克等部落八月十二日據達克塔

納遣人同額德格訥之阿濟比差人沙喇庫楚

平定縣邊防廳編參七六

圭

克等呈稱閏六月十八日由喀什噶爾起程二

十九日至安集延為首伯克四人俱係額德格

訥之阿濟比總統與霍罕額爾德尼伯克交好

隨至阿濟比游牧據云將軍大人今遣使前來

我等不勝欣喜願為

大皇帝臣僕逆賊霍集占並未到此我等現在領兵

遊截仍往告知額爾德尼隨據報稱額爾德尼

云阿濟比既投誠我亦同心歸順并迓來使阿

濟比一面差沙喇庫楚克報知軍營等語臣等

即於霍集占舊居令侍衛官員等列坐傳來使

進見獻手帕為贄呈阿濟比之書譯文云謹呈

如

天普覆廣大無外如愛養衆生素賚瑞佛之鴻仁如古

伊斯干達里之神威如魯斯塔木天下無敵之

平定縣邊防廳編參七六

十四

大勇富有四海乾隆

大皇帝欽命將軍軍前額德格訥布魯特小臣阿濟

比恭祝

大皇帝萬萬壽今將軍自喀什噶爾遣人傳諭我等

所給印文謹已奉到不勝歡喜踴躍適合我等

心願布哈爾以東我等二十一萬人皆為臣僕

今來使侍衛到我等部落日久恐煩將軍大人

遠懷敬遣使向侍衛差人至將軍前稟明侍衛等不久回營。為此將鈐記文書賞呈等語。臣等對來使。獎阿濟比等誠心歸順。並告以現在勦賊情形。勉其協力堵截。至阿濟比等如欲瞻仰天顏。可即前來。命子弟代行亦可。如一時難以遠離。亦聽其便。來使等敬諾。仍授以答書。分別賞給。緞疋。於八月十三日起程。奏入。得

平定準噶爾方略正編卷七十六

主

旨。覽兆惠奏阿濟比額爾德尼俱恭順可嘉。著頒給勅書。賜以緞疋荷包。伊等若遣使入覲。即辦理伴送來京。

賜安集延霍罕等部落

勅書

奉

天承運

皇帝勅諭霍罕瑪爾噶朗安集延那木干額爾德尼

伯克額德格訥阿濟比等。將軍兆惠等奏稱侍衛

達克塔納等至安集延霍罕見阿濟比額爾德尼

伯克俱誠心內附。情詞肫懇。朕深嘉悅。朕為天下

共主。內外一體。凡向化來歸者。皆加以撫育。各順

其道。以安生理。爾等如願入覲。即可前來。或遣子

弟屬人代行。亦一體加以恩賞。茲以路遙。不能多

平定準噶爾方略正編卷七十六

夫

齎賜物。賞彩緞各二端。大小荷包各一對。爾等尚

其約束所部。永享昇平之福。特諭。

諭護軍統領努三等協勦傷害大臣之嗎哈沁。

上諭軍機大臣曰。從前德舒奏稱由阿克蘇解來回

人。於途次被嗎哈沁搶掠。已領兵追捕。今永貴奏

伊來京時。行至庫車。據都司舒明阿等報稱德舒

行至賽里木之阿勒坦和碩。遇厄魯特百餘。殺傷

官兵德舒中烏鎗身故。即行文舒赫德選兵三四

百名前來。伊帶領搜剿等語。德舒本未諳練營伍

而所領之兵。又復無用。朕前已慮及。命努三前往

協助。今竟為賊害。雖非遇敵捐軀可比。究屬歿於

國事。深可憫惻。著加恩照陣亡例。交部議卹。永貴

雖調阿克蘇之兵。恐亦係裁汰所餘。著仍駐賽里

木。候努三同進。如努三未到。即差人往促。若馬匹

不敷。即於解送軍營之一千匹馬內。酌量帶往。務

將為首之賊。解京嚴懲。或臨陣剿殺。亦必盡殲。逆

黨。前據德舒等奏請歸併臺站。原以防備盜賊。但

伊等既經領兵搜捕。著照舊分設。以速郵遞。

命參贊大臣阿桂前往阿克蘇辦事。

上諭軍機大臣曰。前命舒赫德往辦葉爾羌事務。其

阿克蘇辦事。著德舒前往。今德舒身故。著阿桂前

平定縣志卷之六

七

往阿克蘇辦事。

諭喀爾喀副將軍策布登扎布堵截嗎哈沁。

上諭軍機大臣曰。據策布登扎布奏。八月初十前後

可抵伊犁等語。前因霍集占業已遠颺。即令策布

登扎布轉回游牧。今努三同永貴協剿。戕害德舒

之賊。將來恐被追逃入伊犁。或投俄羅斯。亦未可

定。著傳諭策布登扎布若尚未起程。即於伊犁堵

截。或已在道。即由上年舍楞等逃入俄羅斯之路。

巡查追捕。倘糧餉不敷。即向成衮扎布定長等支

給。仍行文令伊等酌量策應。

命晉封貝勒品級玉素富為貝勒。

上諭軍機大臣曰。玉素富自駐劄烏什以來。辦理諸

事實心報効。著加恩晉封為貝勒。

命伯克摩羅和卓等補授馬什伊沙噶等缺。

平定縣志卷之六

大

上諭軍機大臣曰。舒赫德奏烏什城除阿奇木外。雖

有伊沙噶。並不協同辦事。亦無噶雜納齊商伯克

等。擬將四品頂藍翎之哈子伯克摩羅和卓授為

伊沙噶。協辦阿奇木事務。添設噶雜納齊一缺。將

四品頂舊伊沙噶伯克默特補授。商伯克一缺。將

四品頂什錫野東補授。哈子一缺。將阿爾咱默特

補授。托克三伯克一缺。將烏提塞拉木補授。魯克

平定準噶爾方略正編卷五十六

九

察克爾展喀喇和卓托克三等四村莊之伯克。請

作為六品。其餘密喇卜達魯罕訥赫卜哈提卜等

二十九缺。俱作為七品等語。俱著照所請行。

命議處遲報逃兵之總兵官楊寧。

上諭軍機大臣曰。舒赫德奏侍衛齊克慎在阿克蘇

之雅爾巴什。查出綠旗洩岷管逃兵馬定國。行查

提督董孟。據稱六月初一日在逃。總兵官於十五

日通報。隨已正法示眾等語。楊寧係專管綠旗兵

丁大員。於兵丁脫逃。遲報半月。若非盤獲。幾至漏

網。殊屬不合。著交部議處。

參贊大臣舒赫德疏奏安設臺站。

舒赫德奏言。查自阿克蘇至巴爾楚克。應設六

臺。每臺安設西安滿洲兵五名。綠旗兵十名。又

於滿洲兵內。揀選通曉文義之兵六名。委署筆

平定準噶爾方略正編卷五十六

十

帖式。給與頂帶。分守各臺。仍令三等侍衛伊靈

阿兼管。奏入。報

聞。

辛酉。

諭刑部侍郎永貴等領兵巡查臺站。

上諭軍機大臣曰。永貴奏德舒被賊戕害。請將赫塞

勒臺站。歸併賽里木等語。已令其照舊安設。但嗎

哈沁等既有百餘人。則巡查臺站亦甚緊要。若傳諭永貴於努三未來之先。即領兵巡查各臺。所有解運器物馬駝羊隻。毋使賊人窺伺。俟努三一到。即同行進剿。至此等大隊賊人。器械齊備。非尋常嗎哈沁可比。或有逃出之回人及厄魯特等。亦未可定。伊等進剿時。即行詳查具奏。

定邊將軍兆惠等疏奏查辦波羅泥都出妻事

宜。

平定縣志卷之六

主

兆惠等奏言。准富德咨。據波羅泥都之妻愛蘭

供稱。尚有出妻托和齊鄂和拉在喀什噶爾等

處。行查到臣。臣即會同提督閔相師等查得鄂

和拉於逃走時。為阿卜都克勒木之弟阿卜都

舒庫爾領去。據查出鄂和拉之弟呢雅斯供同。

應俟愛蘭到日。再行詳訊辦理。又據提督董孟

查報托和齊係英噶薩爾舊阿奇木呢雅斯之

妻。為波羅泥都所奪。後復離異。托和齊係奇卜

察克布魯特比阿奇木之從妹。應遣人往取等

語。查布魯特阿奇木早經歸附。現為阿里衮嚮

導。若遠取伊妹。恐新降人等妄生疑懼。是以檄

令停止。并將因阿奇木効力。免其查取之處。曉

示伊游牧。奏入報

聞。

平定縣志卷之六

主

甲子。

諭甘肅總督楊應琚辦理軍需駝隻。

上諭軍機大臣曰。楊應琚奏軍需駝隻。現可得壯健

者一千二百餘。隨同馬匹解送軍營。所辦甚妥。至

所奏開展催運商駝。咨明定長等於卸載後。給價

僱用等語。軍營既得健駝千餘。諒足敷用。若前項

商駝既經停止官買。又復截留守候。內地商民。或致聞風不進。何如留此有餘。俾得轉輸接濟。至若詢之將軍等。自必以軍營所需。多多益善。豈有遽稱足用。而轉為推却者。自可不必行文。

乙丑。

諭護軍統領努三等速喇嗎哈沁。及查辦脫出官兵。

上諭軍機大臣曰。舒赫德奏聞德舒被害之信。已令

平定準噶爾方略正編卷五十六

五

納世通領兵四百名。前往追剿。又永貴奏伊先派

庫車之回兵起程。與阿克蘇兵。相迎會剿等語。永

貴奏到時。朕已諭努三領兵與伊協同進剿。今永

貴雖與納世通期會。仍宜候努三同進。著傳諭努

三以速行為要。再舒赫德奏有綠旗把總等。見德

舒被害。旋行逃出之語。官兵等隨營進剿。統領之

人。不幸陣亡。即應奮力殺賊。或身受重傷。尚可藉

口。若臨陣即逃。此風斷不可長。在回人猶可謂不知紀律。至綠旗兵。自應以軍法從事。著努三於事竣後。查辦具奏。又所奏嗎哈沁等。有二三百人。大概逃回之人。草木皆兵。妄行稟告。且臺站無恙。而遽請防範三城。亦屬太過。俱著傳諭知之。

丙寅。

命以安西鎮。為安西府。安西柳溝二衛。為淵泉縣。靖

平定準噶爾方略正編卷五十六

五

逆赤金二衛。為玉門縣。沙州衛。為敦煌縣。

丁卯。

諭哈密辦事侍郎五吉等。解送軍營馬匹。

上諭軍機大臣曰。楊應琚奏軍營馬匹。分起解送。第

一起。已於本月十六日起程等語。此時清馥若已

遵旨。同至巴里坤。自可適相會合。倘尚未轉回。即

著五吉。同侍衛舒常。蘇勒等。送馬至葉爾羌。除派

出哈密滿洲兵及回人外仍行文同德淑寶將巴

里坤存留索倫察哈爾阿拉善等蒙古兵調用又

楊應琚派出從前脫出之滿洲兵解馬前抵哈密

伊等熟諳道路亦令送至葉爾羌其綠旗兵著五

吉裁撤仍行文清覆酌量辦理

命免叅贊大臣舒赫德追賊未及處分仍

申諭護軍統領努三等追捕

平定縣縣志卷之六

五

上諭軍機大臣曰舒赫德奏阿克蘇北山之布魯特

噶岱密爾咱等游牧被賊盜去馬匹隨派兵越穆

素爾嶺未能追及已行文永貴納世通等并自請

交部議處等語追賊官兵以馬乏不及舒赫德尚

無大過著從寬免議至賊人係何處踪跡未據聲

說殊屬含混現在戕害德舒未知即此等賊人否

努三等奉到節次諭旨諒已迅速起程著再行傳諭

知之

諭陝甘總督楊應琚等解送回人家口來京

上諭軍機大臣曰將軍兆惠等解送已經正法之回

人薩拉阿瓊等家屬請照例賞給肅州等處官兵

為奴但此等回人家屬獲罪較重若相去較近或

不免逃脫著傳諭楊應琚派員解送來京

戊辰

平定縣縣志卷之六

六

命陞賞擊獲嗎哈沁之官兵有差

上諭軍機大臣曰努三等奏敘擊獲嗎哈沁奮勉効

力官兵裕木扎卜等十五人功次著加恩將察哈

爾署叅領裕木扎卜索倫署防禦茂罕俱准其實

授厄魯特藍翎侍衛巴桑授為三等侍衛索倫署

驍騎校喀滿泰察哈爾署驍騎校布顏圖阿拉善

署驍騎校塞卜騰索倫領催翁科爾俱實授驍騎

校前鋒署筆帖式巴顏岱著授為前鋒校察哈爾

署護軍校阿喇卜坦准其實授哈達克烏拉什厄

魯特哈什哈鄂欽俱授為護軍索倫兵布拉凱吉

林兵烏林泰俱授為領催阿拉善兵延扎卜托卜

羅克著賞戴藍翎仍賞銀各二十兩

命以索倫兵慶安保為驍騎校

上諭軍機大臣曰兆惠等奏遵旨查得侍衛成果至

平定準噶爾方略正編卷之六

手

喀什噶爾聞布魯特人眾圍布喇村即派索倫兵

慶安保同額爾克和卓額色尹之人令布魯特息

兵布魯特遂收兵轉回等語成果已恩賜巴圖魯

號慶安保著加恩授為驍騎校

申諭護軍統領努三等勦撫嗎哈沁事宜

上諭軍機大臣曰努三等奏俟雪落後搜捕嗎哈沁

餘黨將關展兵三十名留用等語昨已屢諭努三

速往庫車協同永貴剿除戕害德舒之賊至烏魯

木齊附近即有一二餘黨承德儘可辦理再所奏

拏獲之厄魯特伯楞泰因其熟習鳥鎗令為嚮導

伊奮勉効力擒獲多人等語努三查明拏獲嗎哈

沁等仍有似此効力之人即帶領進兵一面酌量

奏請給以職銜其餘賊眾不可仍留原處即設法

移入內地派員解送來京分賞王大臣為奴

平定準噶爾方略正編卷之六

天

命以革職之原任副都統富昌發往葉爾羌交叅贊

大臣舒赫德差遣委用

已已

訓諭定邊右副將軍富德等擒賊不力

上諭軍機大臣曰富德等奏屢次遣使前往拔達克

山久無信息今派伯克霍集斯巴圖魯侍衛額爾

登額領兵一百名向拔達克山索取霍集占等語

所辦殊屬錯謬。從前既不發兵。此次何以忽遣且將軍叅贊大臣。俱未聞前往。僅使侍衛額爾登額同伯克霍集斯一行。有是理乎。即謂將軍不宜輕進。明瑞亦當前往。况拔達克山豈因一霍集斯之言。遂縛賊以獻。即令獻出賊人而其功似出於霍集斯。將軍大臣等。復置身何地乎。此事從前伊等初奏時。即有畏難之心。朕因伊等馬力實乏。是以未經申飭。今觀所奏。是早蓄不能獲賊。亦可退兵之意。不過難以啟口耳。從前之將軍大臣等。何嘗不効力行間。每因功已垂成。稍為退縮。遂致債事獲罪。富德等豈未之知。昨因富德母老。諭令前來省視。看來伊不能承受恩澤。著仍駐葉爾羌。俟拏獲逆賊後。再行請旨。併傳諭兆惠知之。

命議敘剿殺盜馬賊眾之官兵等。

平定回疆方略卷七十六
三

上諭軍機大臣曰。富德等奏稱協領布爾哈等。將盜馬之布魯特等五十餘賊。全行剿殺。收其牲隻軍器等語。著加恩將吉林協領布顏圖。巴圖魯布爾哈。藍翎侍衛獎賞孔雀翎。丹巴巴圖魯那木查爾。馬甲獎賞孔雀翎。伯勒格圖。巴圖魯扎奇勒圖。獎賞藍翎。寧古塔馬甲錫勒畢善。索倫領催錫勒爾圖。馬甲恩德保。寧古塔馬甲烏林保。俱交部議敘。獎賞藍翎之索倫領催塔本岱。厄魯特兵扎勒俱受鎗傷。塔本岱著授為藍翎侍衛。扎勒著獎賞藍翎。各賞銀二十兩。仍交部議敘。厄魯特兵哈薩克。回人阿卜都爾滿亦各賞銀二十兩。

命按察使銜納世通在庫車辦事。道銜德文協辦阿克蘇事務。

上諭軍機大臣曰。據德文奏稱。准舒赫德永貴等行

平定回疆方略卷七十六
三

文催往庫車辦事。已領兵四十名起程。續調闕展兵一百名接應等語。此等嗎哈沁能有幾人。納世通領兵四百已足敷用。德文又增兵如許。不過為保身之計。甚屬怯懦。看來庫車事務。非德文所能辦。著調往阿克蘇。隨阿桂辦事。納世通著辦理庫車事務。俱傳諭知之。

平定準噶爾方略正編卷七十九

三

平定準噶爾方略正編卷之七十九
乾隆二十四年九月庚午。

諭按察使銜納世通豫籌擒賊撤兵事宜。

上諭軍機大臣曰。納世通領兵四百名。會同永貴努

三。追捕戕害德舒之嗎哈沁等。諒可立就擒獲。著

傳諭納世通如勦賊事竣。所領兵丁。或遣回阿克

蘇。或留駐庫車皆可。倘二城俱可不需。則查明此

平定準噶爾方略正編卷七十九

一

內有西安滿洲兵。即撤回本處。有綠旗兵。即發往

定長處屯田。俱著酌量辦理。

諭辦理屯田副都統定長等解送軍營馬匹及追回

庫車兵丁。

上諭軍機大臣曰。定長等奏烏魯木齊所易哈薩克

馬一千餘匹。於八月二十四日。由昂吉爾圖淖爾

起程。從伊拉克送至庫車。轉送富德等語。此項

馬匹。原備來年進兵之用。今富德在拔達克山交界。若徑行解送。未能妥協。著傳諭定長等。將馬匹加意牧放。不必遠尋富德。即從庫車送往葉爾羌備用。再定長奏德文調兵一百名。至庫車防範嗎哈沁。昨據德文奏報。朕以納世通領兵四百。已足敷用。業已傳諭申飭。仍著定長將派往之兵。差人追回。

平定邊將軍兆惠等奏

二

辛未。

定邊將軍兆惠等疏奏拔達克山信息。

兆惠等奏言。逆賊波羅泥都霍集占等。逃入拔

達克山。久無確信。臣等遣侍衛等飛騎赴富德

處探信。八月三十日。三等侍衛塔尼布回報。本

月十九日抵阿勒楚爾軍營。二十三日。有遣往

拔達克山之厄魯特薩穆坦。同來使至營。據稱

波羅泥都兄弟。俱被伊部落擊獲。霍集占受鳥鎗傷。三處甚重。僅存餘息。我等起程二日。有人追來。告稱霍集占已死。理合將波羅泥都送來。但我等摩羅及阿璉等。據經文。無將同類獻與他國之理。懇求寬免等語。副將軍等復嚴飭來使。務將波羅泥都俘獻。霍集占雖死。亦必獻尸。否則進兵。臣等伏思拔達克山。非妄生事端之

平定邊將軍兆惠等奏

三

部落。今既擊獲逆賊。自必俘送。但即行送出。恐

其屬下譏議。故稍作推托之詞。大兵若前進相

逼。則其獻尤速。臣等即行知總兵官五福。趕解

糧餉。令提督董孟等辦糧接濟。并選收養馬數

百匹。遣副都統豐訥亨送往軍營。一面候齊凌

扎卜等押送新降回眾前來。分別安插解送。即

前駐英噶薩爾相機辦理。奏入。

上諭軍機大臣曰兆惠奏稱差往探信之侍衛等同

報逆賊波羅泥都霍集占俱為拔達克山人拏獲

等語看來二賊被擒情事屬實雖未據富德奏報

計此時正在促令縛獻如罪人斯得則大功告成

富德仍遵前旨同兆惠來京即明瑞阿里衮巴祿

由屯溫布等叅贊領隊大臣并年久侍衛等亦應

分起陸續回京所有兵丁除去年更換者仍留駐

平定準噶爾方略卷七十九

四

防外餘俱酌量撤回不過留舒赫德一人在葉爾

羌辦事足矣若二賊之被擒與死雖實而拔達克

山仍未呈獻則不可中止必當示以軍威即今年

不能來年亦必進兵總以必得為期倘二賊被獲

情事不實或別有他故則愈不可中止今且暫息

馬力於來年選兵數千名直入其境搜捕二賊即

將拔達克山部落一併辦理亦無不可著傳諭兆

惠富德等知之又

諭曰兆惠等奏齊凌扎卜伯克鄂對等解送新降回

人萬餘口約數日內即到解到時查明由喀什噶

爾送信逆賊之回人酌量辦理又阿卜都喇伊木

墨墨氏敏情俱可疑俟喀什噶爾輪班入覲時將

此二人作為頭起送京等語昨富德奏稱齊凌扎

卜等所解人口內塔里雅沁回人伯克特穆爾呼

平定準噶爾方略卷七十九

五

雅吉特兩戶脫逃朕已密諭兆惠等將久從逆賊

之回人相機辦理至送信賊人之語出自俘獲人

口所供未可遽信即阿卜都喇伊木等與賊交通

亦嚮導回人所稟保無挾嫌誣害若將此二人解

京其餘人眾必生疑懼當候齊凌扎卜等到時密

查逆賊親信之人令其指實如二人果與賊通即

正法示眾或仍有他人亦另行查辦

申諭定邊將軍兆惠等籌辦降回事宜

上諭軍機大臣曰兆惠等將降回額爾克和卓額色尹鄂托蘭珠和卓瑪穆特解送來京未免辦事過急從前兆惠等奏請將二人送京朕即謂留伊等在京恐霍集斯等妄生疑懼俟擒獲霍集占時再行分別辦理今既將額色伊等送來雖留住京師其作何安插之處尚未酌定仍著傳諭兆惠等現在新降回衆或尚有霍集占族戚在內若逆賊已獲即行送京否則仍當酌量情形勿使回衆疑懼致生事端其作何辦理即詳悉妥議速奏

平定縣志卷之五

六

癸酉

賜索倫總管錫通阿巴圖魯號

上諭軍機大臣曰索倫總管錫通阿因軍前得傷撤

回殊可軫念著加恩賜號丹拜巴圖魯賞銀一百

兩同來病廢兵丁俱著遣回游牧其臨陣得傷者仍著查奏

命乾清門侍衛薩穆坦等隨辦哈薩克貿易事務

上諭軍機大臣曰努三久在軍營効力俟辦理嗎哈沁事竣即起程回京哈薩克貿易事務交永德辦理永德辦事二年頗稱諳練著派乾清門侍衛薩穆坦侍衛倭昇額馳驛前往烏魯木齊隨永德學習行走

平定縣志卷之五

七

命原任巡撫圖爾炳阿辦理庫車事務

上諭軍機大臣曰現在北路軍管無事著圖爾炳阿前往庫車同納世通辦理事務

甲戌

命叅贊大臣阿里袞留葉爾羌辦事

上諭軍機大臣曰昨諭平定回部後將軍大臣等回

京留舒赫德在葉爾羌辦事。今思葉爾羌等處。地方遼濶。舒赫德一人。恐難兼管。著留阿里衮同辦事務。可因便傳諭伊等知之。

命額爾克和卓額色尹等在京居住。

上諭軍機大臣曰。頃詢問兆惠送來之額爾克和卓

額色尹。鄂托蘭珠和卓瑪穆特等。據稱伊等原住

葉爾羌喀什噶爾。為策妄阿喇布坦掠往吐魯番。

平定準噶爾方略正編卷七十九

八

後居伊犁。又為霍集占所掠。逃往塔什罕等語。額

色尹係霍集占一族。且久住伊犁。不便遣回葉爾

羌等處。應即留京居住。除兆惠所奏現在送京之

圖爾都和卓外。仍將伊等家口送京。其瑪穆特之

子巴巴和卓兆惠等同京時。亦即同來。回眾中尚

有似此者。俱酌量辦理。

諭定邊將軍兆惠等查明拉達克汪所報葉爾羌逃

眾。

上諭軍機大臣曰。據官保奏拉達克汗報稱從前遣

往葉爾羌探信之人未回。又遣組克吉等前往。距

葉爾羌七日之程。遇千餘人。詢係葉爾羌所屬。因

避大兵逃出。不肯放行。并搶奪衣服等語。著傳諭

兆惠等查明此等人眾。確係何處逃來。今欲何往。

或係葉爾羌屬人。於何時逃避大兵。是否有心與

平定準噶爾方略正編卷七十九

九

霍集占不合。據實奏聞。

諭駐藏副都統官保等停止拉達克人偵探賊信。

上諭軍機大臣曰。據官保等奏拉達克汗請轉奏謝

恩。并報明探信人等。未能前去。朕已具悉。昨因葉

爾羌等處歸附。仍降旨曉諭。今將軍等奏報霍集

占等逃入拔達克山。被伊部落人等擒獲。俟其獻

出時。再行降旨。嗣後拉達克汗處不必遣人探信。

著官保等傳諭知之。仍賜拉達克汗緞二端。

密諭定邊將軍兆惠等停止回人世襲。

上諭軍機大臣曰。回城現俱平定。應將霍集占等。私

行征斂之項。嚴行禁止。即辦事之阿奇木等員。亦

應如各省大臣之例。遇缺補授。或緣事革退。則開

缺另補。至於霍集占族戚等。所以留住京師。并令

伯克霍集斯等。俟撤兵時同來者。因恐伊等若仍

平定縣志卷之七

十

居舊地。必妄生希冀。致啟釁端。此正所以保全之

也。兆惠等此時宜曲加撫慰。不可稍有漏洩。俟霍

集斯到京後。即曉示各城回人。以中外一家。惟知

共主。阿奇木伯克。不過辦事大員。毋許自稱諾顏。

私收貢賦。即阿奇木等缺出。亦揀選賢員。或以伊

沙噶陞補。不准世襲。章程既定。則伊等希冀之念

自消。庶地方可以寧謐。著因便密諭兆惠舒赫德

遵照辦理

諭參贊大臣舒赫德等酌辦和闐戶口事宜。

上諭軍機大臣曰。福祿等奏詳查和闐六城回人。共

一萬三千一百四十三戶。四萬一千二百八十六

口。較齊凌扎卜等原查數目。缺五千四百五十七

戶。三萬一千二百五十七口等語。齊凌扎卜等原

查數目。本未確實。而後來被圍數月。或不免傷損。

平定縣志卷之七

十

抑係回人等圖貢賦輕減。隱匿脫漏。亦未可定。今

若有人首告。自不便顛預。否則不必究問。著傳諭

舒赫德等。此時且以停止查辦為妥。若日後自行

敗露。亦無難再辦也。

參贊大臣舒赫德疏奏安插多倫等處回衆。

舒赫德奏言。新授多倫阿奇木伯克阿卜都賚

率小伯克等來見。臣以奏准庫爾勒等處游牧

曉示。阿卜都賚云。我故兄托克托游牧。卽在此處。聞得散往羅卜淖爾舊屬。亦有復回者。乘此時伐木造屋。以備春耕。但多倫回衆內。有數百人無食者。請爲料理。臣示以撙節。今將此等無食之人。暫於阿克蘇留養。俟安插後。再來收取。并將現在回人一千餘戶。五千三百餘口。及馬駝牛羊各數行。知書山外。伊等來春耕作。籽種不敷。請照本年庫車回人例。由官借給。秋收後加倍償還。又喀什噶爾葉爾羌等處。陸續投來之阿克蘇賽里木回人一千二百餘戶。俱遣回本處安插。奏入報

平定準噶爾方略正編卷五十九

三

聞。

丙子。

諭定邊將軍兆惠等酌辦烏沙克等回衆及送馬事

宜。

上諭軍機大臣曰。兆惠等奏齊凌扎卜解到降回一萬餘口。請將伊等分別辦理。再往英噶薩爾等語。前諭回衆送到時。烏沙克伯德爾格塔里雅沁等回人。必須辦理者。特爲二賊未獲。留之恐滋事端。今既有擒獲之信。伊等卽懷叵測。亦已絕望。又何必多行殺戮。兆惠等務宜體察情形。若安插伊等尚可。不致生事。卽將伊等同家口移於安西等處。歸併綠旗兵。或不便內移。及恐沿途脫逃生事。又或二賊之信未確。來年仍須進兵。兆惠等仍遵前旨酌量辦理。其二賊離異之妻室等。著解送來京。餘人暫安插於吐魯番。候旨定奪。又

平定準噶爾方略正編卷五十九

三

諭曰。兆惠所奏籌辦馬匹一事。今復辦馬一萬匹。送往葉爾羌。俟逆賊等獻出與否。再爲酌量行止。此

時信息尚未確實。兆惠等其相機妥辦。

諭刑部侍郎永貴等酌量留遣索倫兵丁。

上諭軍機大臣曰。兆惠聞德舒被害之信。令副都統

銜阿定保領索倫兵五百名。前赴永貴處聽候協

剿。前因永貴領兵追剿嗎哈沁。曾諭努三會剿。不

知會合隊否。計永貴應已獲賊。獲事。此等索倫兵。

既在軍前年久。而拔達克山又將逆賊等獻出。即

平定縣志卷之七元

古

可撤回游牧。如信息未確。則就近暫住庫車。以候

調遣。

議休息喀爾喀部落事宜。

定邊左副將軍成衮扎布等奏言。查喀爾喀四

部落。從前災傷盜竊。以致失業。荷蒙

聖主賑貸頻施。但積歉之餘。尚多拮据。臣伏查乾隆

十八年起。有交喀爾喀等收放之馬駝羊隻。除

軍需應用及寬免倒斃外。尚有應賠之馬一萬

五千六百一十六匹。駝五千二百八十三隻。乳

牛五千九百七隻。羊二萬六千六百三十二隻。

又二十年進兵。及擒青滾雜卜。仍有應賠之馬

三千六百七十匹。有奇。駝七百隻。有奇。此時西

三部落。將二十一年盜竊各牲隻。並代賠車臣

汗部落之項。雖經賠補。尚未足數。仰懇

平定縣志卷之七元

五

聖恩。將應行催交各牲隻。寬限二三年。似於蒙古等

生計有裨。又查軍營更替之侍衛官員等。以公

事往來各部落。應付馬匹。蒙古等多有藏匿遺

失。今公務漸少。臺馬足用。請將侍衛官員等。停

其供給。專由臺站辦理。即有來往各旗差使。亦

遵限制。庶蒙古等得各謀生理。久自充裕。至布

延圖之兵。從前奉有暫行駐劄之

旨現在各部落互相推諉請飭交副將軍盟長及烏

梁海等令其照例均管庶不致偏枯奏入得

旨軍機大臣議奏尋議喀爾喀應賠馬匹俱經屢次

展限自不便再為延緩但年來喀爾喀等委屬

拮据應請交與成衮扎布令其定限具奏至北

路軍營事件無多臺站馬匹亦足嗣後侍衛官

員等應請停止派取蒙古馬匹概從臺站辦理

平定準噶爾方略正編卷五十九

六

至差往各部落人等其應付馬匹原有官品定

額或奉行日久私自多索亦未可定應再行申

禁有額外騷擾蒙古者即告知該扎薩克詳報

將軍查叅又所奏布延圖軍營請飭各部落均

辦查布延圖駐兵現在無事自應裁撤但副將

軍策布登扎布尚在伊犁堵截逃賊請俟事竣

之日即行撤回臣等更請申飭該扎薩克等宜

仰體

皇仁約束所部勿為逃盜有犯必懲毋事姑息則良

善得以安居而生計漸臻饒裕矣奏入

上從之

丁丑

定邊右副將軍富德等疏奏拔達克山遣使情

形

平定準噶爾方略正編卷五十九

七

富德等奏言臣等遣往拔達克山之厄魯特侍

衛薩穆坦及回人伯克素勒坦和卓等同拔達

克山汗素勒坦沙來使鄂穆爾拜到營據薩穆

坦等告稱七月十八日自巴沙楚爾起程二十

六日抵素勒坦沙所居次日素勒坦沙遣人來

迎相見後告以逆賊霍集占受

大皇帝深恩得回故土乃反覆叛逆戕害大臣今歲

大兵進剿。伊等望風逃竄。我兵若深入爾地。久

已擒獲。因不忍以逆賊之故。驚擾無罪部落。是

以遣使曉示。爾當速為擒獻。素勒坦沙云。我並

不知霍集占等罪惡如此。遂令霍集占遣來之

鄂斯瑞雅斯布庫里相見。薩穆坦以言折辯。不

能回答。二十八日。素勒坦沙邀霍集占弟兄入

城。波羅泥都即入。霍集占率餘眾。於城外揚言

平定縣志卷之九

大

云。若將來使交出。情願為爾奴僕。素勒坦沙不

允。霍集占即搶掠村庄。素勒坦沙遂將波羅泥

都拘執。領兵數千人。圍困霍集占所據山岡。霍

集占胸背膂骨。三處受傷。旋被擒獲。拉木呼里

巴爾巴呼里被殺。鄂斯瑞雅斯布庫里亦俱受

傷。薩穆坦等勸令縛獻。素勒坦沙商之眾頭目。

及阿璉摩羅數人。俱稱我等經典內。凡派軍帽

爾子孫除戰爭外。不許拏送與人。恐他處阿璉

摩羅及外部聞而生事。大國救援不及。今霍集

占受傷將死。祈稟明將軍等語。即將霍集占兄

弟拘禁。並聞有送往布哈爾之語。薩穆坦起程

二日。拔達克山遣人追來。告稱霍集占傷重身

死。臣等將素勒坦沙來書譯看。與薩穆坦等所

告相同。隨於二十五日。會集大臣侍衛官員。令

平定縣志卷之九

九

來使鄂穆爾拜進見。所告如前。并稱進獻馬匹。

臣等再三曉示。仍面斥來使云。汝等口稱降附。

若不擒獻逆賊。即屬獲罪。况霍集占等統眾數

萬。原欲據爾土地。幸大兵剿殺殆盡。爾等始得

安生。我大兵尚不肯輕入爾境。恐有騷擾。爾等

既得保全。又侍掠獲。乃不擒獻逆賊。我等即行

進兵。又鄂穆爾拜懇告云。俟傳知素勒坦沙。再

行定奪。卽賞茶遣出。是日薄暮。鄂穆爾拜再求進見。述及擒獲霍集占等時。阿璉摩羅俱各哭泣。素勒坦沙原欲呈送。因伊等有欲將房屋焚

毀。前往默克。以爾罪傳知各部之語。是以中止。將軍大人再差人前往。素勒坦沙自不敢違。臣等問其送往布哈爾之事。據稱雖傳言送往。但既與結仇。必不能行。惟離拔達克山二日程途。

平定準噶爾方略正編卷七十九

三

有一監禁罪人之地。或送彼看守等語。臣等隨給以諭。素勒坦沙之書。併賞來使銀兩。殺疋。限期二十五日。如過期不至。卽行進兵。然必將生者縛送。死者呈驗。將首級解送方可。於二十六日清晨。仍同薩穆坦等起程。一面密令額爾登額伍岱。成果領兵三十名。會同薩穆坦行走。復令伊柱。巴圖濟爾噶爾。霍集斯。領兵前往瓦罕。

附近處所。臣等亦移兵續進。并據瓦罕伯克密爾莽蘇爾。遣伊子蘇爾坦具呈。願以所管千餘戶歸降。俱撫慰遣回。奏入。

上諭軍機大臣曰。富德等奏稱伊遣往拔達克山之侍衛等。回報逆賊波羅泥都兄弟。俱被素勒坦沙擒獲。霍集占受傷身死。因回人經典。不便呈獻。富德仍致書嚴索。約日起程等語。看來富德從前若

平定準噶爾方略正編卷七十九

三

直前追剿。久經俘獲。乃坐失機會。朕深為追悔。不知富德等。亦知愧悔否。若非伊等前此曾經効力。朕必重治其罪。今既遣人再索。因勅諭素勒坦沙。并賞伊殺疋。由臺站發往。將來二賊如仍未獻出。則來年進兵。斷不可已。必以獲賊為竣事。此次厄魯特侍衛薩穆坦等行走甚屬奮勉。薩穆坦著加恩。授為二等侍衛。素勒坦和卓額勒木布爾額色。

木俱賞戴孔雀翎。授為三等侍衛。敦多卜既經獎賞藍翎。即授為藍翎侍衛。其隨去回人等。著富德酌量賞給。以示鼓勵。

賜拔達克山素勒坦沙

勅書。

奉

天承運

平定回疆方略卷七十九

三

皇帝勅諭拔達克山汗素勒坦沙據將軍富德等奏爾奉將軍檄文擒拏逆賊霍集占波羅泥都具見恭順。聞霍集占受傷身故。波羅泥都現在拘禁。爾復遣鄂穆爾拜同侍衛等前來。以爾等經典擒獲派噶木巴爾子孫不便呈獻。致別部落與戎將軍大臣等以霍集占等罪惡再行曉示。若不呈獻。即日進兵。朕為天下共主。內外一體。咸加撫育。况爾

慕化歸誠。深用嘉悅。惟是霍集占兄弟前為準噶

爾拘禁。因大兵平定伊犁。釋其囚繫。俾居故地。自

應感激圖報。乃負恩背義。反將所遣大臣官兵。盡

行戕害。是以興師問罪。復敢聚黨抗命。肆虐無辜。

強奪婦女。與爾等經教。大相背戾。眾怨沸騰。今年

大兵進剿。葉爾羌喀什噶爾等城。咸思歸附。二賊

恐被縛獻。先率其黨與。跳身遠遁。然逆徒數萬。直

平定回疆方略卷七十九

三

抵拔達克山。雖不敢抗我軍威。實足據爾土地。我大兵撫定各城。即行追襲。剿殺無算。乞降者萬餘人。僅存餘孽。以入爾境。將軍大臣等非不能窮追直入。實體朕好生之心。不忍擾害無罪部落。朕亦屢諭將軍等暫停師旅。故逆賊等未即就擒。今爾乃以阿瑛摩羅離心。及別部落啟釁為詞。此等情事縱實。尚屬未然。今大兵壓境。即暫時休息。來年

必兵馬雲集斯時又誰能相助此中利害之重輕
自宜熟計至我大國兵力爾等當亦聞知卽平定
準噶爾由於傳說若收服葉爾羌喀什噶爾逆賊
數萬衆望風奔竄乃爾等自覩者爾素勒坦沙宜
中有定見勿聽人言將霍集占之尸與波羅泥都
送至軍前朕必厚加恩賞但爾如果已勦擒霍集
占等又何惜而不獻其爲爾部落留養飾詞以對
情節顯然此等語將軍大臣尚不受爾欺矧敢於
朕前支飾耶此時惟悔悟縛獻則前事皆可不論
今因降勅賜爾蟒緞色緞各二端爾其深思熟計
以享無窮之福特諭

平定準噶爾方略正編卷五十九

十四

以索取逆賊霍集占等

宣諭中外

上諭大學士曰將軍兆惠富德等先後奏報大兵追

勦逆賊霍集占波羅泥都抵拔達克山界其部長
素勒坦沙告稱遵將軍大人諭邀擊二賊現已鎗
斃霍集占生擒波羅泥都所差侍衛薩穆坦俱經
日覩但回部信奉經典從無自擒族類轉送與人
之例若竟呈獻天朝恐別部落必來滋事是以求
免等語已傳諭兆惠富德等令卽尅期勒兵向索
且曉譬順逆以該部落既知歸誠內屬理應獻賊
自効卽以回部舊俗不自相戕爲詞則已不應有
生擒鎗斃之舉况慮他日諸部之滋事較此時天
朝大兵之壓境其利害尤爲明白易曉如果該部
落卽日遵諭獻出則膚功自可告竣而庸懦無識
之徒或以諸城悉定各部欵降似此熒熒遁賊何
必更事窮追致滋勞費殊不知用兵回部原非朕
之本意當伊犁平定準噶爾悉入版圖而東西布

平定準噶爾方略正編卷五十九

十五

魯特左右哈薩克等。無不傾心向化。何有於花門

雜種。而必欲為窮兵黷武之事。實以逆賊兄弟。負

恩反噬。不得不明正其罪。以彰撻伐。今葉爾差喀

什噶爾均就撫綏。設官定賦。其於回部大局。固已

全定。獨逆賊兄弟。尚未懸首藁街。此皆從前雅爾

哈善。玩寇債事。於攻圍庫車時。使已投羅網之逆

孽。復得遠颺。蹉跎輾轉。以至今日。實為此事罪魁。

平定回疆方略卷五十九

五

自兆惠富德統兵以來。掃其巢穴。分路進剿。屢獲

全勝。獨惜富德等兵至伊西洱庫爾淖爾。其時逆

賊技憊已甚。即謂我軍馬力稍乏。但乘勢精選數

百騎。緊躡其後。即可直抵拔達克山。協同捕獲。何

至該部落得以藉口。此亦因富德等俘獲衆多。其

氣不無稍懈。而明瑞在京時。朕曾諭以臨陣須當

慎重。遂致悞會。未免少為徘徊耳。然此時大軍方

駐彼地。不過賈其餘勇。即可集事。又何所增其勞

費。若意在苟且遷就。遽欲貢諛稱賀。謂可息事寧

人。則朕斷斷不為也。如前此阿睦爾撒納已伏冥

誅。並遣大臣驗實。因逆尸究未獻出。朕即不肯告

廟受賀。以為自欺欺人之計。此內外諸臣所共知者。况

堂堂大清。兵力全盛。而回部之賦稅。屯田之收穫。

以及沿途貿易。城倉積貯。儲胥充裕。不獨內地毫

平定回疆方略卷五十九

三

無飛輓饋運之勞。而陝甘兩省獨賑之恩。有加無

已。閭閻初不知有軍興徵發。豈漢唐宋明諸代。疲

中國之財力。而不能得地尺寸者可比。今統計用

兵不越五年。而西睡萬餘里。城無不下。衆無不降。

此實仰荷

上蒼福佑。得以奏茲偉績。而人事之因時順應。尤不可

不善以承之也。我滿洲風尚。素稱淳樸。勇往而承

平日久。八旗子弟多耽安逸。偶遇軍旅之事。轉致不能嫻習。朕於此舉。正欲訓誨督率之。俾習勤勞。而諳韜略。而諸臣中或猶有狃於小利近功。不知事機之緩急者。古者無事之時。不廢訓戎講武。今以法無可追之逆酋。當功有必成之事會。且可藉以練我殺敵致果之將材。又何所顧慮。而竟為浮論所惑。急圖完局。貽笑方來也。不然。則佳兵之誠。朕念之熟矣。豈尚存好大喜功之見。以耀兵威而勤遠略耶。著將此宣諭中外知之。

平定準噶爾方略正編卷五十九

元

諭定邊將軍兆惠等仍駐葉爾羌。

上諭軍機大臣曰。朕勅諭拔達克山素勒坦沙。令將逆賊等擒獻。倘稍有欺飾延緩。則來年尚須進兵。兆惠不必往英噶薩爾仍駐兵葉爾羌。查辦新降回眾。

諭辦理屯田副都統定長等體卹僱運商駝。

上諭軍機大臣曰。同德奏准定長咨稱從巴里坤運籽種等項駝隻。已轉僱運往烏魯木齊歸途。又轉運軍營衣物。不必送回原處等語。此等運往關展駝隻。皆係官僱商駝。若節次轉運。則商民畏難不前。勢必更煩官辦。且致貽悞。即使偶從轉僱。亦必視其情願與否。不可勉強從事。著傳諭定長。同德知之。

平定準噶爾方略正編卷五十九

元

諭陝甘總督楊應琚等辦送馬匹事宜。

上諭軍機大臣曰。同德奏稱巴里坤所有馬匹。擇其臆壯者五千匹。在北山前坡牧放。俟至十月收槽之時。加意餵養等語。此項馬匹。特為軍營需用。已派清馥同乾清門侍衛等。由去年阿里衮送馬之路。緩行送往。同德應即預備分起陸續起程。即如

阿里衮所送之馬。於十月間。由庫車一路前進。地氣和暖。水草不乏。是以應用無悞。若此時不行預備。待至春來。必不能及。且轉不若額林哈畢爾噶之徑捷矣。同德竟不知事體緩急。漫以收槽餵養為言。著傳諭楊應琚。清馥。五吉。同德等。遵照屢降諭旨辦理。併傳諭舒常等。亦作速前往。會同行走。

平定準噶爾方略正編卷之八十

手

平定準噶爾方略正編卷之八十

乾隆二十四年冬十月朔戊寅。

恩諭緩徵陝西歉收各屬新舊錢糧。

上諭大學士曰。陝省西安各府屬之咸陽等十州縣。今夏得雨稍遲。收成歉薄。雖於例並不成災。而民力不無竭蹶。所有懷遠。清澗。米脂。吳堡。四縣。本年應徵未完地丁錢糧。草束。及帶徵舊欠常平社倉。穀石籽種等項。俱著加恩。緩至明年秋成後徵收。咸陽。醴泉。同官。韓城。商州。雒南。六州縣。新舊民欠錢糧倉穀。緩至明年麥熟後徵收。以紓民力。其沿邊之虜。施靖邊。保安。塞延長。甘泉。綏德。七州縣。所有上年緩徵新舊錢糧倉穀。例應本年徵收。但該處連年收成未能豐稔。應加意撫綏。以資休養。著再加恩。將該州縣除本年照例徵收外。其帶徵

平定準噶爾方略正編卷之八十

一

之錢糧倉穀再緩一年於明年麥熟秋成後分別帶徵示朕優加體恤之意該部遵諭速行

諭內閣學士清馥等管解軍營馬匹

上諭軍機大臣曰據楊應琚奏稱揀選軍營馬一萬

匹陸續解交清馥轉送軍營等語從來楊應琚奏

送頭起馬匹之時卽諭清馥如尚未回抵巴里坤

著五吉舒常等一同解送今此項馬匹已全數抵

平定準噶爾方略正編卷六

二

巴里坤著遵照前旨加意護送務期妥協濟用

陝甘總督楊應琚疏奏辦給回人棉種

楊應琚奏言庫車等處回人素習耕織從前服

屬準噶爾歲納布疋後因荒亂相仍將棉子俱

已食盡臣思布疋爲民生日用之物將來伊犁

駐防通商貿易正資調劑查陝省西安同州兩

府俱有產棉之地每畝種子十觔可收淨花二

十餘觔棉子一百二十餘觔請先以二十觔計

算將棉子二百觔遇便解至庫車散給回人俾

及時佈種來年卽以所得分散各城二三年後

可望種植日廣不獨回人衣被無窮卽屯駐官

兵亦得就近購買奏入報

聞

已卯

平定準噶爾方略正編卷六

三

命頒給阿克蘇大臣關防及葉爾羌奏匣

上諭軍機大臣曰舒赫德奏伊前往葉爾羌辦事將

欽差大臣關防帶往其阿克蘇應請給以關防至

葉爾羌距內地甚遠奏報事件宜加慎密請賞給

奏匣等語阿克蘇爲同城要地已派阿桂駐劄辦

事著該部賞送欽差大臣關防一顆以昭信守其

賞給葉爾羌奏匣亦照所請行

授回人額色尹等爵秩有差。

上諭軍機大臣曰。回人額爾克和卓額色尹鄂托蘭珠和卓瑪穆特俱係派噶木巴爾後裔。著加恩封額色尹公爵。授瑪穆特為扎薩克頭等台吉。護送伊等前來之獎賞藍翎克什克巴圖魯烏克什勒圖著授為藍翎侍衛。與藍翎侍衛額勒濟圖俱賞銀五十兩。

庚辰。

平定縣縣志卷之四

四

命御前侍衛署副都統安泰護送軍營馬匹。

上諭軍機大臣曰。護送軍營馬匹。已派侍衛舒常蘇勒仍令清馥同往。若清馥未回。巴里坤則五吉在哈密會同行走。但此次馬匹為數頗多。護送之員尚少。此時安泰承審叅案。應已竣事。著與伊等會合。送至葉爾羌軍營。

命嚴懲疎脫嗎哈沁之官兵等。

上諭軍機大臣曰。據清馥奏稱。遣往搜捕嗎哈沁之都司張遇奇察哈爾驍騎校阿喇卜坦已於喀喇莽鼐探得賊踪。並未親行追襲。但遣馬甲富海索倫馬甲噶勒保領兵八名前往。伊等遇賊。又未報知。及張遇奇等聞信往追。見有男婦四十餘人。反被賊誑誘。借給馬匹。以致逃去。請將張遇奇阿喇

平定縣縣志卷之五

五

卜坦交部嚴加議處。富海噶勒保重責百鞭等語。清馥係領兵追賊之人。既未親身前往。又不將疎懈官兵。從重辦理。更屬姑息。著傳旨申飭。至追剿賊人。若非勇往直前。則將來效尤成習。各顧身命。安望擒獲。張遇奇阿喇卜坦俱著革職。留軍營効力贖罪。富海噶勒保著即正法示眾。

辛巳。

諭刑部侍郎永貴等奮勉搜捕嗎哈沁。

上諭軍機大臣曰。據永貴奏稱。搜捕嗎哈沁等至阿勒坦和碩山嶺。雖有賊踪。計逃去已十餘日。雪盛不能前進。請俟來春選兵千餘名。前往追襲等語。初閱永貴等請罪之詞。意謂又生一事。及覽竟方知為山嶺雪盛。撤兵暫回耳。伊從前聞德舒被害。即請追賊復仇。頗為勇往。今半途而返。甚屬無謂。

平定準噶爾方略正編卷之六

六

若謂雪大難行。嗎哈沁等又豈能飛越耶。伊等馬力稍乏。亦事之所有。但必待來年。且將貽人嘲笑。况朕所諭。來年大兵凱旋。仍嚴搜逸賊。並非指此等戕害德舒之賊。亟應誅戮。以紓衆憤者。當此初冬。雪積未厚。尚可前行。賊若越嶺。必藏匿烏魯木齊額林哈畢爾噶等處。自無庸於庫車等處搜索。此時永貴應與努三會合。既有善於嚮導之人。且

賊衆見久無追兵。未免弛懈。猝然相遇。勢可擒獲。著傳諭永貴。即於阿克蘇兵內。選精銳者三百名。帶至烏魯木齊。現在解送軍營馬千餘匹。若途中相遇。即每人選給三匹。餘者仍行送往。是馬匹既足。而存貯糧石。又可接濟。務期盡勦賊衆。為德舒復仇。辦理既竣。即同努三來京。著納世通留庫車辦事。

平定準噶爾方略正編卷之七

七

壬午。

申飭搜捕嗎哈沁不力之內閣學士清馥。

上諭軍機大臣曰。清馥奏稱。詢問厄魯特嚮導鄂齊爾。知喀喇莽鼐諾顏鄂博之西地名額什。頗饒水草。聞有嗎哈沁賊人斗齊等在彼藏匿。因派兵四十名。委索倫營總濟彥保等前往追捕。伊領兵三十名。由拜塔克之北。尋覓賊踪。策應濟彥保等語。

昨因清複並未親身追賊。而辦理官兵又復姑息業經傳旨申飭伊一聞官兵疎脫賊人之信。即當迅往追襲。乃視若尋常。仍委之濟彥保等。甚屬怯懦不堪。從前伊在巴里坤辦事。意其尚可造就。不謂一經追賊。即畏縮如此。本應即行治罪。始從寬免。伊雖奉到解送馬匹之旨。諒亦未能趨赴。著不必前往。惟專辦剿滅嗎哈沁。若仍前玩忽。以致賊人逃脫。朕必重治其罪。伊若指稱辦送馬匹。遂爾轉回。即係自取罪戾。併傳諭五吉安泰將應送馬匹徑行承辦。不必候清複信息。

平定羅漢驛馬驛參本

八

乙酉。

定邊左副將軍成衮扎布等疏奏遷移烏梁海游牧。

成衮扎布奏言。臣等前奏。據烏梁海內大臣察

達克等。因現在游牧之科卜多等處。不產貂鼠。請將伊等游牧。展至阿爾台額爾齊斯等處。經軍機大臣議覆。以額爾齊斯等處。若係都爾伯特舊游牧。應請

平定羅漢驛馬驛參本

九

旨。傳諭索羅木衮布策凌烏巴什。如伊等情願前往。即可遷移。將現駐之烏蘭古木。即賞給察達克等。或不願再遷。則額爾齊斯等處。與其閑曠。何如給與烏梁海等居住。臣等遵

旨。遣副管旗章京莫尼扎卜。前往都爾伯特游牧。曉示。據親王策凌烏巴什等。告稱察達克所請游牧。係烏梁海舊地。與我等游牧隔遠。今烏蘭古木地畝甚肥。羊隻孳生亦盛。久住可以饒足。情願仍前居住。不行遷移等語。臣等伏思都爾伯特部落。既不願遷移。請照察達克等所指。自博

爾集奇蘭一帶。展至阿爾台山陽。令其約束所部游牧可也。奏入。

上從之。

丁亥。

諭定邊將軍兆惠等辦理降回各事宜。

上諭軍機大臣曰。據兆惠等奏稱齊凌扎卜鄂對阿

什默特送到降回二千六百餘戶。八千三百餘口。

平定準噶爾方略正編卷十

十

大半係伯德爾格塔里雅沁之人。擬於此內酌量

人數多寡。分派大小頭目。遞相約束。移至吐魯番

庫爾勒哈喇沙爾托克三等處安插。俟起程後。兆

惠即前往英噶薩爾。又密奏阿什默特與伯克霍

集斯交好。因加保薦。又近日查給阿什默特之回

人百餘名口。多擇富厚之家。非盡係伊舊屬。即霍

集斯於補授葉爾羌頭目。亦受餽送等語。來降回

人等。除係霍集占逼脅同行外。其烏沙克塔里雅

沁伯德爾格回人均不可信。已屢諭兆惠等相機

辦理。至阿什默特。既與霍集斯交好。俟軍務告竣

即派令來京。此外有附和霍集斯之人。俱如此辦

理。此時尚宜慎密。即有告發之人。亦仍行安慰。今

逆酋等尚未投首。兆惠不必往英噶薩爾。仍駐劄

葉爾羌辦事。候富德等信息。

平定準噶爾方略正編卷十

十一

諭護軍統領努三等追剿嗎哈沁事宜。

上諭軍機大臣曰。努三等奏稱准清韻咨文。隨派出

察哈爾佐領裕木扎卜。厄魯特嚮導蒙克津等領

兵往喀喇莽龍等處搜捕等語。此等嗎哈沁誑誘

官兵馬匹。情罪可惡。務必盡行剿滅。著傳諭努三

等。此等賊人。即若迫來降。仍應解送肅州正法。伊

從前所得降人。如蒙克津等之奮勉効力。則令其

來京。在上駟院行走。其餘卽賞給王大臣等。不必安插舊地。昨諭努三與永貴會合。追剿戕害德舒之嗎哈沁等。著遵旨奮勉辦理。

護軍統領努三等疏奏擒護嗎哈沁及屯田收穫分數。

努三等奏言。九月初十日。派厄魯特藍翎侍衛

巴桑等。巡查昌吉羅克倫等處。搜捕嗎哈沁。據

平定縣總督馬步

三

索倫領催署驍騎校噶滿泰等擒獲厄魯特巴

彥夫婦。及巴圖孟克等前來。除巴圖孟克曾隨

噶爾藏多爾濟入

覲。人頗誠實。留充嚮導。其餘人俱行正法。至前次擒

獲之訥克衣續奉

諭旨。在烏魯木齊正法。香訥克衣已於九月初四日

解京。應請在京辦理。又蒙

思諭令臣努三兼辦屯田事務。查烏魯木齊新舊屯

田兵一千名。舊兵除差遣外。實屯田兵六百七

十四名。種地一萬五千一百餘畝。收麥黍一萬

二千二百四十餘石。新兵二百名。種地一千五

百餘畝。收麥黍二千二百四十餘石。舊兵所種

較上年加倍。其收穫亦如之。管理屯田之遊擊

金梁頗屬妥協。謹將大槩先行查奏。奏入。報

平定縣總督馬步

三

聞。

諭定邊將軍兆惠等酌量頒給拔達克山

勅諭。

上諭軍機大臣曰。前因索取逆賊霍集占等會勅諭

拔達克山頭目素勒坦沙。今思伊部落若深明利

害。應已呈獻渠魁。故再降勅諭。如拔達克山有呈

獻之信。卽以此勅往諭。或尚在游牧。仍將前勅頒

發。

賜拔達克山素勒坦沙

勅書。

奉

天承運

皇帝勅諭拔達克山素勒坦沙據將軍富德等奏稱

爾遵將軍大臣等傳檄攻圍逆賊霍集占波羅泥

平定準噶爾方略正編卷六

十四

都俱經擒獲具見爾願為臣僕之心聞霍集占受

傷身死波羅泥都尚在拘禁爾等以所奉經教不

欲將派噶木巴爾後裔呈獻是以躊躇未決遣使

前來軍營將軍大臣等復以逆賊等悖逆暴虐茂

棄經教大兵進剿降者接踵僅存餘孽竄入爾境

我師惟恐騷擾尚行遠駐惟以游騎向爾約期索

取若踰時不至卽進兵搜捕詳加曉示節次奏報

朕為天下共主內外一體俱加撫恤爾素勒坦沙

慕思仁化朕已洞悉至霍集占等負恩背叛種種

奸惡爾亦聞知將軍大臣再三遣使特體朕招携

懷遠之至意其務將霍集占兄弟俘馘以獻今因

頒勅賜爾蟒緞四端俟逆賊等送到時朕必沛殊

恩以酬誠悃爾其深思遠慮永荷無疆之福特諭

諭定邊將軍兆惠等策應富德事宜

平定準噶爾方略正編卷六

十五

上諭軍機大臣曰前諭追索逆賊霍集占等若今年

不能竣事兆惠卽來京請訓昨據兆惠奏俟降回

內移後卽前往英噶薩爾曾諭以不必急於起程

仍在葉爾羌辦事但此時拔達克山若尚未有呈

獻逆賊確信富德等又從所駐之瓦罕移軍前駐

則英噶薩爾亦須有策應之兵方可聲息相通兆

惠卽前往駐劄以壯軍威如富德酌量暫回葉爾

羌則兆惠即遵前旨來京。途次辦理降回。亦覺甚便。俱著傳諭知之。

宣諭哈寧阿罪狀。

上諭軍機大臣曰。用兵為國家要務。賞罰必期明允。為將軍者。於一切軍務。果能奮往直前。身親戰陣。何事不可成就。此內即稍有見識未到者。朕亦必加曲諒。若如雅爾哈善等在庫車圍困霍集占。使

平定回疆方略卷六

十六

伊等嚴加防守。逆賊安能出走。且早已竣事。乃伊等並不親臨嚴飭。轉似特開一路。令其脫逃。有此情理乎。故將雅爾哈善拏問。即行正法。叅贊大臣乃協同將軍辦事之人。將軍思慮所未及。叅贊即應指陳。若不見聽。即應叅奏。哈寧阿為雅爾哈善之叅贊。解到時。亦應正法。但叅贊職任。較將軍究稍有間。是以將伊擬斬監候。揆之以理。此次秋審。

哈寧阿即宜予勾。因念伊父哈達哈現在軍前。若有分外効力之處。尚可稍從寬宥。昨富德等領兵至拔達克山交界。遣使索取霍集占。當遣額爾登額時。達爾黨阿哈達哈豈不宜告請前往。與其遣額爾登額。何如伊等一行之為愈哉。况伊等皆獲罪之人。朕加恩復用為侍衛。遣往効力。不但當感激朕恩。即伊自計。亦當奮勉。乃竟以侍衛自居。與眾為伍。不知愧恥。實出意料之外。此等大關係處。俱未計及。哈寧阿豈尚可曲宥耶。但朕念費英東扎爾固齊。不忍將伊孫同眾犯棄市。特加恩令哈寧阿自盡。著曉諭哈達哈及軍營大臣官兵等知之。

平定回疆方略卷六

十七

壬辰。

諭護軍統領努三等會兵剿賊及陞賞管屯官兵。

上諭軍機大臣曰。努三奏稱奉到會合永貴追剿嗎哈沁之諭旨。將所有官兵厄魯特兵內。揀選十二人。又新降之厄魯特蒙克津等十七人。率領往迎永貴。俟巴里坤馬匹到日。永德領所餘官兵六十餘人。續行策應等語。努三頗屬奮往。但官兵為數無多。前已諭永貴選阿克蘇兵三百名。赴烏魯木齊。途中遇解送軍管馬匹。即揀選九百。給與兵丁。

平定準噶爾方略正編卷六

大

就近支領口糧。往額林哈畢爾噶等處。搜捕賊眾。至永德昨欲同努三前往。已允其請。但烏魯木齊乏人。著仍駐劄辦事。又所奏承辦屯田之遊擊金梁。在軍管効力行走數年。管屯二年。辦理妥協等語。金梁著授為叅將。賞戴孔雀翎。以示鼓勵。著努三傳諭將來伊若更知奮勉。朕必加恩優敘。訓飭喀爾喀副將軍策布登扎布等。追賊不力。

上諭軍機大臣曰。據策布登扎布奏稱八月十一日。行至伊犁。分兵搜捕嗎哈沁。派叅贊大臣齊努渾。公品級多岳特。領兵二百名。往哈塔奇。被賊盜馬三百餘匹。追回一百七十餘匹。賊人選馬百餘匹。向烏哈爾里克河上遊逃去。又派扎薩克敦多卜。多爾濟。前往追捕。齊努渾至哈什山。遇見敦多卜。多爾濟。前至哈什河之額爾默勒濟山嶺。雪大迷踪等語。又奏稱齊努渾等。令扎哈沁。公扎木禪等。追嗎哈沁。賊踪既過哈什。向烏魯木齊西山。應就近聽烏魯木齊大臣奏聞候旨。伊即從布勒噶齊。戈壁。經過庫隴。突河。由巴顏珠爾。克卡倫。轉回等語。所奏殊未明晰。齊努渾。多岳特。係專派捕賊之人。反被賊盜去馬匹。選其臙壯者逃去。僅獲賊所棄剩者而回。甚屬疎懈。著交部嚴加議處。齊努渾。

平定準噶爾方略正編卷六

九

棄剩者而回。甚屬疎懈。著交部嚴加議處。齊努渾。

八本平常因噫兆惠効力加恩賜號巴圖魯今被賊盜馬數百匹尚可謂之巴圖魯乎齊努渾著革去巴圖魯號此次若能剿賊尚可自贖否則重治其罪至齊努渾等係尋踪追賊之人覽奏似在策布登扎布聞信遣人之後方抵哈什且策布登扎布身為將軍一聞此信並未親身前往仍遣此等無用之人伊從前若無効力之處必一併議處矣

平定縣志卷之六

辛

著傳諭申飭現在戕害德舒之嗎哈沁深可憤恨策布登扎布若在伊犁卽行搜捕如已轉回卽從去年舍楞等往俄羅斯之路過冬以便堵截就近支給口糧項據成袞扎布奏因接濟口糧由巴顏珠爾克一路解牛一千二百頭計已收到伊等剿賊之時須訊問明白務期生得賊首奉到此旨卽行覆奏

諭叅贊大臣舒赫德分隊安設卡倫

上諭軍機大臣曰舒赫德奏稱兆惠派副都統職銜阿定保領兵五百名馬二百匹給與兩月口糧由阿克蘇至庫車一帶尋踪瞭望搜除隱匿賊匪請於事竣後將官兵分爲兩隊一隊在賽里木拜等處之阿勒坦和碩要路安設卡倫一隊在阿克蘇之穆素爾要路安設卡倫守護臺站照看往來行走之人等語所辦甚是著阿定保等奮勉行走

平定縣志卷之六

壬

諭陝甘總督楊應琚照辦酌留公費名糧上諭軍機大臣曰楊應琚奏稱陝甘兩省酌留公費名糧除彌補各營公私借墊銀兩外尚餘存庫銀三十六萬八千餘兩等語從前酌定扣留此項銀兩原以通融調劑俾帑項不致久懸而兵丁亦免按名扣抵實爲一舉兩得今自二十年辦理以來

不特借墊清還更有餘剩。可見行之確有成效。著傳諭該督。此時尚有應辦善後軍需。酌扣公費名糧。應仍照前辦章程。妥協經理。其存貯餘銀。該督詳悉查明。俟前項彌補全清。將續辦解送馬匹。及一切公務借墊等款。并將來有無應行協濟之項。一一據實具奏到日。候朕酌量加恩。即於此項銀兩內動撥。庶以獎勵急公。於軍務轉輸。兵丁生計。均有裨益。

平定準噶爾方略正編卷六

三

陝甘總督楊應琚疏奏軍營馬匹出關日期。

楊應琚奏言。臣查陝甘辦解軍營健馬萬匹。分

作三起。第一起。巴里坤留收馬匹。第二起。河西

滿漢各營朋餵馬匹。第三起。再將陝省各營朋

餵馬匹湊解。今十月初一。初二等日。侍衛舒常

蘇勒過肅出關。初七。初八等日。侍衛兆君柱等

三員。同厄魯特司轡策塔爾等到肅。以後尚有續到人員。但有二三員先到巴里坤。舒常等即可帶領行走。至內地二起馬匹。已於九月十六日出關。其陝甘馬匹。又隨二起之後。接續前往。均可不致遲滯。奏入。報

聞。

甲午。

平定準噶爾方略正編卷六

三

命副都統齊努渾等仍隨副將軍策布登扎布追賊。

上諭軍機大臣曰。據齊努渾奏稱伊等同扎哈沁公

扎木禪領兵百名追賊至阿爾齊圖。覓得新踪。扎

木禪等先行在哈喇呼喇大山。遇賊二十餘人。據

守。正在交戰。伊等亦皆趨到。共剿賊二十八。有二

賊步行逃去。收回被盜馬九十六匹。扎木禪多岳

特各回游牧。伊亦即轉回等語。昨策布登扎布叅

奏到時。朕諭以齊努渾等若仍不能剿賊收馬。卽重治其罪。今幸藉扎木禪之力。得以成功。伊等亦何能爲。齊努渾多岳特雖經剿殺賊衆。仍交部議處。至伊等剿賊時。理應訊明係何處賊人。奏內並未聲明。著遇便續奏。再齊努渾係策布登扎布隊內叅贊大臣。今既有忝職任。且叅贊尚有烏爾登著革去叅贊。在領隊大臣上行走。同多岳特仍隨

平定縣志卷之六

清

策布登扎布領兵由去年舍楞等逃入俄羅斯之路。堵截戕害德舒之嗎哈沁。來年應撤之時。候旨始回。扎木禪甚屬奮勉。朕已洞鑒。著策布登扎布傳旨嘉獎。仍賞緞四端。以示鼓勵。准其卽回游牧。俱著傳諭知之。

命議處內閣學士清馥。

上諭軍機大臣曰。據清馥奏稱行至蘇爾圖烏蘭與

遣往追捕嗎哈沁之濟彥保相距三四日程途。若再爲前進。往返又須十餘日。恐悞送馬之期。卽轉回巴里坤等語。清馥與濟彥保相距數日。何由得知。顯係從前被賊誑誘。今親往不能追捕。必致獲罪。因所遣有人。遂以策應爲名。於途間逗遛觀望。及得送馬之旨。卽藉口轉回。殊屬取巧。此與避賊何異。甚屬不堪。清馥所賞孔雀翎。著摘去。仍交部嚴加議處。伊業已轉回。卽同安泰五吉等解送馬匹。俱傳諭知之。

平定縣志卷之六

重

乙未。命原任副都統揚桑阿前往葉爾羌。照富昌例。交舒赫德差遣委用。

丙申。定邊將軍兆惠疏奏進兵索取逆賊情形。

兆惠奏言臣前備口糧一千石以駝八百餘隻。

派總兵五福送往富德軍營。今富德咨稱再遣

使往拔達克山。索取逆賊。一面進兵揚威。將喀

喇庫勒存留之兵。調取協助。共兵四千名。應接

濟口糧等語。臣卽於英噶薩爾貯備糧內。再撥

五百石。派遊擊訥爾吉等送往。又據副都統豐

訥亨報稱巡查道路。惟吉雅斯一帶。嶺小雪微。

平定準噶爾方略正編卷六

奏

尚可行走。將來官兵凱旋。應行知會。現在咨詢

富德回兵道路。飭令訥爾吉迎往。奏入。

上諭軍機大臣曰。昨富德奏從瓦罕一路進兵。索取

逆賊。曾諭兆惠往英噶薩爾策應。若今歲未能竣

事。富德卽回至葉爾羌辦事。兆惠仍遵旨來京。此

次遣使索取。次第進兵。料拔達克山必生畏懼。行

聞凱奏。以慰朕懷。

命查議新疆効力武職員缺。

上諭軍機大臣曰。舒赫德等奏稱內地遣往新疆運

送什物官員。多係外委千把。未免呼應不靈。請揀

選副參遊守都司數員。分發開展哈喇沙爾庫車

阿克蘇等處。差遣委用。再阿克蘇葉爾羌。距哈密

開展更遠。請於哈喇沙爾庫車各處。額設馬駝牲

隻。以備通融更換等語。揀發武職。事屬可行。但此

平定準噶爾方略正編卷六

奏

等分發人員。與內地之卽可得缺不同。若卽帶內

地職銜。則綠旗營缺。又復壅滯。現交軍機大臣酌

議。著將舒赫德奏摺。錄寄楊應琚查明甘肅營缺

若干。揀發新疆人等。作何補用。未得缺時。或應酌

給公費。定議奏聞。至開展等處。額設馬駝接濟。於

運務有裨。將來官兵凱旋。有帶回馬匹。及現在解

送駝隻。分留各處。以備更換。及來年有無購辦分

撥俱著楊應琚籌議具奏。

命查陷賊偷生之官兵等正法。

上諭軍機大臣曰。兆惠奏稱齊凌扎卜查出隨西安

馬甲阿本泰之閒散都什格於康熙五十七年在

鳴斯被掠。鑲紅旗滿洲護軍費雅訥等於雍正九

年在和通呼爾哈被掠等語。費雅訥都什格係滿

洲世僕。被賊掠去。忍恥偷生。及大兵進剿。尚留戀

平定縣監正楊參不

天

妻室。不行投回。情罪可惡。著奉到此旨。即行正法。

將其家口充賞。

諭定原駐烏魯木齊辦事滿泰等情罪。

上諭軍機大臣曰。安泰查審滿泰貪婪敗檢。范時綬

役兵漁利一案。滿泰情罪確實。已命於該處正法。

至范時綬家人郭義藉端營利。伊先不知情。所開

店房。只用官匠一名。餘皆自僱。并未派出兵丁。范

時綬係特差辦事之人。理應潔已奉公。乃營私求

利。即治以重罪。亦所應得。但較之滿泰尚可從未

減。著革職交與定長。令其効力贖罪。定長等原叅

全派兵丁之處。亦未確實。著交部察議。

戊戌。

申諭刑部侍郎永貴等酌定追剿嗎哈沁道路。

上諭軍機大臣曰。永貴奏稱奉到令伊稍待努三。會

平定縣監正楊參不

天

同追賊之旨。隨即起程。在哈喇沙爾庫車一帶相

候等語。永貴前領兵至穆素爾山嶺。因雪大難行。

今又候努三同往。伊果親至其地。目睹情形。何妨

改從他道。所奏殊屬含混。并其會至穆素爾山嶺

與否。俱未可定矣。永貴宜速行札商努三。將道路

酌定。倘實在難行。則仍遵續降諭旨。由烏魯木齊

前往。務期盡剿逸賊。以紓衆憤。

諭御前侍衛署副都統安泰等照舊解送軍營馬匹。

上諭軍機大臣曰。五吉等奏稱准兆惠等行文。豫備

凱旋官兵。口糧羊隻。是軍營現在需馬無多等語。

伊等以為撤兵在即。則解馬一事。可以從緩。殊屬

非是。若軍營果不需馬。朕必降旨停止。豈可預為

揣摩。著傳諭安泰。五吉等。仍遵節次諭旨。加意趨

解馬匹。或於中途。得逆賊就俘確信。即駐候朕旨。

平定準噶爾方略正編卷六

三

再行定奪。

命嚴訊庫車居住之陷賊兵丁。

上諭軍機大臣曰。據德文奏稱庫車有正黃旗護軍

武善保之家人常壽。肅州綠旗馬兵馬祿。俱於和

通呼爾哈被掠。轉入回地。常壽曾娶回婦生子等

語。伊等前為厄魯特等略賣。俱忘本之人。請解送

肅州辦理等語。常壽馬祿。在回地二十餘年。大兵

收庫車時。即應據實投回。乃留戀不發。顯有附和

賊人情事。著楊應琚嚴審具奏。

恩賞署防禦茂罕巴圖魯號。署驍騎校塞卜騰藍翎。

上諭軍機大臣曰。署防禦茂罕在軍營行走有年。甚

屬奮勉。身被鳥鎗傷。著加恩賜號呼爾察巴圖魯。

賞戴孔雀翎。仍照例賞銀一百兩。署驍騎校塞卜

騰亦屬奮勉。著賞戴藍翎。仍賞銀五十兩。各回該

平定準噶爾方略正編卷六

三

旗休息。

已亥。

諭參贊大臣巴祿查奏署驍騎校塞卜騰功績。

上諭軍機大臣曰。昨努三委解賊人訥克衣之塞卜

騰經軍機處詢問。據稱伊於乾隆二十三年。富德

派往伊犁。安設臺站。有賊人七騎搶掠。隨領兵擒

獲。報知巴祿。俱經正法等語。塞卜騰既有擒賊功

績。該管大臣。自應奏請議敘。巴祿何以未經奏及。著傳諭令其回奏。

諭喀爾喀副將軍策布登扎布酌量堵賊及撤兵事宜。

上諭軍機大臣曰。策布登扎布奏。奉到由阿爾台轉回游牧之旨。擬將印務交福祿等辦理。伊與車木楚克扎布俱請入覲等語。是伊等此時業已撤兵。

平定縣縣志卷之六

三

朕昨又傳諭伊等。向上年舍榜逃入俄羅斯之路。堵截逸賊。或續經奉到。又復前往。亦未可定。但伊等若離游牧甚近。即不必再行。可傳諭知之。

訓飭辦理招撫錯謬之內閣學士清馥。

上諭軍機大臣曰。清馥奏稱在楚庫爾戈壁內。收服鳴勒雜特得木齊根敦等五十餘人。內有斗齊之父巴圖克勒木。令其招降伊子等語。辦理甚屬錯

謬。此次既收服根敦等多人。則斗齊藏匿處所。伊

等皆知。理應詢明。領兵往捕。乃遣人招降。何其畏

蕙之甚耶。即遣人亦應留心酌量。豈有即遣其父

之理。清馥又已被賊欺誑。若果能招降斗齊。則已

否則重治其罪。斗齊等皆誘去馬匹之狡賊。即來

降亦不可留。除將根敦等酌挑數名。前往解送馬

匹外。餘人俱送往肅州。交楊應琚請旨。又所奏濟

平定縣縣志卷之六

三

彥保毛庫本等。圍賊數日。請給以獎賞翎。兵丁酌

賞銀兩等語。伊等收服數十嗎哈沁。何至賞翎。此

皆清馥欲自見其功。以掩前咎耳。著傳旨申飭。濟

彥保等各賞緞一端。兵丁四十名。各賞銀三兩。俱

著清馥備辦。

定邊右副將軍富德等疏奏查詢勒殺賊黨

富德等奏言。臣等遵

旨將勦殺之逆黨阿布都克勒木及有名伯克等查

奏。伏查七月初九日。追及賊衆於阿勒楚爾。捉

生詢問。係阿布都克勒木親隨。供明伊主被殺。

又檢得回人內。有一尸體。胖面白鬚。髻連鬚。身

中數矢。及刀鎗傷數處。經伯克霍集斯等驗。係

阿布都克勒木。其爲何人所殺。未能確指。至本

日所殺大伯克甚多。謹將詢問得實者。列單恭

平定準噶爾方略正編卷六

奏

呈

御覽。其沙喇斯瑪呼斯厄魯特內。無爲首宰桑。計節

次勦殺。約三四百人。被拔達克山擒送者百餘

人。亦行正法。其中並無有名要犯。奏入。報

聞。

定邊左副將軍成袞扎布等疏奏定議休息喀

爾喀事宜。

成袞扎布等奏言。臣等前奏休息喀爾喀等事

宜蒙

恩諭交軍機大臣議奏。俱經准行。仍將應賠馬駝牲

隻。令臣等酌定年限。臣等仰體

聖主仁恩。謹擬將原奏各案應賠之項。以癸未年爲

始。照定額交納。供應侍衛官員。照理藩院行文

定數支給。其布延圖軍營。俟策布登扎布轉回。

平定準噶爾方略正編卷六

奏

卽行裁撤。并嚴飭四部落副將軍盟長等。曉示

該扎薩克。加意管轄所屬。以期生計饒裕。俱遵

旨傳諭。務期實力奉行。奏入。報

聞。

平定準噶爾方略正編卷之八十一

乾隆二十四年冬十月庚子。

定邊右副將軍富德等疏奏拔達克山呈獻逆

賊霍集占之尸函首送京。

富德等奏言臣等向拔達克山頭目素勒坦沙

索取逆賊霍集占波羅泥都再行遣使前往八

月二十五日據巴圖魯侍衛額爾登額遣吉林

平定準噶爾方略正編卷之八十一

一

佐領葉卜充額等稟稱聞拔達克山因鄰部欲

來取二賊遂先行殺死隨於九月初九日面見

素勒坦沙給與檄文賞物據稱擒獲霍集占等

之後即送至柴扎卜拘禁有瑣都斯部落前來

索取霍集占等文欲潛通我營國塔爾巴斯所

遣之人為我擒獲因集眾公議將伊等殺戮以

免後患等語額爾登額等云爾部既獲二賊不

縛獻而擅殺已屬不合此時即應將首級獻出

素勒坦沙尚以經典為詞再三辯論始云我等

已歸順

大皇帝但自行獻出恐眾人不應請遣人驗實再

定額爾登額等密諭從準噶爾脫出熟識二賊

之右衛滿洲納達齊前往據云驗過霍集占之

尸屬實其瘞埋波羅泥都之地與霍集占中隔

平定準噶爾方略正編卷之八十一

二

一牆但有血跡並無尸骸又令同行回人素勒

坦和卓密雜帕爾詳驗俱稱確實隨經額爾登

額驗得霍集占之尸左手有鳥鎗傷膀上鳥鎗

傷直透腋下右鳥鎗輕傷因詢波羅泥都尸骸

據稱波羅泥都會囑其從人云一切罪孽俱汗

和卓木所為我死後不可同一處葬或移至喀

什噶爾更好等語伊兄弟隨從共四十餘人內

有十餘人潛逃。或係將尸盜去。當遣人究問。遂於十三日。遣其親信往柴扎卜。將守尸之們多索丕等嚴審。十九日。據素勒坦沙告稱刑訊看守人等。實不知為何人盜去。若未殺而詭稱已死。日後敗露。

天朝豈能容恕。隨舉回經設誓。額爾登額等亦多遣

回人厄魯特等在外密訪。俱稱殺死是實。二十

平定準噶爾方略正編卷之三

三

一日。巴圖魯侍衛伍岱將回人們多索丕回婦

濟爾噶勒等。傳來訊問。僉稱被殺。又據們多索

丕告稱兩和卓木在柴扎卜原住居兩處。十餘

日後。有數人來。將二人拘於一室。三日後。忽有

二百餘人。圍守房屋。旋有數十人突入云。今來

殺汝二人。遂將我等曳出。良久。我搶入門內。見

二人俱被殺死。隨從者逃出十餘人。或將波羅

泥都之尸盜去等語。濟爾噶勒告稱兩和卓木

被殺時。我與瑪拉塔什阿璉之妻。及鄂勒錐圖

索丕等三人。擁擠不肯出門。有執刀二人。彼此

相顧。一人先斫小和卓木首。聯一綫。其大和卓

木。被斫未絕。我抱持哭泣。鄂勒錐圖將一人刺

倒。衆人遂疊刺和卓木胸前。併刺死鄂勒錐圖。

將我二人曳出。我等奮身直前求死。瑪拉塔什

平定準噶爾方略正編卷之四

四

阿璉之妻。遂被刺傷數處而死。我被刺絕而復

甦等語。薩喀勒索丕告稱兩和卓木被殺後。我

將尸骸掘地埋藏。當日即被傳喚到此。不知為

何人盜去等語。額爾登額等再四詰訊。并將霍

集占首級。令其識認。據呢雅斯索丕哭告。伊自

幼由我撫養。指點額角出痘瘡痕。記識甚確。因

將霍集占首級。及親見殺死波羅泥都之人。令

其於二十二日起程。將此先行報知。三十日。額

爾登額等到營。臣等與領隊大臣侍衛官員。及

伯克霍集斯摩羅郭波和卓布魯特阿奇木令

其識認。俱云。詳看首級。視生前雖覺稍變。但面

龐可識。其髮際右太陽瘡痕。鬚角及唇頰微鬚。

實係霍集占首級無疑。臣等諭來使端伯克云。

爾等不將逆賊縛獻。又不候使人到日。遽行殺

平定縣志卷之五

五

死。而波羅泥都尸骸。亦未尋獲。况前差侍衛薩

穆坦自爾部起程。次日。爾部遣人追告霍集占

因傷身死。今又云。與波羅泥都同時被殺。前後

互異。顯係藏匿波羅泥都。但將霍集占尸身送

出。據稱我等全部。皆投誠

大皇帝。欲安生業。故將二賊擒獲。但鄰部俱來索取。

若縱之他往。必會兵報讐。前此拘禁時。傳聞霍

集占傷重身死。及遣人往驗尚存。薩穆坦行後。

琿都斯即領眾五千。勒取二人。因決計殺死。以

絕其望。但我部不知罪人之尸。關係甚重。以致

看守不嚴。深為悔恨。此次遣使起程。素勒坦沙

即領兵二千。往禦琿都斯之眾。若波羅泥都未

死。或縱其逃去。豈能保無敗露等語。臣等又詳

訊們多索丕等回人。俱供係撫養二賊及隨從

平定縣志卷之五

六

多年之人。親見被殺。與額爾登額所報相同。查

蘇朱克圖之妻濟爾噶勒係獎賞孔雀翎布魯

特阿奇木之姊。薩喀勒索丕之妻係公鄂對姪

三等侍衛阿卜都爾滿之姊。伊等現在軍營。因

令其密行訪問。亦稱所言屬實。臣等伏思逆賊

霍集占波羅泥都蒙

聖主繼絕舉廢。生死肉骨之仁。乃敢悍然反噬。傷害

使臣抗拒大兵種種逆惡擢髮難數今年閏六月臣等奉

命三路進剿逆酋聞風潛遁全部乞降臣等輕騎追

襲仰藉

威福屢摧賊衆陣斬二千餘人收降一萬數千餘口

賊勢窮蹙逃入拔達克山臣等以利害曉其酋

長二賊遂被拘繫卒就誅戮函首獻欵恭順有

平定準噶爾方略正編卷二十一

七

加此皆我

皇上神謨睿慮續承

聖祖

世宗綏靖遐荒之丕緒自用兵以來平定準噶爾全部

左右哈薩克東西布魯特塔什罕安集延烏梁

海諸部先後內附今又平定回部殲厥渠魁收

降拔達克山部落十萬戶博洛爾部落三萬餘

戶闢地數萬里請為臣僕者數十部五載之間

建此偉績考之自古帝王未有若斯之神速者

臣等職在戎行幸宣敵愾尤不勝懽欣踴躍謹

遣

乾清門二等侍衛噶畢雅圖巴圖魯額爾登額等

將逆賊霍集占首級函送京師并將親見殺死

波羅泥都之們多索丕等及拔達克山素勒坦

平定準噶爾方略正編卷二十一

八

沙來使額穆爾伯克送京臣等即領官兵於十

月初二日回葉爾羌欽遵前奉

諭旨將舊派兵丁分起撤回新派兵丁酌留鎮守俟

至日另行詳議具奏敕書露布由驛馳遞奏入

上諭軍機大臣曰富德等奏報拔達克山素勒坦沙

全部歸誠呈獻逆賊霍集占首級從前兆惠富德

等撫定葉爾羌喀什噶爾等城時朕即諭以速追

逆賊為要。迨富德等勒兵向拔達克山索取。又諭

以理應速入追擒。今二賊伏誅。情事確實。則伊等

雖未能生擒俘獻。而勞績殊堪嘉悅。兆惠富德明

瑞阿里袞舒赫德及軍營大臣官兵。俱分別加恩。

宣諭中外。軍務告竣。兆惠富德等即遵旨來京。商

辦善後事宜。大臣官員等亦著分起前來。至伯克

霍集斯入覲時。將應行入覲之伯克等酌派數人

平定縣志卷之全

九

同來。勿令生疑。各隊兵丁若係十九年二十年派

出者。即撤回各該處。其餘兵丁酌派駐防。聞副都

統由屯患病。若尚未全愈。仍令其加意調養。不必

函行。前因舒赫德一人駐劄葉爾羌。會諭阿里袞

一同辦事。但喀什噶爾尚未有駐劄大臣。或令阿

里袞前往。著舒赫德等酌議具奏。伊等仍於領隊

大臣侍衛內酌留二三人。以備差遣。再富德等奏

波羅泥都身尸未獲。回人等有盜往喀什噶爾之

語。今將逃走之逆賊親隨等十五名。傳諭阿里袞

等留心查獲。併身尸送京。其富德所送隨從逆賊

之回婦內。有布魯特阿奇木及鄂對姪阿卜都爾

瑞之姊。俱著交付伊等。仍將軫念勞績。加恩賞給

之處曉示。其烏沙克伯德爾格等降人俱酌量安

插。及移送肅州分賞官兵。前諭策布登扎布於舍

平定縣志卷之全

十

楞投入俄羅斯一路。駐兵堵截。今逆賊授首。著即

回游牧。努三承貴不必追勦。嗎哈沁戕害德舒之

賊著舒赫德於來春派兵數百名。搜捕務獲。五吉

清馥亦遵前旨。將所解馬匹。於中途聞信後。擇地

牧放候旨。安泰蘇勒亦著回京。舒常可往省伊父。

再行轉回。額敏和卓玉素富俱著勞績。此時若同

來。則回部經理乏人。額敏和卓著加恩晉封郡王。

同舒赫德駐劄辦事。玉素富著加恩賞給郡王品級。來京請訓後回游牧休息。俟更換額敏和卓時前往此次紅旗奏捷甚為迅速著加恩將經過各臺站交該管大臣詳查造冊送部議敘併將大功告成傳諭章嘉胡土克圖及駐藏大臣俾衛藏及阿里拉達克等處知之。

賜拔達克山素勒坦沙

勅書

奉

天承運

皇帝勅諭拔達克山素勒坦沙將軍富德等奏爾擒獲逆賊霍集占波羅泥都因鄰部生心俱行殺戮遣使請驗逆尸函首以獻全部歸降願為臣僕恭順之忱深用嘉悅俟爾使至京自必優加賞賚茲

平定準噶爾方略正編卷二十一

十一

以降勅賜爾蟒緞四端其爾處所拘之阿卜都海

里鄂斯瑪俱受逆賊信任附和為惡將軍大臣等

奏請論爾縛獻朕念伊等尚非霍集占之負恩反

噬可比爾等若以業經誓約乞其餘生朕亦加恩

賞給但此二人在葉爾羌喀什噶爾諸回人中頗

著名字爾游牧相近當嚴行約束毋俾潛逃生事

致有乖誠爾爾與所屬其善自為計以永荷將來

之恩澤特諭

以平定回部

宜諭中外

上諭大學士曰將軍富德等奏報拔達克山素勒坦沙奉檄拘禁逆賊霍集占等於柴扎卜嗣因霍集占欲與琿都斯等部落暗行攻襲當將霍集占波羅泥都勒殺呈獻霍集占首級并看守逆尸人等

平定準噶爾方略正編卷二十一

十二

隨經驗看明確。馳送京師等語。前此大兵平定準噶爾各部悉入版圖。而東西布魯特。左右哈薩克。無不傾心向化。獨逆酋霍集占兄弟。辜恩反噬。不

得不興師問罪。雖葉爾羌喀什噶爾等城。以次撫降。設官定賦。將就蕝事。而克渠一日不獲。則軍務一日不竣。是以旁午軍書。焦勞籌畫。並非好為窮兵黷武之舉。自將軍兆惠富德等。勵眾選兵。先後

平定回疆方略編卷全一

三

追勦。屢獲全勝。賊勢愈感。安集延與拔達克山諸部。共知感仰恩威。歸誠恐後。今既奉檄自効。逆酋授首。從此邊陲寧謐。各部落永慶安全。露布遠聞。此皆仰荷

上蒼福祐。

宗社鴻庥。俾朕得續

皇祖

皇考未竟之丕緒。惟益勵特盈保泰之心。夙夜倍切。冰兢。此意當與中外臣民共之。茲當殊勲克奏。茂典應修。

郊

廟告功。益申昭報。時當長至。朕方躬祀

園丘。其勅所司。敬舉受釐宜捷之忱。載諸祝冊。用申懇

款。恭惟盛京

平定回疆方略編卷全一

兩

三陵禮應親謁叩謝。但以序屆冬寒。恐勤屬車之衆。特遣親王前往恭代。

東陵

西陵卽擬親赴展謁。而計程往返。適屆

慈寧萬壽慶辰。敬以明年獻歲。諒日親詣行禮。然終不

足以抒積悃。擬告祭

太廟之日。朕親行展事。至

方澤

社稷。照例遣親王恭代。冬至次日。朕恭詣

皇太后宮行禮。亦於表文內。增撰武成慶語。其御殿頒

詔諸儀。一併舉行。既以循令節而送崇禋。卽以慰

慈懷而布溥惠。其餘一切典禮。各該衙門察例舉行。將

軍等凱旋至京時。朕當親臨郊勞。念我大臣官弁

等。敵愾奏功。助施懋著。酬庸論賞。應備恩榮。將軍

平定準噶爾方略正編卷全一

圭

兆惠已晉公階。并迭賜章服。其加賞宗室公品級

鞍轡。以示寵異。將軍富德著晉封侯爵。并賞戴雙

眼翎。兆惠富德再著加授一子爲三等侍衛。叅贊

公明瑞公阿里袞并賞戴雙眼翎。舒赫德及在事

大臣官員。均交部從優議敘。兵丁之在行陣者。賞

給兩月錢糧。其葉爾羌等城兵丁。并賞錢糧一月。

爰著策勛之令典。益昭綏遠之鴻猷。將此通諭知

之

命陞賞霍斯庫魯克勦賊有功官兵。

上諭軍機大臣曰。前據明瑞奏敘勦賊於霍斯庫魯

克之奮勉有功官兵等。應加恩陞賞。以酬勞績。乾

清門二等侍衛什爾瑪海巴圖魯德爾森保著授

爲頭等侍衛。三等侍衛哈朗圭巴圖魯塔瑪鼐三

等侍衛滿柱俱授爲二等侍衛。二等侍衛莽喀察

平定準噶爾方略正編卷全一

夫

額爾克巴圖魯海蘭察俱授爲頭等侍衛。藍翎侍

衛肯特克巴圖魯羅托著授爲三等侍衛。打牲叅

領什爾瑪海巴圖魯獎賞孔雀翎。滿濟勒圖著授

爲總管。佐領齊爾瑪海巴圖魯獎賞孔雀翎。哲野

勒圖著授爲叅領。驍騎校獎賞藍翎。立格署防禦

驍騎校獎賞孔雀翎。卓楞德衣驍騎校烏納哈俱

著授爲防禦。馬甲獎賞藍翎。齊布哈伊特格勒圖

巴圖魯領催獎賞藍翎穆庫楚白都訥獎賞藍翎
 領催納喇善吉林領催堪泰俱授為驍騎校獎賞
 藍翎前鋒遜塔著授為護軍校打牲馬甲察罕泰
 八十九額勒圖呼爾厄魯特馬甲們都伯勒克俱
 授為領催鑲白旗滿洲護軍校署章京常青著授
 為副護軍叅領副護軍校富明鑲黃旗滿洲藍翎
 長富昆鑲白旗滿洲前鋒烏爾泰鑲黃旗滿洲前
 鋒九十俱著授為護軍校此內莽喀察等奮勉陷
 陣援出官兵應格外加恩莽喀察著賜號丹巴巴
 圖魯立格賜號特古爾德爾巴圖魯卓楞德賜號
 特古斯巴圖魯額勒圖呼爾賜號哈叻巴圖魯們
 都伯勒克賜號卓里克圖巴圖魯九十賜號庫魯
 巴圖魯各賞銀一百兩
 命額駙色布騰巴爾珠爾等管理大閱事務

平定縣志卷之十一

七

上諭軍機大臣曰拔達克山遣使入覲應大閱八旗
 官兵俾知天朝武備此時預為操演方覺嫻熟著
 派色布騰巴爾珠爾扎拉豐阿管理

定邊右副將軍富德等疏奏招服博洛爾部落
 富德等奏言臣等前於葉爾羌收獲回人愛達
 爾伯克詢知伊係博洛爾部落有三萬戶與拔
 達克山接壤因與霍集斯商議繕給托霍斯肯
 之伯克伊斯邁拉和卓獎賞藍翎敦多卜等印
 文於九月初三日前往招撫今據博洛爾頭目
 沙和碩默特遣使該畢伯克等前來軍營據伊
 斯邁拉和卓等告稱行至沙和碩默特所居十
 里外即遣人迎接次日相見沙和碩默特敬奉
 印文譯看訖戴於帽頂十七日筵宴使人以歸
 附奏章付該畢等起程并云拔達克山若不獻

平定縣志卷之十一

大

出霍集占等。我即選眾隨征。情詞甚為恭順。臣等加以撫慰。十月初一日。同拔達克山使人一體筵宴。交額爾登額等。伴送來京。謹將該部落奏章。臣等文檄。一併恭呈

御覽。奏入。報

聞。

辛丑。

平定準噶爾方略正編卷之十一

九

諭定邊將軍兆惠等辦理伯克霍集斯等來京。

上諭軍機大臣曰。昨諭兆惠富德等與霍集斯借來。

并將應行入覲回人。一同行走。使之不疑。今大功

告成。霍集斯不無覬覦。率同入覲。更宜慎之又慎。

方合事機。伊若以往和闐。或烏什整裝為詞。即婉

言勸阻。令其派出親信前往。若求兆惠等同去。更

屬不可。霍集斯起程後。舒赫德即將伊子漠訥吧

爾及其家屬。盡行整裝送京。至回地既無滋事之人。則將來仍於伊犁駐兵。以休息各城回眾。惟令其輸納貢賦。一應善後事宜。伊等即會商妥議具奏。

以用兵準噶爾始末。

宣諭諸王大臣。

上諭諸王大臣曰。拔達克山素勒坦沙等歸誠。逆賊

平定準噶爾方略正編卷之十一

十

霍集占授首。於辦理回部。固告成功。而平定準噶

爾全局。亦於此大定。昨已降旨宣諭中外。王大臣

等。躬逢國家景運昌隆。殊勲捷奏。當與朕同心感

慶。敬迓

天庥。而朕於班師奏凱時。迴念前事。轉深祇懼。非僅為

履滿思謙之虛語也。準噶爾一部。久外生成。自我

皇祖

皇考時屢申捷伐。未既厥緒。前都爾伯特策凌凌烏

巴什等。方款關內附。在庸庸無識之徒。生際升平。

日久。方皆狃於便安。謂可拒而不納。殊不思堂堂

天朝。撫馭方夏。如達瓦齊之蠢然一物。縛致京師。

以降王參養數載。亦朝臣所共見者。豈有儼然視

如敵國。至不敢受其降人之理。然彼時朕以任事

乏人。尚未即決策興師也。厥後阿睦爾撒納等各

部來降者。叩關踵接。實繁有徒。於義固有難辭。而

處之邊隅。又足為喀爾喀貽患。勢不得不經理游

牧。返之故地。且

上蒼錫祚垂禧。予以經畫邊陲之事。俾朕繼述我

祖宗未竟之志事。而朕敢惑於浮議。不勉思敬以承之

乎。今統計用兵不越五載。內地初不知有徵發之

勞。而關門以西。萬有餘里。悉入版圖。如左右哈薩

平定縣志卷之三

三

克。東西布魯特。及回部各城。以次撫定。現在拔達

克山諸部落。皆知獻俘自効。捧檄前驅。以亘古不

通中國之地。悉為我大清臣僕。稽之往牒。實為未

有之盛事。即朕始願亦不敢望其遂能至此也。人

情可與樂成。難與慮始。在久安長治之餘。亦勢所

必有。然憂盛危明。正當動色交儆。此番還方綏靖。

我將軍參贊以及一介執戈之士。無不得爛行陣。

於國氣人才。深有裨益。然非朕力為振作。信賞必

罰。以淬勵之。其誰不畏難苟安。而坐希無事之福

乎。今即飲至告功。而日有萬幾。宵旰疇咨。又何能

自釋敬事之懷。有一日之可逸者。即前此軍務方

殷。運籌乙夜。曾不廢令節燕饗之文。憂愁二字。朕

惟於望雨憫農用之。於軍務亦未至於憂愁困苦。

如衆人之所畏者。茲雖大告武成。亦惟永懷圖易

平定縣志卷之三

三

思艱以爲昭受疑承之本。又豈可恣意求逸耶。然如去冬兆惠深入回地。猝爾被遮。設非朕先時各路派兵運饗在道。何由集事神速。便若轉圜。此一節朕不自謂洞燭先幾。而深荷

天地

祖宗眷祐。默膺朕衷。實愜於懷。於此益信

天人感應之符。捷如影響。而欽承

平定準噶爾方略正編卷之十一

重

景命。我君臣當益交勉之。軍營在事諸臣。昨已加恩優敘。至同朕辦理軍務者。惟大學士傅恒與朕一心。日夜不懈。前因伊犁平定。賜加雙公。曾涕泣固辭。今伊子傅靈安尚非披堅執銳之歲。而卽能奮勇行陣。屢著勤勞。實愜朕望。著賞給傅靈安頭等侍衛。以著酬庸之典。大學士來保年近八十。行走不懈。及諸軍機大臣官員。日夜隨侍。候報抄錄。一切

均著勤勞。大學士傅恒來保及軍機大臣。并軍機

處行走官員。著交部一併議敘。仍將此旨通行曉

諭知之。

壬寅。

諸王大臣請加上

尊號。

上不允。復

平定準噶爾方略正編卷之十一

重

諭曰。諸王大臣等以拔達克山素勒坦沙投誠。逆賊霍集占授首。準噶爾全局大定。具表奏賀。并請加上尊號。雖援据典章。而朕功成祇懼。彌切於懷。豈肯崇尚虛文。勉從所請。西陲一事。仰賴

上蒼福祐。

宗社鴻庥。殊勲速奏。隸版籍者二萬餘里。治軍書者不
及五年。載籍以來。實罕有倫比。而朕所深用。愜心

者。乃不在遠圖之式廓。而在

先烈之克成。欽惟

皇考付畀朕躬。夙夜勉圖。繼述矧在早年。備承

皇祖眷顧。攸隆每遇軍國重務。卽令面聆

聖訓籌畫。是朕躬之仔肩倍重。而纒緒者亦倍艱。今以

數載間。運籌決策之勞。克全我

兩朝捷伐。綏遐之略。返衷自問。差可無負

平定邊疆聖鑒錄卷全

五

燕胎者。當在於是。故非好大喜功之爲見也。我

皇祖聖德神功。超越萬古。戡定殊勳。炳於史冊。廷臣請

上

尊號。尚未允行。乃者關門以西。迄乎大漠。雖通亘古未

通之境。究以國家全盛餘力及之。視當年之事會

稍需刻難中輟者。其緩急輕重。固不可同年語矣。

然方其罪人未得。朕斷不因盈廷畏蒞。輒事苟安。

若逆渠既獻。誠告功。則國法用申。而軍威自無可

極。是以富德捷奏。尚請追索鄂斯璦。阿卜都海里

二人。以絕根株。朕以成事已蒞。卽傳諭飭止之。固

不能惑於築室之謀。亦豈或蹈夫佳兵之戒。所謂

行乎不得。不行止乎其所當止。無成心也。茲功成

事定。惟欽遵

祖宗之成法。益深兢業耳。所有王大臣等加上尊號之

平定邊疆聖鑒錄卷全

五

請。不必行。敬惟辛巳歲。恭逢

聖母皇太后七十萬壽慶辰。鉅典鴻儀。舉行伊邇。茲以

膚功既奏。上慰

慈懷。已於長至節。宣表稱賀。推

恩展禮。稠疊便蕃。其崇上

徽稱。宜以普天

大慶時。敬謹恭擬。再行奏請

懿旨。諸王大臣其明體朕意。

臣等謹案平回之役。初由戡定準噶爾部所連及。而核其始終本末。則西師戡成全局。繫焉方二酋。倘德鳴張滅亡。固其自速。然當勢窮。鉅險三週。

王師蹶踪。摧陷猶冀。竄身同教。援据經典。不卽縛獻。為辭。遊魂暫資假息。我

平定準噶爾方略正編卷全

羊

皇上神謨遠燭。

預勅將軍等統兵壓境。必以罪人斯得為期。是以拔

達克山懷

德畏

威。不獨函馘繫俘。計不旋踵。而諸部之聞風內附者。

且遠近琛球相屬。於是分屯勸墾。定賦贖軍。

回地日開。而伊犁疆索所臻。益助金湯之鞏。

矣。設令二酋乘釋繯。還巢之後。安居故土。反

噬不生。是猶四衛喇特。或沿初制。世封部長。日久保無并吞滋釁。勤我遠圖。蓋惟

天心誕界純禧。故投會迎機。事獲一勞而永逸。亦惟

廟算先幾。決策故隨宜定變。功歸一舉而兼收。而

聖德淵冲。尤兢兢以保泰持盈為亟。惟

天

平定準噶爾方略正編卷全

天

祖錫祚胎。庥之厚澤。卻臣民崇上

尊號之彌文。於以勵明作而儆宴安。綿億萬世善建

不拔之丕基。皆於是乎在。又豈隆古史書。侈

陳景燦所能導揚

盛美者哉。

諭定邊將軍兆惠等會商牧放馬匹。

上諭軍機大臣曰。楊應琚奏稱現在大功告成。撤兵

在卽除第一起馬五千匹。照常解送。以資官兵更換乘騎。其二起。三起。則酌量存留備調。及撥補各營缺額等語。解送軍營馬匹。若已足用。卽如該督所議。分別辦理。或內地採買草豆。未免拮据。而沿途不堪繁費。卽送往巴里坤。擇水草牧放。以備伊犁等處駐兵屯田。搜捕嗎哈沁之用。今該督已奏報起程出關。應與兆惠舒赫德等相遇。自當相度情形。妥協商辦。一面具奏。俱著傳諭知之。

平定邊疆方略卷之二

无

癸卯。

諭定邊將軍兆惠等酌議駐兵屯田事宜。

上諭軍機大臣曰。舒赫德奏稱駐防伊犁。應派出滿洲索倫兵四千名。建築城堡。亦派綠旗兵四千名。

所需口糧。由水路造船運送。第一年。派回人三千

戶前往屯田。或馬匹。或牛驢。亦購辦二三千。豫備

命撤噶斯等處卡倫

調用等語。伊犁駐兵屯田一事。原議以來年爲始。由近及遠。若一時齊集滿漢兵丁。及回人踰萬。殊覺張皇。頗露作難之意。豈謂若此。遂可停其辦理乎。伊從前與成衮扎布同勦厄魯特時。拘泥招降之策。將沙喇斯瑪呼斯等疎脫。以致投入逆回。抗拒大兵。伊係効力贖罪之人。因在阿克蘇辦事。頗屬盡心。故加恩復用。看來舊習全未悛改。著傳旨

平定邊疆方略卷之二

三

申飭。至於屯田伊始。或派兵五百名防守。回人五

百戶耕作。計所獲之糧。足敷食用。再議開擴。其原

議駐防官兵四千名。亦擬分駐葉爾羌喀什噶爾

阿克蘇等城。就回人交納糧石。以資養贍。况回部

不便久駐我兵。前此亦曾諭及舒赫德。既如此。陳

奏著傳諭兆惠富德楊應琚等。詳悉妥議具奏。

命撤噶斯等處卡倫

上諭軍機大臣曰。從前副都統多爾濟奏請裁撤由西寧之噶斯通伊犁之德卜特爾等處二十三卡倫。彼時因逆賊等尚在遁逃。稍為留待。今大功既成。著將前項卡倫。即行撤回。一切遵照原議辦理。以舉行筵宴典禮。

命傳諭定邊左副將軍成袞扎布等。

上諭軍機大臣曰。平定回部大功告成。北路將軍大

平定回疆方略卷之三

三

臣等。同此懽慶。可傳諭成袞扎布等宣示喀爾喀

四部落。及都爾伯特部落知悉。策布登扎布即計

程於十二月二十前後抵京。同赴太平嘉宴。阿拉

善王羅卜藏多爾濟等從戎頗著勞績。亦著徧諭

所部。并率軍前効力已經出痘之人。來京筵宴。

命四川湖廣等處協濟甘肅錢文。

上諭大學士曰。前因甘省錢價昂貴。傳諭四川湖廣

各督撫。於局鑄餘錢內。酌撥協濟。現在大兵凱旋。

及一應屯田事務。民間日用錢文。在所必需。著於

四川省。每年協濟錢十二萬貫。湖廣省。每年協濟

錢八萬貫。按數分起。解甘濟用。其所需工本物料

價值。以及水陸運費。各該省俱作正項報銷。毋庸

甘省歸還。以示體恤。其甘省易錢銀兩。並著照數

報部撥餉。該部即遵諭速行。

平定回疆方略卷之三

三

甲辰。

命分別安插收服之嗎哈沁等。

上諭軍機大臣曰。清釀奏稱伊在楚庫爾戈壁內。收

服厄魯特根敦等男婦五十三名口。內根敦等四

人。請留巴里坤作為嚮導。餘人交安西提督歸入

綠旗兵缺等語。綠旗兵餉。原以養贍內地之人。此

等嗎哈沁性習叵測。不但占內地額缺。且乘間脫

逃。又滋事端。著傳諭清馥將人誠實行走出力者酌量挑補數名。餘俱送往肅州賞官兵為奴。并傳諭楊應琚知之。

乙巳。

命以官犯達什朗等緩決情由。曉示軍營官兵。

上諭軍機大臣曰。此次勾決人犯。將達什朗囊宜謙

緩決。特以上年庫車債事。皆雅爾哈善之罪。此等

平定縣獲盜編卷全一

五

微末官員。不過聽其指使。因將軍辦理不善。致獲

罪戾。若雅爾哈善等果於軍務妥協辦理。而伊等

不能遵奉。則一經叅奏。早已在軍營正法。以昭炯

戒。尚何待解送京師質訊耶。朕辦理一切庶務。惟

以大公至正為懷。毫無偏曲。著將此二犯緩決情

由。傳諭軍營官兵知之。

命議處內閣學士清馥。

上諭軍機大臣曰。清馥奏稱奉到訓飭諭旨。即領兵

七十名。往追嗎哈沁等語。清馥係領兵追賊之人。

既知踪跡所在。即應親身前往。乃諉之官兵。是以

降旨申飭。伊得旨後。不過以十數人趨行。會合前

遣官兵。儘可剿捕逸賊。何必又派多兵。其意特在

自衛耳。伊即往追嗎哈沁等不返。復何足惜。而我

兵七十人。徒勞往還。乃專為保護伊身之用。甚屬

平定縣獲盜編卷全一

五

不堪。清馥著交部嚴加議處。此次辦給官兵之馬

駝牲隻口糧。俱著落清馥賠補。

諭護軍統領努三等搜捕嗎哈沁事宜。

上諭軍機大臣曰。努三奏稱阿勒坦和碩嶺。在穆素

爾額林哈畢爾噶兩山梁之間。夏令尚有積雪。此

時更不可行走。惟伊犁河源路通哈什空格斯和

洛台等山。野獸頗多。賊眾或於此藏匿。請與永貴

合兵搜捕等語。所見甚是。但永貴似未至穆素爾嶺。果如前奏。何未見知會努三。此時伊等應已合兵一處。若能擒賊固善。否則遵旨回京。交舒赫德派出領隊大臣侍衛等酌量領兵搜捕。努三所帶厄魯特嚮導數人。若効力屬實。亦著回來。併傳諭舒赫德知之。

丙午。

平定準噶爾方略正編卷全一

三

諭定邊將軍兆惠等解送降回酌量安插分賞。

上諭軍機大臣曰。兆惠奏稱齊凌扎卜解到回人內。係逆賊迫脅之各城回衆。俱安插吐魯番。其伊犁塔里雅沁伯德爾格烏沙克等衆。送往肅州。照厄魯特之例辦理等語。兆惠具奏時。似尚未聞逆賊伏誅之信。蓋霍集占一日未獲。則此等回人。仍懷叵測。今大功告成。自可從寬免死。前已屢降諭旨。

仍著送至肅州分賞官兵。其葉爾羌等城回衆。亦不必安插吐魯番。即順便留於各該處。若係葉爾羌喀什噶爾回人。如已過該處。亦不必復回。即分派庫車沙雅爾賽里木吐魯番等處安插。此數年來各城未免地廣人稀。令其耕種。亦甚有益。著速傳知齊凌扎卜等遵照辦理。併諭兆惠舒赫德知之。又

平定準噶爾方略正編卷全一

三

諭曰。齊凌扎卜所解烏沙克伯德爾格塔里雅沁等回衆。已諭送至肅州。分賞官兵。但伊等素染惡習。今雖從寬免死。仍須嚴加防範。著傳諭楊應琚吳達善分賞此等回人時。必離其黨羽。每一處以十人爲率。不可過多。楊應琚業經起程出關。吳達善即遵照辦理。

命議敘勦殺布魯特賊衆之大臣官兵等。

上諭軍機大臣曰。兆惠等奏稱。副都統豐訥亨前往

安設臺站。至額格爾呼爾。哨探之厄魯特驍騎

校伊薩瑪里。見賊踪跡。同布魯特嚮導雅克什擒

獲一賊。雅克什又招降結寨賊眾。幾中烏鎗。豐訥

亨續到。勦殺二十餘賊等語。豐訥亨辦理臺站。即

能勦賊。殊屬奮勉。著交部議敘。伊薩瑪里雅克什

俱授為藍翎侍衛。其隨往効力官兵。俱著造冊送

平定縣志卷之十一

七

部議敘。

命叅將王玉廷等補授固原副將等缺。

上諭軍機大臣曰。兆惠奏稱。陝西固原所屬之博羅

營副將莫倫岱病故。軍營應陞副將者。惟王玉廷

一人。其遊擊內之富廉巴顏弼。請俟叅將缺出陞

補等語。王玉廷富廉巴顏弼。上年庫車攻戰得傷

頗著勞績。著加恩將莫倫岱員缺。以王玉廷補授。

所遺叅將員缺。即著富廉補授。巴顏弼著記名。遇

有叅將缺出。即行陞補。

命解送從安集延脫出之原任護軍達林來京。

上諭軍機大臣曰。兆惠奏。正紅旗滿洲護軍達林於

雍正七年被掠。轉入安集延。近聞大兵進剿。兩次

潛行得脫。來至英噶薩爾。伊並未薙髮。且聞信即

行脫回。本心尚未盡泯。請旨安插等語。達林著解

平定縣志卷之十一

天

送來京候旨。

平定準噶爾方略正編卷之八十二

乾隆二十四年十一月庚戌

諭叅贊大臣舒赫德等查勘回地出產硝磺。

上諭軍機大臣曰。據德文奏稱內地所送鉛子火繩。

尚足敷用。惟火藥無多。查庫車附近出產硝磺。可

以採取配合。給與臺站卡倫官兵。其舊存火藥。加

意照看。收貯備用等語。庫車附近既產硝磺。較之

內地運送更屬近便。看來阿克蘇等處。或有出產。

亦未可定。可傳諭舒赫德楊應琚留心查勘採取。

以備軍需。

壬子。

定邊將軍兆惠等疏奏留駐兵丁事宜。

兆惠等奏言。副將軍臣富德於十月初二日。自

拔達克山凱旋。俟抵葉爾羌後。臣等酌將葉爾

羌喀什噶爾兩城。應留駐滿洲索倫蒙古兵若

千。其餘即行撤回。議奏辦理。其綠旗兵八千餘

名。回地糧餉價昂。且屯田亦需調遣。除伊犁駐

兵另議外。酌於葉爾羌喀什噶爾各駐兵一千

名。英噶薩爾駐兵五百名。俱於本年派出新兵

內揀選。以提督董孟總兵容保楊寧分領。餘兵

令提督閻相師總兵五福等帶往庫車。其舊調

之兵。即撤回原處。又西安兵四百名。酌留字識

外。餘亦撤回。奏入。

上諭軍機大臣曰。兆惠所奏撤兵一事。朕意上年調

往之滿洲索倫兵。俱在外未久。且暫留該處。惟得

傷病廢人等。自應撤回。將來伊犁駐防。需兵尚多。

應另派京營滿兵。更替行走。俾伊等練習事務。甚

有裨益。著傳諭知之。

乙卯

諭陝甘總督楊應琚等派兵屯田事宜。

上諭軍機大臣曰。楊應琚奏稱即日班師凱旋。其應

行派往烏魯木齊之官兵五千名。正可順道分撥。

必得提鎮大員統轄等語。現在閩相師。五福領揀

選所餘兵丁。回至庫車。即於此內酌撥。著閩相師

領赴烏魯木齊。辦理屯田事宜。可傳諭楊應琚舒

平定縣志卷之三

三

赫德會同妥辦。併諭兆惠知之。

丙辰。

命御前侍衛署副都統安泰總理屯田貿易事務。

上諭軍機大臣曰。昨因大功告成。無庸再送馬匹。命

安泰回京。今思來年烏魯木齊等處。增兵屯田。又

有哈薩克貿易。恐永德永瑞二人。辦事不能周到。

安泰係內廷人員。尚可任使。著不必來京。即前往

烏魯木齊。總理屯田貿易事務。

戊午。

定邊將軍兆惠等。疏奏霍罕額爾德尼等遣使

入

觀。

兆惠等奏言。二等侍衛達克塔納等於十月初

十日回營。告稱先由喀什噶爾起程。至額德格

平定縣志卷之三

四

訥布魯特阿濟比所居之諾哈特。將伊等收服

後。隨至安集延。其為首四伯克。供給羊隻。住居

六日。又收服瑪爾噶喇人眾。又住居十二日。霍

罕額爾德尼伯克。會集那木干等城伯克。及奇

卜察克等布魯特。並霍罕摩羅阿瑛等相見。傳

示將軍檄文。額爾德尼告稱聞大兵平定。準噶

爾。收服布魯特。我等甚為瞻望。今情願將所屬

安集延瑪爾噶朗那木干霍罕等四城為

大皇帝臣僕。敬遣頭目擇吉起程等語。旋供給酒食

衣服馬匹。遣屬人托克托瑪哈瑪特拜瑪哈瑪

特同來。察看各城生計富饒。人情恭順。起程後

沿途招服齊里克頭目優瑪特之兄呼達呼里

及將軍交查額爾克和卓之弟帕爾薩和卓現

在瑪爾噶朗城內。亦皆同來等語。臣等即令來

平定準噶爾方略正編卷之三

五

使入見。伊等跪獻恭進

皇上表章。暨臣等書呈。譯其書云。額爾德尼伯克敬

請

大皇帝欽差統兵將軍大人等安。仰賴

大皇帝洪福。大眾安善。聞得哈薩克布魯特。俱奉檄

文。我等正在盼望。今侍衛等前來。不勝感悅。特

差親信人等面稟。如蒙許允進京。並求指示等

語。臣等詢問來使。有何面稟。據稱我布魯特諸

部。每相侵奪。我額爾德尼伯克。欲為剖斷是非。

懇求

大皇帝賞給璽書。約束布魯特等語。臣等告以各布

魯特等。多有先來歸附者。今爾等惟應將四城

屬人。自行加意管轄。不生事端。

大皇帝自必加

平定準噶爾方略正編卷之三

六

恩。前經額德格訥之阿濟比。告知額爾德尼歸附之

信已蒙

勅諭。並賞給緞疋荷包。因路遠尚未實到。今將爾等

護送入京。瞻仰

天顏。敬聆

聖訓。遵行。又詢據呼達呼里等。告稱我等共四千餘

戶。頭目優瑪特。因未出痘。令我等入京等語。請

俟額爾德尼恭

進馬匹及阿濟比來使到日。即交達克塔納等帶

領入

覲計來年正月上旬。可至京師。謹將額爾德尼等奏

章。繕譯恭呈

御覽。其原奏仍交來使齎捧。奏入。得

旨。下部知之。

平定縣志卷之三

七

命陞賞收服霍罕等城之侍衛達克塔納等。

上諭軍機大臣曰。兆惠等遣往收服霍罕等部落之

侍衛達克塔納。及隨行之領催三濟等。甚屬奮勉。

二等侍衛達克塔納著加恩授為頭等侍衛。巴爾

虎領催署驍騎校。三濟著授為驍騎校。馬甲納卜

齊著授為領催。厄魯特薩爾泰著獎賞藍翎。

命加賞副都統愛隆阿世職。官兵從優議敘。

上諭軍機大臣曰。富德等奏稱愛隆阿領兵百餘名。

巡查臺站。捉生詢問。知瑪呼斯賓巴等男婦一百

三十餘人。謀搶察罕烏蘇等臺站。逃往安集延。愛

隆阿即領兵追襲。勦賊五十餘人。俘獲男婦七十

餘人。收取馬駝軍器等語。愛隆阿一聞賊人信息。

即行追勦。甚屬可嘉。從前曾賞伊世職。著再行加

賞。仍從優議敘。其得功官兵。著造冊送部。亦從優

平定縣志卷之三

八

議敘。

諭定邊將軍兆惠等查奏陣亡之索倫尼薩勒圖等。

上諭軍機大臣曰。今日引見索倫佐領。據巴巴里奏

稱伊父尼薩勒圖於乾隆二十一年。賫送諭旨與

達爾黨阿。由雅爾拉河前往未回。業經陣亡。啟圖

奏稱伊兄克勒車爾二十一年。在總管畢里袞隊

內。於阿魯海地方陣亡。旋因策楞獲罪。未知曾否

報部等語。隨交該部查閱陣亡冊內並無二人之名。著傳諭兆惠等查明具奏。

定邊右副將軍富德奏敘西安滿營筆帖式綬保隨侍衛達爾黨阿辦送馬匹行走勤慎。

命以應陞之缺即用。

定邊右副將軍富德等疏奏敘卹陣亡受傷官兵。及辦理沙喇斯瑪呼斯等賊衆。

平定準噶爾方略正編卷之三

九

富德等奏言。臣等前駐拔達克山邊界。派出官兵。搜剿盜竊臺站之布魯特等。查有察哈爾署叅領敦多克兵丁羅卜藏護軍噶爾丕等。尋踪遇賊。中鎗陣亡。臺站兵丁阿玉什。旺扎爾。巴雅爾圖。察哈爾兵丁烏巴什。俱以遞送事件。遇賊被害。健銳營前鋒雙泰。因布魯特賊衆盜馬。捕賊陣亡。並受傷兵丁五名。均請交部議敘。議卹。

又欽奉

諭旨。沙喇斯瑪呼斯餘衆內。有無戕害滿福之敦多克。哈什哈。查臣等在瑪爾濟。飛勦滅賊衆時。卽詢及二賊。厄魯特等。僉稱。二賊自誘害官兵後。愈肆狂悖。爲衆所殺。並未逃入回部。奏入。報

聞。

已未。

平定準噶爾方略正編卷之三

十

以副都統愛隆阿剿賊功績。

宣諭軍營。

上諭軍機大臣曰。愛隆阿巡查臺站。一聞瑪呼斯餘孽。欲行搶掠。卽領兵追襲。盡勦賊衆。已諭部從優議敘。加賞世職矣。愛隆阿此次奮勉。更非尋常勦賊可比。蓋大功旣成。此等逸賊。並未責伊專辦。卽使逃脫。伊亦不至獲咎。乃聞信卽行。伴逆黨不致

漏網。而臺站得以無虞。可謂急公任事。大臣官員等。果能如此存心。何功不就。朕深為嘉予。從前賞伊雲騎尉世職。著加恩賞給騎都尉。此時兆惠等應已起程。著舒赫德傳諭愛隆阿。并通諭大臣官員兵丁等知之。

諭定邊左副將軍成袞扎布。寬免嚮導達什扎卜等鞭責治罪。

平定縣縣志卷之三

土

上諭軍機大臣曰。成袞扎布奏稱嚮導達什扎卜。博貴等往策布登扎布軍營遞送事件。歸途擒獲嗎哈沁。知有盜馬賊人踪跡。選騎兵十二人往捕。賊黨頗眾。我兵被陷者七人。旋經脫出。達什扎卜等復請前往追捕。効力自贖。核其情罪。酌將伊等插箭遊營。仍鞭一百等語。達什扎卜等係遞送事件之人。聞嗎哈沁等踪跡。即行追捕。尚屬奮勉。即

以兵少致敗。亦屬情有可原。著不必治罪。命直隸等省督撫。選拔沿途臺站各弁。加恩酌量錄用。

上諭大學士曰。西陲大功告成。臺站各員。已令該督撫等。查明咨部議敘。至此次遞送紅旗之千總外。委各員。自軍興以來。均屬按刻飛馳。勤慎無悞。應量為優擢。以示鼓勵。著直隸山西陝甘各督撫等。按照本省道里遠近。於沿途各員中。分別選擇。內有行走奮勉。人材可觀者。以五人中。拔取一人。為率。出具考語。送部引見。候朕酌量錄用。

平定縣縣志卷之三

土

辛酉。

命晉陝甘總督楊應琚官階。

上諭大學士曰。陝甘總督楊應琚。籌辦軍需。循照大學士伯黃廷桂規畫章程。俱能實力經理。所辦凱

旋馬匹措置尤為妥協。現在西陲善後事宜。正資襄贊。著加恩晉階太子太師。以示優獎。

癸亥。

諭叅贊大臣舒赫德加意牧放馬匹。

上諭軍機大臣曰。書山奏稱烏魯木齊解送哈薩克馬一千餘匹。於九月二十六日。至哈喇沙爾。休息

二日。即行起程等語。著傳諭舒赫德此項馬匹。解

平定準噶爾方略正編卷之三

三

送阿克蘇等處。以備搜剿嗎哈沁及屯田之用。宜

加意牧放。以備調撥。其送馬官兵。若辦理妥協。亦

應加恩。原任藍翎侍衛達爾扎桑。若行走尚好。即

酌量奏請開復。

命甘肅運糧價值仍遵前

旨一體加恩增給。

上諭大學士曰。甘省輓運軍糧。及調運協濟糧石。所

需脚價。前據大學士黃廷桂奏明。疊經降旨一體

增給。俟秋成後。仍照舊例支給。但該省本年收成

歉薄。糧價尚未平減。其一切運費。著再加恩仍暫

照從前增給之數。一體支放。俾輓運貧民。日用充

裕。以示體恤。該部遵諭速行。

定邊左副將軍成袞扎布疏奏北路撤兵事宜。

成袞扎布奏言。查策布登扎布所領游牧兵三

平定準噶爾方略正編卷之三

四

百名。卡倫兵二百名。布延圖兵三百名。扎哈沁

兵二百名。已遵

旨行文令其各回原處。至臣等現議布延圖不必駐

兵。而烏里雅蘇台兵丁尚少。應即令調往駐劄。

奏入報

聞。

侍郎銜書山疏奏安插多倫回衆。

書山奏言查多倫回衆五千餘人自阿克蘇分

隊向庫爾勒前來自庫車以東哈喇沙爾以西

起玉古爾臺至碩爾舒克臺有四五處皆可引

水溉田分布安插臣同吐魯番公素賚滿阿卜

都賚之姪色底克至庫爾勒等處相度辦理又

羅卜淖爾有伯克托克托所屬三百餘戶懇請

屯田應請交與伊弟阿卜都賚令其管轄奏入

報

平定縣志卷之三

五

聞。

甲子。

諭定邊將軍兆惠等查辦喀什噶爾等處潛匿之烏

沙克回衆。

上諭軍機大臣曰納世通奏稱烏什卡倫兵張茂等

擒獲逃回二人係已經招降之烏沙克旋復逃往

喀什噶爾藏匿二十餘日聞內移之信遂逃向烏

什阿克蘇業經正法示眾等語看來喀什噶爾葉

爾羌尚有烏沙克等餘衆著傳諭兆惠舒赫德等

查明各處似此潛匿之人若安靜無事則已稍有

滋事即應酌量辦理具奏。

諭叅贊大臣阿桂等防範沿途內移回衆。

上諭軍機大臣曰德文奏稱章京格勒爾圖由阿克

平定縣志卷之三

六

蘇送來多倫回衆五千餘名除沿途病斃及親戚

留住外仍有四千四十餘人等語此等回人齋糧

無幾恐沿途流爲嗎哈沁宜留心防範毋致盜竊

臺站馬匹牲隻如有滋事者即行正法以靖地方

諭禮部侍郎五吉等增備臺站馬匹。

上諭軍機大臣曰現在拔達克山霍罕等處遣使入

覲一路臺站馬匹自應整理妥協以壯觀瞻而速

郵傳在內地臺站。自必預備應付。其哈密以外。著五吉於巴里坤牧馬一萬匹之內。挑選一千匹。由哈密至關展分派。其關展庫車阿克蘇葉爾羌。著定長書山納世通阿桂遞行交辦。務使一律整齊。俱卽傳諭知之。

諭陝甘總督楊應琚等酌議屯田耕作事宜。

上諭軍機大臣曰。定長等將本年關展托克三烏魯

平定準噶爾方略正編卷之三

七

木齊哈喇沙爾喀喇和卓等處屯田收穫分數具奏。又稱除烏魯木齊外。其他地畝較之初種時。漸覺歉薄等語。此等田畝。雖不能如內地人工糞治。可以常年耕種。但地頗寬敞。彼此遞年互調耕作。自有餘力。著傳諭楊應琚會同舒赫德定長悉心講求。酌議具奏。

按察使銜納世通疏奏裁汰兵丁。

納世通奏言。查庫車回城。地狹事少。現駐官兵百餘名。足敷調遣。其阿克蘇差務頗繁。所駐綠旗兵一千二百六十餘名。看守城堡倉庫。牧放馬駝牲畜。添派臺站卡倫。城內餘兵。僅六十餘名。不便再為裁減。除軍營將來撤回綠旗兵。卽遵

旨揀選調往屯田。臣所領追勦馬哈沁之西安兵一

平定準噶爾方略正編卷之三

六

百二十名。及阿克蘇所留西安兵二百五名內。共裁汰一百五十名。撤回巴里坤。仍辦給車輛。遣歸原處。奏入。報

聞。

管理屯田副都統定長疏奏。修建倉堡事宜。定長奏言。關展等五處屯田收穫後。積貯穀石。必需建倉築堡。查關展已有舊設倉堡。仍需添

建修葺其喀喇和卓新建倉二十四間堡一座
托克三倉二十間堡一座哈喇沙爾倉十五間
堡一座烏魯木齊倉二十四間堡一座關展添
倉三十間及修葺舊堡照巴里坤修城例賞給
銀兩共六百五十七兩五錢有奇奏入報

聞。

丙寅。

平定縣修葺城牆卷之三

九

命凱旋將軍大臣官兵及拔達克山等部入

覲陪臣均由內地南路進京。

上諭軍機大臣曰拔達克山安集延等部落陪臣入

覲已諭沿途各督撫等加意料理今據鄂弼奏稱

沿邊一帶間有偏災恐未能整飭可傳諭鄂弼一

切供應官兵及回部使人俱由內地南路豫備並

傳諭直隸陝甘各督撫等一體遵照再著陝甘督

撫先期知會將軍大臣等均由內地來京昨據吳
達善奏分飭南北兩路探聽凱旋官兵接濟馬匹
今既由南路行走自應酌量調撥其北路豫備馬
匹祇須足敷臺站之用其餘可酌量調赴南路俾
官兵等過行無悞併著傳諭知之。

命封公扎拉豐阿為貝子散秩大臣薩喇爾為伯。

戊辰。

平定縣修葺城牆卷之三

十

命增給甘肅各營來年糧料草束折色價值。

上諭大學士曰甘省今歲收成稍歉糧草價值較昂

滿漢各營所支折色若照舊例則購買未免不敷

所有來年官兵改折糧料草束及採買滿營糧草

價值著加恩照二十三年之例一體加增其河州

鎮標臨洮鞏昌二營及陝省之延安榆林固原一

帶各標營隸於甘省者均屬災歉之區著一例增

給。以示體恤。該部遵諭速行。

諭護軍統領努三等追剿嗎哈沁事宜。

上諭軍機大臣曰。努三等奏稱。阿拉善佐領布岱招

降嗎哈沁雲敦等十五人。酌留堪為嚮導者三人。

餘俱解送京師。現在修理穆素爾嶺道路。俟追剿

逸賊事竣後。將索倫吉林兵丁撤回等語。布岱既

招降嗎哈沁等。著酌量獎賞。此等降人。尚未盜竊

平定準噶爾方略正編卷之三

圭

生事。著發往甘肅分賞官兵。努三等修理道路。即

擬追剿逸賊。甚屬可嘉。若能弋獲匪犯。則伊與永

貴等從前疎忽之咎。俱可寬免。但伊等此時應已

奉到來京之旨。即暫回亦可。將來所撤索倫吉林

官兵。著從巴里坤辦給車輛。由肅州行走。各回原

處。

陝甘總督楊應琚疏奏辦送馬駝事宜。

楊應琚奏言。臣前因大兵凱旋。擬將巴里坤馬

匹解往。以備乘騎。今准兆惠咨文停止。將第一

起馬五千匹。仍交總兵存泰牧放。其第二起甘

省滿漢營馬二千餘匹。將抵哈密。擬撥一千五

百匹。赴巴里坤牧放。以備伊犁等處駐兵屯田

之用。其餘留於哈密。以備差務。至陝省所調馬

匹。將抵河西。請以撥補摘缺。則嘉峪關以外。所

平定準噶爾方略正編卷之三

圭

儲芻豆。俱移為凱旋官兵馬匹之用。又舒赫德

等請自關展至庫車。分派駝隻。以供轉運。查臣

前辦駝一千一百隻。近准定長咨撥昌吉羅克

倫烏魯木齊等屯。以供轉運。應將軍營行裝駝

隻。及節次收獲賊駝。分派各臺站休息牧養。及

解馬官兵未用之駝。三百餘隻。亦可添補額數。

奏入報

聞。

已已。

諭定邊將軍兆惠等酌量伊犁駐兵屯田事宜。

上諭軍機大臣曰。據德文奏稱准舒赫德咨查沙雅

爾河道。通葉爾羌喀什噶爾。可否造船試運。及堆

貯糧石之處。查沙雅爾距庫車百四十餘里。中間

有衛林河之奇塔特地方。可貯留糧石等語。從前

平定縣志卷之三

三

舒赫德以此具奏。已降諭旨謂伊犁駐兵屯田。於

來年次第辦理。不必多派官兵回衆。一時安插。并

傳諭兆惠富德楊應琚等。會商妥議。即如糧運一

事。自葉爾羌等處。由阿克蘇穆素爾嶺。前至伊犁。

乃正路也。若謂山嶺難行。由庫車運往。則其路更

遠。豈此間別有捷徑乎。計兆惠等此時已與楊應

琚會議。若業經派出回人數百戶。行裝亦辦。來年

四月。尚能耕作。即遣往亦可。或不能速辦。可酌量

派兵一千。俟來年草生時。由穆素爾嶺前往伊犁

巡查。仍回阿克蘇駐劄。俟辦理屯田就緒。於後年

發往。兆惠富德若已起程。舒赫德即與楊應琚會

議具奏。

諭駐劄關展副都統定長刻石紀功各事宜。

上諭軍機大臣曰。定長奏稱前奉諭旨。來春於伊犁

平定縣志卷之三

三

之格登山刻石紀功。順便搜捕嗎哈沁。請將阿定

保所領之兵。選派百名。並懇請効力之舒景阿前

往等語。昨據努三等請派阿定保兵丁過嶺追賊。

已諭將此等在軍營年久之索倫吉林兵。仍遵前

旨撤回。又諭兆惠等酌派官兵一千。來春往伊犁

巡查。則刻石之事。自可兼辦。今定長處既有工匠

著即發往葉爾羌。先行刻石紀功。俟工竣後。再同

發往官兵。前往伊犁。於格登刻石。現在葉爾羌督

工。卽著舒景阿去。

命侍郎海明馳驛前往葉爾羌。協同舒赫德辦事。

命闡展糧務同知伊星阿以知府補用。遊擊覺羅達

興阿以叅將補用。

壬申。

命獎賞喀爾喀管旗章京策木伯勒等。

平定準噶爾方略正編卷之三

五

上諭軍機大臣曰。成衮扎布奏稱管旗章京策木伯

勒署驍騎校阿喇克遞送策布登扎布軍營事件。

始終妥協等語。策木伯勒著加恩賞戴孔雀翎。仍

賞緞四端。阿喇克著賞緞二端。以示鼓勵。

癸酉。

定邊將軍兆惠等疏奏回城駐兵各事宜。

兆惠等奏言。回部平定。各城永息干戈。而安撫

新降。仍須駐兵彈壓。請於葉爾羌駐兵一千。令

副都統豐安領健銳營兵三百名。侍衛達爾黨

阿總管巴雅爾領索倫兵五百名。散秩大臣鄂

齊爾領厄魯特兵二百名。以散秩大臣永慶巡

查臺站卡倫。於喀什噶爾駐兵一千。派索倫兵

五百名。察哈爾兵三百名。厄魯特兵二百名。令

副都統伊柱管領。於英噶薩爾駐兵五百。派索

平定準噶爾方略正編卷之三

美

倫兵三百名。察哈爾兵二百名。令副都統豐訥

亨管領。其阿克蘇烏什等處官兵。以阿柱統領。

仍派副都統傅景總管羅爾本泰敏珠爾厄魯

特副管旗章京密什賚等分管。其軍營年久官

兵。俱行撤回。計乾隆二十年。二十一年。派出之

健銳營兵二十餘名。吉林兵七百餘名。以愛隆

阿管領。索倫兵二千餘名。以瑚爾起由屯鄂博

付溫布分領察哈爾兵七百餘名。以端濟布敏

珠爾多爾濟管領。喀爾喀兵百餘名。以公朗袞

扎卜管領。阿拉善兵百餘名。以公袞楚克管領。

辦給資裝。撤回原處。派侍衛訥齊訥特通額塔

爾海棟保烏爾圖納遜查拉豐阿塔瑪爾瑚什

科普薩額爾登額蒙固勒烏三泰等。沿途照管

行走。至綠旗官兵。臣等業經奏派駐劄葉爾羌

等城。餘兵撤回本營。近准總督楊應琚議奏屯

田兵丁需用萬人。請於撤回官兵內就近截留。

除在軍營年久及隨臣兆惠富德等著有勞績

者。均撤回休息。將續派新兵酌留阿克蘇一千

名。和闐三百名。烏什三百名。賽里木二百名。拜

二百名。其餘發往烏魯木齊等處屯田。所有阿

克蘇等處駐兵事宜。臣阿桂與閫相師。五福辦

平定縣志卷之三

七

理奏入。

上諭軍機大臣曰。兆惠等奏葉爾羌等處駐劄官兵

各數。其餘悉行撤回等語。所留厄魯特兵二百名。

尚未妥協。伊等皆新附之人。在軍營頗著勞績。若

令久駐。既慮其未諳紀律。且亦當稍為休息。著傳

諭舒赫德等此二百厄魯特兵。即著鄂齊爾帶領

撤回。仍曉示以安插內地。承受恩澤。至厄魯特烏

魯木等六人內。袞楚克扎卜陣亡。殊可憫惻。著查

伊妻子。加恩優卹。烏魯木等亦甚屬奮勉。著舒赫

德傳諭詢問。如願來京。即行資給起程。或願在軍

營効力。亦酌量獎賞。厄魯特碩通懇請留營効力。

甚屬可嘉。著加恩酌賞銀兩。訥齊訥等係乾清門

侍衛。即著來京供職。傅景仍遵前旨來京。

命以索倫佐領三達保為副總管。

平定縣志卷之三

天

上諭軍機大臣曰兆惠等奏稱索倫佐領三達保因在鄂壘扎勒圖勦賊有功。陞授二等侍衛。此次効力出衆官兵俱加恩陞用。三達保或授為頭等侍衛。或照伊等營制授為副總管。請旨遵行等語。三達保係索倫佐領。著加恩授為副總管。

命復革職効力佐領鄂木布原官。

上諭軍機大臣曰察哈爾佐領鄂木布前以不善牧

平定準噶爾方略正編卷之三

羌

馬革職。今據兆惠等奏稱伊在固木等處收輯流散。安插回衆數百戶。又訪知回人窖麥。接濟臺站口糧。辦事亦無遲悞等語。鄂木布自悔前愆。奮勉効力。著加恩仍授為佐領。

定邊將軍兆惠等疏奏回城伯克入

覲各事宜。

兆惠等奏言回部平定。應令各城伯克等輪班

入

覲請於凱旋之便。帶領貝勒霍集斯公噶岱默特署阿奇木伯克之霍什克伯克等前來。其餘分為三班。以來年為始。次第入

覲。將來貝子鄂封公阿什默特押送內移回人事竣。

卽就便來京。又安集延相近之哈爾塔金布魯

特頭目納底爾瑪特遣其弟伯克頗拉特告稱

平定準噶爾方略正編卷之三

手

云。我兄管領有一千五百戶。呼圖和卓管領有

五百戶。情願歸誠入

覲等語。臣等卽令與奇卜察克之比阿奇木同來。奏

入報

聞。

甲戌。

諭定邊將軍兆惠等安插霍集斯事宜。

上諭軍機大臣曰。兆惠等奏稱大兵凱旋。霍集斯告

請同行入覲。看其情形。尚無他故。前因霍集斯知

額敏和卓已受王封。而已尚為貝勒。故仍稱為伯

克。且向舒赫德飾詞。謂烏什原無貢賦。恐難信任。

是以密諭兆惠帶領來京。今伊既懇請同行。且去

年葉爾羌被圍。殊為勞苦。此次往拔達克山。亦頗

効力。自應加恩。但仍令其居於舊地。究屬未便。俟

平定回疆方略卷之三

三

伊到京時。再酌量從優安插。伊子漠咱吧爾起程。

亦不必照解送厄魯特宰桑之例。仍與前次入覲

一體辦理。伊性好猜疑。恐其驚惶滋事。舒赫德等

當善為慰遣。昨命傅景來京。即令其沿途護送。務

期妥協。霍集斯其餘諸子作何辦理。亦著具奏。

諭陝甘總督楊應琚等酌議新疆官制。

上諭軍機大臣曰。西陲大功告成。一應事宜。必期熟

籌可久。從前哈密巴里坤闢展等處。辦理糧餉臺

站諸務。俱由內地派員經理。今軍需事竣。而新隸

版圖。均有專責。若仍行兼辦。致本任久懸。殊非常

制。且甘省各營伍官職。較他省獨多。原為地屬邊

疆起見。今準噶爾向部蕩平。屯田駐兵。自伊犁以

達葉爾羌。向日之邊陲。又成內地。則文武員弁。均

應依次移補。方與輿地官制。俱為合宜。其哈密巴

平定回疆方略卷之三

三

里坤以西。應需用道府同知若干員。一半於內地

事簡處裁汰移駐。一半酌量添設。駐兵屯田各營

應設將弁等。亦一體籌辦。庶於國計邊防。兩得經

久之道。著傳諭楊應琚。或途遇兆惠等。詳悉會商。

或與舒赫德等。悉心酌議具奏。

命分貯軍前礮位於哈密巴里坤。

上諭軍機大臣曰。兆惠奏稱內地所送大神威礮十

一位。回部無需多設。請於葉爾羌喀什噶爾各留二位。餘七位。來春送回原處等語。所奏甚是。但運送頗覺路遠。哈密巴里坤亦可存留。著楊應琚酌於此一處分貯。

命副都統伊勒圖前往阿克蘇管領兵丁。

上諭軍機大臣曰。昨諭傅景來京。著伊勒圖前往阿克蘇管領兵丁。永瑞仍駐劄烏魯木齊。辦理屯田

事務。

平定準噶爾方略正編卷之三

重

丙子。

命提督閆相師來京

陛見。

上諭軍機大臣曰。提督閆相師現領屯田兵丁。赴烏魯木齊辦事。念其隨將軍兆惠等進兵。著有勞績。今大兵凱旋。著傳諭楊應琚於內地總兵內。派員

更替。卽令其來京陛見。

平定準噶爾方略正編卷之三

重

平定準噶爾方略正編卷之八十三

乾隆二十四年十二月丁丑朔

命陞敘開展辦事効力人員

上諭軍機大臣曰。定長奏。西安馬甲富泰涼州領催

巨佛保西安前鋒德克精額石麟領催卓特巴莊

浪馬甲佟其良等辦理臺站屯田事務。俱屬奮勉

効力。謹分別保題等語。著加恩授富泰巨佛保為

平定準噶爾方略正編卷之八十三

一

驍騎校。遇缺即補。德克精額石麟卓特巴佟其良

著交各該將軍等遇有驍騎校缺出。以次題補。

戊寅

命解送逆賊霍集占等親屬及隨從人口來京

上諭軍機大臣曰。定長奏稱兆惠等解送波羅泥都

霍集占等親屬十八名口。已至開展。辦給口糧送

京。其隨從男婦等除病故外。餘俱解至吐魯番暫

行收管。請旨安插等語。此等回人男婦。著一同解

送來京。俟到日。著軍機大臣具奏請旨。

已卯

授定邊右副將軍富德為領侍衛內大臣

諭定邊左副將軍成袞扎布等確查烏梁海被掠情

形。

上諭軍機大臣曰。成袞扎布等奏據察達克呈稱扎

平定準噶爾方略正編卷之八十三

二

卜堪哈克圖兩旗五佐領人等。在珠特和碩布固

烏蘇等處過冬。於十一月十二日。有哈薩克二百

餘人。前來搶掠。章京默勒特勒克驍騎校圖瑪達

克等十人被害。察達克隨帶兵往探。請即行策應

防範。暫停入覲等語。哈薩克性同禽獸。伺間搶掠。

亦事之所有。察達克若能追剿。固善。但此等哈薩

克不知係何部落。若阿布賚所屬。似不應有此。或

係俄羅斯烏梁海之間所居哈薩克被俄羅斯煽誘亦未可知總之本非大事惟交察達克等加意探聽防範堵截擒剿卽須辦理亦待來年成衮扎布仍著來京莫尼扎卜請悉烏梁海情形著前往查勘一得確信作速具奏俱著傳諭知之命陞賞拏獲逃犯之商伯克邁喇木

上諭軍機大臣曰兆惠等奏稱解京之喀什噶爾阿

平定準噶爾方略正編卷之三

三

奇木伯克墨墨氏敏之子阿卜都里木於中途逃匿爲商伯克邁喇木拏獲業將逃犯正法示衆賞給邁喇木緞疋以示鼓勵等語邁喇木以新附之人奮勉獲犯殊屬可嘉著加恩賞銀五十兩以應陞之缺補用仍著舒赫德傳旨獎諭嗣後有似此奮勉者卽照例辦理諭定邊將軍兆惠等酌量安插陷賊兵民

上諭軍機大臣曰兆惠等奏稱查出先年被賊搶掠

之綠旗兵及民人旗奴又上年被掠之巴爾虎喀爾喀綠旗兵逐一詢問遣回各該處其失於查報之將軍大臣官員等應交部議處等語伊等陷身回地若係臨陣得傷倉卒被掠者來投雖晚情尚可原卽不妨編入原伍至若中途患病潛匿山林就近逃入回部則其心殊不可問著從寬免其正法照民人例解回原籍所有漏報之將軍大臣官員等分別議處自所應得但大功已竣亦著加恩寬免

平定準噶爾方略正編卷之三

四

命瓜勒察兵丁與席伯旗分一體陞用上諭軍機大臣曰據吉林白都訥之瓜勒察驍騎校獎賞孔雀翎烏靈阿等呈稱康熙年間伊等與席伯旗分均因獲罪停其授職續因將軍等奏准瓜

勒察授職。不得過驍騎校。遂為定例。而席伯等移駐盛京。仍邀錄用等語。瓜勒察席伯等前雖俱停陞轉。而席伯移駐後。仍照常錄用。今瓜勒察等行走頗屬効力。著加恩一體陞轉錄用。

命授藍翎侍衛啓泰為三等侍衛。

上諭軍機大臣曰。兆惠等奏稱藍翎侍衛啓泰招降

奇卜察克布魯特。在阿勒楚爾伊西。洱庫爾。淖爾

平定縣志卷之三

五

擊賊。直至拔達克山。俱奮勉効力等語。啓泰著加

恩授為三等侍衛。

命獎賞扎哈沁公扎木禪等令其即回游牧。

上諭軍機大臣曰。扎木禪奉到遣回游牧之旨。奏請

仍與齊努渾等。同往齋爾錫里地方。隨策布登扎

布堵賊効力等語。誠悃可嘉。著再加恩賞緞四端。

今大功告成。仍與多岳特各回游牧。齊努渾亦著

來京。

辛巳。

諭叅贊大臣舒赫德等令官兵學習牧養。

上諭軍機大臣曰。舒赫德等奏稱葉爾羌喀什噶爾

英噶薩爾三城。所留馬駝牲隻。應派官兵加意牧

養。計兆惠交馬七百餘匹。駝七百餘隻。富德交馬

二百餘匹。駝一百餘隻。又健銳營官兵三百名。馬

平定縣志卷之三

六

七十餘匹。駝十餘隻。索倫官兵五百名。馬二百餘

匹。駝四十餘隻。厄魯特官兵二百名。馬二百七十

餘匹。駝七十餘隻等語。以滿洲索倫厄魯特人數

及所有馬駝相較。究屬厄魯特為多。索倫次之。健

銳營兵為數最少。看來厄魯特等習知牧事。始能

如此妥協。今滿洲兵多屬少年。不知愛養馬駝。於

軍務未為盡善。嗣後宜倣效厄魯特等牧養之法。

庶伊等駐防有資而推以教習滿洲兵丁更為有益著舒赫德傳諭派出之大臣官兵等即將三城所留馬駝加意牧養至厄魯特官兵等昨已諭令撤回可乘騎所有馬匹歸伊旗分併著遵照辦理

參贊大臣舒赫德等疏奏酌定和闐賦稅

舒赫德等奏言據總兵丑達將和闐六城回人應輸賦稅列欵呈報臣等逐一查核定議一收

平定準噶爾方略正編卷之三

七

獲穀石應照各城十分取一因甫經平定酌量減收俟來年另行定數其塔里雅沁地畝所出與個人分半收取即照舊例辦理一所產玉石視現年採取所得交納一採金三百戶每年照舊例交金六十兩一交納騰格錢文因六城生計未裕暫定為一萬二千騰格俟三年後酌量加增以四千充官兵三百員名鹽菜之需以七

千七百分贍各城伯克及諱經支用餘三百流轉備用一貿易之伯德爾格等十戶應交金十兩請俟商人通行後再行交納一六城官果園七處既被賊踐踏基址亦小請賞給各城伯克一和闐難得銅鉛向俱藉葉爾羌等處錢文行使現在咨取內地匠役在葉爾羌鼓鑄俟鑄出時酌量撥解奏入得

平定準噶爾方略正編卷之三

八

旨如所請行

癸未

諭參贊大臣舒赫德等會議伊犁屯田事宜

上諭軍機大臣曰同德等奏大功告成巴里坤所駐綠旗兵二千二百餘名應酌量裁減九百餘名經軍機處議以伊犁現議屯田與其撤回不若候議定就近發往即伊犁辦理需時亦可先往昌吉雜

克倫等處。以漸遷移等語。業經允行。可傳諭舒赫

德楊應琚等。此時曾否會議。伊犁屯田。定在何時。

即先往昌吉等處。而農具籽種。亦須豫備。若來年

可以增墾。當令兵丁在巴里坤守候。其或不能。則

駐兵守候。與撤回後再行派往。孰為便益。即行酌

議奏聞。至屯田以足軍食。自當籌其實濟。以內地

農民計之。一人可食數人。而生穀祇有此數。終未

見匱乏。若行之邊方。即僅敷屯兵口食。無所留餘。

便屬有名無實矣。今已耕之土。收穫無多。其故安

在。併傳諭舒赫德楊應琚等與屯田大臣熟計覆

奏。

諭陝甘總督楊應琚等毋禁回人私採硫磺。

上諭軍機大臣曰。楊應琚奏庫車附近採買硫磺。宜

立法官辦。回人不得擅取私藏等語。所見殊失。太

平定縣志卷之三

九

體。此在綠旗陋習。以為如此立法。足見其區處精

詳。殊不知回部新隸版圖。以土著之人。取土著之

物。或即向官兵轉售。以圖微利。亦情理之常。安能

盡行禁絕。若謂不許私藏。便可防患。其事與撫納

降人。先收兵器之見等耳。且現在官兵進剿回人。

戰則勝。攻則取。前此何嘗不產硝磺。又何嘗禁其

採取耶。所謂民可使由。不可使知。非惟事有難行。

抑亦理所不必也。著傳諭該督知之。

乙酉。

命吐魯番郡王額敏和卓擊眷駐劄新疆。

上諭軍機大臣曰。現在大功告成。自應令額敏和卓

還家休息。但葉爾羌等城。俱屬新附。必得熟悉回

俗。老成歷練之人。駐劄辦理。額敏和卓以舊人効

力軍營。頗著勞績。深悉機宜。是以暫令留駐。但伊

平定縣志卷之三

十

數年來久離家室。若仍令其隻身居外。朕心更為軫念。是以諭照成衮扎布駐劄烏里雅蘇台之例。攜眷前往。可傳諭額敏和卓量攜家口。暫行駐劄。俟諸事就緒。即可復回。著遵照辦理。

命給庫車阿奇木伯克鄂斯璜助餉價值。

上諭軍機大臣曰。德文奏稱庫車伯克鄂斯璜。因齊

凌扎卜領兵五百。護送降回。捐備一月口糧。支給

平定準噶爾方略正編卷之三

十一

起程等語。鄂斯璜急公助餉。甚屬可嘉。著傳諭納

世通等。照數酌給價值。以示體恤。

丙戌。

諭定邊左副將軍成衮扎布駐劄。哈薩克搶掠確信。

上諭軍機大臣曰。成衮扎布奏都爾伯特策凌烏巴

什領兵三百五十名。追襲搶掠烏梁海賊人。伊即

傳知額爾克沙喇等。整兵暫駐。俟虛銜藍翎塞音

台吉都噶爾等探得確信。即行進剿等語。初聞哈薩克搶掠烏梁海之報。即諭莫尼扎卜前往查勘。今策凌烏巴什聞信。即領兵追襲。殊屬可嘉。俟查辦確實。再加恩獎賞。此時成衮扎布若業已起程。仍入京與宴。或尚在束裝。即留彼辦理亦可。所得信息。作速奏聞。

丁亥。

平定準噶爾方略正編卷之三

十二

諭護軍統領努三等酌量追襲噶沁等。至博斯

上諭軍機大臣曰。努三奏稱追襲噶沁等。至博斯

克勒克嶺。據嚮導等恐賊人在附近藏匿。派索倫

營總巴圖魯濟勒圖。厄魯特巴圖魯等領兵搜捕。

伊等隨後策應。如未能弋獲。即遵旨撤回等語。努

三雖派官兵追賊。仍須親往督率。若擒獲渠魁。即

解京正法。餘人俱遵節次諭旨辦理。將厄魯特等

酌量遣往烏魯木齊。其帶領前來各隊官兵撤回。巴里坤辦給車輛。各回原處。或賊已遠颺。亦作速奏請撤兵。俟來年再為辦理。

戊子。

諭叅贊大臣舒赫德等約束安插降回。

上諭軍機大臣曰。德文奏稱齊凌扎卜等解送回人。

內有喀什噶爾等處男婦六十七名口。安插庫車。

平定縣志卷之三

三

葉爾羌等處男婦五十七名口。安插沙雅爾等語。

從前兆惠等請將收降回人。安插吐魯番。會諭以

大功既成。伯德爾格塔里雅沁烏沙克等回人。俱

從寬免死。其餘回衆。不必遠行安插。即留於各城。

若係葉爾羌喀什噶爾之人。業已前來。亦無庸復

回。遇便安插。此次人數不多。即如所奏辦理。但此

等隨從逆賊之人。恐怕惡不悛。逃竄滋事。著駐劄

大臣等留心約束。稍有可疑。即酌量辦理。

庚寅。

諭定邊左副將軍成袞扎布等籌辦進兵哈薩克事

宜。

上諭軍機大臣曰。成袞扎布等奏據駐納米爾沙扎

海卡倫之原任藍翎侍衛布三。奉報稱伊至吹阿

勒和碩。遇內大臣察達克等。會詢問帶傷之哈薩

平定縣志卷之三

三

克人。告稱搶掠烏梁海。係阿布賚宰桑噶里卜有

衆五百人。由吹阿貝喀卜齊勒路前來。仍於來路

轉回。請仍照前奏。領喀爾喀兵一千。合都爾伯特

烏梁海之衆。前往勦明。就近追勦等語。阿布賚係

久經歸附之人。豈敢妄動。但伊不能約束所部。以

致乘間搶掠。亦未可定。自當痛加懲創。此時亦不

必遽往。且俟察達克策楞烏巴什莫尼扎卜等查

奏於來年辦理。所有糧餉馬匹。則須密為豫備。成
衮扎布仍駐劄軍營。令策布登扎布來京筵宴畢。
即同富德等領索倫兵五百名。派扎哈沁都爾伯
特等千餘名。餘於喀爾喀揀選。約兵二千。俟草青
時。乘哈薩克不備。相機進剿。一切密查妥辦。即察
達克等亦不必先使與聞。惟期一舉蕪事。以飭邊
防而昭國法。俱著傳諭知之。

平定準噶爾方略正編卷之三

主

辛卯。

諭叅贊大臣舒赫德等派索倫兵駐防烏魯木齊。

上諭軍機大臣曰。成衮扎布等奏哈薩克搶掠烏梁
海。係阿布賚屬人。看來必非阿布賚本意。乃所屬
託名滋事。但哈薩克人等素性喜於傲倖。一面在
烏魯木齊貿易。一面在他處搶掠。亦事之所有。若
不加防範。則存貯貨物。亦有可虞。固不必先事張

皇亦當豫為防範。著傳諭舒赫德等回部。俱有城

郭。駐兵亦多。即如阿克蘇現在無事。著將所留索
倫兵。調往烏魯木齊。如有不敷。即於葉爾羌等城
抽派。約三百名。前往巡察彈壓。至辦理貿易之安
泰等。如遇哈薩克貿易。留心偵探察看。若來人少
而馬匹牲隻多。自無可疑。否則未可全信。當相度
情形。密為防範。伊等即忽然竊發。我已有備無患。
但不可以風影之疑。自露形跡。使遠人惶惑。安泰
等於哈薩克情形。諒所素悉。一切加意慎密。庶可
杜傲倖之端。亦不啓猜疑之釁。方為妥協。

平定準噶爾方略正編卷之三

夫

壬辰。

諭定邊左副將軍成衮扎布等。令察達克等偵探哈
薩克確信。

上諭軍機大臣曰。成衮扎布奏據察達克等報稱哈

薩克搶掠之時。因分散游牧。一時難聚。是以追襲

稍遲。且未奉諭旨。不敢遽進等語。察達克等所屬

被掠。自必奮思報復。其候旨始進。亦係遵守法度。

但哈薩克所屬頗多。諒非阿布賚游牧所為。察達

克等若能整兵前往。捉生詢問。亦可得確實信息。

惟進兵之時。不必以奉旨為言。蓋哈薩克等既經

內附。若小有盜竊。即云奉旨發兵。則伊等未免驚

平定邊疆方略卷之三

七

懼。現在大兵未進。亦未免妄生輕玩。且阿布賚等

或遣使奏聞。自可覘其虛實。此時察達克若已前

往。即令莫尼扎卜同行。亦不必使哈薩克知之。

癸巳。

申諭定邊左副將軍成袞扎布等詳詢烏梁海被掠

情形。

上諭軍機大臣曰。昨據成袞扎布奏哈薩克所掠烏

梁海內。脫出十餘人。請令額爾克沙喇與莫尼扎

卜前往詢問。并加撫恤等語。烏梁海被掠一事。可

疑慮頗多。必須查詢明白。方得辦理之法。朕意或

俄羅斯等欲阻阿布賚之內附。託名搶掠。或哈薩

克以從前會附俄羅斯。被其詰責。故以搶掠示信。

或阿布賚不能約束所部。致其妄動。或哈薩克錫

喇尚存煽誘生事。大槩不出此四端。著傳諭成袞

平定邊疆方略卷之三

大

扎布即交額爾克沙喇等。詳悉訪問。作速奏聞。仍

與察達克等密商辦理。

定邊右副將軍富德疏奏白都訥驍騎校署叅

領遜塔。奮勉効力。得

旨。遜塔著賞戴孔雀翎。授為三等侍衛。

甲午。

辦理屯田副都統定長等疏奏查訊隨德舒遇

賊脫出兵丁。

定長等奏言。臣等遵

旨查訊隨德舒遇賊脫出之綠旗兵丁。除得傷不議

外。其無傷而脫出最後者。雖詢無臨陣先逃情

節。仍行責革。至兵丁李升蘭郭永毅尋獲德舒

身屍。李善敏步行報信。又遊擊素爾登額陣亡。

兵丁張倉右脇得傷。仍尋獲本官身屍。應請免

李羅噶爾哈齊奏卷之三

九

議。其李升蘭等三人。俱鞭責。發往庫車。効力贖

罪。奏入。報

聞。

乙未。

申諭定邊左副將軍成衮扎布哈薩克貿易情形。

上諭軍機大臣曰。永德奏哈薩克阿布齊屬人。帶馬

五百匹。赴烏魯木齊貿易。閱其情詞。頗為恭順。看

來搶掠烏梁海者。非阿布齊屬人。朕昨以可疑之

四端指示。若有一於此。則冒昧進兵。反墮其術中。

故必詢問明白。非謂大功告成。遂可苟且姑息也。

額爾克沙喇等可告知察達克。此時且不必直入

哈薩克界。俟捉生詢問得實具奏。朕再酌量辦理。

丙申。

諭駐劄大臣陝甘督撫等查拏厄魯特等逃犯。

李羅噶爾哈齊奏卷之三

十

上諭軍機大臣曰。據阿桂奏稱現在阿克蘇拏獲厄

魯特匪犯三名。皆官兵隨僕。盜馬潛逃。業經訊明。

正法示衆等語。此等厄魯特皆勦戮之餘。管束三

年。惡習尚未悛改。阿克蘇既經拏獲。則沿途必尚

有脫逃者。若不嚴行查拏。致流為嗎哈沁。地方何

由寧謐。著通諭哈密巴里坤關展烏魯木齊哈喇

沙爾庫車等處大臣。務宜留心拏獲。訊明正法。至

分賞官兵之回人等有似此盜竊脫逃者亦照例辦理併傳諭楊應瑞吳達善阿桂知之

叅贊大臣阿桂疏奏預籌伊犁兵糧

阿桂奏言臣到阿克蘇查看牧羣牛羊除從前解往葉爾羌一萬餘現存牛三十二頭羊一萬五千三百餘隻竊思來年伊犁駐防官兵所需糧餉須待回人收穫後方能支給其起程時所需行糧必需牛羊添補臣已飭該管官兵加意牧放以濟軍需奏入報

聞。

丁酉。

叅贊大臣舒赫德等疏奏辦理回人貢賦稅務舒赫德等奏言查兆惠等定議葉爾羌事宜內凡交納商稅外來商販二十分取一本地回人

平定縣志卷之三

三

十分取一請俟商販流通時再行酌量定額等

語今據自土伯特商販轉回之拔達克山塔什罕及葉爾羌等處回人運到貨物臣等飭交該管之員仍照舊例分別收稅謹列單恭呈

御覽嗣後徵收稅項應請於歲底造冊送部核銷又和闐六城所交糧石舊例十分取一每年二千帕特瑪因甫經撫定酌量暫收九百九十五帕特瑪一帕特瑪準官石四石五斗共四千四百七十七石五斗俟來年仍照舊例徵收又招撫之沙爾呼勒伯克穆喇特告云我等所管五百戶僅餘二百餘戶今聞霍集占伏誅自必陸續

平定縣志卷之三

三

投回向例每戶貢金一錢請於來年照例交納並請添設商伯克哈子阿爾巴下瑪喇咱爾等缺臣等照例給以翎頂令其協同阿奇木伊沙

噶辦事奏入報

聞。

戊戌。

命賞多倫小伯克等翎頂。及陞賞効力官員。

上諭軍機大臣曰。書山奏稱總管阿布都賚安插多

倫回人四千六十餘名。於玉古爾庫爾勒策達雅

爾洋雜爾等四處。令小伯克海里勒額帕舒庫爾

平定準噶爾方略正編卷之三

三

密喇三。克里達瑪特等分管現在率同此魯番公

素賚瑞遊擊黃佳士悉心查辦等語。海里勒等五

名。既係小伯克著加恩賞給六品頂帶。素賚瑞著

賞緞二端。黃佳士著以應陞之缺補用。

巴里坤辦事道銜同德等疏奏添派臺站馬匹。

同德等奏言。查凱旋官兵。及入覲回人等。長途

需馬接濟。已奉

諭旨。於巴里坤牧羣內。挑選一千匹。由哈密至葉爾

羌。按臺安設。今准兆惠等行文辦解肥馬五百

匹。至吐魯番附近之伊拉里克等處收放。以備

更換等語。臣等復會同總兵存泰。如數挑選馬

匹。令叅將齊大勇解送伊拉里克。於十二月初

九日起程。奏入報

聞。

平定準噶爾方略正編卷之三

三

己亥。

定邊將軍兆惠等疏奏率同伯克霍集斯來京。

兆惠等奏言。查伯克霍集斯與臣富德自拔達

克山撤兵。回抵葉爾羌。伊請歸烏什整裝。約於

阿克蘇會同入京。臣等若阻其前往。恐啓猜疑。

即遣赴烏什。臣等至阿克蘇。伯克霍集斯率伊

子托克托索丕來會。今與臣等同行。毫無疑貳。

臣等派伊同玉素富約束回人伯克行走。伊子漠咱吧爾呼岱伯爾氏托克托索不俱已成丁。其幼子尚有幾人。亦交舒赫德查核辦理。奏入。

上諭軍機大臣曰。兆惠等密奏伯克霍集斯業已同行。其諸子自成丁之外。幼者尚有幾人。交舒赫德查辦等語。從前密諭辦送霍集斯及諸子來京者。

平定縣志卷之三

三

恐其仍居舊地。或滋事端。今霍集斯既情願入覲。而沿途行走情形。又毫無可疑。則伊來京後。自必加以恩賞。俾得安居。此時漠咱吧爾等尚須辦理起程。併傳諭舒赫德等遵照節次諭旨。毋使長途勞苦。伊等起程後。則所查霍集斯之家口。不妨明白曉示。以霍集斯蒙恩肯留京。來取家屬團聚。務宜供給饒裕。加意照看。蓋伊等非獲罪之人。籍沒

家產者可比。所有積蓄。俱一同辦送。仍約束兵丁回人。毋許妄行偷竊。其田園房屋。亦應變價給賞。以資生計。俱著查明具奏。

癸卯。

訓飭內閣學士清馥速奏追賊情形。

上諭軍機大臣曰。清馥奏據嚮導根敦等所指道路。南路由諾顏鄂博額什等處。抵楚庫爾戈壁。北路

平定縣志卷之三

三

由烏蘭庫勒等處搜賊人營壘。因水草甚乏。令茂庫本等領兵二十餘名前往。其餘官兵。撤回巴里坤等語。所奏愈屬不堪。前因清馥探得賊人藏匿處所。並未親身前往。故十月以前。屢經降旨申飭。今已十二月。並未遇一嗎哈沁。不知伊現在何處。且伊前遣巴圖克勒木往招其子斗齊特。故縱其父子同逃耳。不然。豈有賊人肯坐候我兵擒獲。此

時賊人去向更覺茫無影響而徒作懼罪請追之詞苟延時日苦累官兵諒數月以來行糧恐亦不繼伊身獲咎忍饑固所當然而官兵皆隨同枵腹有是理乎著速傳諭清馥奉到此旨若十日內能捕獲賊人自當前往其或不能即撤回巴里坤將從前伊何以不親身捕賊但遣巴圖克勒木前往及斗齊等今往何處聲明請罪具奏。

平定準噶爾方略正編卷之三

七

乙巳。

諭參贊大臣舒赫德等辦理伊犁屯田事宜。

上諭軍機大臣曰阿桂奏稱兆惠等經過阿克蘇會議伊犁駐兵及遷移回人屯田事宜從阿克蘇烏什賽里木拜庫車沙雅爾等城酌派回人二三百戶於來年二月間先遣丁壯前往屯田以官兵五百名護送起程俟青草發生再將回人家口遷移

等語所議尚屬可行兆惠此時雖未具奏即應如此辦理至屯田回人需兵彈壓自阿克蘇至伊犁安臺傳事聲息相通最關緊要著傳諭舒赫德阿桂今大功告成拔達克山霍罕等部落悉皆歸附則葉爾羌自可安靜無事且有額敏和卓在彼海明又已前往舒赫德候其到時即回阿克蘇駐劄辦事阿桂伊柱即領駐防兵丁護送回人往伊犁

平定準噶爾方略正編卷之三

七

管理屯田事務至官兵等居止自必相度地勢安營立寨土木之工以漸興作期於堅固久遠所請備造帳房原非可以常用不過自阿克蘇至伊犁沿途住宿及初到時不致露處耳所有應行事宜俱著伊等會商辦理。

丙午。

議移駐官兵事宜。

安西提督劉順奏言。現議官兵移駐巴里坤。歲

需口糧。運送回空。總計需銀四十七萬餘兩。殊

為繁費。即闢展烏魯木齊等處。收穫糧石。足用

而相距千餘里。運費亦繁。查移駐巴里坤兵三

千五百名。內步兵一千四百名。請全行改撥馬

兵。按每石加增銀一兩五錢之議。共銀一十一

萬餘兩。較之運費。歲可節省銀三十六萬餘兩。

平定縣志卷之三

无

且馬兵錢糧。較步兵寬裕。易於辦理。並懇借庫

銀五萬兩。照蒙古之例。採買牛羊孳生。並買馬

駝運送。所借銀兩。分作四年扣還。奏入。得

旨。軍機大臣議奏。尋議移駐官兵口糧。歲所必需。巴

里坤雖現在屯田。止產青稞一種。是以臣等原

議以加增兵丁糧價。自行購買。殊費周章。請令

該督等查明屯田歲收若干。足敷官兵口糧。與

否。通行籌畫。妥議具奏。今該提督以闢展等處

收穫即敷口糧。而運費亦繁等語。查提督原駐

安西。經該督楊應琚奏請移駐巴里坤。但巴里

坤以外。西至伊犁。西南至葉爾羌等回部。幅員

廣衍。而闢展烏魯木齊一帶。地土饒沃。水泉充

裕。現在駐兵屯田。交通貿易。久成內地。莫若將

移駐之提標五營內。酌留兵丁。足敷巴里坤城

平定縣志卷之三

手

守外。其各營官兵。即移駐烏魯木齊或闢展等

處。於歲收屯糧內。就近支給。既可省輓運之勞。

而於新疆適中之地。控制更為得宜。其如何建

設衙署營房。及一切妥協商辦之處。該督楊應

琚現在出關查勘。應令其詳悉定議具奏。奏入。

上從之。

平定準噶爾方略正編卷之八十四

乾隆二十五年春正月戊申

恩免甘肅來年地丁錢糧及賑貸被災州縣

上諭大學士曰甘省自軍興以來連年加恩豁免正

雜錢糧及一切展賑緩徵酌增運費所有正賦已

蠲至二十五年俾邊氓普沾渥澤現在大兵凱旋

軍務全竣正宜與民休息且上年歲收未能豐稔

平定準噶爾方略正編卷之八十四

一

朕心尤深軫念著再加恩將甘肅省乾隆二十六

年應徵地丁錢糧通行豁免俾得共安耕鑿永承

樂利之休以示朕優恤邊氓有加無已至意又

諭曰甘省上年夏秋田禾均被偏災其較重之皇蘭

等十廳州縣及次重之靜寧等州縣已降旨分別

加恩展賑其災輕之涇源涇州等十七廳縣亦經

照例蠲緩賑恤並於春初借糶兼行以資接濟惟

念勘不成災處所夏田被旱改種秋禾小民已費

工本未免拮据著加恩將所有春借籽種牛價緩

至麥熟後徵還仍於青黃不接之時酌借籽種口

糧俾得盡力耕作至該省被災等處尚有無業貧

民艱於口食者並著飭令地方官或設廠煮賑或

開工傭作俾得餬口以示體恤該部遵諭速行又

諭曰甘省蘭州涼州平涼慶陽一帶上年偶被偏災

平定準噶爾方略正編卷之八十四

二

已加恩一體賑恤但念邊民生計拮据春耕在即

而例賑將停恐不足資接濟著再加恩無論被災

分數極次貧民將皇蘭金縣平番古浪會寧安定

固原靖逆環縣鹽茶等十廳州縣於正賑之外再

展賑至麥熟後停止靜寧隆德狄道三州縣再展

賑四個月靈州花馬池中衛河州碾伯五廳州縣

再展賑三個月俾小民得以餬口力耕副朕念切

痼疾至意。又

諭曰。甘省被災各屬。倉儲未能充裕。業令該督撫撥運本省及陝省倉糧。共四十餘萬石。分貯災屬備用。但春間賑糶兼行。恐有不敷。著於鞏昌寧夏西寧秦州四府州倉儲有餘之處。除留本地備用外。再酌撥十餘萬石。就近運赴被災各屬。俾賑恤借糶。得以寬裕儲備。

平定縣志卷之四

三

命立限報銷軍需欸項。

上諭大學士曰。西陲大功告成。統計辦理軍需。前後甫及五年。欸項易於稽查。現在自乾隆二十年以前。各案動用錢糧。俱經分晰辦理。其乾隆二十年九月至二十四年凱旋之日。辦理軍需各項錢糧。口內子限一年。口外子限年半。該督撫等督率承辦地方各員。分別案欸。詳悉造冊報銷。毋任遲延。

以清案牘。

庚戌。

命給烏魯木齊大臣關防。及揀選辦事官員。

上諭軍機大臣曰。安泰等奏。現在烏魯木齊等處屯田。與哈薩克交易。請賞給關防。及派員辦事等語。著照所請。賞給關防。仍著陝甘兩省揀選滿洲道員一人。同知通判州縣四員。縣丞雜職八員。發往烏魯木齊。道員總辦收支各屯糧餉。同知等官。分辦各屯糧餉地方事務。其涼州等處駐防。有熟習滿漢文字之領催前鋒。著揀選十員。令其協辦事務。伊等若行走勤慎。卽照臺站委署筆帖式之例。辦理。効力出衆者。行文各該處。以應陞之缺。開列補用。

平定縣志卷之四

四

命賞駐劄葉爾羌總兵容保。駐劄英噶薩爾總兵揚

寧戴孔雀翎。

辛亥。

申諭定邊左副將軍成袞扎布等辦理烏梁海事宜。上諭軍機大臣曰。成袞扎布奉到命策布登扎布富德領兵二千。辦理烏梁海被掠諭旨。將現在應調官兵及牧羣馬匹酌議具奏。所辦尚是。但此事朕屢有明諭。必將賊人部落查詢確實。始可進兵。至

平定準噶爾方略正編卷之四

五

所奏牧羣馬五千餘匹。駝九百餘隻。牛羊計二萬餘。而都爾伯特烏梁海等。俱各有乘騎。不過酌量賞賚。則軍需甚為足用。此時惟加意牧放。以候額爾克沙喇等實信。卽作速奏聞。

命議敘陞用哈密辦事道員文綬等有差。

上諭軍機大臣曰。據五吉等奏。哈密辦事道員文綬遊擊陳尚勳都司薩靈阿州同張春俱實心奮勉。

署防禦驍騎校雙明署筆帖式馬甲伊本泰領催

瑚納前鋒三多領催馬玉馬甲諾爾布等。俱勒慎

無悞等語。文綬著加恩交部議敘。仍著軍機處記

名。陳尚勳薩靈阿張春著交該督記名。以應陞之

缺補用。署防禦雙明著准其實授。伊本泰瑚納著

賞給驍騎校職銜。遇缺卽補。三多馬玉交該將軍

以應陞之缺補用。諾爾布既係開戶。不便補授旗

平定準噶爾方略正編卷之四

六

缺。著以綠旗把總用。

喀爾喀公品級三都卜多爾濟以軍前奮勉効

力。

命加恩晉封輔國公。

癸丑。

諭參贊大臣舒赫德等派兵搜捕嗎哈沁。

上諭軍機大臣曰。據努三等奏。遵旨於十二月十二

日起程赴京。并咨明舒赫德。阿里袞等語。著傳諭

舒赫德等。努三既遵旨來京。而搜捕嗎哈沁一事。

又正當春令。著派豐訥亨於索倫蒙古兵內。挑選

堪勝營總一員。及努三所留厄魯特嚮導等。辦給

馬匹口糧。前往阿勒坦和碩等處。搜捕戕害德舒

賊人。務期弋獲。一舉廓清。方為妥協。其兵丁即就

近調撥。努三奏敘之嚮導錫喇庫本。恩克勒德克

平定縣縣志卷之四

七

孟克津既屬効力。著將其家口一併送京。

命復察哈爾原任佐領鄂勒錐圖職。

上諭軍機大臣曰。努三等奏稱察哈爾正黃旗原任

佐領署營總鄂勒錐圖。因管臺時。兵丁遺失。所送

事件。革職効力。今伊犁送阿克蘇羊隻。搜捕嗎哈

沁。甚屬奮勉。從前曾隨兆惠在濟爾哈朗突圍等

語。鄂勒錐圖著加恩復還原職。

命阿克蘇等處駐劄大臣派員赴肅州核銷軍需。

上諭軍機大臣曰。納世通奏現在軍務告竣。阿克蘇

庫車哈喇沙爾關展巴里坤哈密等處。俱有承辦

軍需。應至肅州銷算。但阿克蘇等處。相隔甚遠。往

返查核。未免致勞臺站。請將各處承辦錢糧之章

京筆帖式。及地方官書吏等。派出數人。攜帶冊檔。

往肅州軍需局核對登答等語。著照所請。交各該

平定縣縣志卷之四

八

處辦事大臣。即派員赴肅州銷算。仍著該督於道

府內酌派一員。專司辦理。

甲寅。

命參贊大臣阿桂等。協同搜捕嗎哈沁。

上諭軍機大臣曰。昨諭舒赫德等派豐訥亨領兵於

阿勒坦和碩等處。搜捕戕害德舒賊人。今恩阿桂

伊柱雖派辦護送回人。前往伊犁屯田。尚需時日。

著先派官兵五百名。同豐訥亨等搜捕嗎哈沁務

宜協心奮勉。以清方域。若該處馬匹不足。卽著五

吉於巴里坤牧羣內。陳選二三千匹。親行送往阿

克蘇。以備軍需。

乙卯。

霍罕額爾德尼伯克使人陀克塔瑪特車里克

卓爾瑪特使人呼達呼里等至京。入

平定準噶爾方略正編卷之四百

九

覲。

上御乾清宮。陞座。陀克塔瑪特等行三跪九叩頭禮。

命坐。

賜茶。

召至御座前。

親加慰問。陀克塔瑪特等叩頭謝

恩出。

賜護送霍罕使人之頭等侍衛達克塔納墨爾根巴

圖魯號。仍賞銀一百兩。

丙辰。

拔達克山素勒坦沙使人額穆爾伯克色圖爾

伯克。及博洛爾使人沙伯克等至京。入

覲。

上御乾清宮。陞座。額穆爾伯克等行三跪九叩頭禮。

平定準噶爾方略正編卷之四百

十

命座。

賜茶。

召至御座前。

親加慰問。額穆爾伯克等叩頭謝

恩出。午刻

上幸豐澤園。

御幄次。

賜拔達克山霍罕諸部落使人筵宴。二品以上文武大臣皆預宴。

丁巳。

行受俘禮。

上御午門樓。陞座。解送俘馘官兵行禮畢。兵部尚書

李元亮奏定邊將軍兆惠等函送逆回霍集占

首級。併俘囚們多索丕等。謹獻

平定縣志卷之四

七

闕下請

旨傳

制著交刑部。尚書鄂彌達等承

旨訖。諸王公大臣及拔達克山霍罕使人。行慶賀禮

畢。

上幸豐澤園。幄次。

賜外藩蒙古王公台吉及拔達克山諸部落使人宴。

尋

命懸逆賊霍集占首級於通衢。宥俘人們多索丕等。

布魯特額德格訥阿濟比使人錫喇噶斯等至

京。

命入宴時。坐於霍罕使人之次。

命陞賞厄魯特侍衛薩穆坦等有差。

上諭軍機大臣曰。厄魯特二等侍衛薩穆坦葉爾羌

平定縣志卷之四

三

伯克三等侍衛索勒屯和卓沙爾呼勒伯克虛銜

藍翎阿布賚三。奉使拔達克山。俱屬龜勉。薩穆坦

著授為頭等侍衛。在乾清門行走。伊尚未出痘。著

同伊妻子一併於察哈爾安插。索勒屯和卓著陞

為四品。阿布賚三著陞為五品。各賞衣一襲。

命賞解送俘馘之正黃旗頭等侍衛額爾登額銀一

百兩。授侍衛伍岱為頭等侍衛。賞緞六端。賞侍

衛成果綴三端。

戊午。

命陞賞厄魯特獎賞孔雀翎阿塔什等有差。

上諭軍機大臣曰。隨額爾登額解送逆賊首級及們

多索丕等來京之厄魯特獎賞孔雀翎阿塔什著

授為二等待衛。愛呼獎賞孔雀翎塔里善厄魯特

藍翎侍衛敦多克著授為三等待衛。吉林防禦阿

平定準噶爾方略正編卷之四

圭

林保著賞戴孔雀翎。右衛馬甲納達齊三姓前鋒

阿爾蘇納領催伊三泰索倫領催西圖庫爾馬甲

禮達俱著授為藍翎侍衛。隨達克塔納護送使人

之索倫領催訥卜齊披甲卓多巴著授為藍翎侍

衛。

己未。

上幸萬壽山。

御勤政殿。布魯特阿濟比使人錫喇噶斯等行禮畢。

上召至御座前。

親加慰問。隨

命同蒙古王公台吉及拔達克山等使人入宴。

命陞賞厄魯特獎賞藍翎薩爾泰等有差。

上諭軍機大臣曰。隨侍衛達克塔納護送霍罕使人

之厄魯特獎賞藍翎薩爾泰著授為藍翎侍衛。巴

平定準噶爾方略正編卷之四

酉

爾虎驍騎校三集著戴獎賞藍翎。護送額德格訥

使人之藍翎侍衛恩克濟庫厄魯特藍翎侍衛和

屯俱著授為三等待衛。

庚申。

命叅贊大臣阿里袞回京。

上諭軍機大臣曰。阿里袞久在軍營。著派新柱馳驛

前往更換。俟到日。阿里袞將一應事務。明白交代。

即馳驛回京。

命陞賞回人摩羅莫爾瓚等有差。

上諭軍機大臣曰。回人摩羅莫爾瓚隨達克塔納前

往霍罕瑪爾噶朗安集延等處。頗屬奮勉。著加恩

授為五品。並准戴翎。仍賞緞四端。衣一襲。

諭恭贊大臣舒赫德等辦理漠咱吧爾及鄂對頗拉

特事宜。

平定縣縣志卷之四

圭

上諭軍機大臣曰。據舒赫德奏奉到辦送漠咱吧爾

諭旨。擬以公事調來葉爾羌。再行解送。亦行文阿

桂將伊弟呼岱巴勒氏辦送。昨據阿桂奏酌量情

形。相機辦理。看來此事尚屬易辦。今又據奏阿克

蘇伊沙噶伯克頗拉特密呈回人等聯名文書。訐

阿奇木伯克鄂對過失。請以頗拉特代任。已面斥

擲還等語。回人猜妬擠排。乃其舊習。自當嚴為杜

絕。鄂對果不勝任。亦不當因頗拉特之言。遽行斥

革。且鄂對即因此獲咎。而頗拉特藉端聳眾。希圖

代任之罪。亦應察究。斷無墮其譎計。竟授為阿奇

木之理。鄂對現隨兆惠來京。俟到日。再行詢問辦

理。俱著傳諭知之。

諭巴里坤辦事道員同德查訊捕獲之嗎哈沁等。

上諭軍機大臣曰。清馥奏稱追捕嗎哈沁至莽堪額

平定縣縣志卷之四

圭

爾紀。斗齊已經遁去。獲其妻室。及所屬畢克拉扎

卜等。又招服根敦扎木揚等戶口。送往巴里坤質

訊。若無為匪情事。請送肅州備賞。其扎木揚與弟

持穆爾斗齊屬人達什扎卜留為嚮導。又訊得喇

嘛伊什班珠爾曾勸斗齊逃走。請於巴里坤正法。

畢克拉扎卜等曾盜巴里坤打牲人等馬駝。或即

正法。或解京備賞等語。喇嘛伊什班珠爾畢克拉

扎卜情罪可惡。著同德等訊明正法。其根敦扎木揚所屬人口。著與斗齊家口。一併送京。再斗齊之父。巴圖克勒木。往尋伊子。曾否相遇。清馥亦宜問及。奏內並未聲明。此等情節。俱著同德查審具奏。命調巴里坤綠旗兵九百名。赴烏魯木齊屯田。

上諭軍機大臣曰。安泰奏稱。奉到巴里坤綠旗兵。可否調往烏魯木齊。諭旨。現在烏魯木齊糧石頗屬

平定準噶爾方略正編卷之六

七

饒裕。內地所辦農器。多在巴里坤。所有兵丁九百名。與其在彼守候。即可調來烏魯木齊屯田等語。烏魯木齊增兵開墾。既有益屯田。而哈薩克貿易往來。昨尚諭派索倫兵數百名。駐劄防範。今增調此項兵丁。更足以壯聲威。即照所奏辦理。

辛酉。

上御正大光明殿。陞座

賜朝正外藩筵宴。拔達克山等部落使人皆與宴。命豫備舉行郊

勞典禮。

上諭大學士曰。朕於二月初八日啟鑾。恭謁

東陵。禮成。迴次圓明園。恭請

皇太后安。駐蹕數日。於二十二日啟鑾。恭詣

泰陵。祇謁。計迴鑾時。將軍大臣等。正屆凱旋。即於旋蹕

平定準噶爾方略正編卷之六

六

黃新莊次日。前往郊勞。所有應行典禮。該衙門敬謹豫備。

諭定邊將軍兆惠等。解送回人厄敏都管等來京。

上諭軍機大臣曰。兆惠等奏。前據伯克霍集斯稱。

伊從弟厄敏都管。霍什提卜。會通信霍集占。不可

留於舊地。因將伊等。拏禁庫車。應請旨正法。或送

內地充賞等語。大功告成。厄敏都管等著從寬免

其正法。俟解送京師時。再行請旨。

諭叅贊大臣阿桂等。酌辦伊犁屯田事宜。

上諭軍機大臣曰。阿桂奏伊犁駐防屯田。皆必需辦

理之事。若酌派回人先往屯回。再添駐官兵。增派

回眾。即易為力。請早為調撥起程等語。具見勇往

任事。適據兆惠富德楊應琚等會議本年屯田。恐

已踰期。但可遣兵巡查。已行文各駐劄大臣訖。阿

平定縣志卷之四

九

桂若業經准咨停止。則奉到此旨。亦未必能猝辦

或伊現在辦理有緒。且確見必須屯田。即酌量帶

兵前往。併傳諭舒赫德楊應琚知之。

定邊將軍兆惠等疏。奏續查陣亡官兵。

兆惠等奏言。欽奉

諭旨。因素倫佐領引

見時。詢出佐領格勒車爾尼薩勒圖陣亡名冊。未經

送部交臣等查奏。今據副都統鄂博什等呈稱

二人陣亡屬實。又同格勒車爾在阿魯海擊賊

陣亡。尚有索倫兵十六名。同尼薩勒圖送文遇

賊陣亡。尚有兵十七名。俱係將軍等交代時遺

漏。又副都統阿敏道前往回部。所領索倫兵。查

出被害有名者四十四人。餘丁僕役三人。倘仍

有遺漏。於撤回該管官員處。查明補報。謹造冊

平定縣志卷之四

三

送部。照例請卹。奏入。報

聞。

壬戌。

諭御前侍衛署副都統安泰等。酌調索倫兵丁。

上諭軍機大臣曰。安泰等奏稱烏魯木齊祇有綠旗

兵屯田。其防範哈薩克等。仍須索倫察哈爾兵。請

於葉爾羌等處。調取一百名聽用等語。朕昨已傳

諭舒赫德等酌於回城所駐索倫兵內抽調三百名前往烏魯木齊安泰所請兵數為數尚少著傳諭伊等仍遵前旨辦理

命在京安插回人分歸理藩院內務府管轄

上諭軍機大臣曰在京安插回人內額色尹係公品

級瑪穆特圖爾都和卓係扎薩克應歸理藩院管

轄又樂工匠藝人等共編一佐領其佐領著白和

平定準噶爾方略正編卷之四

三

卓補授歸內務府管轄嗣後續到回人均入此佐

領下

命將解送來京之革職噶雜納齊伯克副總管巴巴

克及其家口人等交內務府與前次解到回人

一體安插

丙寅

諭定邊左副將軍成袞扎布等派兵防範哈薩克

上諭軍機大臣曰成袞扎布奏莫尼扎卜報稱於恰

克圖得俄羅斯文書有哈薩克統眾三萬分三路

侵犯卡倫之語看來此必係俄羅斯虛辭設間若

其事果屬確實伊部落又豈肯通信然亦不可不

豫為準備著策布登扎布馳驛至烏里雅蘇台領

兵赴布延圖防範若宜前進亦即相機辦理成袞

扎布仍駐劄烏里雅蘇台接濟糧餉此行有兵二

平定準噶爾方略正編卷之四

三

千名方妥除派調索倫兵一千名外成袞扎布即

將都爾伯特扎哈沁烏梁海兵丁揀選數百名不

足者以喀爾喀兵充補其馬匹牲隻口糧皆籌酌

辦理又

諭曰烏里雅蘇台軍營需兵防守著噶布舒諾們察

馳驛前往選派呼倫貝爾之索倫達呼里兵五百

名黑龍江墨爾根齊齊哈爾三處之索倫兵五百

名。交署將軍副都統舒泰辦理馬匹牲畜軍器口糧。索倫達呼里兵。向無俸餉。年來効力軍營。甚屬黽勉。著加恩照呼倫貝爾官兵例。賞給一半俸餉。其額數著定為二千名。舒泰即曉諭官兵等知之。烏梁海副管旗章京赤倫病故。

命伊子蒙肯襲職。

上諭軍機大臣曰。成袞扎布奏烏梁海副管旗章京

平定縣縣志卷之四

重

赤倫病故。應否令伊長子蒙肯襲職等語。赤倫患病溢逝。朕心深為軫惻。其副管旗章京著加恩准

伊長子蒙肯承襲。仍戴獎賞孔雀翎。

命賞喀爾喀王策布登扎布桑寨多爾濟各銀一千

兩。車木楚克扎布銀五百兩。二等侍衛納旺銀

一百兩。

丁卯

諭定邊左副將軍成袞扎布等查訊都爾伯特屬人許控事宜。

上諭軍機大臣曰。成袞扎布等奏都爾伯特管旗章京策塔爾等。因其汗索諾木衣布懦弱。而哈屯布尼達喇約束所屬頗嚴。計欲遣回母家。據報差員查訊。俱將哈屯理直。應將策塔爾等治罪。但伊部落向無定例。請將策塔爾等革職安插。其汗哈屯

平定縣縣志卷之四

重

家務。交扎奇魯克齊和通副管旗章京巴顏克什克等辦理等語。成袞扎布等所辦未免姑息。在伊等以布尼達喇乃喀爾喀部落之女。若重治策塔爾等。則有徇庇之嫌。殊不知策塔爾為人臣僕。而威脅其汗。欲逐出哈屯。不法已極。自應從重治罪。或念伊等新附。未知禮法。姑從寬典。亦不可存留舊地。致起釁端。可傳諭成袞扎布即將伊等互許

之屬人。傳齊訊問。將其中不受布尼達喇約束。因而訂讐設計者。著卽解送來京。至其互許供詞。有策凌烏巴什欲叛之語。諒係捏造。成衮扎布卽置若罔聞。方為妥協。其擬派都爾伯特管旗人員。著照所請行。

命派員護送拔達克山等部落使人。

上諭軍機大臣曰。拔達克山等部落歸降。遣使入覲。

平定準噶爾方略正編卷之四

五

朕加恩宴賚。不日遣回游牧。應派員護送。其護送

拔達克山使人。仍著額爾登額索勒屯和卓前往。

再添派明仁巴朗同行。護送霍罕使人。著伍岱阿

布賚三摩羅莫爾贊前往。添派索諾木車凌諾爾

占同行。俟使人等各抵本界。明仁額爾登額巴朗

索勒屯和卓為一隊。賚勅書賜物。前往痕都斯坦。

索諾木車凌伍岱諾爾占阿布賚三摩羅莫爾贊

為一隊。賚勅書賜物。前往布哈爾。頒給各該頭目。令其祇受。

命乾清門二等侍衛納旺等傳

諭曉示哈薩克阿布賚事宜。

上諭軍機大臣曰。納旺熟悉哈薩克情形。著前往宣

諭阿布賚云。我駐劄烏里雅蘇台將軍等。據報有

統眾搶掠烏梁海者。自稱哈薩克部落。或稱係阿

平定準噶爾方略正編卷之四

六

布賚親身統領。將軍等奏請興師問罪。奉大皇帝

諭旨。阿布賚受朕深恩。焉敢妄為。其中恐有別情。

應行查詢明確。又據查獲俄羅斯管烏斯得衣尼

卡倫頭目。寄管雅薩什諾衣頭目書札。內稱哈薩

克統眾三萬。渡伊爾得衣什河。將至烏斯得衣尼。

可將雅薩什諾衣之人。引避附近俄羅斯邊界等

語。其事深屬可疑。阿布賚恭順有加。其屬人來烏

魯木齊貿易者相繼自必不應出此或係俄羅斯
詭詞設間俾我加兵哈薩克以快其意又慮查訊
得實故捏造此書使我不疑情形顯然但哈薩克
游牧從來散處或彼此妄行搶掠不令阿布賚知
悉亦未可定阿布賚惟應據實陳奏自當斟酌辦
理此旨即著納旺詳悉傳諭仍賜阿布賚緞四端

戊辰

命革內閣學士清馥職効力贖罪

平定縣縣志卷之十四

七

上諭軍機大臣曰據清馥奏搜捕逃賊斗齊等因雪
盛迷踪未獲等語清馥前此追賊並未親身前往
惟委之官兵致被賊誘去馬匹又借護送軍營馬
匹為名竟回巴里坤業經部議革職因伊奉到申
飭之旨復行前往是以暫令註冊以觀後效今既
疎脫首犯罪不可追著革職交舒赫德差遣効力

贖罪

庚午

參贊大臣舒赫德等疏奏採辦駐防火藥

舒赫德等奏言查阿克蘇出產硝磺臣曾派回
八十戶採取交納又行文阿桂酌量增派數戶
以供阿克蘇烏什駐防兵丁之用至葉爾羌所
用火藥於沙爾呼勒托郭斯謙採取硫磺以葉
爾羌所產之硝配造其鉛子於和什喇卜製造
和闐所用火藥於克勒底雅取硝於塔克取磺
配造其鉛子於阿克蘇葉爾羌採買製造喀什
噶爾附近產硝亦由沙爾呼勒取磺配造火藥
於特勒克製造鉛子現在各城駐防兵丁共五
千三百名內鎗礮手三百餘名一年所需火藥
約八九千觔即分派各城回人採辦其如何定

平定縣縣志卷之十四

美

價抵補伊等應交糧石。俟次年辦交時酌議具奏。嗣後需用火藥鉛子。停止內地運送。奏入報聞。

辛未。

叅贊大臣舒赫德等疏奏土伯特等部落貿易事宜。

舒赫德等奏言。據薩納珠卡倫送到土伯特使

平定準噶爾方略正編卷之四

无

人達什佳木撮等十人。稱係拉達克汗所遣。齋

書呈送。臣會同大臣官員等傳見。達什佳木撮

云。我係管轄右界五千戶頭目。聞大兵平定回

部。特奉書稱賀。請通貿易。以番緞回帶為費。臣

等宣慰筵宴。訖授以復拉達克汗書。及蟒錦緞

疋。并分賞來使緞布。令其起程。再查現在回部

安靜。其布魯特。霍罕。安集延。瑪爾噶朗等貿易

之人。絡繹不絕。臣等照舊例收稅數次後。回城

伯克等懇告云。舊例收稅稍重。彼時牲隻價賤。

尚不甚累。今逆酋擾害之後。葉爾羌喀什噶爾

羊一隻。價至十餘兩。肥馬一匹。價至五六十兩。

商賈未免觀望不前。祈暫行減收等語。臣等察

看情形屬實。謹擬將回人買來牲隻。十分取一。

暫改為二十分取一。外來商人牲隻。二十分取

平定準噶爾方略正編卷之四

三

一。暫改為三十分取一。其餘皮張緞布。仍照舊

例。則貿易者多。稅課自然豐裕。奏入報

聞。

甲戌。

上御豐澤園幄次。筵宴拔達克山。霍罕。安集延等使

人。

命王公大臣及蒙古王公貝勒貝子等俱預宴。

乙亥。

申諭乾清門二等侍衛納旺曉示哈薩克阿布賚。

上諭軍機大臣曰。據安泰等奏哈薩克阿布賚屬人。

於正月初來烏魯木齊貿易。並獻馬三匹等語。哈

薩克於去冬今春往來不絕。其情詞益為恭順。則

搶掠烏梁海一事。斷非出自阿布賚可知。著傳諭

納旺。即與同行厄魯特侍衛等。速赴烏魯木齊酌

平定準噶爾方略正編卷之八十五

三

派兵丁數名。前往哈薩克。與阿布賚相見時。不得

致令驚疑。可備述前後情節。俾伊即據實查明。委

係何處人等搶掠。一得確信。速行奏聞。

平定準噶爾方略正編卷之八十五

乾隆二十五年二月丙子朔。

賜拔達克山霍罕額德格訥博洛爾齊里克等部落

敕書。

奉

天承運

皇帝敕諭拔達克山素勒坦沙爾遠處邊陲。誠心向

平定準噶爾方略正編卷之八十五

一

化。擒戮逆賊霍集占波羅泥都。呈獻尸首。願以全

部為朕臣僕。又遣額穆爾伯克巴圖爾伯克入覲。

恭順之忱。深可嘉尚。今來使等俱妥善至京。朕加

恩召見。頻申宴賚。以爾擒賊有勞。特賜蟒緞文綺

衣服器什若干。筵宴時。申賜有加。爾其祇受。并賞

來使及從人等服飾器用銀兩有差。從前準噶爾

侵擾爾等部落。今既為朕臣僕。自必加恩撫恤。其

循爾舊俗。以安生理。約束所部。永享無疆之福。至
來使奏稱。爾部落人等。恐以霍集占之故。致啓數
鄰封等語。夫霍集占。負恩悖逆。遠邇咸知。况已就
擒戮。諒鄰部亦未敢妄動。爾向來若與鄰封有隙。
當自行辦理。或果因霍集占啓釁。可呈報駐劄葉
爾羌大臣。俟其查奏辦理。護送爾使之明仁等。仍
有面傳諭旨。爾其知悉。特諭。又

平定準噶爾方略正編卷之五

二

敕諭霍罕額爾德尼伯克。爾遠處邊陲。聞大兵平定
回城。逆賊逃竄。信息。卽募化歸誠。請擒賊自効。遣
使入覲。深可嘉尚。來使等俱安善。至京。朕加恩。召
見。頻申宴賚。賜爾緞疋器什若干。爾其祇受。又賞
來使及從人等服飾器用。銀兩有差。覽爾奏內。有
未盡之詞。俾使人面陳等語。今來使等並無所請。
朕故未有他諭。但爾部落素被準噶爾侵擾。今既

爲朕臣僕。自必加恩撫恤。爾其約束所部。永享無
疆之福。護送爾使之索諾木車凌等。仍有面傳諭
旨。特諭。其

敕諭額德格訥阿濟比略同。又

敕諭博洛爾沙呼沙默特。爾遠處邊陲。聞大兵平定
回部。拔達克山呈獻逆賊尸首。卽募化歸誠。遣使
沙伯克入覲。深可嘉尚。今來使安善。至京。朕加恩
召見。頻申宴賚。賜爾緞疋器什若干。爾其祇受。又
賞來使及從人等服飾器用。銀兩有差。爾部落素
被準噶爾侵擾。今既爲朕臣僕。自必加恩撫恤。爾
其約束所部。永享無疆之福。再代爾入覲之沙伯
克。諸凡妥協。爾其知之。當加以愛惜。特諭。其
敕諭齊里克兆瑪喇特比略同。

平定準噶爾方略正編卷之五

三

丁丑

命賑濟扎薩克圖汗部落。

上諭軍機大臣曰。據扎薩克圖汗部落公拉沁蘇隆巴爾桑扎薩克台吉根敦三都卜呈稱伊等四旗。因值災歉。生計艱難。懇借俸五年。以贍貧人等語。該部落被災。自應官為經理。若借俸以賑。則伊等養贍無資。著派副都統富胤支領庫銀五千兩。馳驛前往。會同該扎薩克等酌量辦賑。以示體恤。

平定漢蒙邊疆通商全

四

庚辰。

諭陝甘總督楊應琚等籌議管馬補額事宜。

上諭軍機大臣曰。閩相師奏。甘肅各鎮備戰馬匹。及兵丁營馬。因陸續撥解軍營。率多缺乏。購覓維艱。請將哈薩克馬匹。買補足額等語。西陲大功告竣。內地營馬。將來無須調撥。而伊犁關展一帶。現議駐兵屯田。皆需馬匹。是以經畫市易。務令有餘。其

甘肅各營額缺。原可徐為補足。不必汲汲於此。今

閩相師所奏。或因哈薩克屢來貿易。遂為籌補營馬起見。抑或該督撫等。僅令各營補額。未為官兵熟計。不知內地馬匹。原以儲備調撥。今新疆既不需接濟。與其收槽充數。又不若立厰孳生。若急於購補。馬價昂貴。兵丁必多賠累。即足額後。終年飼秣。徒耗芻豆。何如即水草以善牧養。於公私均有裨益。著傳諭楊應琚吳達善。據現在情形。妥議速奏。併傳諭閩相師知之。

平定漢蒙邊疆通商全

五

投吉林領催得寶為三等侍衛。賞給巴圖魯號。上諭軍機大臣曰。吉林領催獎賞藍翎。得寶此次軍前甚屬奮勉。而喀喇烏蘇之圍。力護將軍。懋著勞績。著加恩授為三等侍衛。賜號布林巴圖魯。仍賞銀一百兩。

辛巳。

命護軍統領德爾素領兵駐劄回城。

上諭軍機大臣曰。現在葉爾羌喀什噶爾等處領隊

大臣頗少。著德爾素馳驛前往。同豐訥亨領兵駐

劄。

回部公額色尹之弟帕爾薩和卓扎薩克台吉

瑪穆特之子巴巴和卓至京。

平定準噶爾方略正編卷五

六

授帕爾薩和卓為二等台吉。巴巴和卓為四等台吉

壬午。

諭定邊將軍兆惠等借給安插回人口糧事宜。

上諭軍機大臣曰。書山等奏准兆惠等行文將齊凌

扎卜所送回人。經過哈喇沙爾。借給口糧一百石。

照吐魯番公素賚滿所請。於來年收穫時。由伊處

交還等語。辦理殊屬錯悞。兆惠等亦未能籌及。蓋

齊凌扎卜解送回人。若經過素賚滿所駐之地。倘

值缺乏。伊願為接濟。尚屬可行。至哈喇沙爾。距吐

魯番甚遠。且以官項給發回人。而令素賚滿償還。

似專責伊等供應。於理不合。此等回人。既官為安

插。一切自當於公項報銷。著傳諭齊凌扎卜等。卽

以奉旨官給口糧。曉示各降回。仍傳諭兆惠素賚

滿知之。

平定準噶爾方略正編卷五

七

癸未。

諭參贊大臣舒赫德覆奏伊犁派兵屯田事宜。

上諭軍機大臣曰。阿桂等奏稱伊犁屯田。原議今歲

派兵五百名。回人三百戶前往。今與楊應琚相見。

始知將軍等酌議派兵四五千名。回人一千戶。但

阿克蘇回人業經豫備。而庫爾勒等處所派。尚未

辦理。仍俟楊應琚到葉爾羌時。與舒赫德定議等

語伊犁向為準夷腹地。加意經畫。故稽事頗修。今

歸我版圖。若不駐兵屯田。則相近之哈薩克布魯

特等乘機游牧。又煩驅逐。大臣等自當辦理妥協

不可苟且塞責。以圖早歸。看來駐兵屯田。惟當漸

次擴充。今歲且照原議派兵五百名。回人三百戶。

或并此俱行停止。來年再為舉行。則我兵既得休

息。而因人生計。亦稍寬裕。又可量為添派。以漸增

平定縣志卷之五

八

多。此事朕惟責之舒赫德。伊不過於用兵時退縮

至於辦事心細。朕所深知。若果盡心。自能辦理。今

雖命新柱前往協辦。究未熟悉。舒赫德惟視若已

事。辦理妥協。方准其更換。此時應作何辦理。伊前

奏多派兵丁回人。及河船糧運。經朕訓飭。何以尚

未覆奏。俱著傳諭知之。

命駐劄烏魯木齊大臣等會辦屯田貿易事宜。

上諭軍機大臣曰。安泰奏稱。承德現在遵旨回京。其

哈薩克貿易事宜。請令副都統伊勒圖協辦等語。

此奏無庸置議。屯田貿易。皆屬公事。伊等駐劄一

處。自應會同辦理。若謂未經請旨。即不當辦事。乃

推諉拘泥之陋習。假令彼地有嗎哈沁等生發。則

與屯田貿易。俱無干涉。遂可置之不問乎。抑必待

請旨而後辦乎。安泰伊勒圖著傳旨訓飭。昨諭伊

平定縣志卷之五

九

勒圖前往阿克蘇。永瑞仍駐烏魯木齊。即遵前旨

行。嗣後屯田貿易事宜。俱著會同辦理。

丙戌。

諭叅贊大臣阿桂等勦捕嗎哈沁事宜。

上諭軍機大臣曰。五吉奏稱。派往阿克蘇之馬二千

二百餘匹。伊親行解送。於正月二十八日。自巴里

坤起程等語。以阿克蘇現有馬匹駝隻。合之新到

馬匹自足敷用。著傳諭阿桂伊柱豐訥亨伊三人
即選派官兵給以馬匹。搜捕嗎哈沁。務期一舉盡
勦。亦不必過於急迫。惟酌量馬力。奮勉行走。

丁亥。

宣諭清馥罪狀。

上諭軍機大臣曰。據同德等將清馥招降嗎哈沁斗
齊半途脫逃。囑令護送人等。不得據實稟報。捏稱

平定準噶爾方略正編卷之五

十

斗齊打牲他往。未經搜獲各實情。審明參奏。斗齊
乃誑誘官兵馬匹之賊。清馥並未親往追捕。經降
旨申飭。伊始行前往。今詳閱各供。則清馥仍未前
進。不過於巴里坤相距二三程坐候耳。伊前曾奏
稱。不獲斗齊不回。朕方謂清馥畏罪窮追固所宜
然。但無端勞苦官兵。朕實惜之。復諭以前行已二
三月。口糧殆盡。伊即當枵腹從事。斷不得累及官

兵若能獲賊固善。否即將官兵撤回。此特據伊所

奏情辭確鑿。是以諄諄訓及。今觀同德等奏。伊僅

離巴里坤不遠。遷延觀望。則前此所云。不獲賊人

不回之語。非有心欺謾乎。甚至囑令厄魯特等將

賊人半途逃脫情節。諱匿不報。罪無大於此者。今

大功雖成。各處駐劄大臣甚多。若似此效尤。何以

集事。著將同德等奏摺錄寄舒赫德阿桂等閱看。

平定準噶爾方略正編卷之五

十一

前諭將清馥革職。交舒赫德差遣委用。今著就伊
所至之地。審訊明白。伊若服罪。即於該處正法。或
妄行狡辯。可派員看守。解送來京。所有行裝。查明
入官。同德淑寶審理此案。據實參奏。毫無瞻徇。深
屬可嘉。俱著交部議敘。仍傳諭各處駐劄辦事大
臣等知之。
諭參贊大臣阿桂辦送霍集斯家口事宜。

上諭軍機大臣曰。阿桂奏稱辦送霍集斯之子呼岱。伯爾氏同其家口來京。應否將霍集斯兄弟家口。一同辦送等語。著傳諭阿桂。霍集斯家口起程時。將伊兄弟之家口。及同族皆毋庸辦送。

戊子。

諭叅贊大臣舒赫德等。曉示回人。及派兵彈壓各事宜。

平定縣志卷之五

主

上諭軍機大臣曰。阿桂奏稱辦送漠咱吧爾兄弟等。來京時。體察阿克蘇回人伯克等。稍生疑懼。業經出示安慰等語。所見甚是。今仍降旨宣諭。著舒赫德等通行曉示各城。再阿桂奏遵旨派索倫兵三百名。前往烏魯木齊。酌於二月初旬起程等語。阿克蘇等處索倫兵。既行派出。而阿桂等巡查伊犁。又必領兵前往。則阿克蘇之索倫兵益少。現在回

人不無疑懼。亦須彈壓。著與舒赫德酌議。或調葉爾羌索倫兵二三百名。駐劄阿克蘇。或令安泰選索倫兵一百名。由烏魯木齊前往伊犁。阿桂等由穆素爾嶺。與安泰會合。亦甚有益。伊等宜會商妥協。一面辦理。一面具奏。不必候旨。至阿克蘇辦事甚要。阿里袞現在起程回京。可就便暫駐阿克蘇。俟阿桂巡查回日。再行起程。現今新柱往葉爾羌協辦。著海明卽至阿克蘇。阿里袞俟海明到日。再行回京。俱著舒赫德阿桂酌議具奏。

平定縣志卷之五

主

上諭軍機大臣傳

諭駐劄各城辦事大臣。曉示回眾人等曰。昨因烏什回人等許告霍集斯父子苦累部眾。侵漁貢賦。經辦事大臣等具奏。朕以霍集斯輸誠効力。所有過

失皆從前陋習。若遽行治罪。心有不忍。但仍令其管轄所屬。則上下猜嫌。必不能相安無事。卽如準噶爾人等。亦因聚斂成讐。上旣凌虐。下亦憤恨。互相侵噬。以底滅亡。可爲明鑒。因將霍集斯父子優其廩祿。安插京師。而各城頭目。亦自知所懲創。悛改舊習。但恐愚頑無識之徒。因此遂長刁風。撫拾已往之事。公行告訐。或伊沙噶等圖得阿奇木之

平定準噶爾方略正編卷之五

古

缺。或所屬人等。妄生事端。挾制該管。大千法紀。嗣後有似此者。非但不行辦理。仍究明情節。重治其罪。斷不寬宥。爾等知此。惟期上下相安。勤於生業。勉爲良善。永享昇平。尚其敬聽毋忽。特諭。

命核減添設臺站馬匹。

上諭軍機大臣曰。吳達善奏現在官兵凱旋。軍臺文報。及欽差來往。較前簡少。所有口外各臺站續行

增添馬匹。酌量減撤。解赴哈密牧放等語。已降旨如所議行。甘省旣如此辦理。則陝西山西直隸等省。從前添設臺站馬匹。自應一體核減。俾歸實用。著傳諭各該督撫等。令其各就本處情形查辦具奏。

辛卯。

諭定邊左副將軍成袞扎布等確查搶掠烏梁海賊

平定準噶爾方略正編卷之五

圭

人情形。

上諭軍機大臣曰。成袞扎布等奏稱額爾克沙喇莫尼扎卜等詢問被掠脫出之烏梁海等。稱係哈薩克之巴魯克巴圖魯統衆搶掠。未知果否確實。卽同察達克圖布慎等領兵抵哈薩克邊界。捉生詢問等語。搶掠烏梁海一事。須查詢確實。不可輕舉妄動。卽如俄羅斯訛傳哈薩克統衆三萬前來。至

今毫無影響。固情節可疑。而烏梁海等又稱係巴

魯克巴圖魯。則又是哈薩克而非俄羅斯矣。朕前

諭謂或係俄羅斯或係哈薩克。不出所指四端。要

於務得實信。今覽額爾克沙喇等報文。內稱與朕

所指俄羅斯情節相近等語。若稍有附會。或拘泥

辦理。必至歧誤。著傳諭額爾克沙喇等知之。昨諭

莫尼扎卜於查確後前來奏對。仍著察達克同來。

平定縣志卷之五

夫

朕既可悉彼處情形。而伊等亦得承訓示。易於辦

理。

壬辰。

命陞賞三等侍衛塔尼布。

上諭軍機大臣曰。三等侍衛塔尼布在軍前奮勉効

力。著加恩授為二等侍衛。賜號特古斯巴圖魯。仍

賞銀一百兩。

癸巳

諭叅贊大臣舒赫德等和衷集事。毋得推諉貽悞。

上諭軍機大臣曰。舒赫德奏阿克蘇現有索倫兵二

百六十餘名。又於齊凌扎卜所領新索倫兵內。揀

選三十餘名。發往烏魯木齊等語。阿克蘇地方緊

要。今所有索倫兵。既全往烏魯木齊。而阿桂又領

兵巡查伊犁。自應派兵防範。乃舒赫德未見奏及。

平定縣志卷之五

七

若謂伊所駐葉爾羌之兵。不便撥補阿克蘇。則甚

屬錯謬。伊係總辦各城事務之人。自當視同一體

不可稍分彼此。至阿桂亦未奏明巡查伊犁。係派

何處之兵。而阿克蘇以何處兵丁駐劄。自宜辦理

妥協。再烏什雖與阿克蘇相近。仍需大員駐劄辦

事。著舒赫德等酌量辦理。阿桂亦不得因總理有

人遂生推諉。富與舒赫德和衷商榷。以期集事。倘

互相推諉。以致貽誤。朕不獨責備一人也。俱著傳諭知之。

甲午。

諭叅贊大臣阿桂等酌補烏什阿奇木事宜。

上諭軍機大臣曰。阿桂等奏准永慶呈報。烏什之阿
輝伯克等。列款控告霍集斯。并稱葉爾羌噶雜納
齊薩里行走奮勉。若投為烏什之阿奇木。殊屬妥

平定準噶爾方略正編卷五

大

協。隨示以薩里縱可委用。究係本城之人。豈此外
無可勝任者。且補授阿奇木。我等尚不敢專擅。爾
輩何得薦舉等語。阿桂所奏。曉示回人之處。甚是。
薩里曾控告霍集斯。若即投為阿奇木。則奸險之
徒。羣以陷人奪缺為得計。伊果行走奮勉。應再行
酌量加恩。至所奏噶岱默特可勝阿奇木之任。伊
現隨將軍等來京。俟召見後。再降諭旨。

諭定邊左副將軍成袞扎布等辦理哈薩克搶掠烏
梁海事宜。

上諭軍機大臣曰。成袞扎布奏據探信侍衛阿扎喇
稟稱。扎木禪多岳特詢問貿易人等。知哈薩克之
巴魯克巴圖魯。搶掠烏梁海。又有哈巴木拜屬人。
亦稱巴魯克巴圖魯。遇逃走之烏梁海等。掠其馬
匹。牲隻等語。是搶掠烏梁海。係哈薩克之人無疑。

平定準噶爾方略正編卷五

九

已傳諭納旺。令其見阿布賚時。責令拏送巴魯克
巴圖魯。即阿布賚不能擒獲。亦即在哈薩克確訪
其游牧處所。作速奏聞。若帶領新派之索倫兵一
千名。直入擒拏。自可弋獲。著傳諭成袞扎布等。候
旨遵行。

乙未。

諭管陝甘總督甘肅巡撫吳達善等辦理降回。及緝

拿逃犯事宜。

上諭軍機大臣曰齊凌扎卜奏稱伊解送之伯德爾格塔里雅沁烏沙克回人等由阿克蘇至庫爾勒中間脫逃男丁十六名又在吐魯番關展等處落後行走之男婦三十一名口據素賚滿咨現在拿獲二十人由哈密遞解今解至肅州者共七百九十餘名口已交與吳達善等語此等逃走回人務

平定縣志卷之五

三

期拏獲即於本處正法令回人等觀看其已經解送者亦即於所到之地正法併傳諭自哈密至阿克蘇辦事大臣等知之其解至肅州回人吳達善即遵旨分賞官兵毋令聚集一處。

申飭叅贊大臣阿桂等辦理霍集斯屬人事宜

上諭軍機大臣曰定長等奏准阿桂咨查霍集斯有留於吐魯番之人差遊擊達興阿嚴加看守安插

魯克察克又漢咱吧爾從前差往關展購買什物

之人亦行文書山納世通詳查具奏等語大臣等於應辦要務往往畏難而此等毫無關係事件輒瑣屑搜求甚覺過當定長即准咨辦理俱未曉事霍集斯効力軍營尚欲加恩錫爵其安插京師者特恐仍居故地為人所累原以曲示保全故賞給廩祿務從豐厚何必羈其屬人查其什物耶且辦

平定縣志卷之五

三

理此事當明白曉示以霍集斯被人告訐大皇帝念功宥罪安插京師即伊存留之人疑懼逃竄不妨聽其所往而代伊市買之人縱有侵漁亦何必過問阿桂定長俱著傳旨申飭仍降旨曉諭回人等其霍集斯所留之人可自備資谷來京至所查霍集斯家產力能自運則已或有不能則官為幫辦阿桂等即遵照辦理

丙申。

諭喀爾喀副將軍策布登扎布辦理哈薩克搶掠烏

梁海事宜。

上諭軍機大臣曰。昨據額爾克沙喇莫尼扎卜議於

額爾齊斯解凍之前。速往哈薩克邊界。捉生詢問。

又據貿易人等告稱。搶掠烏梁海。係巴魯克巴圖

魯等語。已諭成衮扎布。俟索倫兵至日。令策布登

平定準噶爾方略正編卷之五

五

扎布帶領。前往辦理。但巴魯克巴圖魯。不過小醜。

妄行蠢動。所調官兵。不必急行。富德亦無庸同往。

著策布登扎布於七月初旬。以副將軍統兵。瑪帶

車木楚克扎布為叅贊大臣。相機擒剿。此時仍俟

額爾克沙喇等偵探確實。不可拘泥辦理。

己亥。

授定邊將軍兆惠副將軍富德俱為

御前大臣。

命兆惠富德及叅贊大臣明瑞阿里泰舒赫德俱於

紫禁城內乘馬。

辛丑。

諭陝甘總督楊應琚等。查奏解馬兵丁借欠銀兩。

上諭軍機大臣曰。據莊浪副都統噶隆阿奏稱。軍興

以來。莊浪兵丁。解送馬匹等項。所借銀兩。分作六

平定準噶爾方略正編卷之五

五

年十年扣還者。仍分年坐扣外。又有原任副都統

佛倫接濟兵力。及補買缺額。並添餵馬匹。尚應還

銀一萬六千二百餘兩。懇恩展限扣還等語。甘省

兵丁餒解馬匹。借欠銀兩。曾經黃廷桂查明具奏。

降旨分別豁免展扣。今噶隆阿既有此奏。恐尚不

止。莊浪一處為然。從前黃廷桂如何辦理。吳達善

自必悉其原委。著傳諭楊應琚。吳達善將甘省各

營出兵解馬兵丁借欠銀兩已經豁免者若干。現在分年扣還者若干。未經查奏者若干。逐一查明據實具奏。

壬寅辰刻定邊將軍兆惠定邊右副將軍富德。參贊大臣明瑞巴祿等。振旅凱旋。先是

上命築壇於良鄉城南。將行郊勞禮。二月丙申。

啓蹕恭謁

平定縣志卷之五

書

泰陵禮成。

駐蹕黃新莊。將軍兆惠副將軍富德遣

乾清門侍衛等齋摺恭請

聖安。隨

御製詩一章並

御筆畫幅

賜兆惠富德至是。

親詣行禮。鹵簿大駕前導。軍士鳴螺。饒歌樂作。壇上列燼。

上御吉服。登壇拜

天行三跪九叩禮。將軍參贊隨征將士等。皆甲冑。及王

公滿漢文武大臣。俱隨行禮。禮畢。

上御黃幄。將軍參贊等行禮。以次趨進

御座前。跪行抱見禮。

平定縣志卷之五

書

上撫勞之以

御用朝珠。

親賜兆惠富德。傳

旨賜坐。將軍參贊等列坐西幄。在京王公大臣列坐

東幄。

賜茶。又

賜兆惠富德。

御馬各一匹。乘騎隨行。凱歌樂作。

駕還行宮。將軍等易禮服。

賜將軍叅贊隨征將士新附回部諸伯克及王公大

臣等宴禮成。

御製詩章。勒石紀事。

命巴圖魯頭等侍衛海蘭察莽喀察。巴圖魯二等待

衛瑪格諾爾本厄魯特巴圖魯侍衛齊里克齊

平定準噶爾方略正編卷五

三

巴圖魯藍翎侍衛錫喇庫勒厄魯特藍翎侍衛

瑪勒占俱在

乾清門行走。

授巴圖魯三等待衛烏勒德克為二等待衛。巴圖魯

藍翎侍衛伊登古那木扎爾俱為三等待衛。厄

魯特三等待衛庫庫濟克為二等待衛。藍翎侍

衛碩通為三等待衛。

叅贊大臣舒赫德等。疏奏酌定臺站事宜。

舒赫德等奏言。大兵進剿回部。安設臺站。馳遞

事件。務在迅速。時有大員巡查。俱知勤勉。今各

城平定。自應酌量緩急。俾不糜帑項。亦不悞公

事。查自葉爾羌至闕展。俱有回人居住。伊等善

於步遞。請每臺派回人十戶。兼綠旗兵五名。識

字之健銳營前鋒。或西安兵一名。以六品頂帶

平定準噶爾方略正編卷五

三

署筆帖式管理。每臺馬十五匹。駝四隻。四月至

九月牧放。十月至三月。由各城支給芻豆。其官

兵等二年一換。酌量保送。以示鼓勵。回人等一

體給與口糧。及鹽菜銀兩。於十戶中派出首領

一人。以七品頂帶管理。仍令耕種臺站附近之

地。冬春馬草。卽令其收割。庶馬駝得以休息。餽

運亦皆節省。其葉爾羌至喀什噶爾和闐亦請

照此辦理。奏入。得。

旨。如所請行。

癸卯。

諭叅贊大臣阿桂等。酌辦屯田勦賊事宜。

上諭軍機大臣曰。據阿桂奏稱。伊犁所派屯田回人。及阿克蘇應調之兵。俱已辦理。但須兼辦嗎哈沁。而五吉所送馬匹未到。若坐候。則悞農時。是以每

平定縣志卷之五

天

兵給馬一匹。先行起程等語。阿桂此次辦事。甚屬

勇往可嘉。此時自以屯田為要。俟五吉送馬至日。

再辦嗎哈沁。亦不為遲。舒赫德此時亦抵阿克蘇。

即接收馬匹。派大員加意護送。毋為賊所盜竊。交

阿桂牧放。至秋間搜勦嗎哈沁等。著伊柱達爾黨

阿帶領。阿桂不必前往。惟專辦耕作營造事宜。務

使兵丁回人。樂於從事。昨諭安泰領兵三百名。與

阿桂會合。著即沿途安設臺站。搜捕逸賊。併傳諭

知之。

諭管陝甘總督甘肅巡撫吳達善等。酌辦官兵俘獲

人口事宜。

上諭軍機大臣曰。舒常奏據鄂齊爾告稱。官兵陣前。俘獲男婦。共二百七十餘人等語。此等人口。係官

平定縣志卷之五

天

鄂齊爾請為支給。即明白曉示。以定例所無。不便

奏銷。爾等即自行通融養贍。如不能。亦不妨售賣。

或該處有願買者。即酌為定價。併傳諭舒常知之。

甲辰。

上御正大光明殿。

召哈密扎薩克郡王品級貝勒玉素富郡王品級貝

勒霍集斯貝勒品級貝子鄂對等四十六人。入

見。

親加慰問。

賜章服有差。

恩免德卜特爾卡倫撤回官兵。多支餉銀之半。

上諭軍機大臣曰。據多爾濟奏稱。由噶斯路通伊犁

之德卜特爾卡倫官兵。奉旨撤回。計多領口糧銀

三千兩有奇。已行文該扎薩克追繳等語。官兵多

平定準噶爾方略正編卷之五

三

領口糧。雖應交還。當具奏請旨。遽令追繳。殊屬不

合。著加恩寬免其半。卽諭各扎薩克知之。

乙巳。

申飭請開甘賑事例之布政使蔣炳等。

上諭大學士曰。蔣炳明德奏。甘省近年。間被偏災。請

暫開甘賑事例一摺。所奏非是。現在大功告成。承

辦軍需竣事。其內地歉收各屬。節次加恩蠲賑。平

難。不惜帑金億萬。多方撫恤。辦理就緒。何必於此

時。爲此權宜之計。卽地方實有應行通融籌畫事

宜。亦當聽督撫等據實陳奏。候朕裁酌。蔣炳等竟

不量事體之應行與否。輒冒昧瀆請。所奏不必行。

著傳旨申飭。

三月丁未。

諭叅贊大臣阿桂等辦理伊犁屯田事宜。

平定準噶爾方略正編卷之五

三

上諭軍機大臣曰。阿桂奏稱伊犁河以南。有地名海

努克。與固勒扎相隔一日程途。水土沃衍。請於此

處先行屯種。相其形勢。分立村莊等語。所辦甚是。

俱依議行。果能實心奮勉。次第辦理。則屯田一事。

當錄伊經始之功也。至村莊居住回人。需兵防護。

非尋常屯田處所可比。必固其堡寨。勤其瞭望。庶

藏匿之嗎哈沁及哈薩克等。不敢滋事。至所奏起

程以前。派回人修理穆素爾嶺道路。及將來安設臺站。行知舒赫德酌辦等語。從前準噶爾與回人往來。俱由穆素爾嶺一路。今既屯田伊犁。自應時加修理。其酌派回人。及安設臺站。俱傳諭舒赫德知之。

諭御前侍衛署副都統安泰等。辦理烏魯木齊屯田事宜。

平定縣志卷之五

三

上諭軍機大臣曰。安泰等奏屯田以漸開擴。直通伊犁。自烏魯木齊至羅克倫。擇水土饒裕之地。立四村莊。每莊屯兵八百餘名。委遊擊一員。都司一員。分派雜職等。督課耕種等語。所見甚是。可即勉力善為經理。至設立村莊。尤宜防範盜賊。不可輕忽。所奏官兵四五百人。間有疾病。乞賞給醫士。及藥材等語。著傳諭吳達善於甘肅選良醫二名。并各

種藥材。送至烏魯木齊備用。

命原任巡撫圖爾炳阿。駐劄庫車辦事。

戊申。

上御豐澤園幄次。

賜將軍兆惠副將軍富德恭贊大臣明瑞巴祿及新

附諸回部弁王公滿漢文武大臣等宴。自將軍

至隨征將士。

平定縣志卷之五

三

賞賚銀幣有差。

軍機大臣奏言。臣等遵

旨開列應行賞賚之將軍。大臣侍衛及回人等。進

呈。荷蒙

欽定。計賞將軍兆惠緞六十端。銀六千兩。副將軍富

德緞五十端。銀四千兩。叅贊大臣明瑞。阿里泰

舒赫德。郡王額敏和卓。俱緞二十端。銀一千兩。

叅贊大臣巴祿阿桂郡王品級玉素富霍集斯

貝勒品級鄂對俱緞十六端銀七百兩領隊大

臣副都統愛隆阿由屯溫布鄂博什巴圖濟爾

噶爾瑚爾起端濟布副都統傅景內閣學士溫

福公噶岱默特阿什默特散秩大臣阿奇木副

都統豐訥亨伊柱豐安永慶俱緞十二端銀五

百兩護軍統領努三侍郎永貴厄魯特公袞楚

平定準噶爾方略正編卷之五

音

克俱緞十端銀二百五十兩巴圖魯侍衛扎拉

豐阿塔瑪飛海蘭察諾爾本瑪格占頗圖那木

查爾俱緞十端銀一百八十兩巴圖魯侍衛德

爾森保額爾登額沙津察烏勒德克哈爾吉納

和巴勒圖富彥保英德訥西爾庫爾伊登固伊

薩穆莽喀察鄂里克塔巴爾璋五十保羅托愛

普薩滿珠瑪虎達什齊里克齊克什克圖及賞

巴圖魯號戴孔雀翎藍翎官兵三十六名俱緞

八端銀一百二十兩

御前侍衛敦察圖倫楚

乾清門侍衛傅靈安瑚什達禮善烏三泰科普薩

孟郭勒伊達木扎布二等侍衛達爾黨阿署侍

讀學士和倫及藍翎侍衛五十六員戴孔雀翎

官兵二十五名回部二品三品伯克三員玉素

平定準噶爾方略正編卷之五

謹

富霍集斯子弟俱緞六端銀一百兩叅領署叅

領佐領四員員外郎一員主事三員回部四品

五品伯克十五員及伯克子弟俱緞六端銀六

十兩獎賞藍翎官兵一百十名防禦一員遊擊

二員筆帖式二員獎賞藍翎六品頂帶回人九

名護軍校驍騎校十五員署護軍校驍騎校筆

帖式十三員把總一員俱緞五端銀四十兩前

鋒護軍領催馬甲供事等八十三名俱緞四端銀二十兩其遵

旨酌賞緞疋之大臣官員額駙色布騰巴爾珠爾緞

六十端貝子扎拉豐阿緞四十端內大臣博爾

奔察薩拉爾俱緞二十端護軍統領瑪瑞緞十

二端副都統烏爾登額爾登額散秩大臣噶布

舒俱緞八端侍衛伍岱額訥慎額爾登額索倫

平定縣志卷之五

吳

總管諾璜察三等侍衛烏爾袞保向人鄂斯璜

俱緞六端又賞給將軍大臣官員等荷包各有

差奏入報

聞。

臣等謹按西師

大功告蒞為伊古未有之

盛烈我

皇上神機獨斷以數萬里之遙罔不呼吸立應

睿謨宏遠臣下莫能仰窺萬一而所以收羣策羣力

之效者

握要所存惟以信賞必罰為兢兢故當露布初傳疏

封錫胙之

殊恩應時立沛下此如克一城獲數級自列校以逮

偏伍成勞可錄纖瓊弗遺至策勲飲至時早

平定縣志卷之五

毛

已屢晉崇班頻膺懋賞矣迨乎告成

天

祖親莅

郊壇。

茂典崇隆。

榮施懿樂一時臣民額手藩部傾心咸以為杖杜之

勞還彤弓之覺報莫能逮焉若夫勸忠褒節

酬功卹勞。誼篤蓋臣。仁周陪隸。

奏章燦舉。無一不可以昭示萬世法程。臣等遭逢

聖明極盛之時。備職館垣。得以揄揚未簡。不勝至幸。

嗣是新疆善後事宜。謹依次第條系彙著續

編如左。

平定準噶爾方略正編卷之五

平定準噶爾方略總目錄

第一冊

前編卷一至卷二十六

卷六十八 五二
卷六十九 七〇
卷七十 八六
卷七十一 一〇二

第二冊

前編卷二十七至卷五十四

卷七十二 一二一
卷七十三 一三八

第三冊

正編卷一至卷二十二

卷七十四 一五六
卷七十五 一七四

第四冊

正編卷二十三至卷四十四

卷七十六 一九五
卷七十七 二〇九

第五冊

正編卷四十五至卷六十四

卷七十八 二二五
卷七十九 二四〇

第六冊

正編卷六十五至卷八十五

卷八十 二五五
卷八十一 二七三

第七冊

續編卷一至卷三十二

卷八十二 二九二
卷八十三 三〇九

平定準噶爾方略（正編）

第六冊目錄

卷八十四 三二四
卷八十五 三三九

卷六十五 一

卷六十六 一七

卷六十七 三四